




21820/A

Illegible

E. v

18/e



42600

M. D. H.

NOVA

PATHOLOGIAE

DELINEATIO.



Koninklijke
Bibliotheek
te's Hage.

ROSTOCHII,

EX OFFICINA RÖSENIANA. MDCCLV.





L. B. S.



Quibus abundat medicina,
quin etiam obruta fere
est, institutionibus patho-
logicis præsentēs addens,
num irritum plane inceperim conamen,
penes Te, Benevole Lector, iudicium
esto! Novum appellavi compendium:
non tam propter res, in eodem delineat-
as, exæ namque, si generatim spectentur,
in omnibus ejusmodi libris proponi so-
lent ac debent; quamvis forte, ne hoc

quidem sensu, cognominis penitus sit indignum: sed potius propter materialium selectum et ordinem. Id enim, spero, apparebit perlegenti, me, et quæ huc revera pertinent, singula brevissimis annotasse, et, quæ alterius sunt loci, Pathologiæ meæ non immiscuisse: quod in aliis compendiis plurimis, ne recentissimis quidem nonnullis exceptis, aliter factum video, quorum scilicet auctores, vel generalem doctrinam separatim tradendo, eam mirum quantum extendunt, specialia generalibus et pathologicis varia peregrina, imprimis chirurgica, eaque singula, quod hac methodo fieri aliter non poterat, imperfecte explicata, permiscentes; vel de morbis simplicibus, ceterorum omnium fundamenta

mento, aut p[er]nitus silent, aut in iis enar-
 randis iusto sunt breviores, nec locum
 ipsis debitum facile assignant. Hujus
 saltem opinionis veritatem, mihi visam,
 coepto occasionem subministrasse fateor.
 Quaecunque vero, Lector Benevole, in
 hisce pagellis minus fundata deprehen-
 des, aut omnibus numeris non absoluta;
 id quod in Morborum simplicium Do-
 ctрина, propter antecessorum super ma-
 teria ista penuriam, hac vice mihi, pri-
 mo eandem sic, quemadmodum factum
 est, proponenti inevitabile forte fuit, ut
 eadem corrigas, utque desideranda sup-
 pleas, rogo. In citandis autoribus par-
 cior fui, ac quidem potuissem; si Dis-
 fertationes, paragraphis adjectæ, exci-
 piantur: non enim præsentī instituto adeo

PRAEFATIO.

necessarium censui, illos non raro copio-
siores. Ea interim, quae præstantio-
ribus mox sub initium partim, partim
in progressu sermonis, hinc inde, anno-
tavi scripta, et in his ulterius reperiun-
da allegata, nec non reliqui cuilibet eru-
dito noti fontes, huic satis medebuntur
defectui.

Calend. Sept.
MDCCLV.



CON-



CONSPECTUS OPVSCULI.

Prolegomena

§. I ad 16

Pars I. Pathologia Generalis.

Morborum differentiae §. 17-21. Semei-
otica generalis 22-26. Aetiologia gen.
27-28. Prognosis gen. 29-31. Me-
thodus medendi gen. 32-41

Pars II. Pathologia Specialis. 42

Cap. I. Morbi simplices. 43. 44.

Sect. I. Morbi simplices partium so-
lidarum. 45. 46

Fibrae morbi §. 47-56. Canaliculi morbi
57-64. Partium morbi 65-74. Mus-
culi irritabilitas 75. Vasorum sangui-
ferorum morbi 76-83. Nervi morbi
84. Ossium morbi 85. Viscerum
morbi 86

CONSPECTUS

Seçt. II. Morbi simplices partium
fluidarum 87

Humorum morbi §. 88-92. Chyli mor-
bi 93-95. Sanguinis morbi 96-107.
Liquorum particularium morbi 108-
114. Transpirationis morbi 115-117.
Salivæ morbi 118. 119. Lactis morbi
120. 121. Urinæ morbi 122-124

Cap. II. Morbi compositi 125-134

Seçt. I. Morbi compositi totales 135

Contagium §. 136. Atonia 137. Dolor
138. Spasmus 139. Convulsio 140.
Epilepsia 141. Inflammatio 142-145.
Suppuratio 146. Gangræna 147. Fe-
bres 148-159. Exanthemata 160-165.
Pestis 166. Scabies 167. Lues vene-
rea 168. Scorbutus 169. Hæmorrha-
gia 170. 171. Hydrops 172. 173. Içte-
rus 174. Viscerum induratio 175

Seçt. II. Morbi compositi partiales 176

Morbi capitis §. 177-207. Morbi thora-
cis 208-224. Morbi abdominis 225-
280. Morbi artuum 281-288.

Pro-



Prolegomena.



§. 1.

ANVS dicitur homo, quicumque statu corporis, singularumque ejus partium, fruitur naturali, perfecto, et illaeso; atque eam ob causam functiones, homini competentes, sine impedimento peragit: iidemque effectus, functiones nimirum rite procedentes, necessario sequuntur, quamdiu status partium corporis quarumlibet naturalis sive *sanitas*, ~~con~~ causa, persistit. Quamprimum vero conditio ista perfecta partium turbatur, et functionum integritas cessat, et *morbus* adest.

Sanitas hoc loco in sensu sumitur strictiori, quam vulgaris loquendi mos, in communi vita, eidem saepenumero tribuit.

A

§. 2.

§. 2.

MEDICINA, sanitatem hominis (1) vel conservare integram, vel amissam recuperare docens, præter scientias quasdam præliminares atque theoreticas, in duas potissimum dispesci se patitur partes practicas, et quoad finem præcipuas, *Hygieinen* nimirum, quæ agit de conservanda sanitate, nec non *Pathologiam*, quæ eandem, si fuerit perdita, reducendam contemplatur. Unde, qui duplex hocce exsequi propositum didicit, *medicus* appellari debet.

* *Theoreticis* disciplinis annumerantur *Anatomia*, *Physiologia*, *Materia medica*, *Pharmacologia*, atque *Doctrina de formulis præscribendis*: quæ omnes hanc denominationem potissimum gerunt in oppositione cum practicis supra dictis. Alias scientiæ medicæ singulæ, vel theoretice vel practice sciri possunt. Et quamvis doctrinarum earundem distributionem alii autores aliter, quam hic factum, instituant: quos inter e. g. STOLLIUS in *der Anleitung zur historie der medicinischen Gelahrtheit* ad partes medicinæ theoreticas refert *Anatomiam* cum *Physiologia*, *Pathologiam*, *Semioticam* et *Materiam medicam*; ad practicas vero *Therapiam*, *Pharmaciam*, *Chirurgiam*, *Diætam*: ac *Christ. Gotl. LVDWIG* in *Institut. Physiolog.* §. 46. *Physiologiam*, (in qua ipse autor *Hygieinen* simul docet) *Pathologiam* et *Therapiam* partes dicit theoreticas; medicinam autem clinicam, chirurgicam, forensem, casuisticam.

camque practicas facit : data tamen divi-
sio propterea, quod ipsam pro fundamen-
to habeat definitionem, præferri meretur.

** Nonnulli medicinam in nuda sani-
tatis deperditæ restauratione occupatam
volunt, nec ejus conservationem huc per-
tinere, contendunt, e. g. G. C. SCHELHAM-
MER. in *Art Medend. Universi*. Vol. I. *Propæd.*
Cap. I. §. VIII. Ast vero iidem autores or-
dinarie, ubi de peste agunt, præservandi me-
thodum suppeditant, sicque sibi ipsis contra-
dicunt: et SCHELHAMMERVS Vol. III. Lib.
IV. Cap. I. perfectam valetudinem conser-
vandam docet. Ecquis præterea, excepto me-
dico, homini sanitatis jacturam timenti
recta consilia dabit?

*** Num *ars* sit medicina, an *scientia*
potius dici mereatur, inutilis antiquiorum
fuit disceptatio. Ultimus ipsi tribui potest ti-
tulus, quatenus theoretice addiscitur: prior
autem, quatenus exercetur practice.

**** Restat, adhuc alia, eaque sat
spectabilis, medicinæ pars, *Forensis* nimirum
sive *Legalis medicina*. Ea vero non est, nisi ac-
cessoria; nec proponit, nisi momenta quædam,
ex antea allatis disciplinis medicis collecta,
quorum in specie explicationem, præsentem
cuidam casui peculiari accommodatam, Ju-
dex civilis, ad dirimendas debite, quæ co-
ram ipso vigent, lites, a medicam artem pro-
fitentibus quandoque exposcit. *Chy-
mia* præterea, atque *Botanica*, nec non
Historia naturalis, licet insignem medico
præbeant usum, inter Theoreticas medicinæ
partes non enumerantur, sed pro penitus
separatas habentur, quoniam, quæ ex iis-

dem medicina sibi vindicat in Materia medica atque Pharmacia acquiscuntur.

I ***** Obiectum medicinæ est corpus humanum, non vero brutorum: quamvis et in his fundamenta medica, occasione data, quam utilissime achibeantur; maxime in animalibus perfectioribus, idque propter structuræ partium corporis analogiam. Non homo tamen huc referendus est, quatenus vivit, id enim, vitæ nimirum simul præsentis necessitas, sponte liquet: sed quatenus sanitatis jacturam vel timet, vel jamjam experitur.

§. 3.

Mediorum, quibus ad obtinendum finem medicina utitur, tria adsunt genera: rerum scilicet, nonnaturalium quibusdam dictarum (27, ***), sive eorum, quæ ad nutriendum et conservandum corpus spectant, moderatio atque usus legitimus, quem *Dieta* proponit; porro medicamina externa, et instrumenta varia, quorum electionem atque applicationem congruam *Chirurgia* docet; tandemque interna medicamenta, ad *Pathologiam medicam*, sive *Medicinam strictius dictam* referenda.

* *Medicamenta*, id est, secundum principia Materiae medicae, corpora ea naturalia, quæ, humano corpori communicata, ipsius statum mutandi atque meliorem reddendi facultate gaudent: quæque opponuntur par-

tam *venæ*, corpus itidem mutantibus, æst et simul deterius, quam antea erat, red-
 dentibus; *partim alimentis*, quæ non tam
 mutant corpus, quam potius succos defi-
 cientes refarciunt: quando ad conservandam
 sanitatem adhibentur, non considerantur
 tanquam medicamenta, status namque sa-
 nus corporis, in meliorem evehi, quod hæc
 ipsa, qua talia, semper faciunt, nequit;
 sed nude habentur pro alimentis; quæ inter
 alias jamjam, imprimis si ex vegetabili re-
 gno desumpta perlustrentur, varia quoti-
 dianæ usui culinari inserviunt, mutatis as-
 sumendi genere, dosi atque intentione, fa-
 cillime ad classem medicamentorum tran-
 seuntia, prouti id de petroselino, majorana,
 sinapi, pipere, cinamomo, cepa, totque
 aliis, facili negotio patet. Ad generosiora
 interim alimenta eadem tunc esse referenda,
 haud difficulter perspicitur.

•• *Chirurgia*, in quantum sanitati con-
 servandæ studet, partem constituit *Hygienes*:
 in quantum vero morbis medetur, ad *Pa-
 thologiam* referenda est. Hujus interim artis
 ambitus id jam dudum effecit, ut, tanquam
 separata a reliquis medicinæ partibus doctri-
 na, in peculiaribus absolvatur libris, adeo-
 que pro speciali medicinæ parte practica
 habeatur. Hi ipsi ergo autores chirurgici
 de remediis externis, quæ quippe penitus
 non sunt hujus loci, reliquisque ad chirur-
 giam spectantibus, ulterius consulendi ve-
 niunt.

§. 4.

Medicinam, quoad primam ejus originem, maxime quoad medicamentorum, viriumque eorundem, cognitionem *casui fortuito debere ortum*, ipsa res, et communia scientiarum humanarum initia docent. Eandem quoque *non nisi successive majus acquisivisse incrementum*; atque ad illum, quo hodie gaudet, præcellentiae gradum, non nisi paulatim esse evectam, antiquissimorum librorum cum subsequētibz singulis, ad hodiernos usque, comparatio testatur.

Antiquissimis temporibus ægroti in viis publicis palam exponebantur, ut prætereuntes, a similibus forte morbis sanati, consilium suppeditarent. Temporis successu medici aderant, quos inter primus refertur AESCULAPIUS, in arte sua adeo præclarus, ut post mortem in Deorum numerum reciperetur, inque ipsius honorem templa exstruerentur. Hujus posterī, in iisdem templis et sacerdotio fungebantur, et simul medicinam faciebant: atque, qui medica ope indigebant ægroti, templa adibant, ut, per insomnia maxime, auxilium quærerent. In his, aliisque ejusmodi, templis sanati subinde tabulam erigebant votivam, cui et morbus et medela erant inscripta: donec tandem alii accederent medici, ægrotos quoslibet in ædibus propriis visitantes, atque sic *medicinam* introducētes *clinicam*. Primi interim medici morbos tantummodo externos tractabant, internæ vero ægritudines

nes ad iram Deorum immortalium tranſfe-
rebantur, donec et horum medicina tan-
dem innotueret. Vid. CELS. *de Medicin.*
Libr. VIII. in Præf. *Libr. I.* Joh. Henr.
SCHULZ. *Compend. hiftoriæ medicæ.* Herm.
CONRING. *Diff. de Incubatione in fanis Deorum*
medicinæ cauſa olim facta. Reſp. Henr. Mei-
bom. Helmſt. 1659. Carol. Frid. HUNDE-
MARK. *Diff. de artis medicæ per ægrotorum*
apud veteres in vias publicas et templa expoſitionem
incremento. Reſp. Joh. Benediſt. Carpoz. Lipſ.
1739.

§. 5.

Medicinæ cognitionem ſibi comparatu-
rus, ut a Theoreticis ejusdem partibus ex-
ordiat, methodus ſuadet. Iſque optime ſi-
bi conſulit, ſi omnium primo ex *Anatomia*
ſtructuram corporis humani ejusque partium
addiſcat: deinde, *Phyſiologia* viam monſtrante,
harum partium uſum et agendi modum per-
luſtret: poſthæc et corporum naturalium,
quæ ad rem medicam ſpectant, eorum præ-
parationem, ac præſcriptionem, e *Materia me-*
dica, *Pharmacologia*, atque *Doctrina de formulis*
medicis componendis hauriat. Atque tum de-
mum, finita hac præparatione, partes adeat
præcticas.

* Antiquiores nonnulli, initium in do-
cenda medicina facientes a Phyſiologia, hanc
reddunt inſtituti rationem, quod ante om-
nia ſinis medicinæ, ſive ſanitas, quam Phy-

siologia, ex mente eorum corpus sanum pertractans, deregit, notus esse debeat: vid. e.g. SCHELHAMMERUS *antea cit.* Quis vero est, qui perspicere non valeat, sanitatem, id est, secundum hosce autores, actiones hominis sani, nullatenus posse explicari aut concipi, absque prævia structuræ partium corporis, quam Anatomia ob oculos ponit, eaque intimiori, cognitione? Unde et ipsi hi autores physiologicis suis positionibus anatomica varia, sed imperfecta, miscere coguntur.

** Præter disciplinas prædictas præliminaries, quarum cognitione medicus carere absolute nequit, alia adhuc restant, quas didicisse antea, et supradictarum studium maxime faciliat, et ad bene esse facit; *philosophia* nimirum, *mathesis* atque *physica*, et variarum gentium *linguæ exoticæ*: quarum singularum usus, medico futuro insignis, sponte patescit. Priores jam antiquitus adeo arcte cum medicina connexæ sunt creditæ, ut inde proverbium vetus fuerit enatum; *Ubi desinit physicus, ibi incipit medicus*. Linguas vero exoticas callens, varia, quæ gentes exteræ vernacula lingua edunt, selecta intelligere valet, nec in alterius interpretatione, cuiusmodi laborem toties minus accurate confectum experientia testatur, acquiescere, aut inventa penitus intacta relinquere, cogitur. Arabica interim lingua, astronomia, aliisque nonnullis, quæ simul commendat CONRINGIUS in *Introduc. in art. med.* Part. Post. supersedere hodie medicus poterit facilius, quam quæ idem autor, pariter ac alii, eandem

mate-

materiam commentati, de decore externo, taciturnitate circa morbos celandos, remedium generosiorum cauto usu, evitandis rixis cum sodalibus, calumniisque vel clandestine vel aperte divulgatis, etc. monet. His ultimis, id est, vitandis, jungi etiam meretur uroscopii abusus, ceteraque adhuc, quæ abunde castigaverunt ECKHARD *im medicinischen Maul-affen*. E. G. KURELLA *in der Entdeckung der maximen ohne Zeitverlust und mühe ein berühmter und reicher Arzt zu werden*. Phil. Sam. HORN. in *Diff. Epistol. de Neo-medicorum quorundam ineptis, perversis, et dolosis famam ac ægrotantium favorem sibi comparandi mediis*. Gryph. 1748. varique insuper alii.

*** Vid. Frid. HOFFMANN. *Diff. de Anatomies in praxi medica usu*. Respond. Joh. Anton. Dern. Hal. 1707. Laur. HEISTER. *Diff. de Anatomies subtilioris utilitate*. Resp. Joh. Carol. Hahn. Helmst. 1728. Joh. IUNCKER. *Diff. de Usu Myologiæ medico*. Resp. Georg Dan. Bæssel. Hal. 1730. Joh. ISOARD. *Quæst. Med. Suntne habiliores ad artem medicam, qui imaginatione præpollent?* Resp. Joh. Jac. Belletesle. Neg. Paris. 1736.

§. 6.

Autorum, medicam in scriptis suis scientiam proferentium, insignis nostro ævo reperitur numerus. Qui omnium est antiquissimus, ideoque *medicinæ parens* a nonnullis salutatus, HIPPOCRATES, natione Græ-

cus; eumque explicans Claud. GALENUS; atque, hoc ultimo aliquantum antiquior, Aur. Corn. CELSUS, gen^{te} *Latinus*: licet tanta hodie, qua olim, autoritate non amplius floreat, nec propter maxime auctos inde ab eo tempore anatomiae profectus, hodiernae medicinae æquiparari queant: suis tamen in artem medicam meritis longe superant, qui eosdem ordine excipiunt, *Arabes* et *Latino-barbaros*.

Recentioris ævi, cujus initium cum fine Seculi P. N. C. XVti et principio Seculi XVIti coincidit, autores, propter diversas suas hypotheses, pro parte e Philosophiâ desumptas, inque medicinam introductas, in quatuor classes generales dispesci commodè possunt, quaslibet tamen in alias iterum specialiores abeuntes. *Galenici* ex iisdem dicuntur ii, qui, antiquioribus temporibus proximi, uti Aristotelico-scholasticæ philosophiæ, sic et Galeni placitis medicis, subscripserunt, e. g. LEONICENUS, FRACASTORIUS, MANARDUS, Jac. SYLVIVS, BOTALLUS, Leonh. FUCHSIUS &c. quo etiam referendus adhuc est antea commemoratus SCHELHAMMERUS. Horum adversarii, *Chymici*, præeuntem habuerunt THEOPHRASTUM PARACELSUM: hucque pertinent, Joh. Baptist. AB HELMONT, Franc. DE LEBOE SYLVIVS, aliique. *Stabliani* præceptorum G. E. STAHLIVM secuti sunt, e. g. Mich. ALBERTI, Joh. JÜNCKERUS, &c.

E *Mechanicis* tandem, cujus sectæ maxima hodie est autoritas, Frid. HOFFMANNUM, Herm. BOERHAAVIUM, hujus ultimi commentatores, Alb. HALLERUM ac Gerh. a SWIETEN, itemque Laur. HEISTERUM, nunc adduxisse sufficiat. Singulos eosdem, reliquosque autores medicos, et quæ præterea spectant ad historiam literariam medicam, e recentioribus præ aliis uberrime tractant jam citatus Gotl. STOLLIUS in *der Anleitung zur historie der medicinischen gelahrtheit*, et Christ. Guil. KESTNERUS in *Bibliotheca medica*.

Mechanicæ medicinæ præ reliquis antecellentiam nupere demonstratam dedit Laur. HEISTERUS in *Diff. de Medicinæ Mechanicæ præstantia*. Resp. Joh. Petr. Sparward. Helmst. 1738. ut et Andr. Carol. GROSSE *Tract. qua sistitur Verum universæ medicinæ principium in structura corporis humani mechanica repæriundum*. Hal. 1732. 4.

§. 7.

Medicina fundamento innititur duplici, *experientia* et *ratione*. Prior, quæcunque de morborum circumstantiis ac eventu, de medicamentorum viribus, reliquisque in medica arte cognitis, nunc innotescunt, reiteratis detegit exemplis: et quemadmodum ea sola antiquissimam primamque medicinam constituerebat; ipsique postmodum secta Empirica

pirica unice operam navabat, sic hodie adhuc non nisi hac de novorum inventorum valore decidit. *Altera* deinde accessit: dum temporis progressu, et post collectas observationes sufficientes, procedere ulterius, ac in phænomenorum causas inquirere coeperint medici, in eumque finem dogmata varia cum medicina miscuerint. Ambæ conjungantur, necesse est: quoniam neque experientia sola, neque hypotheses unice, medicinam absolvunt.

* *Experientiam esse duplicem, alienam atque propriam, aliunde constat. Ultimam, quæ aliorum asserta confirmat, quilibet medicus observationibus propriis sibi comparat; estque consultum, ipsi studere, quoniam varia adhuc indaganda restant, atque observationibus aliorum haud raro debita integritas deficit. Danda tamen simul est opera, ut experientia hæc, ad quam toties medici, seniores præsertim, licet frustra quandoque, provocant, rite et secundum leges sit comparata: nec forte contrarietur rationibus solidis, in hoc ultimo quippe casu dubia semper et manca restans. Prior ex aliorum inventis, librorumque lectione hauritur: nec sua destituitur utilitate magna, cum impossibile sit homini, ut unicuique omnia ipse observet.*

** *Empirica secta olim, teste CELSO exinde, quod, relictis ratiociniis, totam in observando id, quod sensus detegebant, artem poneret, Dogmaticis sive Rationalibus medicis*

dicis, in morborum causas ac medicamentorum vires inquirentibus, opponeretur: a quibus omnibus iterum secedebant *Methodici*. Hodie vocabulum, Empiricus, non tam denotat medicum, cujus scientia soli experientiae est superstructa, sed potius agyrtam, id est, talem, qui sine praegressa instructione debita medicam artem exercet, experimenta per mortes hominum instituens, uti habet vericulus:

Fingunt se medicos, quivis idiota, &c.

De his ultimis Vid. Guil. Hulder. WALDSCHMIDT, *Diss. de Ignorantia et nequitia Empyricorum*. Resp. Jerem. Müller. Kil. 1692.

*** *Hypothesium* amor in medicina facile noxius sit, quando iis imbuta mens phaenomenorum causas sine ratione sufficienti stabilire conatur, nec hypothesi veritatem e phaenomenis dijudicat, sed contraria potius ratione procedit. Interim nec *syncretismus medicus* magni aestimatur: et teste experientia, medici hypothesin receptam omni conatu defendentes varia utilia in medium protulerunt; atque sic, accidentaliter, hypotheses arti medicae non plane fuerunt inutiles.

**** Vid. Polycarp. Gottlieb. SCHACHER, *Diss. de recto rationis atque experientiae usu in praxi clinico-forensi*. Resp. Christian. Sigism. Eysfabrt. Lips. 1723. Joh. JUNKER, *Diss. de nonnullis ad Syncretismum medicum facientibus*, Resp. Aug. Guil. Becker. Hal. 1737.

§. 8.

Cum experientia atque ratione suffulciatur medicina (7), tantum abest, ut incerta ac nude conjecturalis dici mereatur, quemadmodum medicorum adversarii sine fundamento objiciunt: ut potius arti huic tanta, quantam pro conditionis ratione habere, quantamque quilibet, æquitatis amans, jure meritoque postulare potest, hinc possibilis quælibet, ipsique competens, *certitudo* denegari nequeat. Atque id præ ceteris de medicina, qualem mechanici medici profitentur, quæque ad explicanda phænomena et structuræ partium et principiis mathematicis, ubicunque hæc ultima habent locum, innititur, valeat, necesse est, cum illis certiora non dari fundamenta, hodie credatur. Hæc autem de arte ipsa intelligenda sunt: quod enim attinet ad individua, artem exercentia, ea singula æqualem eruditionis, hinc et certitudinis in arte sua, imprimis exercenda, gradum non attingere, in hac disciplina, pariter ac in aliis quibuslibet, facile conceditur.

* De medicinæ certitudine diversa habentur scripta, aliis hanc, aliis contrariam propugnantibus opinionem. Varia eorundem collegit STOLLIVS *libr. cit. Part. General. §. IV.* E medicis, qui artem suam incertitudinis accusant, plurimi CELSUM consentientem adducunt, quia is, *quod medicina sit ars conjecturalis*, testatur, Vid. *Ej. de medicin. Libr. VIII. Libr. I. Præm. pag. m. 13.* Verum enim vero ejusmodi effata, posito

sito, quoad de vera quadam et intrinseca artis incertitudine sint intelligenda, hodie nihil probant: et quoad CELSUM in specie, præterquam quod ipsi vocabulum *conjecturalis* cum *incerto* non sit unum idemque, uti contextus probat, distinguendum erit inter medicinam, qualis fuit antiquitus, et qualis nunc est. Ea quoque argumenta, quæ de medicorum inter se invidia, altercatione, contemptu, aliisque vitiis, atque commissis ab iisdem in medendo erroribus, ad probandam artis incertitudinem mutuuntur, hanc non probare, cum artem ipsam penitus non tangant, quilibet facillimo perspicit negotio.

** Prædicta ambo probandi medicam artem fundamenta atque modi, ratio scilicet experientiaque, certitudinem medicinæ non modo in genere patefaciunt, sed et hæc ipsa certitudo in disciplinis, quæ artem componunt, singulis in specie eodem duplici fulcro, aut saltem alterutro, stabilitur. *Anatomia* enim certitudinem ocularis inspectio probat. *Physiologia*, in quam plurimis punctis, mathematicas admittit demonstrationes: ac præterea experimentis innititur, toties reiteratis. *Dietæ* leges, nec non *Medicamentorum* vires, diuturna confirmavit experientia. *Morborum signa* vel in sensus incurrunt, vel per effectus, quos edunt, iidem dijudicantur, adeoque satis sunt certa: *causæ*, modo ager quasdam earum studio non celet, sufficienter detegunt: *prognosis*, si intra limites determinatos se contineat, suas habet notas, non facile deceptrices: uti hæc ultima e sequenti-

bus

bus apparebunt. Alia interim est quæstio num *infallibilis* sit medicina? num singula eius capita, et singula ~~phenomena~~ *phenomena* medica, *mathematice demonstrari* queant? num adeo *perfecta* sit, et omnibus numeris absoluta, ut nil amplius addendum restet? num *tantas* medicamenta possideant vires, ut *finis* primarius, id est, *sanitas*, *semper* acquiratur? Hæc talia namque nullus unquam artis defensor affirmavit, aut affirmabit impofterum. Varii enim dantur morbi, per se et sua natura incurabiles; multa subinde ægroti, adstantium, imo et medentium, erroribus depravantur; quæ igitur accidentali cuidam incertitudini ansam præbent: medicamento- rum quoque vires, si debite examinentur, sæpius debiles satis deprehenduntur; ac nonnullorum ex iisdem actiones sola experientia suffultæ, explicari nulla ratione possunt: quæ singula tamen certitudini medicinæ nil quicquam officiunt. Quod vero attinet speciatim ad demonstrationes mathematicas, quamvis ipsæ omnium certissimæ credantur, nec adeo raro in medicina adhibeantur, attamen eas nullatenus esse unicum comprobandæ rerum certitudinis medium, singulas potius artes suo gaudere argumentandi modo proprio, æque certo, ac in mathesi (licet modus iste ab eo, quo hæc ipsa utitur, differat) historiæ, easque probandi methodus evincit: adeoque et medicina, quamvis hinc inde rigidioribus demonstrationibus destituatur forte, æque parum est taxanda, ac mathesi vitio verti potest, quod non eadem, qua in historiis, ratione theses ipsius omnes probentur.

*** Vid.

*** V. H. Joh. Gothofr. BERGER, *Diff. de Certitudine medicinae*. Resp. Rudolph. Aug. Held. Witt. 1706. Georg. Gottlob. RICHTER, *Diff. de medicina, firmis certisque fundamentis innixa*. Resp. Georg. Franck. Kil. 1722. Joh. IUNCKER, *Diff. de Certitudine medicinae in genere*. Resp. Franc. Henr. Heidsieck. Hal. 1743.

§. 9.

Medicina, junctim sumpta, prouti hodie exercetur ejus praxis, e tribus componitur partibus, totidem artes separatas nostro ævo repræsentantibus. Altera ejus portio, quæ in remediorum præparatione est occupata, ad *Pharmacopolas* transiit. Alteram, quæ externorum potissimum morborum gerit curam, *Chirurgi* sibi vindicarunt. Ultima, internis morbis suppetias ferens, medicina strictius nuncupata, aut medica praxis, *medicis* proprie dictis residua permansit. Primis e contrario medicinae temporibus omnia fuerunt combinata; adeoque, inter veteres non modo, uti nunc fit, formulas composuit medicus, a pharmacopœo conficiendas; sed ipse simul medicamenta præparavit, præparataque ægrotis porrexit, ac præterea vulnera deligavit. Cum vero ægrorum multitudo medicis, tunc temporis parce obvenientibus, nimios crearet labores, hi amicis suis, imo et servis, auxiliatricem

B

porri-

porrigentibus manum, labicium quandam portionem relinquere coacti fuere, qui deinde, magistrum deferentes, ipsi medicinam fecerunt, et quidem singuli eam in specie partem, quam didicerant. Atque hinc, medicis sub initium vel conniventibus, vel rem negligentibus, vel prohibendi facultate sufficienti destitutis, medicinæ enata est in plures artes divisio.

* Hæc sine dubio est causa, cur apud Romanos olim medicinæ conditio aut revera fuit servilis, aut fuisse creditur. Ceterum, propter damnum exinde, plus uno ex fundamento, in medicos redundans, varii autores de conjungendis denuo artibus dictis cogitarunt e. g. Andr. Ottomar. GOELICKE in *Diff. de Mutilo medicinæ corpore resarciendo, per Chirurgiam et Pharmaciam postliminio revocandas*, alique: quamvis propositi executionem completam præsens rerum publicarum status reddat impossibilem. Interim hodierno medico adhucdum necessitas suadet, pharmacix pariter atque chirurgix notitiam, theoreticam ad minimum, habere, quo tam pharmacopœis, quam chirurgis, postulante id casu, imperare, eorumque operationes dirigere valeat: nec, harum scientiarum plane imperitus, spectatoris tantummodo vices gerat, atque sic, qui superior debebat esse, ipsis fiat inferior.

** Cum igitur nunc jam artem, a medicina strictius dicta separatam, atque ideo specialem, constituat chirurgia: Pathologia, quæ

quæ ad præteritum refertur, proprie non explicat nisi morbos internos. Hinc quoque *in præfenti compendio*, licet varia eorundem, quæ proponuntur, facillimo negotio externis sive chirurgicis morbis adpropriari etiam queant, imo et haud aliter in hisce se habeant, *non nisi morbi pertractantur interni*, ii nimirum, qui aut partes corporis internas male habent, aut interne assumendis medicamentis, vel solis, vel tanquam præcipuis, oppugnantur: chirurgicorum vero morborum, quibus scilicet externa potissimum media medentur, explanatio auctoribus, hanc artem in specie tractantibus, relinquitur (3, **)

§. 10.

DIAETAE regulæ, in quantum huc spectat illa, sequentibus fere præceptis absolvuntur generalioribus: *Aër* ambiens temperatus sit, et purus, neque calore aut frigore molestus, neque vaporibus putridis aut aliis noxiis inquinatus. *Alimentorum*, quotidie assumendorum, quantitas corpori, absque aggravatione nutriendo, proportionata eligatur: hinc tam esculentorum, quam potulentorum, dosis detur sufficiens, aut insimul copia non excedens; et mediocres, eæque reiteratæ, portiones rariori, eodemque tempore pleniori, nutritioni anteponantur. Ratione qualitatis illa singula bonæ sint notæ, et vitio vacuæ. Quoad selectum

vero diuturniori consuetudine ac vitæ generi, laborioso imprimis, tuto aliquid conceditur : interim tenerioribus debilioribusque personis ea potissimum conveniunt, quæ cum minori concurrentis ventriculi labore in chylum laudabilem digeruntur. *Animi pathemata* vehementiora evitentur. *Somnus ac vigilia*, nec non *motus et quies*, duratione atque vicissitudine, mediocritatem, pro viribus corporis, temperamento, ætate diversa, observent singula. Sic quoque, quæ corpus *excernere*, ac quæ *retinere* debet, modum nunquam excedant. Quodsi tandem casus quidam obveniens strictam regularum dictarum observationem impediat, ut tantum earundem, quantum possibile, observetur; quicquid vero neglectum, aut aliter factum, quantocius in ordinem reducatur, necesse est.

* Ulteriore dicti explanationem autores varii Diætetici suppeditant. Ceterum hocce medii genus nonnulli antiquissimorum medicorum tanti habuerunt, ut solo victu mederentur, *diætetici* propterea nominati, referente CELSO, *loc. cit.*

** Quæcunque de aëre puro allata sunt, de *vestimentis* quoque, *lecto*, *suppellectili*, etc. intelligantur.

§. II.

E MEDICAMENTIS, quibus ad exsequendum propositum medicina strictius dicta

dicta (9) utitur, *Roborantium*, quæ motum partium solidarum augere sunt apta, nomine veniunt *amara*, e. g. absinthium, centaureum minus, radix gentianæ, &c. *gummata*, e. g. benzoe, mastix, olibanum, succinum, &c. *balsama*, tam naturalia, quam arte facta, e. g. ambra, balsamum copaivæ, de mecca, peruvianum &c. *aromaticarum* plantarum partes, e. g. angelica, levisticum; radix acori, ostrutii; cortex citri, aurantii; lignum juniperi, sassafra; herba melissæ, menthæ, ruthæ, pulegii; folia dictamni cretici, lauri; flores liliorum convallium, salviæ, sambuci; semen anisi, anisi stellati, carvi, coriandri, cumini, foeniculi; baccæ lauri, &c. &c. vinum quodvis: *aromata*, e. g. cardamomum, cinamomum, cubebæ, galanga, macis, moschus, zedoariæ radix, zingiber, &c. præterea *acria mitiora*, e. g. radix ari, pimpinellæ, pyrethri; herba recens beccabungæ, cochleariæ, nasturtii; raphanus rusticanus recens, flores violarum recentes, semen sinapi, &c. tandemque *volatilia*, e. g. spirituosâ fortiora cujuslibet generis; sal cornu cervi, succini, viperarum volatile; spiritus cornu cervi, salis ammoniaci, &c.

Relaxandi e contrario, sive motum fibrarum imminuendi, virtutem exercent *mucilaginosâ*, e. g. lac animalium; saccharum; radix altheæ, poeonæ, scorzonæ; herba

malvæ, scabiosæ, tussilaginis, ^Mverbasci; flores papaveris erratici; semen cydoniorum, foenugræci, psylli; semina quatuor frigida dicta; avena, hordeum; amygdala dulcia, pineæ, caricæ, dactyli, jujubæ, sebesten, filiqua dulcis; gummi sarcocollæ, tragacanthi; rasura cornu cervi, eboris; &c. *oleosa*, e. g. axungiae recentes, anseris, canis; olea recens expressa, amygdalorum dulcium, olivarum, nucum; lactis cremor, butyrum, medulla ossium, sebum cervinum, hircinum; sperma ceti; &c. atque *anodina*, flores chamomillæ, castoreum, crocus, semen papaveris album, opium Thebaicum, &c.

* Medicamenta quævis non modo solida corporis aggredi, sed et in fluida agere simul: non vero æquali robore in utraque procedere, sed primario ac immediate vel solida tantum, vel fluida tantum mutare: ea, quæ solidas partes præcipue aggrediuntur, propter communem intimamque partium corporis connexionem, etiam agere mediate in fluidas, et vice versa: porro, medicamenta tantum non omnia, præter virtutem principalem, roborantem, relaxantem, &c. aliam adhuc, eamque accessoriam et minus principalem, sive unicam talem, sive plures, obtinere: nec non medicamentis, duplici aut multiplici virtute instructis, si scopo medentis non nisi unica earundem virium opus sit, aliud addendum esse medicamen, superfluum prioris virtutem destruens; tandem, medicamenta non modo

modo in genere vel *mitius*, vel *fortius* operari, sed etiam ad eandem classem relata, virtutis gradu maximopere a se invicem differre; imo et quoniam mitius in quantitate majori, et contra ea fortius in dosi refracta, ratione vehementiæ agendi conveniunt, alterum alteri, urgentibus circumstantiis, substitui posse: denique, singula eo certius et efficacius vim suam manifestare, quo propius partem, in quam agere debent, attingunt: reliquaque huc pertinentia, quorum hoc loco nulla fit mentio, e *Materia medica* atque *Doctrina de formulis componendis* cognita supponuntur. Ea namque, quæ hic prolata prostant, eum tantummodo in finem e *Materia medica*, quorsum hæc omnia pertinent, adducta sunt, ut, quæ sequuntur, et brevissimis dici, et sufficienter intelligi queant.

Cum etiam præsentis tractationis scopus primarius sit medicina strictius dicta (9): hinc *medicamenta jam commemorata*, et in proxime sequentibus adhuc adducenda quævis, esse interna, sponte sequitur: atque, quæ in ipsa tractatione expressis verbis commendantur externa, iis exceptis, quæ forte nominatim adducta simul prostant, e chirurgicis autoribus esse haurienda; uti jam monitum est.

** E roborantibus prædictis, acria mitiora et volatilia, *fortius* ceteris agunt; unde et *irritantium* nomen gerunt. E relaxantibus quoque mucilaginosæ et oleosæ virtutem longe *mitiorem*, quam anodina, exserunt.

Roborandi etiam virtute gaudent *adstringentia* (12), *acida* (13), *inciden-*

ria (14), et *attenuantia* *strictè dicta* (14).
Relaxationem vero *mitissimam* inducunt
diluentia (14).

*** *Roborantia* simul *calefaciendi* vir-
tute gaudent: et ex iisdem amara, aroma-
tica, aromata, acria mitiora cum volatili-
bus, nec non ex Anodinis flores chamomil-
læ, castoreum et crocus, præter primari-
am qualitatem, *attenuandi* quoque effica-
ciam edunt; gummata e contrario, balsa-
ma, et relaxantia quælibet reliqua, humo-
res potius *incrassant*: mucilaginosæ et *nutri-
unt* et *refrigerant*. Porro amara, oleosæ,
balsamæ, nonnullaque ex aromaticis, inter
anthelmintica: quædam ex gummatis, bal-
samis, aromaticis, mucilaginosis et oleosis,
inter *heccica*: aromatica et volatilia, inter
sudorifera atque *diuretica* locum habent.

§. 12.

Adstringentia, canales coarctando effi-
caciæ suæ monstrantia, sunt vegetabilia
quævis, quæ degustata *saporem* linguæ im-
primunt, *constringentem*, e. g. radix bistor-
tæ, tormentillæ; lignum santalum rubrum;
cortex chaquarillæ, peruvianus, granato-
rum; herba bellidis, prunellæ, millefolii,
plantaginis; folia quercus; flores balaustrio-
rum, malvæ arboreæ, rosarum rubrarum
ficcati; cydonia mala, gallæ turcicæ, myr-
tillorum baccæ, nuces cupressi; succus aca-
ciæ, hypocistidis; gummi lacæ, sanguis
dra-

draconis ; vinum rubrum, etc. præterea succus sive terra catechu, terra lemnia, sigillata, bolus armena; &c.; et, quæ omnium *fortissime* operantur, crocus martis adstringens, alumen, saccharum saturni, vitriolum, &c.

Aperientia, contrario prioribus modo, canales deobstruentia, dicuntur metallica quædam, e. g. antimonium, argentum vivum, cinabaris, martis limatura: et exinde parata, antimonium diaphoreticum simplex et martiale, regulus antimonii medicinalis, cinabaris antimonii, mercurius dulcis, crocus martis aperitivus, antihecticum Poterii, bezoardicum minerale, joviale, etc.

Adstringentia roborandi, ac ex iis mitiora, *calefaciendi* simul facultate pollent; exque iisdem, cascarilla, cortex peruvianus, herba bellidis, millefolii, flores malvæ, vinumque rubrum, et crocus martis adstringens, *attenuant* etiam; quod ultimum, vis nimirum *attenuandi*, eaque sat insignis, aperientibus quibuslibet; *diaphoretica* autem nonnullis eorum, inest: reliqua vero adstringentia humores *incrassant*. Ceterum adstringendi quoque virtus lenissima a terreis exsiccantibus (14), aperiendi ab *attenuantibus* (14) exercetur.

§. 13

Calefacientia, quæ fluidorum in corpore motum intendunt, *Cordialia* propterea dici

B 5 quo-

quoque solita, generatim quidem sunt ipsa *roborantia* antea commemorata quælibet (11) imo et *adstringentia mitiora*, (12). Interim e prioribus præ reliquis huc pertinere creduntur, *aromatica* et *aromata* quælibet *gratiora*, eorumque olea destillata, aquæ destillatæ simplices et spirituosæ, ac essentia, e. g. ambra, moschus, cinamomum, grana et succus chermes, flores borraginis, liliorum convallium, rosarum, etc. *vina* quoque generosa quævis huc spectant.

Refrigerantem, adeoque contrariam, vim possident, et fluidorum motum minus velocem reddunt, tam *mucilaginoſa* singula (12) quam *diluentia* (14): ast præprimis *acida*, fructus berberis, ribium; fraga, mora; succus citri, acetosellæ &c. spiritus minerales acidi, nitri scilicet, salis, sulphuris, vitrioli, crudi pariter ac edulcorati, clyſſus antimonii; nitrum, &c.

* *Cordiale* quoque virtutem insignem atque confortantem antiquiores adscribebant auro et tincturis inde paratis, coralliis, margaritis, lapidi bezoar, granati, hyacinthi, rubini, saphiri, smaragdi, quos, ultimos sub nomine generali *lapidum quinque pretiosorum* comprehendebant; ossibus in cervi corde reperibilibus, &c. quæ omnia tamen hodie ad *terrea* ablegantur.

** *Calefacientia solidorum* quoque motum intendere, eo minus superest dubium, cum ipsa e roborantium numero desumantur. Quoad virtutem ergo *attenuantem*, *incrassantem*, *sudoriferam*, repetenda hic etiam veniunt

unt

unt, quæ supra de his roborantium virtutibus secundariis sunt asserta. E Refrigerantibus, acida simul roborant, incrassant, urinam movent.

§. 14.

Incrassantia, quorum virtus in eo consistit, ut, humorum consistentiam atque cohaesionem augendo, spissiores eosdem reddant, partim dici merentur, e *Roborantibus*, *gummata balsamique*; e *Relaxantibus*, *mucilaginosæ* (11); ac e *Refrigerantibus*, *acida* (13): partim vero eo nomine veniunt *terrea* medicamenta, *exsiccantia* etiam sive *absorbentia* dicta, pulveres scilicet calciformes, lapides, ac terræ quælibet, e. g. conchæ, cornu cervi ustum et sine igne præparatum, corallia, dentes hippopotami, ebur vel ustum vel sine igne præparatum, mandibuli lucii piscis pulverisati, margaritha, mater perlarum, oculi cancri, os sepiæ, tutia alexandrina, etc. (13,*†).

Attenuant vero, id est, humores corporis fluidiores et minus coherentes reddunt, e *Roborantium* classe, *amara*, *aromatica*, *aromata*, *acria mitiora* et *volatilia* (11): nec non *Aperientia* omnia (12): itemque ex *Anodinis* (11, ***) atque ex *Adstringentibus* nonnulla (12, schol.). Præterea huc pertinent *Diluentia* sive *Humectantia*, e. g. aqua simplex, aqua destillata florum acaciæ, cerasorum, fragorum, tiliaë florum, &c. decocta quælibet, in quantum eorum compositionem aqua intrat:
nec

nec non *Incidentia* dicta, salia nimirum alcalica et media quævis, sal ammoniacum, absinthii, cardui benedicti, tartari; arcanum duplicatum, nitrum antimoniatum, tartarus vitriolatus, terra foliata tartari; cineres genistæ, aliarumque plantarum; conchæ ultæ, lapides cancrorum citrati; sapo veneris, camphora, &c. tandemque *Attenuantia* strictius dicta, radix chinæ, sarsaparillæ; radix enulæ, liquiritiæ, ireos florentinæ; succus liquiritiæ, lignum sanctum; herba arnicæ, betonicæ, capillorum veneris, fumaris, scordii, veronicæ, herba et flores bellidis; semen cardui mariæ, &c.

Terrea medicamenta lenissime quoque *adstringunt*, et inter *diaphoretica* locum habent. *Attenuantia* generatim *aperiendi* simul qualitatem exercent: ex iisque *diluentia* in gradu minori *relaxant*, et *refrigerant*. *Incidentia*, nec non *attenuantia* strictius dicta, *roborant*: ultima hæc *sudoriferis*, atque *diureticis*; nonnulla quoque e. g. radix enulæ, liquiritiæ, herba bellidis, capillorum veneris, &c. *becchicis* remediis annumerantur. Contra ea *incrassantem* virtutem atque *exsiccantem* adhuc possident *adstringentia*, *attenuantem* vero *aperientia*.

§. 15.

Ex *Evacuantiis*, *becchica* sive expectorandi virtute laudantur, radices altheæ, liquiritiæ, ireos, enulæ; herba bellidis, capillorum veneris, scabiosæ, tussilaginis, semen anisi, anisi stellati, foeniculi, caricæ, dactyli, jujubæ, lebesten, siliqua dulcis;

suc-

succus liquiritiæ; gummi arabicum, benzoe; sacharum; sperma ceti; oleum amygdalorum dulcium: singula in antecedentibus inter aromatica, inter mucilaginosâ atque oleosâ partim, partim inter attenuantia jamjam enumerata.

Diaphoretica dicuntur pulveres terreorum (14), præsertim oculi cancrorum, et cornu cervi ustum: atque ex aperientibus (12), antimonium diaphoreticum simplex et martiale, item bezoardicum minerale, joviale, &c. nec non sudorifera quævis, in refracta dosi propinata. Hæc vero, id est *Sudorifera*, potissimum componuntur e decoctis attenuantium strictius dictorum (14): itemque ex aromaticis gratioribus, atque volatilibus: præcipue vero rob sambuci, aqua sambuci destillata, infusum herbæ theæ; decocta radicis chinæ, sarsaparillæ, ligni sancti, ligni sassafras, calide haurienda; theriaca andromachi, sal volatile cornu cervi, sal volatile succini, spiritus cornu cervi, spiritus theriacalis, tincturæ et spiritus bezoardici varii, eum in finem eliguntur.

Diureticam vim exercent eadem decocta attenuantia, reliquaque sudorifera, cum regimine frigido in usum ducta; atque ex aromaticis præcipue, radix et herba apii, petroselini; folia pervinæ, sabinae; semen petroselini, baccæ et rob juniperi; eorundem singulorum, et aromaticorum, aromatumque quorumlibet, olea destillata, ceu omnium

nium *fortissima*; porro, balsamum copaivæ, the-
rebinthina veneta; incidentia quælibet (14);
tandemque acida (13). Hæc ipsa, in specia-
libus quibusdam casibus, fiunt *Litkontriptica* et
Emmenagoga.

Anthelmintica virtute gaudent amara
præsertim, oleosa et mercurialia, aliaque
nonnulla, e. g. aloes epatica, corallina; ra-
dix allii, graminis; herba filicis; semen cy-
næ, ruthæ, tanaceri; oleum amygdalorum dul-
cium, balsamum sulphuris, mercurius dulcis.

* Præmemoratorum evacuantium vir-
tutes reliquæ, *roborans* videlicet, *attenuans*,
incrassans, &c. ex antecedentibus patent.
Rechicis sub certo respectu adhuc annume-
rari possunt *acria mitiora* (II).

** Reliqua ad evacuantium classem perti-
nentia medicamina non adducuntur, *stermi-
natoria* nimirum, *salivantia*, *vomitória*, *pur-
gantia*, &c. quoniam de illis autores consen-
tiunt omnes, adeoque ea hic enumerandi
ratio nulla superest. *Repellentium* quoque at-
que *evacuationes sistentium* medicamentorum
nulla enarrantur, cum medicamenta, ejusmo-
di quid directe efficientia, adhuc dum lateant.

§. 16.

Quæcunque de morbis dicenda veni-
unt, partim ad eosdem in genere pertinent:
partim ad singulos, in medicina strictius di-
cta (3) obvenientes, spectant. Hinc Patho-
logia (2) in duas abit Partes principales,
quarum altera, *generalis* cognominata, de
morbis in genere loquitur; altera, sive *specialis*,
quemlibet morbum in specie pertractat.



PARS I.

PATHOLOGIA GENERALIS

§. 17.

MORBVS, fanitati e diametro oppositus, qui exsurgit, quamprimum status partium corporis naturalis sive perfectus læditur (1), ipsam hanc partium conditionem a naturali recedentem, seu, quod idem est, statum corporis læsum atque imperfectum denotat. Et pars Pathologiæ, talia complectens, quæ omnibus morbis generatim conveniunt, *Pathologia generalis* audit (16).

* Morborum definitiones quamplurimæ in autoribus prostant, e quibus recentiorum nonnullas, adduxisse sufficiat. E Galenicis (6) SCHELHAMMERVS *libr. cit.* Vol. II. Sect. I. Cap. I. §. XVII. „Morbus dicit „est corporis humani constitutio præter naturam, lædens actiones primo, (alii addunt

addunt, *et immediate*) a partium, humorum „vel spirituum vitio aliquo proveniens.,

Inter Chemistas HELMONTIVS morborum internorum originem in Archeo ponit irritato. Sic enim in Tractatu, *Ignotus hospes morbus*, fatur: „Materia occasionalis, „sive intro allata, sive intus genita - semper tantum occasionaliter concitat Archeum, ut inde expavescat, ac diversimode „excandescat. Morbus est ens reale, habens „causam materiale et efficientem, a causis „occasionalibus proritas. - - Unde luculenter constare deberet, quod omnis morbus primario et essentialiter respiciat sui „efficientem, Archeum - - Morbus sit primario ab impetum faciente Archeo, errante tamen - In febris occasionalis materia efficiens juxta geminam sibi proprietatem, concitat Archeum ad propulsionem, „in consumptionem sui. - - Hinc et sanari morbos contendit, sive, uti loquitur, *loc. cit.* „demulceri bonitate naturæ, medicaminum mansuetudine, pacationeque ac „resipiscentia Archei, turbati prius.,

E *Stablianis*, circa morborum originem idem fere animæ rationali tribuentibus, quod Helmontius de Archeo suo predicaverat, Mich. ALBERTI asserit „quod pluri- „mi morbi sint ille status extraordinariæ „motuum vitalium administrationis, a natura susceptæ, pro salvando corpore necessariæ „vid. *Ej. Patholog. medic. Proleg. §. XV.* Atque JUNCKERO in *Compect. Medic. Theoretico-Pract.* Tab. I. pag. 1. „Morbus est „status præternaturalis corporis vivi, in partibus tam fluidis quam solidis, utrarumque „crasin

„crasin et mobilitatem lædens; concurren-
 „tibus variis symptomatibus, quæ vel a ma-
 „teriali noxa, vel a motibus principii vi-
 „talis conservatoriis, materiali noxæ op-
 „positis, ultra gradum naturalem utpluri-
 „mum auctis, rarius remissis, dependent.
 Quibus similia fere, ante hac jam affirma-
 verat Thom. SYDENHAM. morbum di-
 cens „conamen naturæ, et quasi pugnam,
 „adversus materiam peccantem, vid. SCHEL-
 „HAMMER. *loc. cit.* §. XX. Inter Mechani-
 „cos, Frid. HOFFMANN: postquam defi-
 niverat morbum „quod sit magna muta-
 „tio et turbatio proportionis et ordinis
 „motuum in solidis et fluidis, cum vel ni-
 „mis accelerati vel retardati in universo
 „corpore aut in certis partibus sunt, jun-
 „cta cum insigni læsione secretionum, ex-
 „cretionum et aliarum functionum corpo-
 „ris animati, tendens vel ad ejus salutem
 „aut interitum, vel ad pravam partium ad
 „alios morbos dispositionem, „statum mor-
 „bosum „in læsione et depravatione actio-
 „num, quæ ad corpus et animum spectant,
 „consistere, „testatur. Vid. *Ej. Medic. System.*
 Tom. II. pag. 56. §. III. IV. Denique Herm.
 BOERHAVIUS in *Aphor. de cognoscendis et*
cur. morb. §. I. hæc docet „Omnis humani
 „corporis conditio, quæ actiones vitales,
 „naturales, vel et animales, lædit, Morbus
 vocatur., C. G. LUDWIGII definitio
 morbi in *Ej. Institut. Patholog.* §. 917. Joh.
 Gottlob. KRÜGERI, in *Ej. Physic. Part. III.*
 Sect. I. §. 13. et reliquorum auctorum de
 morbis conceptus generales in ipsorum li-
 bris, legantur.

****** Autores varios pathologiam generalem vel universim describentes, vel materias, in eadem pertractari solitas, singulas seorsim explicantes, collégerunt STOLLIVS *libr. cit. Part. Special. Part. I. Cap. II. III. et Part. II. Cap. I. atque KESTNERVS libr. cit. Tom. II. Cap. III. IV. et VI.*

§. 18.

Quum læsa corporis conditio, quæ morbum constituit (13), in minimo etiam gradu semper sit læsio dicenda; nec non, parte corporis minima læsa, corpus, totum considerata, statim deflectat a statu naturali atque perfecto, sanitatem qui constituit (1); insimulque inter læsum esse et non læsum esse nullum detur tertium (per exp. et princ. log.) hinc, *quoties pars corporis, licet minima, recedit a statu naturali, seu, quod idem est, imperfectione, quamvis minima, laborat, statim morbus adest: nec conditio intermedia, in qua neque integra sanitate fruitur homo, neque ægrotat, concipi potest.*

* Sanitas supponit statum corporis, omniumque ejus partium, integrum sive naturalem (1). Paucissimi interim homines, experientia teste, corpus habent adeo perfectum, ut ne minimus quidem structuræ naturalis defectus in eodem reperiatur. Unde patet, ut, accurate loquendo, paucissimi homines revera sint sani; licet morbus adeo parvus, ut cum eo negotia sua
homo

homo sine sensibili impedimento perficere queat, in communi vita pro morbo non habeatur, nec contra eundem facile medici imploretur auxilium.

** Morbum minimum nondum pro morbo habet, adeoque statum neutrum adhuc admittit, Frid. HOFMANNUS loc. cit. §. V.

§. 19.

Morbi varias admittunt differentias. Præterquam enim, quod alter alterum vehementiæ superet gradu, adeoque, ex hoc fundamento, morbi dentur *magni* sive *vehementes*, ac *parvi* sive *minus vehementes*; et quod aliquando *unicus* tantummodo morbus ægrotum vexet; quandoque plures, a se invicem penitus distincti, conveniant, tuncque *duplex* adsit, *triplex*, etc. morbus: *acutus* dicitur, quando brevi decursu ægritudo, vel sanitate, vel morte, terminatur; *chronicus* e contrario is qui diutius durat. Ultimus hic potissimum *intermittens* salutatur, si per paroxysmos affligat, id est, si morbus aliquamdiu durans cesset, post aliquod autem temporis intervalum redeat; idque repetitis vicibus sic agatur. Idem si certis fiat temporibus, *periodicum* nominant morbum; et contra ea *vagum* sive *erraticum*, si nullum redeundi tempus certum observet, sed inopinato recurrat: porro *habitualement*, si, propter sæpius reiteratos insul-

tus, tantas in corpore egerit radices, ut, levissima occasione data, redeat. Intermittenti morbo e diametro opponitur *continuus*, qui sine impetus cessatione, ab initio ad finem usque, perpetuo furit, nec semel abiens unquam revertitur; aliis etiam *continens* dictus.

Ambos inter hosce medium locum tenet *remittens*: qui per intervalla remittit, sive mitior existit, sine tamen vera intermissione.

Benigni porro nomine gaudet, absque majori vehementia ad salutem vergens: *malignus* autem dicitur, quicumque, graviore sua violentia, vel minatur vitæ periculum; vel mortem revera infert, adeoque *lethalis* evadit.

Endemius certis populis ac regionibus est proprius. *Epidemici* plures eodem

tempore homines: *Sporadici*, singulis temporibus, singulos infestant. *Contagiosus* effluviis subtilissimis ad eos, qui, vel videndi vel succurendi gratia, ægroto propius accedunt, transit: atque huc ex epidemicis et malignis plurimi pertinent.

Regularis, aliis *typicus*, a more solito non aberrat: *Irregularis*, non *typicus* etiam nuncupatus, tramitem consuetum relinquens, inordinate progreditur.

Curabilis medelam admittit: *incurabilis* contra; atque hic ultimus vel brevi abit in lethalem, vel diuturnæ atque continuæ valetudines, seu status valetudinarius, inde oboriuntur.

Hæreditarius dicitur morbus, quem paren-

parentes in liberos propagant: *connatum* homo a prima statim nativitate secum ducit: *adventitius* postmodum accedit. Verno speciatim tempore observantur *vernales* morbi, æstate *æstivi*: *autumnales* autumno veniunt, hyeme *hyemales*. *Infantile* corpus aliis affligitur ægritudinum generibus, aliis ætas *juvenilis*; viri, *viriles* experiuntur; *seniles*, *senes*. *Masculinus* quoque sexus, ac *foemineus*, suos habet quilibet morbos, ipsi in specie familiares: quandoque et *foetuum* valetudines occurrunt. Nonnulli morbi *eruditos* vexant, alii *milites*, alii *opifices*. Quidam *virginibus*, alii *gravidis*, *parturientibus*, *puerperis*, *lactantibus*, sunt proprii. Dantur etiam morbi *phlegmaticorum*, *sanguineorum*, *cholericorum*, *melancholicorum*. *Clinicus* tandem nominatur morbus quilibet, in toto ambitu suo consideratus, qualis in praxi medica, sive medicina strictius dicta (3) a medico clinico (4, sch.) tractatur.

* Quoniam inter morbos in specie acutos, pariter ac in reliquis omnibus observare licet, alter alterum diuturnitate superat: hinc antiquiorum quidam *acutum* a *peracuto* subdistinguunt, quorum ille hoc longius protrahitur: nonnulli adhuc iisdem addunt *per-peracutum* sive *extreme acutum*, id est, brevissimum. Quæ tamen subdivisio superflua videtur.

** De *hereditariis* morbis, quorum rationem in certa quadam dispositione corpo-

ris ad morbos, parentibus jamjam infestos, autores quærunt (27, ***) Monendum adhuc venit, quod, quamvis eorum existentia in genere negari nequeat, vulgo tamen iisdem varii annumerentur, quos experientia, rite instituta, ex eorundem classe exturbat, prouti singulorum consideratio specialis evincit: quodque a morbo, filium vexante, pariter ac patrem, forte idem vitæ genus viventem, male habuerat, ex unico illo similis valetudinis adversæ præsentis fundamento ad hæreditarii actualem præsentiam conclusio non valeat. Vid. Frid. Christian. JUNCKER, *Diss. de Liberis ab hæreditate morbosa parentum legitime excludendis*. Resp. Henr. Paul Oppermann. Hal. 1753.

*** Vid. Abrah. VATER, *Diss. de morbis magnis, ex parvis initiis et levioribus causis oriundis*. Resp. Joh. Christian. Frid. Ruppio. Witt. 1744. Joh. Godofr. MAGIRI *Diss. de Morbis complicatis*. Traj 1698. Georg. Ernest. STAHL, *Diss. de morbis acutis veterum*. Resp. Dan. Henning. Bolten. Hal. 1709. Andr. El. BÜCHNER, *Diss. sistens methodum generaliore morbos chronicos rite tractandi*. Resp. Paul Paulsohn Hal. 1747. Georg Ernest. STAHL, *Diss. de affectibus Periodicis*. Resp. Christian. Sigism. Richter. Hal. 1702. Ej. *Diss. de morbis habitualibus*. Resp. Andr. Rhetio. Hal. 1698. Henr. Reinhold WEGER, *Diss. de nonnullorum hominum Ephemeridibus*. Regiom. 1721. Frid. HOFFMANN, *Diss. de Conversione morbi benigni in malignum*. Resp. Christian. Zweigel. Hal. 1701. A. Qu. RIVINI, *Diss. de morbis Endemiis* Vid. Ej. *Diss. Med. Diss. XXXVI*. G. E. STAHL, *Diss. de morbis corruptis*. Resp.

Resp. Joh. Emmerich. Hal. 1702. *Ej. Diss. de Incurabilibus affectibus.* Resp. Christian. Meisner. Hal. 1705. Andr. El. BÜCHNER. *Diss. de Medicorum scandalo, sive de morbis curatu difficultibus et insanabilibus.* Resp. Phil. Isaac Heineken. Hal. 1748. Henr. Christoph. ALBERTI. *Diss. de morbis hereditariis.* Resp. Dan. Wank. Erf. 1701. Joh. Frid. de PRE. *Diss. de morbis Archealibus sive hereditariis.* Erf. 1702. Frid. HOFFMANN. *Diss. de morbis incongruis.* Resp. Christian Röper. Hal. 1702. Anton. CASAMAJOR. *Quæst. Med. An a temporum varietate varii morbi?* Resp. Franc. Bernard Aff. Paris. 1743. Günth. Christoph. SCHELLHAMMER. *Diss. de morbis ætatum.* Resp. Joh. Ernest. Walts Gott. Jen. 1594. Laur. HEISTER. *Diss. de Morbis adolescentum et juvenum Hipp.* Resp. Frid. Henr. Schramm. Helmst. 1722. Steph. CLOSII *Diss. de Juvenum dispositione ad morbos pulmonum.* Hal. 1740. Georg. Ernest. STAHL. *Diss. de senum affectibus.* Resp. Joh. Conrad. Michaelis, Hal. 1710. Andr. Ottomar. GOELICKE *Diss. de frequentia ægotandi in sexu sequiore præ virili.* Resp. Joh. Adam Fericho Hal. 1713. Gabriel. Anton. JACQUES *Quæst. Med. An mulieres pluribus obnoxie morbis, quam viri?* Resp. Joh. Le Thieullier. Aff. Paris 1743. Ern. Henr. WEDEL. *Commentat. de Morbis Concionatorum.* Jen. 1742. Mich. ALBERTI *Diss. de Præservatione morborum militarium.* Resp. Dan. Dreifov. Hal. 1745. Andr. El. BÜCHNER. *Diss. de morbis pharmacopœorum et Chymicorum.* Resp. Sam. Prieur. Hal. 1751. G. E. STAHL. *Diss. de affectibus gravidarum.* Respond. David, DITTMANN. Hal. 1708. Carol. Frid.

KALTSCHMIED. Diff. de Puerperarum mor-
bis. Resp. Joh. Gottlieb Isack. Jen. 1750. &c.

§. 20.

Maximi quoque momenti, est distin-
ctio morbi in *simplicem* atque *compositum*. Pri-
or denotat ejusmodi corporis conditionem,
ubi status naturalis sive perfectus non nisi in
unica parte specialiori, aut specialissima, et
unica tantummodo ratione, deficit. Quod-
si vero pars unica plus una ratione afficiatur,
aut e partibus corporis plures simul ægro-
tent, morbus exsurgit *compositus*.

* Ut prædicta exemplo quodam clario-
ra fiant, consideretur e. g. manus. Hæc,
ceu pars generalior aut primi ordinis,
docente illud anatomia, componitur e
brachio superiori, brachio anteriori et ma-
nu extrema, iterum habente carpum, meta-
carpum et digitos, tanquam totidem partes
speciales aut secundi generis, quæ ulterius
constant e specialioribus et tertii ordinis
partibus, tegumentis scilicet, musculis, li-
gamentis, vasis, tendinibus, membranis,
cartilaginibus, ossibus. Jam vero, si in digi-
to, e. g. sola tegumenta, laxitate laborent
nimia, tunc non nisi unica pars, nec eadem
nisi unica ratione, ægrotat, adeoque mor-
bus adest *simplex*, nimia namque tegumen-
torum in digito laxitas. Quodsi autem vel
in eodem digito tegumenta non modo sint
justo laxiora, sed et præterea crassiora, quam
par est, aut colore minus consueto infecta,
etc. vel, præter tegumenta, etiam musculi,
liga-

ligamenta &c. quocunque modo aliter constituta, quam ordo naturalis postulat: tunc vel unica pars corporis specialior plus simplici ratione læditur, vel ex iisdem partibus plures simul ægrotant; adeoque morbus infestat *compositus*. Quæ omnia non modo ulterius extendi ad partes specialissimas, diversi nempe generis fibras, sed et de aliis partibus specialibus atque generalibus, adeoque de manu extrema generatim sumta, imo et de toto corpore, mutatis mutandis, prædicari possunt. Unde simul colligitur facile, 1) quomodo differat morbus simplex atque compositus, ab unico, duplici, triplici, multiplici, in mox antecedentibus commemoratis, 2) morbum antea dictum, unicum, duplicem, triplicem etc. ad *compositos* morbos esse referendos.

** Quamvis denominatio morbi simplicis non nisi in recentioribus reperiatur libris, e. g. in BOERHAVII *Aphor. de cognosc. et cur. morb. §. 18. sqq.* nihilominus rem ipsam antiquioribus non penitus fuisse ignotam, testantur non modo generales morborum divisiones eorundem; qui scilicet, ubi de morbis intemperiei ac conformationis loquuntur, aperte describunt morbos simplices, vid. Fe. I. Joh. JONSTONI *Idea universæ medicinae pract. Libr. I. Tit. II. III. pag. 6 sqq.* SCHELHAMMERUS *libr. cit. Vol. II. Sect. I. Cap. II. §. VIII. IX.* sed etiam doctrina nonnullorum de compositione morbi clinici e variis symptomatibus, singulis pro morbo speciali assumendis atque tractandis, (quale quid e. g.

æter. ALLEN in *Libr. de Different. in morbor. Sympt.* itaq. in *Libr. de Meth. medend.*

in JONSTONO *loc. cit.* Tit. III. Cap. III. Artic. I. *de Tumoribus* legitur nimirum „Accedunt ad magnitudinis augmentum (in tumore) „interdum *Intemperies*, si materia in „qualitatibus excedit - *Unitatis solutio*, si continuum solvatur. *Conformationis vitia*, si „vel *figura* corrumpatur, vel *cavitates* commutantur, aut *obstruantur* „Vid. adhuc *ibid.* Cap. *de Vulneribus*, *de fracturis*, *de febribus in gen.* etc.) optimo jure huc referenda venit, quippe morbum clinicum representare compositum morbum, e variis conflatum morbis simplicibus, haud obscure delineans. Morborum quoque simplicium variorum meminit J. H. SCHVLZ. *Diff. de Cutis exterioris morbis.* §. CXVI. sq. (86, **).

§. 21.

Quilibet morbus sanabilis suum habet initium atque finem: nec durante tempore, inter hæc ambo puncta extrema intermedio, æquali semper vehementia progreditur; sed, experientia comprobante, primo accrescit, et deinde, post superatum punctum summum, decrescit iterum. Hinc quatuor distingui possunt *morbi tempora*, singula diuturnitate et vehementia non modo diversa admodum, sed et, quoad dictas variationes, in gradus quam plurimos dividenda: quorum *primum*, ejus nascendi momentum sub se comprehendit; *alterum* illius incrementum; *tertium*, ejusdem statum sive tempus illud, ubi summum occupat acumen; et *quartum* denique, istius decrementum cum fine.

sine. Atque hæc non modo in acutis discernuntur morbis, sed et in intermittentibus, nec non chronicis quibusvis: interim omnium maxime distincte in acutis; non adeo manifeste in chronicis; in intermittentibus vero quatuor tempora prædicta, et in singulis observantur paroxysmis, et in toto morbo generatim sumpto.

* Quoad morbos acutos nullus adest in hac doctrina autorum dissensus. Chronicis autem nonnulli temporum ejusmodi differentiam denegant; in quibus tamen singulis non minus, quam in acutis, et initium et progressum et finem, præter experientiam rite institutam, ipsa ratio comprobatur.

** Doctrinam de morborum temporibus GALENUS jam jam explicavit abunde in Tract. de crisi Lib. I. Cap. 2. ubi aperte loquitur, „Sunt omnia morbi tempora quatuor numero, principium, incrementum, status, declinatio,

§. 22.

Quemadmodum corporis sani partes singulæ, principiis physiologicis docentibus, certas edunt actiones, quæ, tanquam effectus, a statu eorundem perfecto sive naturali proficiscuntur (1). Sic conditionis hujus perfectæ destructionem in singulis non possunt non, pro diverso destructionis gradu
ac

ac modo, sequi istarum actionum sive effectuum vel læsio, vel cessatio, vel plane alii, et prioribus contrarii, actus succedere. Unde patet, quod *morbus quilibet suos edat effectus proprios*: et quidem *simplex morbus, simplicem*; *compositus* vero, pro diversa sui natura, *vel unicum effectum, fortiolem tamen, quam qui a morbo simplici oritur, vel plures effectus*. Sunt quoque effectus isti, probante experientia, singuli ita comparati, ut partim magnitudini morbi semper respondeant: partim alii præ aliis cogniti sint faciliores: partim ex iisdem nonnulli statim cum ipso morbo sese manifestent, adeoque mox ab initio adsint, ceu *consequentia proximiores*; alii vero non nisi in fine morbi appareant, et *consequentias constituent remotiores*.

§. 23.

Consequentia proximiores (22) morbi præsentiam atque genus determinant, adeoque ejus *Signa* constituunt diagnostica. Cum vero, teste experientia, earundem alia sensibus percipiantur externis, adeoque primo intuitu pateant; alia, minus manifestæ, ulteriori disquisitione indigeant. Hinc quoque ipsa status perfecti in parte corporis destructio, sive morbus, quandoque oculis, ceterisque sensibus externis, cernitur, interdum secus. In priori casu morbus sine ulteriori indagatione

tione facile patescit. In posteriori, effectibus reliquis tantum modo dignoscitur: iis nimirum, qui mox ab initio morbum concomitantur (22); atque id eo facilius, quo distinctius effectus illi patent. Doctrina hæc de signis morborum diagnosticis, si a reliqua Pathologia separetur, SEMELOTICA audit.

* Singulorum morborum tractatio, prouti e sequentibus apparebit, quatuor absolvitur momentis, 1) signorum adductione, 2) causæ determinatione, 3) prognosi, 4) medela. Idem in pathologia generali fit; cum ea tamen differentia, ut in hac e quatuor istis momentis haud raro totidem capita singularia forment autores: cum e contrario omnia semper sint in eodem capite combinata, quando de morbo speciali sermo est.

** Vid. Andr. El. BÜCHNER. *Diss. de Olfactus ad capienda signa usu*. Resp. Fridr. Langer. Hal. 1752.

§. 24.

Cum igitur Signum morbi, præter inspectionem ocularem, una cum reliquorum sensuum concursu, quandoque, saltem in morbis partium externarum, solam sufficientem, cujuslibet partis corporis actio vel læsa, vel penitus abolita, vel inconsueta det; e principiorum physiologicorum ad casus speciales applicatione sese manifestans (22. 23): propter partium corporis, et, quas
edunt

edunt illæ, actionum diversitates, impossibile erit, universalia morborum signa, omnibus scilicet competentia, determinare. Interim signa ejusmodi generalia, aut saltem plurimis morbis communia, in *sanguine* quærunt nonnulli autores, alii in *sudore*, aut in *saliva*, in *excretionem alvina*; nonnulli e *vultu agri*, ex *habitu* atque *conditione linguæ* externa, ex *unguium statu*, e *respiratione*, etc. determinare allaborant. Maxime tamen *pulsus*, nec non *urina*, tanquam præcipuorum e signis universalibus, a quibusdam commendatur inquisitio. Quæ omnia suum in morbis singularibus omnino habent usum, quando nimirum morbus adeo est comparatus, ut effectum habeat in secretionem sudoris, salivæ, etc. falluntur tamen, et fallunt alios, quicunque signa exinde generalia formant, e partis unius specialis in corpore mutatione aut non mutatione, ad similem reliquarum partium, vel omnium, vel plurimarum concludentes; et cum id ipsum, de singulis antea notatis, excepto pulsu atque urina, sponte pateat, horum ultimorum ulteriorem tantummodo instituere disquisitionem lubet.

* Morbos alios præ aliis facilius diagnosci, experientia docet (23). Cur autem in STOLLII *libr. cit.* Part. I. Cap. III. §. I. not. c. et §. II. hæc doctrina, Semiotica nimirum, imperfectionis atque incertitudinis tantæ arguatur, quantam hic ipse autor, alio-

aliorum testimoniis suffultus, adducit, fundamentum non facile patet. Quicumque enim, ex Anatomia, corporis partes; ac, e Physiologia, singularum actiones et usus, sufficienter cognoscit: cur non ex iisdem actionibus, vel imperfectis, vel cessantibus, vel inconsuetis, morbum, sensibus externis sese subducentem, dijudicare atque dignoscere tandem poterit; si unum alterumve maxime absconditum, vix merentem, qui hoc loco adducatur, excipias? Forte de morbi sede accurata, in hac vel illa parte specialiori aut specialissima, aliisque ejusmodi minutiis, ad sanandum eundem nil facientibus, aliquando dubium exsurgit: quæ tamen ipsius diagnosin, huiusque certitudinem, non feriunt. Sice.g. inflammatio quædam interna in hepate aut ejus vicinia præsens, e signis suis sive effectibus primis certissime patet, num vero eadem hepatem potius vexet in portione crassiori, quæ dextra est, an in tenuiori, sive sinistrorsum protensa? num hepaticæ arteriæ sint morbi sedes primaria, an potius venæ portæ rami arteriosi; hepar ipsum, an potius vesicula felle, aut omenti, aut mesenterii proxima portio? quousque accurate in qualibet e prædictis partibus diffundatur? hæc talia sive accuratissime dignoscantur, an non, neque morbi cognitionem, neque medelam ullo modo turbant. Idem de causa morbi dicendum: scilicet, eam quoque, posito, quod non semper accurate pateat, diagnosin tamen morbi non reddere incertam.

* * Prædicta morborum signa universalis, de quibus legantur e.g. SCHELHAM-
MERVS

MERUS Vol. II. Part. II. Sect. II. Cap. VIII. IX. et M. ALBERTI *Semilog.* Sect. III. IV. seqq. exinde ortum traxisse videntur, quod practici autores, et consequenter medici etiam clinici, singulis sæpius morbis seriem quandam phænomenorum, sive, uti loquuntur, symptomatum (40) adscribant, tanquam essentialem: adeoque, observato phænomeno uno, reliqua etiam adesse concludant, et vice versa: quum tamen eadem, comprobante experientia rite formata, in plurimis casibus accidentaliter tantummodo appareant: nec raro sint vel morbi simplices, vel horum effectus, qui, præter hosce morbos, quorum effectus constituunt, adesse adhuc alios morbos simplices, non testantur; nec absolute probant præsentiam morbi compositi, ad quem componendum morbus ille simplex convenit interdum, e. g. Sudor nimius in febribus occurrit ordinarie, et deficiens in hydropse; interim a solo sudore nimio ad febrim, et a solo deficiente eodem ad hydropem, non valet consequentia, quoniam et in aliis casibus aut morbis sudor, vel nimius vel deficiens, locum habet. Et posito, quod nonnulli dentur morbi, in quibus sanguis, sudor, saliva, etc. a statu naturali recedunt, attamen ne sic quidem signa prædicta erunt universalis, et ex hoc fundamento in pathologia generali pertractanda; cum ad hanc doctrinam non spectent, nisi quæ omnibus morbis (idque proprie) aut saltem, quæ quamplurimis competunt nec revera dictorum humorum, etc. conditio morbosa ubivis adeo sit frequens, ac quidem assertur. Hinc quoque autores pathologici generales *Semioticam*

ticam, pariter atque reliquas Pathologiæ generalis sectiones, mirum sæpius in modum distendentes, descriptione morborum specialium repleti potius reperiuntur.

*** Ad dignoscendum morbum etiam facere interdum juvantia et nocentia, sanandi fine adhibita, veteres volunt.

**** Huc pertinent Andr. El. Bûchner. *Diff. de Insomniis, ut signo in medicina.* Resp. Henr. Wilh. Heisterbergk. Hal. 1749. Ej. *Diff. de Oculo, ut signo.* Resp. Christ. Frid. Ephr. Oswald. Hal. 1752. Ej. *Diff. de Ore, ut signo.* Resp. Joh. Conr. Phil. Zimmermann, Hal. 1752. Ej. *Diff. de Temperamentorum ratione in Semiologicis habenda.* Respond Carol. Gottlob Gabel. Hal. 1752. Ej. *Diff. de Morborum signis, quæ a naribus desumuntur.* Resp. Christ. Gottl. Roll. Hal. 1754. Ej. *Diff. de Indiciis aurium in morbis.* Resp. Joh. Gottl. Dennewitz. Hal. 1754.

§. 25.

Pulsus nomine insignitur motus arteriæ reciprocus, dilatatorius atque constrictorius, a sanguine per eandem circulante, arteriamque distendente, et vi arteriæ elastica, originem ducens, prouti physiologia explicat. Iam vero sanguis vel in majori aut minori copia arteriam implet: vel celerius aut tardius, adeoque majori aut minori cum vehementia, per eandem vehitur: vel tandem plus minusve æqualiter incedit. Arte-

D

ria

ria ergo, cujus motus cum sanguinis motu alit proportionem, pro hujus diversitate prædicta, vel altius attollitur aut non, vel systolen atque diastolen celeriores aut tardiores monstrat, vel denique æqualiter aut inæqualiter movetur. Prior circumstantia pulsum producit aut *plenum*, qui et *magnus* aut *fortis* dicitur, aut *parvum* sive *debilem*; altera pulsum facit aut *celerem* sive *frequentem*, aut *rarum*; ultima denique pulsum reddit aut *æqualem* aut *inequalem*: et, si ex iisdem circumstantiis plures conveniant, pulsus oritur *plenus et celer simul*, *fortis et eodem tempore æqualis*, e *celeri et inæquali* compositus, etc. Pulsus ergo de quantitate sanguinis majori vel minori, de circuli ejusdem vivacitate et æqualitate, insimulque de articularum robore, quousque singula ascendant, testatur: plura autem patefacere solus nequit.

* Antiquissimorum medicorum nemo doctrinam de pulsu adeo ample tractat, quam GALENVS, qui imprimis *Libr. de Pulsum different.* Libr. I. Cap. 5. viginti septem pulsum species recenset, præter reliqua, in ceteris libri dicti capitibus, aliisque tractatibus, descripta genera: attamen labore, ipsa sua subtilitate, obscuro atque inutili. Recentiores quoque medici, eodem potissimum Galeno præeunte, adhuc dum de pulsu *duro et molli*, de *intermittente*, de *convulsivo* etc. loquuntur, cujus ultimi

mi etiam meminit Fr. HOFFMANN. in *Med. System*. Tom. I. Libr. I. Sect. I. Cap. VI. §. XXV. Schol. ac præterea inter *celerem* pulsum ac *frequentem* distinguunt. Verum enim vero pulsus *durus* a forti, *mollis* a debili vel non differt, vel potius conditionem partium illarum strictiorem aut laxiorem denotat, quæ arteriæ, quam ad explorandum pulsum medici tangere consueverunt, maxime sunt vicinæ: quod idem etiam de *convulsivo* valet, in moribundis obveniente; convulsivi namque motus isti non occupant arteriam pulsantem, fibris quippe muscularibus destitutam, (140) sed partes proxime adjacentes potius, musculos nimirum ac tendines: *intermittentem* denique pulsum pertinere ad inæqualem, et *celerem* non alium esse quam *frequentem*, facile perspicitur. *Crepitantis* tandem pulsus mentionem injicit Burc. Dav. MAVCHART. Vid. Ej. Diss. *de Pulsu intermittente et de Crepitante Resp.* Joh. Rudolph. Camerer. Tubing. 1748.

Ceterum iisdem, quibus supra factum, limitibus arctissimis includit doctrinam de pulsibus, Joh. Godofr. BERGER, in *Physiolog. medic.* Lib. I. Cap. V. pag. 73.

Vid. præterea SCHELHAMMER. Vol. II. Appendic. *de Pulsu*; M. ALBERTI *Semiolog.* Sect. I. Joh. Ernest. HEBENSTREIT. Diss. *de Pulsu Inæquali.* Resp. Joh. Andr. UNGEBAYER Lips. 1741.

** Locus, quem pro explorando pulsu medici ordinarie eligunt, ea est brachii anterioris extremitas, ubi ad carpum arteria radialis properat, idque propter arteriæ in hoc loco situm commodum. In-

terim, cum nusquam in corpore deficient arteriæ: in qualibet alia corporis parte pulsus, urgente necessitate, examinari potest, modo arteria tangenda aliquali capacitate gaudeat, et cuti adeo sit vicina, ut, digitis impositis, motus ipsius percipi queat. Cumque animi pathemata fortiora in circulatione sanguinis, adeoque in pulsu, experientia teste, mutationem quandam, ad tempus saltem, producant; neque id in ægrotis quoque, e medici adventu gaudium capientibus, adeo fiat raro: non contemnendum CELSVS dedit medico clinico consilium, Libr. III. Cap. VI. p. m. 129. „Periti, dicens „medici est, non statim, ac venit, ap- „prehendere manu brachium; sed primum „residere, hilari vultu, percunctarique, „quemadmodum se habeat, et si quis ejus „metus est, eum probali sermone lenire, „tunc deinde ejus carpo manum admovere.

*** Nonnulli autores Chinenfium medicorum, in hac arte, specialem eruditionem mirum quantum deprædicant, ac si sola pulsus exploratione quoslibet dignoscere morbos valeant. Ejusmodi autem encomia esse vana, e præcedentibus elucet: posito etiam, quod, quæ de ejusmodi conamine argumenta adsunt historica, genuina dici mereantur (29, **). Vid. super hac materia Joh. Georg. GMELIN. *Diff. de Tactu pulsus, certo in morbis criterio*. Resp. Joh. Melch. Streiff. Tub. 1753.

§. 26.

Urina, humor corporis excrementitius,
ad

ad putredinem pronus; et, quoad originem, portio ipsius feri sanguinis: in renibus a reliquo sanguine secedens, et exinde per ureteres ad vesicam, ac porro per urethram e corpore profluens: ex aqua potissimum, tum et e particulis terrestribus, oleosis, variisque salibus, composita; præter humorem, insensibili transpiratione avolantem, reliquas secretiones singulas quantitate superans: durante transitu per vias antea commemoratas, fluido ibidem, e glandulis membranisque prodeunte, aut alia occasione generato, miscetur: colore gaudet, pro majori aut minori copia admixti principii aquosi, vel dilutiori, flavescente, imo et, instar aquæ puræ, limido; vel intensiori, flavo, rubescente, brunno (exceptis paucis morbis specialibus, colorem istum alterantibus): e corpore emissâ, aut citius paulo aut tardius, in putredinem vergit; tuncque variæ, compositionem ejus intrantes, particulæ singulæ inter se congregantur, ex iisque graviores fundum vas, in quo asservatur urina, petunt, leviores autem in media ac summa parte, aliquando nubeculæ instar, aquæ innatant, Urina igitur potissimum *copia* sua, ac *colore* vel dilutiori vel intensiori, majorem aut minorem aquæ portionis, sanguini, imo et ipsi urinæ, admixtæ, pariterque salium et terrestrium particularum, debitam aut inconsue-

tam quantitatem indicat: ac tandem, an in viis transeundis peregrini quid, quod ipsi jungitur, e. g. mucus tenacior, sanguis, pus, lapilli, etc. hæreat, detegit: quandoque etiam alimentorum nonnullorum, aut medicaminum, fragrantiorum odorem in se suscipit. Cumque statim, ac prodit e corpore, mutationem quandam ab aëre externo accedente subeat, quæ eo major est, quo longius est intervallum a tempore emissionis, prouti, præter experientiam, natura ipsius ad fermentationem ac putredinem prona declarat, simul sequitur: ut ab eadem, e corpore emissâ, ad conditionem feri, adeoque et sanguinis, in corpore residui, non nisi maxima cum limitatione concludi possit. Ex quibus omnibus clare patet, eandem ad morbos generatim dignoscendos solam non facere.

* Varios autorum, præter nudam inspectionem, urinam explorandi modos, e quibus nonnulli chymice, alii statice eandem indagarunt, imo et alii magicam artem in auxilium vocarunt: nec non autores de ista, ceu signo morborum, speciatim agentes, collegerunt STOLLIVS atque KESTNERVS, *loc. cit.* Vid. etiam, hanc materiam uberrime tractantem, M. ALBERTI *Semiolog.* Sect. II.

** Arti, ex urina morbos cognoscendi, *Uroscopia dictæ*, quam veteres medici, præ-

præsertim Arabes, magni æstimarunt; adeo ut GALLIENVS „eidem soli in febribus „esse credendum,, asserat, in *Libr. VI. Hipp. de morb. vulg. Comment. I. no 10.* cuique recentiores haud pauci adhuc multum tribuunt: opponitur *Uromantia*, sive ars, ex urinis, præter morbos, varia alia, et præterita et futura, divinandi. Hæc ultima interim hodie vix a medico quodam, sed ab agyrtis solummodo, exercetur: ejusque vanitas, abunde a medicis detecta, vel exinde patet, quod Uroscopia jam jam, quæ tamen Uromantiæ et multum est præstantior, nec omni penitus usu in nonnullis morbis specialibus caret, a permultis in abusum trahatur, vel sine necessitate illius inspectionem quotidianam instituentibus, vel plura, quam exinde cognitu est possibile, integros interdum morbos compositos, graviditatem, et mille alia, quæ nullo modo per eandem patent, ex urina hariolari non verentibus.

*** E prædictis quoque elucet, quam firmo innitatur fundamento sententia illorum, qui, urina post emissionem diutius restitante pellucida in morbis, e. g. in febribus, cum vel sine nubecula in medio apparente, materiam adhuc esse *crudam*, et morbum naturæ superiorem volunt; proptereaque morbi præsagiunt durationem: solutionem vero proxime instantem, et pugnam naturæ jam eluctantis contra morbum asserunt, quando urina, rutilans emissa, brevi *conturbatur*, licet nullum adhuc sedimentum deponat: tandemque, si roseum aut lateritium *sedimentum* petat fun-

dum, urina superiori clara ac pellucida evadente, materiae morbificae coctionem rite procedere asserunt, et morbum brevi fore prostratum: si denique, circa diem criticum (31) urina denuo *mutetur* in saturatam crudamque, in periculo versari aegrum contendunt; et quae sunt hujus generis alia. Experientia namque toties contrarium docet.

§. 27.

Cum nihil sponte oriatur, ut status corporis partiumque, qui naturaliter est perfectus atque sanus, mutetur in imperfectum sive morbosum, causa quaedam efficiens praecesserit, est necesse: *morbis ergo quilibet suam habet CAUSAM.* Porro, cum sanitas a variis, ac sibi haud raro contrariis, rebus laedi possit: hinc *causarum, morbos producentium, datur etiam diversitas.* Earumque alia est magis, alia minus manifesta: alia, quae ut plurimum constantius durat, in corpore generatur ipso, propterea quoque *naturalis* sive *interna* dicenda; alia ab extra advenit, transitoria magis est, et *occasionalis* sive *externae* nomen meretur. Denique, cum *plures nonnunquam causae*, ad producendum eundem morbum conveniant: quod morbus, a variis causis progeneratus, eum, quem simplex tantum causa produxit, vehementiae gradu superet, facile perspicitur. Unicam
vero

vero et generalem morborum quærere causam, inutile est, cum diversitas inter morbos intercedens, adeo magna, ejusmodi propositum reddat inane.

* Ratione Ætiologiae morborum, medici, universalem morbi causam quaerentes, ab omni tempore, in varias abierunt partes. Ex antiquissimis, *Græci* nonnulli vel cacochymiam, vel plethoram, vel aliam fluidorum constitutionem a naturali recedentem, accusabant. *Methodici* contra ea morbi causam in solidorum statu vel laxo, vel stricto, vel medio, quaerebant. *Pneumatici* morborum exortum spiritui cuidam adscribebant. *Empirici*, causas minus evidentes, ob naturæ incomprehensibilitatem, penitus negligentes, non nisi evidentes curabant. *GALENUS*, pathologiæ humorosæ defensor, pro causa morbi venditabat humorum, quos in bilem flavam, pituitam, sanguinem, atramque bilem distinguebat, intemperiem calidam, frigidam, humidam et siccam, eorundem motum inordinatum, aliasque qualitates depravatas, cui sententiæ sequentes medici omnes subscripserunt. E recentioribus, *THEOPHRASTUS PARACELSUS* causam morbi mox sal, sulphur et Mercurium, mox Tartarum quendam dicit: *HELMONTIUS* Archeum irritatum (17, *) *Robertus FLUD.* atque *KOZAK*, dæmones quosdam, ceu morborum autores, accusat: *TACHENIUS*, acidum et alcali: *HAUPTMANNUS*, vermes et putredinem animatam: *BONTEKOE* scorbutum, quem iterum ex acido et vi-

scido conflatum vult. ASTROLOGI morbose ex astrorum influxu derivarunt, SCHNEIDERUS e catarrhis, MARCI ex ideis: etc. uti partim e CELSO apparet, partim in STOLLIO Part. I. Cap. II. legitur. Quæ tamen singula, solidis nunquam rationibus probata, esse vana, primo intuitu patescit.

* * STAHLIUS, ejusque asseclæ, distinguunt inter causam physicam sive materialem, et moralem sive immaterialem. Hanc ultimam volunt esse animam hominis rationalem, quæ, ceu motuum omnium in corpore causa et directrix, malum quoddam in corpore adesse, huicque exitum minari perspiciciens, motus excitat ad malum illud expellendum (17, *) atque sic morbos producit in bonum finem; quam sententiam confirmare inter alia hoc argumento student, quia affectus animi motus non modo varios, sed et morbos excitare, experientia constat: quemadmodum id e G. E. STAHLII, ALBERTI et JÜNCKERI *Oper. variis* elucet. Vid. e. g. quæ Stahlianam hypothesin corroborare nituntur, Georg. Ern. STAHL. *Diff. Epistol. de Medicina Medicinæ necessaria*, ad Dn. Luc. Schroeck, Hal. 1702. Ej. *Diff. de fundamentis Theoriæ medicæ*. Resp. Godofr. Meyer. Hal. 1704. Mich. ALBERTI, et Joh. JÜNCKER. *loc. antea cit.* aliisque *Diff.* quamplurimis, e. g. M. ALBERT. *Diff. de Natura vitæ et sanitatis formatrice*. Resp. Carol. Christian. Seidel. Hal. 1731. Joh. JÜNCKER. *Diff. de rationali motuum Therapia*. Resp. Joh. Phil. Dern. Hal. 1742. Porro Georg. DETHARDING, *Scrutinium commercii animæ et corporis*. Resp. Joh. Schröder Rost. 1714. Georg. Volcmar. HARTMANN. *Schediasma*

Apo-

Apologeticum quo sententia Ill. Stahlii de natura humana confirmatur Erford. 1734.

Præterquam vero, quod nec isti autores hancce suam hypothesein solidis unquam stabiliverint argumentis: quodque varia exinde fluant, apertam involventia contradictionem, e. g. quod, posita hypothesei, anima ægroti eodem tempore velit morbum adesse, quia eundem producit, et non velit morbum adesse, quia æger illius sublationem a medico, anxie interdum, postulat; quod tandem, posita hypothesei eadem, anima rem adeo notabilem sensibilemque, qualis est morbus, omni conamine moliatur, quam, quod moliatur, ipsa nescit, imo et averfatur; et quæ sunt hujus generis alia; per adjunctam Georg. DETHARDINGII, inque *Scrutinio Physico-medico* ab eodem defensam, aliam hypothesein, *de animæ intellectu insito ab acquisito probe discernendo*, Rost. 1723. 4to. ubi Autor asserit, quod secundum priorem appetere anima possit idem, quod secundum alterum averfatur, firmiter nondum explanata: id saltem Stahliani concedere coguntur, quodsi vel maxime anima rationalis morbos excitet, eandem illos non nisi mediate excitare, id est, in omnibus morbis statum corporis naturalem esse immutatum. Ad hunc ergo statum immutatum respicit medicus, et contra eundem medicamina dirigit: non ad animam, quæ nec opus habet medicamentis, nec ab iis afficitur: affectus etiam animi, quando eodem morbus excipit, non immediate id præstant, sed accedente certa partium corporis vel fluidarum vel solidarum conditione, et interyeniente harum partium concu-

curfu. Vid, qui, pariter ac reliqui autores mechanici, stahlianam hypothesin refutant, Christian. Gottfr. STENZEL, præter alios huc pertinentes Tractatus, in *Diff. de Glandularum in plurimis visceribus absentia, contra Actorum Berolinensium Autorem, ubi simul aliæ hypotheses Stahlianæ refutantur.* Resp. Joh. Godofr. Fritsch. Witt, 1731. Franc. Eugen. IHL. *Diff. Utrum sententia Boerhaviana, an Stahlianæ præstantior sit ad praxin medicam.* Altorf. 1748. Christoph. Martin. BURCHARD. *Tract. de natura, in specie humana.* L. HEISTER. *Diff. de Medico, Naturæ domino.* Resp. Joh. Theoph. Hugo Rochlitz. Helmst. 1730. &c.

*** SCHELHAMMERVS *libr. cit.* Vol.

II. Cap. I. sqq. causas morborum sequenti ratione disponit, vel ideo adducendus, quod termini ab eodem adhibiti, paucissimis mutatis, non modo a Galenicis, reliquisque sui temporis medicis, sed eorum plurimi a hodiernis adhuc, in eodem fere sensu, in usum ducuntur quotidianum, adeoque eorundem cognitio, ad rite capiendam autorum mentem, est necessaria „Causæ morborum,„ ait „considerantur, vel in ordine ad morbum, vel respectu rerum ipsarum, „quæ causæ fiunt. In ordine ad morbum, causa „est vel proxima vel remota. Proxima est, inter „quam et morbum nihil intercedit, eaque non „nisi una est, et nonnunquam sola sufficit, ut „si quis cadens in lapidem impingat, vulnusque accipiat: estque iterum vel continens, quæ morbum fovet, adeo ut sine „ejusdem sublatione, hic superari nequeat; vel non continens. Remota, inter „quam et morbum aliæ intercedunt, vel „plures vel pauciores, dividitur in proxi-

Petr. Chph. BYRGMANN. *Hypotheseos „micro-
Stahlianæ Examen de anima rationali
corpus humanum struente.* Rostoch. 1735.

„*miorem* sive antecedentem, vel præexisten-
 „tem aut prægumenam, e. g. dispositio
 „partis alicujus aut sanguinis ad morbum
 (hanc alii adhuc faciunt vel simplicem, aut
 duplicem, vel naturalem e. g. in hæredi-
 tariis morbis, (19, **) aut acquisitam), „at-
 „que *procatarteticam* sive occasionalem, e. g.
 „quando dispositioni prædictæ accedit aëris
 „frigus aut calor intensus, vigiliæ, animi
 „affectus, labor, inedia, etc. Respectu re-
 „rum, quæ causæ fiunt, vel sunt illæ *natura-*
 „*les*, scilicet partes corporis, humores, spi-
 „ritus, temperamentum, ætas, sexus: vel
 „*nonnaturales*, eæque aut *simpliciter tales*, quæ
 „sunt eadem ac naturales, ast vitiosæ, e. g.
 „quando partes, humores, spiritus prædicti,
 „vitiosam conditionem obtinent; aut *toto*
 „*genere tales*, quo pertinent ea, quæ incor-
 „pore penitus non adsunt, sed in eodem
 „generantur, aut ab extra ingeruntur, ut
 „pote flatus, vermes, calculi, (alii addunt
 venena, putredinem, contagia varia) „vel
 „tandem *supranaturales*, quæ vel divina po-
 „tentia, vel dæmonum ope, per homines
 „ipsis deditos, corpori immittuntur.,

**** Num nostro tempore revera mor-
 bi dentur *magici* sive *supranaturales*, a dæmo-
 ne excitati aut sagis, id quod olim extra
 omne positum fuit dubium, hodie diversi-
 mode disputatur. Signum ejusmodi mor-
 bi primum in eo ponitur, quando, præ-
 ter reliquas maxime inconsuetas cir-
 cumstantias, pilorum, acuum, filamentor-
 um, lapillorum, etc. rejectionem per vo-
 mitum et sedes, aut ejusmodi rerum in
 tumoribus et ulceribus præsentiam, æger
 lin-

linguas perfecte loquitur atque intelligit exoticas, quas nunquam antea didicit. Missis vero, quæ ex fortibus Theologicis huc pertinent, eadem hic repetenda sunt, quæ in mox antecedentibus de anima rationali adducta prostant, scilicet, quod ipse dæmon, si vel maxime morbos excitet, statum corporis naturalem invertat; et huic statui immutato remedia sint applicanda. Quodsi autem supranaturale quid simul revera junctum reperiatur, istud, qua tale, extra medicinæ limites esse positum, sponte patet. Vid. Georg. Wolfg. WEDEL. *Diff. de morbis a fascino.* Respond. Frid. Käseberg. Jen. 1682. Rudolph. Wilh. CRAVSII *Diff. de Incantatis.* Resp. Joh. Ernest. Rauschelbach. Jen. 1701. Gunth. Christoph. SCHELHAMMER. *Diff. de Obsessis.* Respond. Bonifac. Laurentii. Kil. 1704. Ej. *Diff. de Morbis Magicis.* Resp. Christ. Mart. Burchard. Kil. 1704. Georg. DETHARDING. *Diff. de Obsessione, eademque spuria.* Respond. Christ. Frid. Stever. Rost. 1721.

***** Diversæ medicorum de causa morborum generali opiniones non semper impediunt, quo minus, duo e. g. medici dissentientes, in sanando morbo clinico, eadem adhibeant, aut certe ex eadem classe desumpta, medicamenta: ut adeo dissensus ille, experientia teste, majorem in theoriam, minorem in praxin medicam, habeat influxum.

***** Cum variæ causæ occasionales, itemque errores diætetici commissi, adeo sint comparati, ut exinde complures mor-

morbi possint insequi: hinc autores de iisdem, tanquam de morborum causa quadam generali subinde loquuntur. Vid. e. g. Joh. Ernest. STIEFF, *Diss. de morbis ex somno*, Lips. 1743.

§. 28.

Interna sive naturalis morbi causa (27) ipsa ut plurimum consistit in statu partis cujusdam, a naturali recedente, atque sic ipsa constituit morbum: Unde, quod morbus *aliu[m] morbum producere* possit, elucet. Idque vel *mediate* contingit, quando nimirum hic morbus, sive causa, effectum in corpore edit talem, ut exinde iterum alius emergat status partis cujusdam contranaturalis sive morbus: vel *immediate*, ubi, absque speciali effectu interveniente, alter morbus statim sequitur. Cumque ne hic quidem morbus prior, sive præcedens, sponte veniat; sed ipse suam habeat causam, cui eadem, quæ mox allata sunt, applicare fas est, et sic porro: hæc omnia ulteriorem semper admittunt progressum, id est, *causa interna suam iterum habet ipsa causam*, donec ad ultimam, quæ omnium primo dedit occasionem morbo, quæque ut plurimum ab extra accedit, adeoque externa est, sit perventum. Ex his causa, quæ morbum proxime antecedit, *proxima* dici meretur: ea, quæ hanc producit, si unica adsit, *remotior*; si plures vel conjunctim vel
gra-

gradatim accedant, *remotiores* adpellandæ sunt : primæ tandem, causæ *primæ* nomen imponi potest. Insimul vero elucet, quod, quamdiu effectus morbi eousque non ascendit, ut structuræ partium læsio sequatur, tamdiu morbus alius non ex eo veniat.

Ponatur e. g. propter diæteticum quendam errorem sanguinis nasci abundantiam, hinc oriri circulationem justo lentiolem, et exinde iterum obstructionem vasorum capillarium : Tunc obstructio morbus erit, a morbo alio, sanguinis nimirum abundantia, generatus, et quidem *mediate*, scilicet intercedente circulatione justo lentiori. Insimulque circulatio hæc lentior erit causa *proxima* obstructionis : circulationis porro lentioris causa proxima, sive sanguinis abundantia, erit causa *remotior* obstructionis ; error vero diæteticus erit proxima quidem causa sanguinis abundantia, et remotior causa lentioris circulationis, at *prima*, respectu obstructionis, et simul, in hoc exemplo, *externa* atque *occasionalis*. E contrario frenuli linguæ brevitatis insolita, quæ ipsa morbum constituit, causa est interna *immediata* alterius morbi, connexionis scilicet linguæ cum partibus proximis nimia, quoniam specialis effectus ambos non intervenit morbos.

§. 29.

Morbos certum habere eventum, eorumque exitum triplicem dari possibilem, atque singulos vel ægroti *reconvalescentia* termina-

minari, vel morte, vel tandem in alios transire morbos: idque omne aut citius contingere, aut tardius: prætereaque ex iis, qui salutariter ad finem decurrunt, alios præ aliis facilius, id est, sine majori vehementia, solvi: adeoque, quoad periculum inde timendum, morbum esse vel nullius momenti, vel periculosum, vel lethalem, diuturna medicos docuit experientia. Nata hinc est specialis Pathologiæ pars, PROGNOISIS dicta, quæ consequentias morbi remotiores (22) id est, quid sperandum ægro restet, quidve timendum, contemplatur, imo et præscire allaborat a GALENO ejusque asseclis tanti habita, ut in eo potissimam medici auctoritatem atque scientiam ponerent.

* In prædicendo morbi exitu, de quo et æger et adstantes medicum, quandoque statim sub initium, aliquando et cum impetu, interrogant, magna opus est circumspeditione. Idque poterea monendum venit, quoniam hanc medicinæ partem tantopere autores nonnulli commendant, ut, quod fecit e. g. SCHELHAMMERUS *loc. cit.* Vol. II. Part II. Sect. II. Cap. I. *Introd.* ipsi „summam jucunditatem et utilitatem maximam,„ addicant, quoniam ejus ope „medicus,„ tanquam Deus quidam, quæ futura „sint, prædicere valet,„ idque dicant „percommodum medico et quam maxime gloriosum, auctoritatem et existimationem concilians,„ atque hac ratione prædicere jubeant „salutem et mortem, longitudinem ac bre-

„vitatem morbi et modum, quo ad valetudinem redire, vel morte perimi periclitantem, futurum sit,, quocum et consentiunt Ludov. Hieron. COSNIER. Quæst. Med. *An quo præstantior in praxi Medicus, eo et Vaticinii genio magis præditus?* Resp. Jacob. Verdelhan *des Moles. Aff. Paris. 1743.* Franc. Nicol. GAUTIER Quæst. Med. *An Diagnoseos Prognoseosque par necessitas?* Resp. Jacob Laurent. *Mauroy Affirm. Paris. 1746.* Non enim modo res est homini maxime incerta, prædicere futura, sed et tot tantæque concurrunt circumstantiæ accidentales, ut tota morbi facies, adeoque et periculum, subito interdum mutetur. Hinc etiam quotidie obveniunt exempla medicorum, sibi ipsis nimium in hac re fidentium, quorum effata exitus non confirmat. Nunquam ergo apodictice, sed cum adjecta semper limitatione, de futura morbi magnitudine aut exitu loquatur medicus: imo nec ipsius HIPPOCRATIS prænotationibus, tantopere olim depre-dicatis, sine adhibita ulteriori, et præjudiciis vacua, indagatione, confidat: alias enim prædicendi ars facile, loco autoritatis et fiduciæ, ipsi, quem fallacem monstrat, diffidentiam ac opprobrium parit. Atque id eo magis observet medicus clinicus, quo minus, ratione muneris, ad præsagiendum specialia futura est obstrictus, utpote cujus officium potius est, præsentis prospicere malo, id est, mederi, quam prophetizare. Cui etiam sententiæ assentit Mich. ALBERTI in *Introd. in Semiologiam, Hygienem, Materiam Med. et Chirurgiam. pag. 2. §. X.*

•• *Pulsus atque urina, quemadmodum*
a nom-

a nonnullis pro signis morborum diagnosticis generalibus habentur (24); sic quoque ad prædicendum ceteris certiora a quibusdam creduntur: et pulsus quidem, uti fertur, a Chinenſium medicis, urina vero ab iis, qui uroſcopiæ ſtudent. Cum vero in præcedentibus jam probatum ſit, pulſum atque urinam, ſola conſiderata, parum facere ad dignoſcendum morbum, ab iisdem ſolis, in puncto prædictionis, multo minus adhuc eſſe exſpectandum, facillime liquet: Vid. SCHELHAMMER, *loc. antea cit.* Cap. II, §. I.

*** Vid. Joh. JUNCER, *Diff. Generalia monita circa prognofin rite inſtituendam tradens.* Reſp. Joh. Schanckebanck. Hal. 1733. Andr. El. BÜCHNER, *Diff. de Prognofi ex lingua in quibusdam morbis formanda.* Reſp. Chriſtian. Wilh. Pauli Hal. 1748. Aug. Henr. FAſCH, *Diff. de Prædictione mortis.* Reſp. Joh. Chriſtoph. Schnetter. Jen. 1686. Itemq. Joh. Ludov. WINTER, *Diff. de Metatafi morborum.* Witt. 1754. nec non, Joh Chriſtian, REICH, *Diff. de Propathia* Lipſ. 1754.

§. 30

Prognofis deſumitur generatim e comparatione morbi, quoad qualitatem ejus atque magnitudinem, cum viribus ægroti, et cum virtute medicamentorum contra eundem adhibendorum, juncta poſſibilitate, hæc medicamenta rite applicandi. Quo gravior ergo morbus quidem præſens obſervatur; quo magis compoſitus; quo irregularis magis;

gis; quo plures simul conveniunt morbi; quo magis vires, sensus internus et externi, animi fiducia, excretorum et retentorum, reliquorumque functionum corporis singularum regularitas; alimenta et medicamenta necessaria defunt; et quo plures circumstantiæ e prædictis conveniunt: eo majus periculum, atque mors interdum ipsa, instat. Contra, morbus mitior, minus compositus, regularis, unicus; ægroto simul viribus et animi et corporis sufficientibus, nec non rebus ad nutriendum atque medendum necessariis, instructo: excretis et retentis; pariter ac partium singularum officiis rite procedentibus: ubi simul neque æger neque adstantes graviorem committunt errorem; minus est metuendus.

Speciatim vero hæreditarii ac habituales morbi præ adventitiis difficilius superantur. Vernales atque æstivi præ autumnalibus et hyemalibus citius ad finem decurrere solent. Morbus quilibet, temperamento ægroti, ætati, sexui, anni temporibus, vitæ generi, congruus, minus est periculofus, quam is, in quo contrarium observatur. Morbi etiam singuli, gravidis, parturientibus, puerperis, lactantibus, præ reliquis sexus sequioris personis, et molestiam et periculum augent, propter vires e dictis circumstantiis jam jam fractas, hinc morbo vincendo minus, quam alias, pares.

§. 31.

Morbus ad summum perventus punctum, non semper mitiori cursu tempus percurrit quartum (20): sed quandoque plus minus subito, vel totus, vel maximam partem, salutari eventu solvitur, ope excretionis cujusdam, sudoris videlicet, vomitus, diarrhœæ, urinæ fluxus, hæmorrhagiæ, salivationis, etc. vel simul et semel, vel repititis vicibus, insigniter auctæ, idque cum manifesto, quod inde capit ægrotus, levamine. Hoc si contingat, naturam (vocabulo secundum varias hypotheses diversimode sumpto) *critice* morbum solvere, seu *crisin* instituire, dicunt medici, atque ejusmodi evacuationes *criticas* denominant: quas in quibusdam solummodo morbis locum habere, nec nisi certis aliquibus diebus, *critici* exinde dictis, fieri, contendunt nonnulli. Rei ipsius veritatem in morbis clinicis experientia comprobat: istud autem in quibuslibet, et quovis termini quarti die contingere posse, licet actu non semper eveniat, eadem et ratio dictitant.

* Circa doctrinam de *Crisi*, quod vocabulum, vi vocis, *judicium* sive sententia lata denotat, maxime differunt autores. Quidam et lethalem morbi eventum, subito exortum, huc trahunt: atque hi *crisin* definiunt, quod sit subita ac repentina morbi mutatio per manifestam excretionem, qua ægrotus vel ad pristinam valetudinem redit,

vel exstinguitur. Alii crisin tantummodo admittunt, quando ejusmodi evacuationes salutari stipantur eventu: e quorum numero quoque est G. E. STAHLIUS, qui in *Diff. de periodis acutarum sine criseos eventu exquisitis*. Resp. Maur. Andr. Sultze. Hal. 1708. conditionem addit, ut hoc ipso actu morbus totus revera expugnetur; vid. *loc. cit.* §. IV. Nonnulli in febribus potissimum fieri eandem die septimo, nono, undecimo, quarto decimo, &c. contendunt: alii in aliis quoque morbis, cujus causa in sanguine et fero residet, admittunt: alii adhuc penitus negant. Dantur etiam, qui eandem distinguunt in *perfectam* et *imperfectam*, ac pro priori declarant ejusmodi evacuationem, quae morbum plenarie solvit: pro imperfecta vero, quando materiae morbificae versus alium quendam locum fit metastasis cum morbi solutione, id est, quando morbus in alium morbum transit: Vid. SCHELHAMMERUS Vol. II. Part II. Sect. III. Cap. XII. Frid. HOFMANN. *Med. Syst.* Tom. III. Sect. I. Cap. XV. M. ALBERT, *Semiolog.* Sect. XI. Barthol. MURRY *Quaest. Med.* *An a recta cricum doctrina et observatione medicina certior?* Resp. Julian. Buffon. *Aff. Paris* 1741. Anton. FERREIN *Quaestio Med.* *An a natura varius, quam ab arte, speranda crisis?* Resp. Ambros. Hosty, *Aff. Paris* 1749. alii, Crisin vero certum dierum non observare numerum, probat Ludov. DEVAUX. *Quaest. Med.* *An diverso judicentur tempore, qui iidem sunt specie morbi?* Resp. Jo. Matth. Le Bert. *Aff. Paris* 1715.

** Vid. ad huc Georg. Wolffg. WEDDEL, *Diff. de Diebus Criticis*. Resp. Georg. Tob. Wal-

Wallich jen. 1667. Frid. HOFFMANN. *Diss. Crisum naturam et explicationem rationalem sistens.* Resp. Joh. Petr. Artopoeus Hal. 1706. Georg. Ern. STAHL. *Diss. de Acrisia in febribus.* Resp. Joh. Ferdin. Curæo. Hal. 1707. Joh. Henr. ASSUM *Diss. Theoriam Crisum in febribus rationalem exhibens.* Argent. 1741. Petr. GERICKE. *Diss. de crisis.* Resp. Dionys. Döring. Helmst. 1742. Sam. Theod. QUELMALZ *Diss. de Salubri morborum per crises exitu.* Resp. Joh. Christian Hebenstreit. Lips. 1748. Joh. Andr. SEGNER. *Diss. de Depositionibus Criticis.* Resp. Andr. Conrad Gött. 1748. cum adj. Georg. Gottlob. RICHTER. *Progr. quod Crises veterum in morbis, propriumque iis tempus perpendit.* Sam. Theod. QUELMALZ. *Diss. de Evacuationum criticarum vicissitudine.* Resp. Joh. Gabriel Thilo. Lips. 1750.

§. 32.

Morbus aliquando, præsertim si mitior fuerit, absque medentis concursu ad finem decurrit salutarem, ipsa corporis vivi structura, et actione partium reliquarum illæsarum, ad medendum sufficientibus. Sæpissime tamen status partium imperfectus, ut ad conditionem revertatur naturalem, medici opus habet adminiculo. Illud vero in genere quarta Pathologiæ generalis sectio monstrat, quæ propterea METHODUS MEDENDI sive *Therapia generalis* nominatur, ac e mediis, ad medicinam universam spectantibus (3), de remediis potissimum inter-

norum applicatione iuxta regulas proponit universales.

§. 33.

Methodus medendi morbum supponit curabilem. Ut vero sanari queat morbus, requiritur: 1) ut medico morbus pateat; 2) ut ejus causa, si persistat, removeri se patiat; 3) ut contra eundem morbum medicamenta dentur; 4) ut et in promptu habeantur eadem, et rite applicentur. 5) ut magnitudo morbi talis sit, cui medicamentorum, cognitorum et presentium, vires non sunt impares. Atque hinc simul patet ratio, cur aliquando arte plus valeat docta malum. Morbus enim ille absolute incurabilis est nominandus, cujus causa auferri absolute nequit; contra quem, licet cognitum, medicamenta appropriata nondum sunt inventa; isque, qui remediorum quorumvis cognitorum efficaciam superat. Accidentaliter quoque morbus redditur insanabilis: si vel ipse, velejus causa persistens, studio celetur ab ægroto aut adstantibus; si medicamenta equidem dentur appropriata, eadem vero medenti lateant | si medicamenta, licet cognita, sufficientia, ac præsentia, debita methodo non applicentur, vel propter morositatem ægri insuperabilem, vel propter ipsius atque adstantium errorem, vel denique propter aliam quandam causam advenientem.

aut non sint in promptu;

Ex hisce monitis simul elucet partim, quam vana sint eorundem conamina, qui omnium morborum medelam indiscriminatim promittunt. Hi enim, morbo inopinate, aut contra promissum datum, lethaliter terminato, ut se ipsos exculpent, mortis causam, eamque sæpius innocentem, e longinquo adducere coguntur: unde et interdum e. g. prioris medici, si antea forte adhibitus alius fuerit, errorem in principio medelæ commissum, nec amplius emendabilem; pharmacopoei in præparando medicamento, adstantium, ipsiusque ægroti, errores, sine fundamento accusare observantur; aut alia ejusmodi dicteria, parum decentia, in medium afferre. Partim ut et e contrario, illi in medicum sint injurii, qui plus ab eo postulant, quam in medicina collocatum est potestate, sequitur.

§. 34.

Morbi nonnulli, saltem illi, qui, ceu effectus immediati ab aliis progenerantur morbis (28.), sublata causa, sponte et aliquando immediate, evanescent. Quamdiu autem morbi causa subsistit, ipse morbus vel penitus exterminari nequit: vel, exterminatus licet, facillime recrudescit, nec ejus reditus, plus minus tarde contingens, ullo prohiberi potest modo. Unde sequitur, ut *ante omnia causa morbi*, sive interna adfuerit, sive occasionalis, *removeatur*: Et cum id non semper sit possibile, atque aliquando periculum

e morbo metuendum, hujus vel plenariam, vel pro parte absolvendam, requirat medelam præcedentem; ut pro diversa ejusdem conditione, ea vel mitigetur, quantum fieri potest; vel simul cum morbo, vel saltem statim post eundem superatum auferatur, cura est habenda.

§. 35.

Morbus interdum, præprimis si vires corporis nimium non sint destructæ, absque ullis medicamentis internis, sola diæta congrua superatur (10,*). Nunquam autem morbi medela sine illius concursu est speranda: præsertim cum, experientia comprobante, errores diætetici primum inter causas externas sive occasionales locum obtineant. Ut ergo *regulas diætæ strictioris* (10) *ager observet*, necesse est.

Sola imaginione vividiori interdum morbos graviores sanari, contendit German. PREAUX. Quæst. Med. *An imaginatio, ut plures præter naturam affectus gignere, sic plures præter naturam affectus sanare potest?* Resp. Toussan. Gilbert Boulland. Aff. Paris. 1733.

§. 36.

Medicamenta, contra morbum quendam directa, ratione virium, morbi respondeant con-

conditioni, gradui ac temporibus: ratione dosis, ætati, temperamento, viribus ægroti: et quoad usus diuturnitatem, morbi pertinaciæ. Morbo itaque mitiori *mitiora* sufficiunt remedia, doses mediocres, cum usus intervallis longioribus: morbo autem vehementiori, medicamenta *generosa*, doses pleniores, et assumendi intervalla breviora quadrant. Acutus morbus *breviori* remediorum usu profligatur: chronicus e contrario *diuturniorem*, et proportionate requirit protractum. *Leniora* remedia iis conveniunt, qui vel propter ætatem teneram, vel propter fibrarum subtilitatem, corporis robore adeo magno non pollent; robustioribus et ætate provectioribus *fortiora* dentur.

Tandemque in medendo morbo quolibet generatim *mitiora* primum sumantur semper medicamenta, nec ad fortiora deveniatur ante, quam priora observantur minus sufficientia: nisi speciales circumstantiæ contrarium potius suadeant.

* Antiquioribus in explicanda methodo medendi generali morbus dicitur *indicans*; medicamentum, huic morbo conveniens, *indicatum*; et electio remedii congrui, *indicatio*. Adhæc in eligendo medicamento non modo morbi, sed etiam causæ interdum, ac symptomatis, præsertim urgentis, (40. sch.) habebant rationem; et ejusmodi causa, ut et Symptoma, ad quæ respiciendum

dum necesse credebant, ipsis erat *coindicans*; ac denique *contraindicans*, morbus quilibet, siue corporis conditio, quae remedii, alias contra morbum optimi, usum, propter majus huic exinde metuendum augmentum, interdicebat. Quidam ea propter de triplici loquuntur indicatione, *curatoria*, quae morbum; *praeservatoria*, quae causam; tandemque *vitali*, quae symptoma urgens, vitae periculum minans, respicit. Vid. Carol. Christian. KRAUSE *Diff. de Inventione Indicationum universum*. Lips. 1753.

** Olim, in aggrediendomorbo, *generalia* quaedam media, Venæsectionem nempe, purgans, sudoriferum &c. semper præmittere specialibus, contra morbum in specie directis, medici solebant: quod ipsum tamen hodie, propter diversitatem morborum, qui ejusmodi remoram non semper absque damno ferunt, adeo universaliter non amplius est in usu.

*** Medicamentorum usus, nisi proportionate protrahatur, morbum semiextirpatum brevi recurrere, imprimis, si levior quilibet accedat error diæteticus, experientia docet: in quo casu subinde pertinacior, quam antea, medelae denuo inchoandae resistit. Vid. A. Q. RIVIN. *Diff. de Ricitiva*. Vid. Ej. *Diff. Med.* *Diff.* XLI. A. E. BÜCHNER. *Diff. de Præcavendis et prudenter tollendis morborum recidivis*. Resp. Joh. Christian Wilh. Verpoorten. Hal. 1748. Ej. *Diff. de Morborum recursu*. Resp. Dan. Pfeiffer. Hal. 1751. Joh. Hier. KNIPHOF. *Diff. de Morborum recidivis*. Resp. Joh. Georg. Engel. Erford. 1752.

§. 37.

Propter diversas, quas medicamenta possident vires (11, *) haud raro contingit, unicum remedium plus uno morbo mederi. Quodsi ergo morbus occurrat vel duplex, vel compositus, cui toti simplex remedium sufficit: ambobus vel pluribus, eundem conficientibus, valetudinibus *simul mederi* licet. Si vero plures simul conveniant morbi, eodem medicamento non expugnabiles: illi omnium *primo* obviam eatur, a quo majus periculum imminet: et hujus medela tamdiu continetur, donec, imminutus, alteri vehementia sit inferior; quo facto, eundem relinquendo, medicina contra alterum hunc dirigatur: eaque mutua vicissitudo ad finem usque duret. Cumque, si morbi conjuncti contraria forte indigeant medela, evitari nequeat, quin, alterum morbum, majorem videlicet, expugnando, alter ex iisdem remediis, ipsi noxiis, augeatur: ne augmentum hoc nimis ascendat, cavendum est. Quo ipso simul elucet, ut, si duo ejusdem magnitudinis morbi periculosi conveniant, medelæ possibilitas supersit nulla: cum neuter eorum, jam antea maximus (quod supponitur) minimum augmentum, a remediis, alterutro oppositis inevitabile, absque plenaria ægroti pernicië, ipsis tunc remediis adscribenda, pati queat.

§. 38.

Morbus chronicus interdum, propter statum partis cujusdam in corpore adeo mutatum, ut in integrum restitui amplius non possit, vel propter causam remotu impossibilem, vel aliam ob rationem, tolli nequit: interim tamen molestiæ, a morbo oriundæ, imminui se quandoque patiuntur, atque sic ægrotus aliquamdiu adhuc conservari, et vitam diutius trahere superstitem cum aliqua levamine, potest. Hujusmodi medendi ratio *medelam* constituit *palliativam*: atque in eo generatim consistit, ut e morbis simplicibus (20), morbum compositum formatibus, sive, ut alii loqui malunt, e symptomatibus (40) illi, vel penitus vel pro parte, destruantur, quorum destructio adhuc est possibilis.

hac e compositis, complicatam ægritudinem sistentibus

Vid. Georg. Wolfg. WEDEL. Diss. de Cura palliativa. Resp. Phil. Frid. Schmeltzer. Jen. 1703. Andr. El. BÜCHNER. Diss. de prudenti Morborum insanabilium mitigatione. Resp. Joh. Frid. Schoepfer. Hal. 1750.

§. 39.

Momenta igitur practica, a medico clinico observanda, ut, quantum possibile, cito, tuto, et jucunde medeatur, hæc fere sunt præcipua:

- 1) Ante omnia e signis, cuilibet morbo

bo propriis, morbum dignoscere studeat: idque si uno impetu et primo conamine fieri non possit, reiteratam adhibeat diligentiam.

2) Cognito morbo, in ejus inquirat causam, num adhuc persistat illa, an jam-jam transierit: numque ante morbum eadem queat tolli, nec ne.

3) Videat, num remediis cognitis superabilis sit morbus, an non; ne inceptum sit inutile.

4) Remedia eligat congrua: et in iisdem dandis ad ægroti palatum respiciat, quantum quidem id licet: farraginem vero remediorum, tanquam incongruum quid, haud raro noxium, saltem inutile, evitet.

5) Ab invento medicamento congruo, et usu diuturniori probato, etiamsi speratus effectus ilico non sequatur, ad aliud quoddam non facile transeat. Interim et usui cujusdam remedii, quando nullam id plane affert medelam, licet satis diu adhibitum; aut si, vel propter specialem ægroti aversionem, vel aliam ob causam, morbus cum eo augeatur, morose non insistat: sed aliud, quoad vires cum præcedenti conveniens, aut, si visum fuerit, ex alia penitus classe desumptum, substituat.

6) In ordinanda diæta, ab uno extremo, five contrario, ad aliud præcipiti cursu nunquam deveniat: quoniam, maxime in hac re, omnis mutatio subitanea est periculosa.

7) A

7) A morbo vel summe periculoso, vel plane incurabili, aut abstinere in totum, nisi munus publicum, vel alia obstrictio, aliter jubeat: aut non nisi prognosi, sive ægroto sive adstantibus detegenda, munitus ægroti curam in se suscipiat.

* Quoad evitandam in specie medicamentorum farraginem, Vid. Christian. Steph. SCHEFFEL. *Dissertationes, de Mictopharmacomania, deque majori medicina certitudine ex usu simplicium medicamentorum præ compositis acquirenda.* Gryphisw. 1735-38. Ludov. Joh. le THIEULLIER *Quæst. Med. An a curatoria methodi simplicitate, curati securitas?* Resp. Claud. Person. Aff. Paris. 1743. Franc. David. HERRISANT *Quæst. Med. An permultis et compositis indicationibus pauca et simplicia medicamenta?* Resp. Alexand. Dionys. Dienert. Aff. Paris. 1748. Gaspard. COCHON DUPUY *Quæst. med. An medicina practica, quo simplicior, eo melior?* Resp. Carol. Geille de S. Leger. Aff. Paris 1750. alii.

** Dantur, qui sibi persuadent, quod ad feliciter superandum morbum vel absolute sit necessaria, vel saltem multum faciat ægroti in medicum fiducia: unde et nonnulli fiduciam hanc ut juniores practici vario ornatu externo, sermone, etc. sibi, ceu præcipuum medendi arcanum comparent, præcipiunt. Quamvis vero fidentia ista ægrotum, ad eo accuratius explenda medici præscripta, forte constringat; tamen neque fidu-

fiducia, maxima licet, sola sufficit; neque ea sola deficiens, remediorum, rite adhibiterum, efficacix quid derogat.

*** Autores de aliis adhuc, medelarum generibus variis loquuntur, e. g. de *cura per expectationem*, de qua M. ALBERTI in speciali egit *Dissert.* Resp. Ludov. Jul. Jaquemin. Hal. 1718. it. Abr. VATER. *Diss. de Cura morborum, quæ peragitur expectatione.* Resp. Christian Godofr. Schönwald Witt. 1746. Sub hac, si autor quidam intelligat ejusmodi methodum medendi, ubi medicus ægroto vel plane nulla subministrat remedia, vel penitus inefficacia, expectans interea temporis, quo vergant naturæ conatus, ut, iisdem se manifestantibus, medicinam proprie inchoet: eundem facile hac expectatione morbo dare occasionem, ut eundo vires acquirat, postea non semper domandas, manifestum est; imprimis, cum ejusmodi naturæ conatus, omni respectu, sint maxime dubii. Quodsi vero ejusmodi locutio *talem* exprimat medici methodum, ubi hic, non obstantibus circumstantiis accidentalibus quibusdam, remediis appropriatis, et potissimum lenioribus, tamdiu insistit, donec generosiora et tempus et locum congruum inveniant: illum revera non per expectationem sanare, sed rite et secundum præscriptas regulas agere, itidem patet. Pari quoque modo aliæ locutiones, hinc inde obviæ, haud difficulter explanantur, nisi per se jam satis sint claræ, e. g. Joh. LEMBCKEN. *Diss. de Vere et Cura Vernali* Resp. Christian. Hartwig Vehr. Gryph. 1722. M. Alberti. *Diss. de Cura Afsatoria.* Resp. Christian

Rian Gottlob Demiani. Hal. 1748. Georg. Ern. STAHL. Dissert. de Curatione *Æquivoca*. Resp. Joh. Frid. König. Hal. 1706. Ej. Diff. de *Methodica Curatione*. Resp. Joh. Casp. Bucholtz. Hal. 1709. Mich. ALBERTI Diff. de *sanatione fortuita*. Resp. Bernh. Wilh. Rödder Hal. 1721. &c.

§. 40.

Antiquiores pariter atque recentiores frequentem *Symptomatum* injiciunt mentionem, et, ex hoc fundamento, morbos speciales varios determinant, quod sint interdum *idiopathici*, interdum *sympathici*. Quamvis vero in definiendo symptomate non conveniant, hoc nomine tamen generatim exprimum *morbum specialem*, qui *alium morbum primarium concomitatur*, sive eidem jungitur: atque sic *sympathicus* illis est morbus quilibet, alii morbo, qui est primarius, junctus, adeo ut ab illo dependeat, sive sit progeneratus. Idem vero morbus fit *idiopathicus*, quando absque altero morbo, adeoque per se, subsistit.

Symptomatum in medendo morbo habendam esse rationem, volunt alii: alii acriter denegant, in eosque, ceu empiricos, obtrectionibus invehunt, qui in morbi medela symptomatum quoque curam gerunt: excipientes interim *urgentia*, id est, ea, quæ præ ceteris aut molestant ægrum, aut periculum afferunt; horum namque simul

permit-

permittunt medelam. Verum enim vero, cum symptomata quævis nil aliud sint, quam morbi, ad ipsa quoque, sive urgentium cognomine veniant, aut secus, esse attendendum, nisi sint e numero simplicium morborum, qui immediate ab aliis morbis producuntur, hæc namque, post causam remotam, sponte ruunt(34), facile patet: quod et contrarium sentientes nescii approbant, dum formulam componentes medicam contra morbum primum, plura commiscent remedia, et morbo et symptomatibus paria.

* SCHELHAMMERO Symptoma est affectio in corpore humano, post morbum, apparens, ex eo ipso, vel ejus causa procedens, et aliquid de constitutone partium, humorum, vel spirituum manifestans. Vid. *Ej. libr. cit. Vol. II. Sect. III. Cap. I. §. IV.* quod Galenicorum alii ita exprimunt: Symptoma est id, quod morbum sequitur vel comitatur, JUNCCKER. Symptoma definit, quod sit „præternaturalis actionum constitutio, quæ vel tanquam vere morbida et passiva læsio actionum, vel tanquam activa, proportionata, et salutari intentione suscepta, alteratio motuum secretoriorum et excretoriorum considerari debet, vid. *Ej. Consp. Medic. Tab. I. pag. I. Frid. HOFFMANN. Medic. Syst. Tom. II. pag. 63. §. XXVII.* ait „Motus solidorum et fluidorum in morbis valde immutati lædunt et turbant functiones corporis nostri variis modis; et hæ functionum læsiones vocari „vul-

„vulgo solent Symptomata,, dividens deinde symptomata in essentialia et secundaria. SCHELHAMMERUS etiam *loc. cit.* distinguit inter symptoma morbi, symptoma causæ, et symptoma symptomatis, alias adhuc differentias plures adducens. *Urgentia* vero symptomata idem autor determinat, quod sint septem, dolor nempe, vigilia, lypothymia, excretiones nimia, calor, sitis, delirium.

** JONSTONUS, præ reliquis autoribus, symptomata varia, aliis sic dicta, pro veris declarat morbis, eorum plenam historiam cum medendi methodo proponens, vid. *Ej. Ideæ Medicinæ*. Libr. I. Tit. IV. *ibid.* Libr. III. Tit. III. Cap. II. Artic. II. *ib.* Lib. IV. Cap. III. IV. Cap. VIII. Tit. II. Cap. I. II. &c. Symptoma esse vel morbum, vel rem morbosam: et tot dari morbos, quot symptomata, dicit quoque, J. H. SCHULZ. *Diff. de Cutis exterioris morbis*, §. LXXIX. LXXX. (86, **).

§. 41.

Quoniam medicus experiri singula ipse nequit; est enim, uti id HIPPOCRATI jam innotuit, ars longa, vita brevis: præter experientiam propriam, aliena quoque utitur (7, *). Cum vero hæc potissimum e fidis *morborum historiis* hauriatur: necesse est, ut tam e copiosissimis, quæ prostant, observationibus selectum quendam faciat, nec falsa, in iisdem haud raro contenta, aut in-

incompleta, pro veris atque talibus, quibus tuto confidere possit, assumat; quam ipse, historiam describens, errore non labatur. Completa itaque, ac rite facta, morbi observatio, sive ad morbi jamjam cogniti ulteriorem certitudinem ea componatur, sive nova quædam, hætenus incognita, proponat: 1) signa morbi et huc pertinentes effectus, tam in principio, quam in augmento, statu ac decremento observata, plenarie enarrat: 2) causas quoque, quantum easdem detegere fuit possibile, adjicit: 3) medicamenta, morbo opposita, eorumque effectus, ordine decenti describit: 4) morbi eventum, et mutationes, si quæ adfuerint, exactissime annotat: 5) præprimis vero circumstantiarum essentialium ne unicam quidem negligit; accidentalium autem phænomena, nisi ad explicandam morbi variationem fecerint, aut alia specialis accesserit ratio, vel penitus non, vel parcissime adjicit; quia hæc ultima ad morbum proprie non spectant; adeoque, si scrupulose nimis annotentur, et annotantis laborem, et describendi prolixitatem, sine necessitate ac fructu augent, lectorem quoque, minus exercitatum, facillime confundunt.

* Maximus historiarum, in autoribus obvenientium, defectus, præterquam quod nonnulli phænomena, omnem probabilitatem superantia, enarrent, in eo consistere obser-

vatur, quod autores haud raro remediis adhibitis medelam adscribant insequentem: cum tamen ejusmodi possibilitatis ratio nec ab ipsis adducatur, nec alias appareat. Quod enim toto die occurrit in communi vita, id in medicina quoque contingere potest, quod scilicet eventus rerum accidentaliter tantummodo adveniant. Unde historiis in hac presertim re fides non habenda est, nisi vel experientia, sæpissime reiterata dubium omne tollat, vel asserta rationes sufficientes corroborarent. Vid. Joh. Bohn. *Diss. de Experientia fallaci*. Resp. Jac. Herm. *Albrecht*. Lips. 1710. Frid. HOFFMANN. *Diss. de Modo Historias morborum recte consignandi, et ad usum applicandi*. Resp. Carol. Sibeth Hal. 1721. Georg. Christoph. DETHARDING. *Diss. exhibens historiam morborum conscribendi fidam et arcanam methodum*. Resp. Phil. Sam. Horn. Rost. 1734. Franc. Adam Wolffg. DE WINTER. *Diss. de Cautione in observationibus physico-mediceis adhibenda*. Altorf 1744.

** Quoniam autores alii, tam antiquiores, quam recentiores, pathologiam generalem fusius longe, quam hic factum, imo et in variis punctis specialibus aliter, pertractant; præter diversa ea, quæ e reliquis medicinæ partibus huc trahunt, morbos particulares quamplurimos simul explicantes, prouti id in antecedentibus jam fuit monitum: eorum singulorum prolata, si placet, in libris eorundem, itidem pro parte in antecedentibus commemoratis, aut aliunde cognoscendis, quærantur.



PARS. II.


PATHOLOGIA SPECIALIS.

§. 42.

PATHOLOGIA SPECIALIS, morbos corporis humani singulos separatim tradens, secundum morborum differentiam præcipuam in simplices et compositos (20) quam commodissime in duo dispescitur capita, quorum primum *morbos* proponit *simplices*, alterum *compositos* pertractat.

Autores, qui morbos describunt speciales, adeoque huc pertinentes, varios, habent jam adducti, STOLLIVS *loc. cit.* partim Part. I. Cap. II. partim Part. II. Cap. I atque KESTNERUS *loc. cit.* Cap. III. Sect. II. et Cap. VI. Sect. III. (17, **)





CAP. I.

MORBI SIMPLICES.

§. 43.


MORBUS SIMPLEX (20) unico tantummodo *signo* indiget pro sui dignotione, nec plures admittit, effectum quippe edens unicum (22): *causam* quoque proximam ordinarie habet unicam, vel internam - vel externam (27): præ composito facilius ad *finem* decurrit, si sanabilis fuerit; ac, si insanabilis sit, tantas, quas compositus, molestias creare non potest, facile tamen in alium, vel simplicem, vel compositum, morbum transit: tandemque unicum solummodo postulat *remedium*, aut non nisi unicam e remedii, pluribus forte instructi, viribus.

§. 44.

Morbi simplices tot necessario dantur, quot dantur modi, quibus partes corporis singulæ a statu naturali, sive perfecto et sano, recedere possunt. Hi vero ipsi optime sequuntur partium corporis divisionem principalem in solidas et fluidas, quoniam singulæ

læ statum amittere naturalem possunt diversimode. Unde et hoc primum caput in duas abit sectiones, *de morbis solidarum partium simplicibus* alterum, alterum *de ejusmodi morbis partium fluidarum*.

Morbos non inesse, nisi partibus solidis, adeoque fluidorum morbos dari nullos, quidam contendunt, e. g. SENNERTUM in hac re, uti et in aliis multis, secutus SCHELHAMMERUS, qui *libr. cit.* Vol. II. Sect. I. Cap. I. §. IV. sq. rationem hanc addit, „quod fluida ad partes corporis non sint „referenda, sed potius contentum in continente repræsentent, prætereaque labesse „possint a corpore, et hoc nihilominus maneat integrum: quod proinde morborum „tantummodo causæ, non vero ipsi morbi, iis inhabitent, „ Ast idem Autor *loc. cit.* §. VIII, in spiritibus, sub certa limitatione, morbos concedit, quos SENNERTVS aliique ad symptomata retulerunt: adeoque in opinione defensa ipse fluctuat: et, fluidis omnibus e corpore absentibus, hoc non amplius esse corpus humanum, in quantum est medicinæ objectum (2, ****); adeoque vel ex hoc fundamento, fluida pertinere ad partes corporis, hinc morbis, secundum definitionem allatam (17), obnoxia esse, quis est, qui non perspicit negotio facili? Quando vero alii, ad defendendam thesin, addunt „quod materia morbifica, quamdiu hospitatur in fluidis, sanitatem non lædat, sed „tum demum, quando partes solidas aggressa fuit, tunc sanitati latiore tributum sensum, quam hic factum est (1).



SECTIO I.

MORBI SIMPLICES PARTIVM

SOLIDARVM.

§. 45.

SOLIDAE CORPORIS PARTES
 aliæ sunt simpliciores, utpote fibra at-
 que canalis, et ex his iterum fibra, pars est
 omnium simplicissima: aliæ magis depre-
 henduntur compositæ, tegumenta scilicet,
 muscoli, vasa sanguifera, nervi, ossa, ossi-
 busque annexa, atque viscera. Admittunt
 vero mutationem et recessum a statu natura-
 li, FIBRAE *tenuitas, siccitas, durities, ten-
 sio, atque particularum cohesio*: CANALIS,
 præter mox commemorata omnia, ipsi,
 quoniam e fibris componitur, etiam com-
 petentia, *diameter, cavitas, apertura*: PAR-
 TIS denique cujuslibet magis compositæ,
 sive exterius in corpore sive interius collo-
 catae, majoris aut minoris, præter ea singu-
 la, quæ fibris atque canalibus, ejus compo-
 sitionem intransibis, adeoque et parti ipsi
 mediate, contingunt, *numerus, situs, volumen,
 figura, color, internarum denudatio*. Harum
 ergo structuræ proprietatum vitia in pluri-
 mis

mis earundem in eo, quod in gradu, vel majori, quam par est, vel minori, adsint, consistentia, partium solidarum morbos determinant simplices, eaque propter singulatim pertractari merentur.

* Quamvis singuli fibræ, seorsim spectatæ, morbi simplices in canali quoque locum habeant, et amborum morbi simplices iterum in qualibet parte corporis, quo nomine hic tam primi, quam secundi, tertii, quarti ordinis (20,*) partes veniunt, occurrere possint: attamen neque fibrarum vitia quævis inter canalium ægritudines, neque ambarum mala singula in enumerandis partium morbis, repetuntur; quoniam e sedis diversitate nihil novi ipsis accedit. Paucorum interim iterata sit mentio: quia aliis semper consectariis stipantur, prout vel in fibra, vel in canali, vel in parte magis composita, sedem figunt iidem morbi simplices, adeoque ulteriorem quandam repetitionem postulant atque admittunt.

Et contra ea, partium compositarum morbi simplices quilibet, his in specie adscripti, etiam fibras aliquando vexant atque canales. Quum tamen illi distinctiores in partibus istis, quam in fibris aut canalibus, effectum monstrent, hinc in partibus iisdem potius considerantur,

** Fibræ, antequam canalem sistunt, membranam prius efformant. Membrarum interim morbi simplices sigillatim haud enumerantur, quia, in hac occurrentes, ordinarie non mutantur. Quodsi vero di-

ver

versum edant effectum, aut alia exinde nascatur specialis circumstantia quædam, tunc membrana ad partes compositas, qualis in corpore revera est, transit, atque sic de ea quoque valent, quæcunque de hisce partibus in genere sunt allata.

§. 46.

Generatim morbi præcedentes (45) singuli, vel *soli* obveniunt, vel morbo alii, aut simplici aut composito, sive uni aut pluribus, juncti: majorem aut minorem *gradum* agnoscunt: vel sensibus externis, visui maxime, tactuique *patent*, in regionibus corporis visui tactuique explorabilibus, obvenientes; vel si pars affecta intus nimis lateat, nec accidentaliter sit denudata, ex effectibus reliquis proximioribus sunt dijudicandi (22): aut vitium constituunt connatum; aut aliam agnoscunt *causam*, eamque vel internam, adeoque morbum quendam prægressum ut plurimum, vel externam sive occasionalem (27. 28): partis affectæ, ac per istius cum aliis, præsertim cum proxime vicinis, connexionem, integri membri cujusdam, imo et totius corporis, actionem plus minus impediunt, aut penitus sufflaminant. *Medelam*, si nec motum corporis, vel partis, in qua resident, nec hujus usum, offendant; aut, si parum tantummodo hoc respectu noceant, non exposcunt:

ac si sint effectus alterius morbi sanabilis immediatus, cura speciali non indigent, quoniam, sublata causa, sponte abeunt: neque, si connati fuerint, aut inveterati, aut in nimio gradu præsentes, facile admittunt, tunc quippe ut plurimum immedicabiles censendi, et soli palliativæ medelæ relinquendi: atque, si sanabiles adhuc sint, media postulant, partim ipsi morbo opposita, accedente simul Diæta congrua; partim contra causam, si persistens hæc atque remotu possibilis fuerit, directæ; partim denique ad morbum forte conjunctum spectantia, quo et illius habeatur ratio (33 - 38).

Pramemorata hæc dicta generalia in sequentium morborum simplicium quorumlibet pertractatione supponuntur cognita: adeoque, loco verborum, præter generalia, quæ alias apponi singulis vicibus debuissent, brevitatis gratia, solus si numerus, quoties id opus est, citatur: id quod etiam de nonnullis aliis successive adhuc dandis, generalibus valet. Notandum porro, quod medicamenta contra simplices morbos singulos commendata in sequentibus, tantummodo ad ipsum spectent morbum; nec simul ad causam: quod igitur in quavis morbi simplicis medela subintelligantur verba, præter causarum remotionem, quæ iterum, sola brevitatis causa omissa, toties repetere non placuit: quodque de morbo forte adiuncto quolibet valeat idem.

§. 47.

FIBRÆ *nimia tenuitas* sive *subtilitas*, quando videlicet fibra naturalem crassitie gradum non obtinet: aut siccitatis nimie (49), aut extensionis violentæ (53) est consequens; ac præterea novis accrescentibus fibris, post præcedentium rupturam (56), familiaris observatur: fibram reddit plus justo irritabilem, atque debilem: unde et ejus talem non permittit motum, nec quoad magnitudinem, nec quoad diuturnitatem, qualem alias exferere illa potest atque debet. Pro causarum diversitate vel sanatur iisdem mediis, quibus aut siccitati aut extensioni violentæ obviam itur: vel medelam proprie nullam requirit, sed potius nutritionem solam, ad naturalem crassitiem usque continuandam.

Nec omnium humanorum corporum fibræ, nec ejusdem corporis fibræ omnes, teste experientia, eodem naturaliter gaudent subtilitatis gradu. Maxima potius in hac re observatur diversitas: adeo ut fibræ unius corporis, generatim sumptæ, magis quam alterius sint tenues; et in eodem corpore partis alicujus, e. g. Tendinis, fibræ majorem possideant subtilitatem, præ fibris alterius partis, e. g. Musculi. Unde sequitur: 1) ut fibrarum subtilitatis gradus in corpore A. gradum corpori B. consuetum superans, aut simul corpori A. solitus et naturalis, morbum non statim constituat: 2) ut gene-

generalis quidam et universalis subtilitatis gradus morbosus determinari nequeat; sed ut de fibrarum in corpore A. vel B. subtilitate naturali constare debeat ante, quam pro nimia declarari possit subtilitas: 3) ut hæc ultima, id est, subtilitas naturali major proprie actum demum adsit, quando in corpore, aut parte quadam, solitus in fibra gradus augetur, sic ut effectus supra descriptus sequatur: 4) ut in medendo eodem gradu nimio valeant adhuc, quæcunque præcedens §. 36. de habendo diversi personarum roboris respectu, in seligendis remediis, suadet. *Atque id, mutatis mutandis, de reliquis etiam simplicibus morbis tantum non omnibus sit dictum.*

§. 48.

Fibra crassities nimia, quando ultra debitam proportionem fibra crassescit, præsens: vel supponit humiditatem fibræ justo majorem (50), vel structuræ factam mutationem, e. g. e tendinea in cartilagineam: tumorem proportionatum, id est, prominentiam quandam insolitam, facit propter majus, quam fibra nunc occupat, spatium; et exinde orientem proximæ fibræ extensionem, aut, pro situs diversitate, compressionem; sensibilitatem fibræ minuit; aut alia, pro partis, ad quam fibra pertinet, speciali functione, confectaria generat. In priori casu humoris superflui, exsiccantibus (14) promovendam, ablatio-

lationem suadet: in altero autem prorsus insanabilis existit.

Huc pertinet, exemplum structuræ mutatae proponens, Dan. Wilh. TRILLER. *Diff. de fame lethali ex callosa oris ventriculi angustia.* Resp. Joh. Ephraim Frid. *Bulifio.* Witt. 1750. cum annexo Georg. Aug. LANGGUTH. *Progr. de Tabe sicca lethali ex callosa pylori angustia.*

§. 49.

Fibræ siccitas nimia, quæ adest, quando liquidi, intra poros fibræ contenti, copia solita deficit: vel humorum defectum generalem (89) supponit; vel pororum in fibra angustiae nimiae, liquidum necessarium non admittenti, est tribuendum; vel calori ambientanti fortiori, humidum dissipanti, adscribi potest: vel structuræ mutationem, e.g. e cartilaginea in osseam, sequitur. Particulas fibræ propius ad se invicem accedere facit: fibram reddit duriores, vel etiam subtiliores, justo; insimulque motus agilitati obest. Remedia postulat humectantia (14): ea vero, quæ a structura mutata ortum traxit, extra medicinae limites est constituta.

Vid. Ruttger. Gottlieb HOERNINGK *Diff. de Induratione partium prematura.* Lips. 1750.

§. 50.

§. 50.

Fibræ humiditas nimia, ubi nimirum justo major humidi portio inter fibræ particulas intercedit: vel humorum in corpore abundantiam generalem (88); vel eorum in fibra copiam arguit insolitam, idque aut propter pororum amplitudinem, aut propter liquidorum ad alias partes accessum impeditum: fibræ reddit solito molliorem, laxioremque, ordinarie et crassiolem nimis, atque hinc ejus morum et imbecilliolem et molestiolem; ejus quoque sensibilitatem minuit: remediis sanatur exsiccantibus (14).

§. 51.

Fibræ nimia durities, quando nempe fibræ mollitiæ ea, qua in statu naturali est prædita, destituitur: aut nimiam fibræ siccitatem, et per consequens aliquando structuræ mutationem (49) supponit; aut effectus est tensionis nimie (53): motus agilitatem, et, in priori casu, adhuc sensum accuratiolem, perfundat: taliaque exposcit remedia, quæ emolliendi vi pollent, id est, relaxantia (11); structuræ interim mutatio medelam admittit nullam.

§. 52.

Fibræ nimia mollities, quando scilicet fibræ durities ad gradum naturalem debitum-

G

que

que non ascendit: laxitatem nimiam (54) sequitur, potissimum vero humiditatis superfluae (50), aut alius cujusdam praesentis morbi, et imprimis extrema mollities mortificationis (147), est confectarium: fibrae sensum obtundit, eamque justo imbecilliorum reddit, atque exercendo motus gradui debito ineptam: remedia postulat exsiccantia (14).

§. 53.

Fibra nimia tensio, quando videlicet hæc ultra gradum ascendit naturalem: tenuitate, rigiditate et duritie insolita, tactu quandoque observanda, atque sensibilitate nimia, dignoscitur: violentam fibrae, a causa quadam, ratione totius corporis, vel externa vel interna, factam arguit extensionem. In gradu mediocri constituta, motum fibrae reddit alacriorem: ac, si elastica hæcce sit, ejus virtutem auget; ast, fortior imprimis, motum brevi, is si continetur aliquamdiu, dolorificum facit; qui dolor, si tensio ulterius ascendat, brevissimo intervallo aut immediate sequitur, gradui tensionis ubique proportionatus, adeoque maximus, quando ad *punctum ruptionis usque* pertingat fibrae extensio: fibrae laxitati nimiae (54) tandem dat occasionem. Aut relaxantia mitiora, aut anodina (11), pro diversitate vehementiae effectuum, postulat.

Vid. Georg. Erh. HAMBERGER, *Diff. de Rigiditate fibrarum*, Resp. Joh. Gotl. Hansch, Jen. 1750.

§. 54.

Fibræ nimia laxitas, quando nimirum infra gradum naturalem fibræ tensio subsistit: mollitiem insolitam, aliquando tactui patentem, et sensibilitatem justo minorem secum ducit: robur fibræ, a quacunque causa, destructum, aliquando etiam humiditatem justo majorem (§0), supponit; nec raro prægressam sequitur tensionem nimiam (§3): motum fibræ quemcunque, tonicum pariter ac elasticum, nec adeo diuturnum nec adeo fortem, quam par est, permittit, sed lentior potius atque debiliorem producit; ac propterea fluidorum in fibræ interstitiis cumulum provocat; sensum quoque fibræ, ejusque perceptionem, reddit obscuriorem: et remedia poscit roborantia (II.)

Vid. Laur. HEISTER, *Diff. de Debilitate fibrarum*, Resp. Otto. Just. Wreeden, Helmstad. 1728. Andr. El. BÜCHNER, *Diff. de Imbecillitate partium corporis solidarum, ab imminuta earum cohesione pendente*, Resp. Christian. Lebrecht Förster, Hal. 1749.

§. 55.

Fibræ cohesio nimia cum vicina, quando nempe fibra propius ad vicinam accedit,
G 2 quam

quam accedere debet, ac plus minus, aut penitus etiam, cum eadem coalescit: morbum constituit connatum; interdum vero et cohæSIONem destructam(56) præcedentem sequitur: motui fibræ liberiori obest: et malum format, quoad partes corporis internas, insanabile.

§. 56,

Fibræ ruptio, sive cohæSio et nexus particularum inter se, aut cum vicina fibrâ, destructus, ubi nimirum vel particulæ fibræ componentes, vel fibræ proxime vicinæ, a se invicem disjunguntur: nisi vitium fuerit connatum; prægressam supponit violentiam, sive ab extra advenientem, e. g. a remedio corro-dente, veneno, aut alia qualibet re lædente: sive ab intra agentem, quo nomine extensio ad rupturam usque (53) a humore intus de-tento, variique morbi, contagia, (136) etc. accusandi. Motum fibræ, nec non ejus sen-sum, omnemque usum tollit; adhæc partes, quas fibra naturaliter obtegit absconditque, denudat (74); ac interdum eius nimiam cohæSIONem (55) accidentaliter post se tra-hit: et quemadmodum morbus, si connas-catur, quorumlibet medicamentorum inter-norum efficaciam eludit, sic tum quoque, quando violentia præcessit, solius viventis corporis virtute sanatur; interim balsamica (11) præ reliquis locum habent aliquem.

* Dantur, qui *consolidantibus interne asumptis* vel insignem tribuunt virtutem, vel saltem aliqualem. Docet vero chirurgia, consolidationem unice esse actum corporis vivi ipsius, et ne externa quidem consolidantia proprie hunc titulum mereri. Unde patet, interna, quo nomine, præter balsamica medicamenta, potissimum plantarum partes leniter adstringentes (12) veniunt, eo minus dictam virtutem possidere, cum, antequam ad locum affectum pertingant, corporis humoribus adeo commisceantur, ut parva, quae quavis vice cum ipsis fibrae ruptæ applicatur, portio magnitudini morbi proportionata esse ullatenus nequeat. Atque hinc simul elucet ratio, cur in interne in corpore sitis fibris atque partibus, morbus, si aliqualem tantummodo gradum nactus fuerit, ordinarie, aut facile saltem, immedicabilis fiat, quoniam scilicet chirurgiae, quae quippe sola huic morbo in partibus externis, suppetias fert, ad internas liber non patet aditus.

** In hoc, atque in sequentibus morbis quibuslibet, *causarum* adducitur numerus aliquis; non ea intentione, ac si necessario ad producendum morbum omnes conveniant; sed quod singulae, seorsim spectatae, id efficere possint. Interim et plures haud raro conveniunt.

*** Vid. Andr. El. BÜCHNER. Diss. de Imbecillitate partium ab imminuta earum cohaesione pendente. Resp. Christian. Lebrecht Förster. Hal. 1749.

§. 57.

CANALIS *dilatatio nimia*, quando nempe majorem canalis obtinet diametrum, quam ipsi naturaliter competit; vel totum canalis tractum percurrit, aut saltem aliquam ejus portionem longiorem occupat; vel in spatio minori, adeoque brevior tantum, observatur: in ultimo speciatim casu loculam singularem, in loco dilatato, repræsentans: vel fibrarum, canalem formantium, laxitatem (54) habet pro fundamento; vel canalis a fluido in majori quantitate affluente (88) factam distensionem nimiam arguit; vel ejusdem occlusionem (62) in portione vicina. Robur atque elasticitatem canalis perfundat, hinc motum fluidi, in eodem contenti, justo reddit lentiores, id quod iterum huius stasin post se trahere potest; præterea et proxime affinium canalium, præprimis minorum, compressionem, adeoque angustiores diametrum (58), producit; imo et, ultra gradum possibilitatis aucta, canalis rupturam (60) inducere potest. Remedia postulat adstringentia (12).

Quicumque de canalibus adducuntur morbi, ad *omnis generis canales* spectant, sive hi annumerentur vasis sanguiferis, et quae iisdem sunt annexa; sive sint ductus se-et-excretorii speciales varii, et liquorum receptacula; ac denique *ad poros fibræ*, et quam-

quamlibet *aliam partem*, quae tanquam canal^{is} considerari potest.

§. 58.

Canalis angustia nimia, quando videlicet canal^{is} diameter justo est minor, sive in tota canal^{is}, aut maioris eiusdem portionis, longitudine, sive in arctiori spatio. Vel canal^{is} compressionem aliqualem a ligatura, tumore, canale vicino dilatato (57) aut alio quocunque corpore, extus accumbente, habet pro causa; vel fibrarum, canalem componentium, siccitatem nimiam (49), vel earundem constrictionem spasmodicam (139); vel membranarum, canalem formantium, in crassationem (48); vel humoris, canalem naturaliter distendentis, defectum (89): *mediate* quoque, sive accidentaliter, angustatur canal^{is} quilibet, quando humor in eodem contentus, aut abundat nimis (88), aut spissior est, quam ut per canalem, imprimis minorem, transitum inveniat (98). Fluidi intra canalem circulant^{is} transitum reddit molestum, atque sic eius stasi ansam praeberet; praeterea, ut ipsius copiam solitam canal^{is} non admittat, facit, et hinc, reliquo humore ad alia magis diffusa loca delato, alii cuiusdam canal^{is} dilatationem nimiam, nec non congestiones (88), producit: atque causarum ablatione sanatur; quas inter, si insana-

G 4

bilis

bilis quædam occurrat, quemadmodum e. g. membranæ incrassatæ reductio ad naturalem statum est impossibilis, morbus quoque in tantum insanabilis est pronuntiandus (38).

§. 59.

Canalis obstructio dicitur, quando canalis cavitas oblitteratur penitus, sive id accidat in spatio minori aut majori, in canalis initio, aut medio, aut fine. Vel compressionem a corpore, extus appposito, quocunque totalem arguit: vel obstipationem, interne contingentem, a particulis aut humoribus crassis; itemque a corpore solido quovis, intrus hærente, immobili: vel coalitionem plenariam plus minus late sese extendentem, sive a membranis, eousque incrassatis (48), sive ab alia qualibet causâ prægressa. Canalem in puncto obstructo claudit, et fluido per locum eundem transitum penitus denegat: hinc hujus cumulo in proxime vicina portione, atque sic mediate, portione hujus dilatationi nimia (57), adeoque, pro canalium officio diverso, vel congestionem humorum (88), vel eorundem in parte defectui (89), anasam præbet. Aperientia requirit remedia (12): cum vero medela in portionibus coalitis locum non amplius habeat, ea, quæ hinc oritur, obstructio immedicabilis censenda est.

Aperientium praedictorum virtutem, in referendo canali a particulis crassioribus, intus haerentibus, obstructo, multum adjuvant, dummodo canalıs situs nimium absconditus usum non vetat, *discutientia* si-
ve attenuantia externa, simul applicata, et in materia medica, ac in chirurgicis, quae-
nam sint, descripta.

§. 60.

Canalis destructio sive ruptio, quæ exsur-
git, quoties in membranıs, canalem effor-
mantibus, fibrarum cohæsiõ solvitur (56):
vel partialis est, vel totalis; in priori casu
quædam tantummodo fibræ, mox plures,
mox pauciores, inveniuntur ruptæ; in poste-
riori, omnes disjunctæ supponuntur, aut
secundum longitudinem canalıs, aut secun-
dum ejus latitudinem. Vel violentiam, fibris
factam, externam arguit; vel maximam ca-
nalis, et ad rupturam usque continuatam,
dilatationem (57). Humorũ in canali con-
tentorum effluxum, hinc eorundem, tam in
genere, quam in specialibus receptaculis, co-
piam imminutam (89. 109) post se trahit.
Balsamica admittit remedia (11), quæ tamen,
absque virtutis corporis concursu, ipsa usum
præstant nullum (56,*)

§. 61.

Canalis apertio inconsueta sive justo major,
quando scilicet extremitas canalıs ultra mo-
G 5 dum

dum hiat: aliquando visui patens: canalis ibidem factam supponit dilatationem nimiam (57): effluxum humoris, in canali contenti et per eundem circulantis, nimium, atque hinc liquidorum in genere imminutam copiam (89), habet pedissequam: et, nisi fuerit nimia, remediis constringentibus (12) sanari se patitur.

§. 62.

Canalis occlusio insolita, quando nimirum canalis in fine non, uti debet naturaliter, est apertus: aut obstructionem canalis (59) in puncto hoc extremo habet pro basi; aut corpus quoddam, sive membranam, aperturæ accumbentem, eamque claudentem. Debitum liquidi contenti effluxum, aut, si principium canalis fuerit occlusum, humoris influxum, prohibet; hinc, ut, in priori casu, contra naturam accumuletur, atque canalem distendat (57); in altero autem, ut in canali deficiat, et hujus, non amplius utilis, cavitas tandem oblitteretur, efficit. Pro causarum diversitate, vel medicamentis, obstructioni contrariis, id est, aperientibus (12) sanatur, vel insanabilis censenda venit.

§. 63.

Canalis nimia elasticitas, exinde dignoscenda, quando elastica canalis virtus, data
occa-

occasione, promptius et vehementius iusto agit: nimiam fibrarum, quæ compositionem membranarum canalis intrant, tensionem (53) pro fundamento agnoscit; aut fluidi, intra canalem contenti, elasticitatem nimiam (100). Motum canalis, et consequenter etiam humoris, in eodem contenti, promotionem, ac, pro re nata, effluxum, iusto velociorem reddit; tandemque canalis elasticitatem deficientem inducit: et non nisi causam removendo, tollitur proprie; interim relaxantia (11) locum quoque habent.

§. 64.

Canalis elasticitas deficiens patescit, quando virtus canalis elastica, occasione data, in gradu minori, quam par est, apparet. Fibrarum, e quibus formantur canalis membranæ, nimiam arguit laxitatem (54): aliquando etiam prægressam, aut elasticitatem canalis nimiam (63), aut ejus dilatationem (57), aut humorum in canali circulantium defectum (89), aut eorundem elasticitatem iusto minorem (101) sequitur. Motum canalis, hinc etiam fluidi, in eodem circulantis, reddit lentiolem; id quod hujus ultimi spissitudinem (90) post se trahere potest: et remedia postulat roborantia (11).

§. 65.

PARTIS *numerus auctus*, quando nimium

rum pars quædam ex iis, quæ aliam generalem componunt, abundat; aut pars specialis, quam naturaliter unicam habet corpus, duplex vel multiplex adest: non nisi connatum quid est, quoniam post nativitatem membra, aut partes integræ, non amplius accrescunt. Motum atque usum partis generalioris in priori casu, et, in altero, ipsius partis duplicis, ordinarie penitus non, vel non admodum lædit: difformitatem vero, majorem vel minorem, pro diversa magnitudine, situ, et figura partis superfluæ, post se trahit, si scilicet in conspectum ea veniat. Medela, ubi malum usui partis non officit, nulla requiritur: nec in internis corporis regionibus, tactui non patentibus, est possibilis.

§. 66.

Numerus partium imminutus, quando scilicet pars quædam, sive secundi, sive tertii ordinis, deficit: nisi connatum fuerit malum, violentam exstirpationem, aut morbum præpressum indicat: partis generalioris usum, in quantum a parte deficiente dependet, tollit: et morbum format insanabilem.

§. 67

Partis situs atque directio contranaturalis, quando nempe pars eundem, quem occupare debet, locum non occupat, vel in
to-

totum vel pro parte ab eodem remota; aut, si occupet, ea, qua alias solet, directione non gaudet: nisi vitium constituat connatum præcedentem arguit violentiam, vel celerius agentem et cum impetu, vel non nisi successively partem extra limites consuetos prementem. Usus partis, pro gradu differentię situs aut directionis, vel impedit plus minus, vel sufflammat in totum; pars quoque vi extra ordinem posita, comprimendo locos vicinos, eosdem lædere potest. Morbus inveteratus ordinarie medelam non admittit, a quacunque causâ provenerit; nec in genere eandem postulat, si cum eodem, imprimis non adeo insigni, usus permanserit salvus; connatus quoque ut plurimum est immedicabilis: ceteroquin medela in eo consistit, ut pars chirurgicis mediis ad situm atque directionem reducatur naturalem.

§. 68.

Volumen partis justo majus, quando videlicet magnitudo partis gradum naturalem superat: sive totam ea occupet partem, adeo ut hujus quantitas secundum omnes tres dimensiones nimium aucta reperiatur: sive illud in una tantummodo portione, id est, vel in extremitate partis, vel in medio, atque vel in longitudine, vel in profunditate sive crassitie, factum fuerit: aut connatum est malum,

im-

imprimis magnitudo aucta totalis; aut, quod in partiali potissimum observatur, alium habet morbum quendam pro, fundamento. Usus partis impeditum, pro circumstantiarum ratione, aliquando post se trahit. Medelam, si effectus iste prædictus non sequatur, haud exposcit; nec, si inveteratum fuerit vitium, admittit: quod vero a morbo quodam conjuncto, insimulque superabili, oritur volumen auctum, sponte, cum hoc ipso ablato, cadit.

§. 69.

Pars justo minor, id est, cui magnitudo naturalis deficit: cum præcedenti vitio, quoad differentias, causas, atque effectus, mutatis mutandis, coincidens: itidem medelam respuit omnem, si malum fuerit aut totale, aut connatum, aut inveteratum, aut a causa incurabili productum; alias morbi, cujus est effectus, sanatione debellatur.

§. 70.

Figura partis inconsueta, quando scilicet pars aliam, quam naturaliter habere debebat, conformationem externam præ se fert: vel connascitur; vel morbi cujusdam prægressi est residuum, plus minus inevitabile; vel violentiam perpeßam arguit; vel a morbo adhuc præsentem ortum trahit: usui partis aliquando obest: recens, a morbo quodam
orta,

orta, interdum medelam admittit; reliquæ vero species, maximeque inveterata, mutationem ordinarie admittunt nullam.

§. 71.

Color partis inconsuetus, quando videlicet pars quædam alium, quam naturaliter habere debet, colorem præ se fert: nisi conatus fuerit; aut morbi alterius, sive præteriti, sive adhuc præsentis, consuetarium; aliquando ab impuritate, parti adhærente, ortum trahit: et in hoc ultimo casu, itemque, quando morbi præsentis est effectus, eiusdem remotione facile tollitur; alias ut plurimum immedicabilis.

Cutis color peregrinus aliquando e continua ejus cum certis vegetabilium succis inunctione, unde color membranae reticularis tandem mutatur, originem habet: in quo casu, si morbis fuerit recens, omitendo unctiones, sponte tandem abit; si vero inveteratus, medelam admittit, saltem perfectam, nullam.

§. 72.

Partis nimia sensibilitas sive irritabilitas in conspectum venit, quando pars ab admotis irritantibus quibusvis lenioribus fortiter & ultra modum afficitur: fibrarum, partem componentium, vel subtilitatem nimiam (47).
vel

vel tensionem iusto maiorem (53) supponit: levio-rem contactum, alias innoxium, reddit dolorificum; ac motibus nimis, tumultuariisque, e leviori causa pronatis, nec non congestionibus (88), itemque liquorum particularium secretioni auctæ (108), an- sam præbet: et causarum postulat remotionem.

Vid. Georg. Ern. STAHL. *Diff. de Tene-
neris agris*. Resp. Rudolph. Gottlieb. *Rehfeldt*
Hal. 1708.

§. 73.

*Partis sensibilitas aut irritabilitas iusto mi-
nor* patet, quando, post adhibita irritantia, im-
pressio ac effectus, vel nullus, vel non nisi
admodum debilis, observatur: fibrarum
componentium probat vel crassitiem solito
maiorem (48), vel humiditatem nimiam (50);
vel duritiem naturali contrariam (51. 52),
vel laxitatem inconsuetam (54): motui, præ-
sertim tonico; nec non effectui necessario re-
mediorum quorundam, imprimis externo-
rum, obest: et causæ ablationem requirit.

* Sensibilitatem cum partes duriores,
cartilago nimirum atque os, nullam possi-
deant: quæcunque de irritabilitate vel ni-
mia vel deficiente dicta prostant, ut non nisi
ad *molliores* spectent, et ex iisdem maxime
ad eas, quæ *elasticarum* quoque nomen gerunt,
sequitur.

•• Vid.

** Vid. Georg. DETHARDING, Diff. *de Anæsthesia*. Resp. Georg. Bernh. *Quistorp*. Rost. 1718. Mich. ALBERTI, Diff. *de Insensibilitate personali*. Resp. Ferdin. *Schwab*. Hal. 1731.

§. 74.

Partis denudatio contranaturalis, quando nimirum pars quædam, quæ aliis naturaliter obiecta partibus, adeoque abscondita, esse debet, tegumentis suis ita destituitur, ut in conspectum prodeat: rarissime malum format connatum; ordinarie potius est consequens destructæ cohæsionis (§6) in partibus, quæ denudatam naturaliter obtegunt. Aëri liberum ad partem ejusmodi nudam accessum permittit, unde hæc, pro varia sua conditione, diversam subit mutationem noxiam. Medela perficitur, quando in partibus obtegentibus fibrarum cohæsio restituitur: obtegendero interea temporis, palliative, denudatam partem appropriato quodam medio.

§. 75.

MUSCULI *nimia irritabilitas*. vel observatur in fibris carneis partium, quæ membranis gaudent musculosis; vel spectat ad musculos strictè dictos: irritationem prægressam, eamque reiteratam, aut externam aut internam, sequitur; vel alium quendam morbum habet pro basi: motum inducit soli-

to majorem, facile in involuntarium five convulsiones (140) transeuntem: remedia postulat anodina.

§. 76.

VASORUM SANGVIFERORUM *dilatatio nimia* (57), vel in toto systemate, adeoque in universo corpore, simul contingit, vel in vasis quibusdam, five in una corporis parte, eaque aut majori aut minori tantum: sanguinis nimiam sequitur quantitatem, unde distenduntur vasa sanguinem vehentia, eamque vel generalem vel partialem (96): vasorum lymphaticorum atque serosorum nimiam dilatationem, reliquarum vero fibrarum aut partium vicinarum compressionem, post se trahit: et causarum remotione sanatur.

Eorundem e contrario nimia angustia, itidem vel omnibus communis, vel aliquibus tantum: aliquando, præter generalia (58), sanguinis defectum, vel totalem, vel in speciali parte contingentem (97) arguit et: præterquam quod, si universalis fuerit, vasorum quoque secundi atque tertii ordinis collapsum habeat sequentem; congestionibus ansam dat, si pars corporis unica solummodo ægroter: et sanguinem deficientem restaurando, evanescit. Aliquando vero et *medicate* vasa sanguifera angustantur: quod fit, quando vel major sanguinis quantitas adest, quam

quam proportio cum vasis sanguiferis perfert; vel sanguis, per se non abundans, propter elaterem acquisitum majorem solito (100), majus spatium affectat. Atque hæc mediate producta angustia in prædictam majorem dilatationem, quæ scilicet necessario sequitur, transit.

§. 77,

Vasorum sanguiferorum elasticitas nimia (63) vel totalis est; vel in nonnullis tantummodo vasis, adeoque in unica parte, contingit: aut sanguinis præcedentem nimiam elasticitatem (100) habet pro fundamento, aut eandem post se trahit: vasorum, et per consequens etiam sanguinis, motum proportionate majorem producit; unde iterum vasorum dilatatio major (76), ipsa tandem elasticitas deficiens, aliaque consecutaria fluunt: et causarum imprimis remotionem exposcit.

Eorundem elasticitas deficiens (64), quæ ipsa aut universum systema, aut quædam in specie vasa, vexat: interdum ex elasticitatis sanguinis defectu (101) nata: motum vasorum et sanguinis, hinc quoque calorem corporis aut partis, imminutum, nec non secretiones deficientes, post se trahit; itemque sanguinis elasticitatem, nisi hæc jam adsit imminuta, debilitat: et roborantia postulas remedia (11).

§. 78.

VASORUM LYMPHATICORUM

nimia dilatatio (57) præcedentem vasorum sanguiferorum dilatationem nimiam (76) supponit: sanguinem intrantem admittit; vasorum tertii generis dilatationem nimiam post se trahere potest: et adstringentibus (12) sanatur.

Eorundem angustia nimia (58), præter generalia, aliquando, pro diversa vasorum natura, vel subsistentiam particularum crassiorum, quæ eousque penetrarunt, vel canalibus compressionem arguit: atque humorum vel ad tertii generis vasa transitum, vel reditum liberum in sanguinem impedit: et aperientia (12) postulat.

§. 79.

VASORUM SEROSORUM *dilatatio*

nimia (57), dilatationis nimiae vasorum secundi ordinis (78) consecrarium: sanguinem et lympham intrare, imo et, pro dilatationis magnitudine atque situ, vel in subtiliores adhuc, si qui dantur, canales penetrare, vel foras e corpore aut parte exire, vel in cavitatem quandam influere; adeoque secretiones liquorum particularium augeri (108), permittit: et constringentibus medicamentis (12) est debellanda.

Eorundem

Eorundem angustia nimia (58) aliquando constrictionem spasmodicam (139) habet pro fundamento. vel secretionem, aut minuit, aut penitus sufflaminat, ad tempus saltem: sicque tenuiorum in corpore humorum abundantiam post se trahit (91); vel propter refluxum denegatum, secretionis augmentum, adeoque contrarium, efficit: et causarum remotionem suadet.

Eorundem elasticitas nimia (63) humorum subtilissimorum auget motum, adeoque secretionem producere abundantiores potest; et e contrario *defectus elasticitatis* (64) motus eorundem humorum, ac per consequens, pro vasorum actione diversa, vel secretionum, vel resorptionis, imminutionem, eorumque consecutaria (108. 109), post se trahit. Priorem morbum relaxantibus (11), alterum irritantibus (11, **) aggredi oportet.

S. 80.

ARTERIÆ dilatatio nimia (76), partialis, pro natura arteriæ diversa, vel sanguinis, vel lymphæ, vel feri, in vicino loco quodam denegatum circulum liberum indicat; et potissimum ipsius arteriæ in puncto aliquo obstructionem (59). Totalis si fuerit, in *sanguifera* arteria, sanguinis arteriosi elasticitatem nimiam (100) arguit: elasticam arteriæ vim tandem debilitat; humori crassiori

in arterias minores, eidem naturaliter impermeabiles, aditum permittit, adeoque sanguinem in arterias *lymphaticas*, nec non *serosas*; lympham in arterias *serosas*, intrare; atque sic, pro situs diversitate, omnes hosce liquores vel extra corpus tandem prorumpere, vel in cavitatem quandam specialem influere, facit; in arteriis in specie *serosis*, secretiones diversimode alterat: iisdemque mediis sanatur, quæ contra dilatationem canalium in genere faciunt.

Ejusdem angustia nimia (76), in majoribus vasis, sanguinis et reliquorum humorum in partem corporis, ad quam Arteria pertinet, influxum, pro vario angustiae gradu, imminuit, ac in *obstructione* (59) penitus tollit; hinc etiam, quoad *sanguiferam Arteriam*, et nutritionis et sensus et motus in parte affecta decrementum aut sublatio succedit, ipsaque partis vita periclitatur; in *lymphatica* atque *serosa arteria* e contrario, nutritionis atque secretionis defectum inducit. In *minimis* arteriis, cujuscunque ordinis, *obstructio* probasi sæpiissime habet particulas crassiores, propter volumen majus plenarium transitum, atque sic ex altera apertura egressum, non invenientes, sed subsistentes potius, et inflammationum diversarum (142) fundamentum constituentes.

Arteria sanguifera ruptio, five destructio, (60) profusionem sanguinis arteriosi, id est, floridi, fluidioris, a corde ad partes influentis, nunc cum saltu prorumpentis continuo, inducit: mortem tandem infert necessario subsequenter, si *majori* arteriæ id accadat; in *minoribus* vel sponte tandem hæmorrhagia cessat; vel, pro situs diversitate, sanguinis in cavitate majori aut minori collectio, five extravasatio, sequitur. Adstringentia postulat remedia; quæ tamen, ceu insufficientia in majoribus arteriis, effectu longe sunt postponenda mediis chirurgicis, dummodo hæc propter situm arteriæ destructæ, applicari queant: extravasatio quoque eadem media, id est, chirurgica, suadet.

Arteria lymphatica, atque serosa, destructio, secundum situs varietatem, aut lymphæ aut serî effluxum post se trahit, five cuticulam inter et cutim, unde prior elevata et acute separata, majorem vel minorem pustulam sistit, humore lymphatico plenam; five in aliam quandam cavitatem humorum influere facit. Medela, quoad arteriam, nulla indiget, quoniam sponte tandem hæc vasa, adeo parva, sanantur: quoad effectum vero, eadem est illa, quam in mox præcedenti arteria sanguifera.

§. 82.

VENÆ *dilatatio nimia* (76) prægressam, si systema venosum totum laboret, arteriæ nimiam dilatationem arguit, a majori humorum copia (80); si partialis fuerit morbus, venæ cujusdam alterius, imprimis majoris, compressionem aliqualem manifestat; venæ elasticitatem minuit: et causæ ablationem postulat.

Ejusdem compressio (58), aliqualis, pro venæ, aut ad primum, aut ad secundum, aut ad tertium genus relationem, vel sanguinis, vel lymphæ, vel seri, refluxum impedit, adeoque solito reddit lentiolem: totalis, itemque *obstructio* (59), eorundem humorum reditum, in quantum a vena morbofa dependet, penitus tollit, hinc liquorum particularium abundantiori collectioni (108) ansam præbet: reliqua cum generalibus coincidunt.

§. 83.

Vena sanguifera destructio, sive ruptio, (60) effluxum sanguinis venosi, id est, nigricantis, spissioris, e partibus corporis ad cor refluents, nunc cum saltu, vel nullo, vel post brevissimum temporis spatium cessante, prorumpentis, producit: in reliquis cum arteria sanguifera destructa (81) coincidens.

Venæ lymphaticæ destructio, pari modo, ac arteria congener (81), lymphæ effluxum,
et

et sub cuticula, aut in cavitare quadam speciali, collectionem producere valet: quod idem, id est effluxus, ac, pro circumstantiarum diversitate, collectio adhuc, humoris serosi, et *Venæ serosæ destructionem* sequitur.

§. 84.

NERVI *angustia nimia*, (58) aliquando subtilissimorum, e quibus componitur nervus, canaliculorum compressionem a vicinis vasis sanguiferis dilatatis (76) habet pro fundamento: influxum liquidi nervei, hinc usum nervi, et per consequens etiam motum sensumque partis, ad quam nervus pertinet, debilitat; quem ipsum influxum, reliquaque inde provenientia commoda, nervi *obstructio* (59), itemque ejus *destructio* (60), penitus tollunt. Reliqua omnia cum generalibus conveniunt.

Vid. Andr. El. BÜCHNER, Diss. de *Aronia Nervorum, morbisque inde oriundis*. Resp. Joh. Christoph de Steinen, Hal. 1749.

§. 85.

OSSIS *durities sive rigiditas nimia* (51) nutrimentum prævum, scorbutico contagio (136) infectum, aliquando magnam congelationem, habet pro fundamento: fracturæ ossium, præcipue cylindraceorum majorum,

rum, ægro incaute artus movente, occasionem præbet: et removendo causam sanatur.

Ejusdem mollities inconsueta, (§2) a contagio venereo (168) in corpore latente oritur; nisi post prægressam ossis fracturam, sive destructam cohæsionem (§6), callo recenti, et nondum sufficienter indurato, sit adscribenda: membrum sive partem, ad quam os pertinet, robore naturali orbat; ac in pede speciatim insolitam in incedendo flexionem gignit, adeoque fulcimentum consuetum truncoco adimit; qui ultimus etiam effectus oritur, si *spina dorsi* malo hoc laboret; ac, si incautius rem suam æger aggrediatur, ossis destructam cohæsionem post se trahere potest: et, una cum palliatis adminiculis suffulcientibus, contagii eliminationem postulat.

Ossium rigiditatis notabile exemplum tradit Joh. PALFYN. Libr. *de ossibus* Sect. I. Cap. 3. pag. m. 43 sq. Ossa adeo mollia, ut ceræ instar flecti se paterentur, absque ægroti incommodo, tradunt E. N. C. Dec. II. Ann. VII. Obs. CCXII. et Obs. CCXXXV. ubi alii simul autores varii, similia narrantes, adducuntur; itemque Dec. III. Ann. II. Obs. III.

§. 86.

VISCERIS *cujusdam*, sive id pertineat ad caput, sive ad thoracem, sive ad ventrem
: infi-

infimum, *numerus* auctus (65), in quamplurimis solam pro basi agnoscens subdivisionem notabiliorem; itemque *situs ac directio contranaturales*, aliquando obvenientes (67): præter generalia, hic etiam applicanda, ordinarie nec mali quid ominantur, nec medelam admittunt. Quocum, quoad prognosin atque medelam, coincidit ejusdem *con-nexio* cum vicinis partibus *nimia*; ipsaque in specie *pulmonis cum pleura coalescentia*, cuius causam nonnulli autores prægressum in ambabus partibus morbum inflammatorium (143) faciunt.

* *Pulmonis ad Pleuram adhaerescencia* morbum format, nec dignoscendum durante vita, nec sanabilem, nec adeo, uti autores volunt, respirationi nocentem. Vid. Joh. Fried. CRELLII *Diff. de viscerum nexibus insolitis*. Resp. Joh. Frid. Pinkert. Helmst. 1743.

** *De crepatura viscerum peculiari* Diff. agit Joh. Hadrian. SLEVOGT. Resp. Marc. Henr. Dencker. Jen. 1699.

*** *Pinguedo atque Medulla dupliciter considerari possunt: vel tanquam massa unica, sicque morbi earundem simplices haud alii sunt, quam morbi partium superius pertractati; vel quatenus maximam partem e succo constant oleoso, et, hoc respectu, morbi, ipsi contingentes, locum habent inter ægritudines humorum mox com-*

commemorandas, Tegumentorum, cum annexis Unguibus et Pilis, Ossiumque morbi simplices reliqui, nec non Dentium mala, quoniam ad externos pertinent morbos, in libris chirurgicis explicantur. Vid. interim. Joh. Henr. SCHULZ. Diff. de Cutis exterioris morbis. Resp. Christian. Bernh. von Sanden. Hal. 1740. Jacob. WOLFF. Diff. de Obesitate exsuperante. Resp. Carol. Christian. Leisner. Jen. 1683. Joh. Ernest. SCHAPER. Diff. de Obesitate nimia. Resp. Ernest. Henr. Feche. Rost. 1701.



SECTIO II.

MORBI SIMPLICES PARTIVM

FLUIDARVM.

§. 87.

FLUIDARUM CORPORIS PARTIUM diversas dari species, ex iisque esse *chylum* atque *sanguinem* principales, *reliquas* vero omnes minus principales, docet Anatomia. In singulis *quantitas* atque *qualitas* diversa ratione peccare possunt, unde totidem exsurgunt morbi humorum simplices: qui vel generatim omnibus hisce sunt iidem, vel in fluidis specialibus, propter peculiarem circumstantiam quandam, singularem merentur contemplationem (44. sch.).

Vid. Georg. Wolfg. WEDEL. Diss. de
vitiis humorum morbificis. Resp. Mart. Lüder.
Jen. 1684.

§. 88.

HUMORUM *abundantia*, quando scilicet eorundem major in corpore, aut partibus, adest quantitas, quam adesse debet: vel generalis est sive totalis, humoribus in universo corpore, adeoque ubiuis, abundanti-

dantibus; vel partialis, five localis, quando nimirum ejusmodi quid in unica tantummodo corporis parte occurrit; atque tunc morbus *congestionis* vocabulo exprimitur. Variis suis effectibus, et, sub certa conditione, visui quoque, patescit. *Totalis* vel chyli abundantiam (93), insimulque ordinarie sedentarium vitæ genus, aut alio modo otiosum, habet pro fundamento; vel vasorum, maximeque secretoriorum, elasticitatem deficientem (79), unde superflui humores non rite per corporis emunctoria varia educuntur, sed potius illorum quantitas justo major colligitur: *partialis* aut irritationem specialem in loco affecto (72) arguit; aut canalium in parte remotiori angustiam nimiam (58), atque inde provenientem fluidorum in eadem circulum impeditum. Fibris, adeoque et partibus singulis, præsertim tamen mollibus quibuslibet, humiditatem, mollitiem, et laxitatem justo majorem conciliat (50.52.54): canales ultra modum distendit (57), eosdemque propter quantitatem superfluam mediate angustat; humorum spissitudini ansam præbet: *totalis* secretionum singularum augmentum (108); *partialis*, humorum in locis remotioribus defectum (89), post se trahit; hæc ultima adhuc fibrarum canalis distensionem ad dolorem usque (138) augeat. Præter causarum remotionem, victum postulat parcio-
dia-

diætāque laboriosā; atque medicamenta evacuantia omnis generis, præprimis tamen sudorifera et diuretica, itemque laxantia (15), admittit.

Vid. Andr. El. BÜCHNER. *Diff. de congestionum natura, causis et effectibus*. Resp. Carol. Frider. Fromhold. Hal. 1749.

§. 89.

Humorum defectus, quando nimirum quantitas fluidorum debita non adest, sed potius copia justo minor canales, ceteraque receptacula, inhabitat: vel in toto corpore observatur, adeoque est generalis; vel in una alterave parte tantummodo obvenit: per effectus, aliquando et visui, patens. *Totalis* pro causa haber, aut defectum chyli (94), aut secretionem quandam ultra modum auctam, aut morbos magnos prægressos: *partialis* e canalium advehentium obstructione, aut destructione, aut apertione majori (59-61), itemque ex congestionem humorum (88) in parte maxime remota quadam, oriri potest. Fibram reddit justo sicciorē (49): canalium post se trahit collapsum sive angustiam, atque elasticitatis defectum (58. 64): usu, quem humores, pro singulorum conditione, præstant, corpus privat, hinc hujus vel partium incrementum, usum, motum, robur, impedit: secretionem alias imminuit, alias peni-

penitus tollit. Et caufarum remotionem postulat: ille vero, qui morbos magnos sequitur, nutritione pleniori refarcitur,

§. 90.

Humorum spiffitudo five cohesio aucta, quando scilicet fluida corporis iusto crassiora deprehenduntur: vel defectum feri tenuioris (107) supponit; vel contagium quoddam, five virus peregrinum, ab extra adveniens, coagulans (136); vel canalium elasticitatem, hinc et motum, deficientem (64); vel chyli, propter abufum alimentorum incrassantium, et medicamentorum ejusdem generis, spiffitudinem (95); vel nudam humorum abundantiam (88), et exinde dependentem motum imminutum. Circulationi fluidorum maximum affert impedimentum; stases adducit in minimis meatibus, quos mediate angustat (58); secretionum præterea, hinc et humorum particularium, præprimis tenuiorum, defectum (109); et attenuantia medicamenta (14) postulat.

Vid. Joh. Ernest. SCHAPER. *Diss. de Viscido, sanitatis offendiculo*. Resp. Joh. Christoph. Gottwald. Rost. 1695. Brand. MEIBOM. *Diss. de morbis ex viscido oriundis*. Respond. Joh. Leonh. Henrici. Helmst. 1737. Andr. El. BÜCHNER. *Diss. de causis et effectibus humorum viscidorum*. Resp. Joh. Godofr. Gallesky. Hal. 1750.

§. 91.

Humorum tenuitas justo major, sive cohesio imminuta, quando nempe isti eum consistentiæ gradum, qui ipsis naturaliter competit, non habent: pro causa agnoscit vel feri tenuioris abundantiam (106); vel contagium quoddam resolvens (136); vel alimentorum ac medicamentorum attenuantium abusum, atque hinc pendentem chyli tenuitatem majorem (95); vel vasorum secernentium obstructionem (79). Elasticitatem, adeoque et motum humorum, insimulque totius corporis, debilitat; humorum a se invicem secessui, et, ex hoc fundamento, minimorum canalium obstipationi (59), an-sam dat; secretiones liquidorum tenuiorum auget: et incrassantia sive coagulantia remedia (14) suadet.

Vid. Georg. Gottlob. RICHTER. *Diss. de Tenuitate humorum temere laudata*. Resp. Eduard. Jacob. Lupin. Götting. 1750.

§. 92.

Humorum acrimonia, quando scilicet humores acriores deprehenduntur, *salii* ultra modum, *acidi*, *alcalici*: aliquando ab ipso ægroto gustu, quem in ore sentit, percipitur: vel medicamentorum aut alimentorum, quæ ejusmodi quid efficere possunt, usum,

I

atque

atque sic chylum contra naturam acrem (95), habet pro basi; vel contagium forte, aut fermentum quoddam, fluidis communicatum. Irritationem in partibus, quas isti humores proxime attingunt, producere potest: horumque aut spissitudinem, aut tenuitatem nimiam, et per consequens stasim in canalibus minoribus; aliquando et insequentem corruptionem. Causæ remotionem ipso cit, et alimenta bonæ notæ: quibus peractis humores alterati sponte per varia corporis emuntoria avocantur, succedentibus in eorundem locum blandioribus.

Vid. Joh. Gerard. TRUMMER. *Diff. de fluidorum corporis humani acrimonia, ejus speciebus ac effectibus.* Hal. 1749.

§. 93.

CHYLI abundantia quando videlicet major ejus portio perficitur, et sanguini commiscetur, quam ad nutriendum corpus est necesse: diætam supponit lautio rem, taliumque imprimis alimentorum, quæ et facile concoquantur, et succi laudabilioris plena sunt, assumptionem copiosam; humorum abundantiam (88), nec non plethoram generalem (96) infert: atque causæ remotione sanatur sola.

§. 94.

Chyli defectus, quando nemque ejus portio

tio, sanguificationi et nutritioni sufficiens, corpori non communicatur: aut defectum alimentorum supponit; aut appetitum deficientem (230); aut chyli impedimentum intrandi in vasa lactea, idque vel vitio ipsius chyli, spissitudinem contranaturalem, (95) obtinentis, vel vasorum lacteorum, propter obstructionem aliamve causam, culpa (59), vel intestinorum, propter irritabilitatem nimiam (72) chymo necessariam remoram denegantium, vitio: humorum, præprimis vero sanguinis, defectum inducit (89.97); et causarum postulat ablationem.

§. 95.

Chyli consistentia contra naturalis, quando scilicet chylus justo est vel spissior, vel tenuior; vel acredine, aciditate, falsedine, etc. infectus. Aut alimenta, nec non medicamenta, in copia majori assumpta, incrassantia, attenuantia, itemque nimio acore, aciditate, falsugine depravata, habet pro basi: aut contagium quoddam, sive coagulans, sive attenuans (136), ad primas vias delatum, ibidemque chylo admixtum. Sanguini reliquisque humoribus eundem imprimit characterem (90.91.92); in specie spissitudo chyli, ipsius defectum (94) in corpore post se trahere potest: et causarum remotione tollitur.

§. 96.

SANGVINIS *abundantia*, quæ et *Plethora* dicitur, quando nimirum major sanguinis in vasis sanguiferis adest copia, quam proportio inter vasa eadem sanguinemque requirit: vel in toto observatur corpore, atque tunc *Plethoram* format *generalem*; vel in una tantummodo corporis parte occurrit, *Plethora specialis*, nec non *congestio sanguinis*, appellata. Prior vel chyli abundantiam (93) pro causa agnoscit; vel sanguinis evacuationes naturales cessantes vel emanentes (171), artificiales vero neglectas: *specialis* ex iisdem generatur fontibus, quæ congestionem producunt (88). Vasa sanguifera proportionate distendit, atque hinc habitum corporis totius, faciei imprimis, sistit floridum, et venas cutaneas tumentes; eo ipso vero tandem et vaporum elasticitatem minuit, ac fibrarum robur generatim infringit, adeo ut a mediocri frigore aut æstu perceptio incommoda sentiatur: præterea motum partium solidarum reddit difficiliorem, unde et membrorum lassitudinem inducit, obdormitionem, repentinam sub qualicunque corporis motu defatigationem, cum sudoribus frequentibus, respirationem laboriosam et anxiam, imprimis durante scalarum ascensu: sanguis adhæc, abundantia ista, sui ipsius motum, tam intestinum quam localem retardat, unde non
modo

modo vertiginosus accedit capitis sensus, quando illud, prius terram versus inclinatum, derepente attollitur in altum; et somnus adest, vel profundus, vel inquietus, anxiiisque insomniis perturbatus; sed etiam stasi sanguinis in capillaribus vasis, et, quæ hinc oriuntur, conſectariis, præprimis inflammationi sanguineæ (143), ac, pro circumſtantiarum diverſitate, hæmorrhagiis (170), ut et liquorum particularium ſecretionibus copioſis; nec non, in *congeſtione ſanguinea*, propter fibrarum, e quibus vaſa componuntur, tensionem nimiam! dolori (138), variisque aliis morbis, præſertim ſpasmoticis, anſa ſubminiſtratur. Medela in eo conſiſtit, ut ſanguinis copia imminuatur, id quod lentius perficitur nutritione parciore, citius vero depletionibus artificialibus, chirurgiæ ope adminiſtrandis.

* *Plethoram ad vaſa antiquiores appellant, quando vaſa ſanguifera a copioſo ſanguine ſimpliciter repleta turgent: ſive plethoram ipſam. Plethora autem ad vires ipſis dicitur, quando ſimul accedit membrorum laſſitudo ac torpor inſignis: i. e. plethora cum ſpiſſitudine (98) conjuncta.*

** Vid. HOFFMANN. *Diſſ. de Plethora, inſufficiente morborum cauſa.* Reſp. Eſaja. Phil. Hübner. Hal. 1713. Eman. Chriſtian. LöBER. *Diſſ. ſiſtens Plethoræ naturam, ortum atque effectus.* Reſp. Chriſtian. Frid. Löber. Hal. 1728. Paul. Herm. JUCH. *Diſſ. de vitio abun-*

dantiæ sanguinis, morbisque exinde prognatis.
 Resp. Ludov. August. Held. Erford. 1737.
 Simon. Paul. HILSCHER. Diss. de Plethora,
multorum morborum ac symptomatum causa.
 Resp. Joh. Samuel. Schuhmann. Jen. 1743.
 Andr. El. BÜCHNER. Diss. de genuinis Ple-
thoræ effectibus in corpus humanum. Respond.
 Maurit. Ludov. Bens. Hal. 1747. Ej. Diss.
de Plethora senum, ejusque rationali Therapeu-
tica tractatione, per Venæsectionem speciatim su-
scipienda. Resp. Gottlieb Ernst Gorn Hal.
 1750. Abr. VATER. Diss. de causis et effectis
Plethoræ. Resp. Christian. Paacken. Wittenb.
 1751. etc.

*** De sanguinis pravitate, vid. Dissert.
 Aug. Quir. RIVIN. in Ej. Diss. Med. Diss.
 XXVII.

§. 97.

Sanguinis defectus, quando videlicet tanta sanguinis non adest copia, quanta ad rite implenda vasa requiritur: vel defectum chyli (94) habet pro fundamento, vel hæmorrhagias nimias (170): vasorum sanguiferorum post se trahit collapsum, unde et corporis, ac præsertim faciei, color justo fit pallidior, et venarum, imprimis cutanearum, altitudo consueta deficit; præterea partibus quibusvis nutrimentum debitum ac robur detrahit, unde hæ ad motum et officia obeunda fiunt incapaces; *totalis* præterea, mortem affert indubiam. Morbus laudabilem chylum sup-
 pedi-

peditantibus alimentis, facile concoctibilibus ac bonæ notæ, sanandus est.

Vid. Mich. ALBERTI Diff. de Anæmia. Resp. Joh. Conr. Daumio. Hal. 1732.

§. 98.

Sanguinis spissitudo, aliquando in sanguine, e vena per venæsectionem emissa, visu dignoscenda: vel chyli spissitudinem habet pro fundamento (95); vel cruoris, aut feri defectum (103-107); vel mucosæ partis abundantiam (104). Motui sanguinis, hinc et partium corporis, alacriori officit, ac in partibus imprimis lassitudinem insignem et quasi torporem, producit: præteraque vasa primi ordinis minima mediate angustat (58), hinc stasi sanguinis in extremis capillaribus sanguiferis ansam præbet: et attenuantibus (14) debellatur.

Vid. Ernest. Anton. NICOLAI Diff. de Spissitudine sanguinis. Resp. Joh. Christian. Kerstens. Hal. 1749.

§. 99.

Sanguinis tenuitas nimia, vel chyli justo tenuioris (95) est consequens, vel mucii in sanguine defectum (105), vel serum abundans (106) arguit: elasticitatem atque motum sanguinis ejusque vasorum minuit;

particularum, sanguinem componentium, a se invicem secessui, hinc minimarum arteriolarum obstructioni (80), occasionem subministrat: et alimenta atque medicamenta incrassandi vi pollentia (14) requirit.

* *Maxima sanguinis tenuitas* adest, quando iste penitus resolvitur atque in putredinem ruit, id quod ejus motum plenarie cessantem inducit aut potius supponit, atque in corpore aut parte, durante vita, locum proprie non habet, sed ejus, aut partis, in qua contingit, mortem, nisi jam adsit, brevissimo intervallo post se trahit, nullum medelæ ulli spatium relinquens.

** Vid. Andr. El. BÜCHNER. *Diss. de sanguinis fluiditate nimia*. Resp. Joh. Martin. Wolfarth. Hal. 1749.

§. 100.

Sanguinis elasticitas justo major, patefcens, quando elasticam suam virtutem promptius fortiusque, quam alias, exserit sanguis: vel præcedentem vasorum sanguiferorum elasticitatem majorem (77) indicat, vel cruoris abundantiam (102), vel alimentorum calidorum aut remediorum calefacientium (13), imprimis spirituosorum, abusum; vel prægressum corporis motum vehementiorem, frictiones, balnea calida, aërem calidiorem, et quæ præterea calefaciendi effectum relinquunt; vel animi affectus fortiores, utpote

pote iram, terrores. Aërem internum expandit, hinc motum sanguinis, et consequenter etiam vasorum sanguiferorum, nisi in his ultimis jam adfuerit ex alia quadam causa natus, accelerat; vasorum eorundem dilatationi, et quæ exinde fluunt, consectariis (80. 82) occasionem præbet: totius corporis calorem intendit; secretiones (108), imprimis vel urinam vel sudorem, auget: et refrigerantia (13) postulat medicamenta.

§. 101.

Sanguinis elasticitas justo minor, quando hæc in eo, quo debebat, gradu non exseritur manifesta: vel vasorum sanguiferorum elasticitatem deficientem (77) arguit, vel cruoris copiam imminutam (103), vel serosæ portionis abundantiam (106), vel alimenterum aut medicamentorum refrigerantium (13) abusum, vel sanguinis a perpeffo frigore immoderato condensationem. Aërem internum densiorem reddendo, sanguinis motum, et, qui ab eo dependet, partium motum, nec non calorem corporis, minuit; secretiones reddit parciore: et calefacientia remedia (13) suadet.

§. 102.

CRUORIS *in sanguine abundantia*, quando nimirum ultra decimam totius partem,

tem, quæ pro naturali ordinarie assumitur copia, ascendit: habitum corporis externum, præsertim faciei, reddit floridum, sine tamen vasorum sanguiferorum notabili turgescencia: alimentorum pinguium, ac medicamentorum calefacientium (13), abusum sequitur. Majorem sanguini communicat, consequenter et vasis, ac præcipue arteriis, elasticitatem (100) atque motum; prætereaque æstum in corpore majorem producit. Causarum remotione sanatur.

§. 103.

Cruoris in sanguine defectus, quando ejus copia decimam totius sanguinis partem non attingit, præsens: habitum corporis, præprimis vultum, reddit pallidum, absque tamen vasorum sanguiferorum collapsu: vel abstinentiam ab omnibus alimentis ac medicamentis calefacientibus (13) habet pro basi; vel refrigerantium (13) abusum. Sanguinis elasticitatem, hinc ejus, et partium quarumlibet, motum reddit tardio rem (101); spissitudinem quoque sanguinis post se trahit; præterea calorem corporis minuit: ac causarum remotione sanatur; mucilaginosâ (11) quoque in hoc morbo usu non carent penitus.

§. 104.

MUCI in sanguine abundantia, quando

do nimirum mucosæ portionis quantitas ultra quantitatem naturalem, quæ decima totius pars creditur, ascendit: vel medicaminum aut alimentorum incrassantium (14) abusum sequitur; vel oritur a contagio coagulante (136), sanguini commixto: sanguinem reddit justo spissiore (98), ejusque transitum per vasa secundi generis difficiliorem; atque sic horum vasorum obstructioni viam parit: et attenuantia (14) postulat.

§. 105.

Muci in sanguine defectus, quando scilicet ejus copia ad naturalem, id est, decimam totius, partem non pervenit: vel alimentorum aut remediorum attenuantium (14) nimiam ingurgitationem habet pro basi; vel contagii cujusdam attenuantis (136) in sanguine præsentiam: sanguinem reddit justo tenuiorem, et, quæ hinc sequuntur, confectariis (99) ansam præbet: medicamenta vero requirit incrassantia (14).

§. 106.

SERI in sanguine abundantia, id est, quando seri plus quam quatuor quintæ partes, quæ portio debita judicatur, ad totius compositionem concurrunt: aquosorum potentiorum abusus exfurgit: sanguinem justo renui-

tenuiorem reddit (99), elasticitatem sanguis debilitat (101), infimul vero secretiones in corpore serofas quaslibet auget, *congestionesserofas* data occasione producit: et remedia serosum humorem evacuantia varia, imprimis sudorifera, diuretica, ac purgantia (15), admittit.

Cruoris, muci, feri, portio, vel abundans vel deficiens, in sanguine, post sectam venam prodeunte, et in vasculo aliquamdiu asservato, quandoque oculis cernitur.

§. 107.

Seri in sanguine defectus, quando nimirum illius portio ad quatuor quintas totius partes non ascendit: vel potulentorum defectum arguit, vel secretionum serosarum prægressam copiam immoderatam (108). Sanguinem reliquosque humores magis, quam decet, inspissat (90. 98); et secretionum quarumlibet, maxime tamen serosarum, defectum post se trahit: causæ requirens remotionem.

§. 108.

LIQUORUM PARTICULARIUM
abundantia, quando scilicet eorundem quantitas ultra naturalem, et corpori partibusque necessariam, ascendit: præ varia copia, partisque, in qua liquor residet, situ, plus minus
facile

facile dignoscitur; in nonnullis enim partibus, iis scilicet, quæ exterius sunt collocatæ, visui patet, utpote copiosus *humor sebaceus* in glandulis cutis sebaceis; humor per imposita irritantia externa *inter cuticulam et cutem* collectus; *humor aqueus* copiosus, et *lachrymæ*, in oculo; *cerumen* abundans, in aure; saliva superflua, in ore: in aliis, præcedentibus magis interne sitis, tum demum innotescit, quando liquor in majori, quam naturaliter solet, copia e corpore partibusque prodit, e. g. *sudor* e tegumentis universalibus, *mucus narium*, vel sola ejus *serosa* portio, abundans e naribus; *liquor glandularum bronchialium* superfluus, e trachea; *humor gastricus* copiosus, e ventriculo; *liquor intestinalis* frequentior, et *succus pancreaticus* abundans, ex intestinis; *bilis nimia*, e ventriculo et intestinis; *urina* copiosa, e vesica; *liquores seminales*, e partibus generationi dicatis: in aliis adhuc, quorum nullus datur liber e corpore exitus, non nisi per factam, post mortem, partium dissectionem innotescit, quo pertinent, *medulla* copiosius collecta in ossium interioribus; humor, qui *duram matrem*, *pleuram*, *peritoneum*, reliquasque membranas, cavitatem quandam cingentes, humectat, justo frequentior; *liquor glandulæ thymus dictæ*, *pericardii*, *renum succenturiatorum*, *ovulorum*, in cavitatibus *cerebri*, aliisque cavitatibus minoribus, collectus

in

in nimia quantitate: in aliis tandem visum plenarie effugit, solummodo per usus sive actionis abundantiam dignoscendus, cujus generis est *fluidum nerveum*.

Causa in singulis quærenda est vel in quantitate humorum aucta generatim (88): vel in sanguinis majori elasticitate atque motu (100): vel in majori partis irritabilitate (72), hinc, levissima occasione data, majori fluidorum ad eandem affluxu, indeque pendente secretionis copiosiori, seu, quod idem est, in plethora speciali ac congestione serosa (96. 106): vel in arteriarum secernentium, aut diametro justo ampliori, aut elasticitate aucta (79): vel in angustia nimia, aut totali compressione, venularum absorbentium in eadem parte, aut elasticitate earundem imminuta (79): vel ab alterius cujusdam, maximeque vicariæ, secretionis defectu. Receptacula singulis humoribus destinata ultra modum distendit, si liquor copiose secretus ibidem commoretur diutius; hinc tam partium quarumvis vicinarum, quam canalium proximorum succedit compressio, potissimum in ipsa, receptaculum ambiente aut formante, membrana; hujus ultimæ extensio, ac simul, pro diversa ejus natura, atque liquoris congesti copia, vel extenuatio, vel incrassatio, imo et ruptura atque destructio: præterea secretionum reliquarum, et imprimis vicariæ, nisi jam adsit,

adfit, imminutio sequitur; tandemque feri defectus (107): præter effectus quosdam speciales, singulis liquoribus proprios; sic *liquor gastricus* copiosus vomitum (245) ciere potest, *bilis* et *liquor intestinalis* nimis alvum reddit justo fluidiorem (246) &c.

Medelam absolvent causarum remotio, et evacuantia ea, quæ vicariam, aut quæ aliam secretionem quandam promovent.

Huc spectant Georg. Wolfg. WEDEL. *Diff. de bile, ejusque morbis.* Resp. Carol. Leicker. Jen. 1689. Joh. Henr. SCHULZ. *Diff. de Bile vitiosa, foecunda morborum matre.* Resp. Joach. Frid. Herwig. Hal. 1736.

§. 109.

Liquorum particularium defectus, quando nempe iidem singuli, in minori, quam decet, copia secernuntur: pariter ac morbus præcedens, pro diversa humoris conditione et quantitate, partiumque, in quibus separantur, situ, vel aspectui patens, vel pariori proventu dignoscendus, vel post mortem tantummodo manifestus, vel actionis defectu dijudicandus (108): pro causam agnoscit, vel defectum humorum generalem (89); vel defectum portionis serosæ in sanguine (107); vel hujus impeditum ad organa secretoria transitum, propter arteriarum secernentium aut angustiam nimiam aut elasticitatem deficientem.

cientem (79); vel alicujus e reliquis secretionibus, præsertim vicariæ, abundantiam; quandoque receptaculi destructionem (60)

Hujus ultimi atque canalium, liquorem particularem separatum aliorum forte amandantium, post se trahit collapsum: secretionis vicariæ, nisi jam aucta adsit, abundantiam infert: corpusque et partes speciali, quem ex eodem liquore habet, usu privat; atque, hoc respectu, *pinguedo aut medulla* deficiens corpori toti, aut ossi, nutrimentum exinde veniens, et *medulla* in specie osseis fibris aliqualem, quam alias ipsis subministrat, flexibilitatem, itemque synoviæ portionem compositionis, quandam detrahit; *lachrimarum* defectus superficiem bulbi oculi anteriorem reddit justo sicciorem, atque hinc hujus motum liberum impedit; *humorum oculi* defectus visum aufert; *cerumen* deficiens, meatum auditorium justo sicciorem linquendo, auditum debilitat: *muci narium* defectus odoratum minus reddit exquisitum; *salivæ* defectus gustum ut et masticationem ciborum et loquelam, impedit; *eadem* et *liquor gastricus, intestinalis, pancreaticus*, nec non *bilis*, deficientes, ciborum digestionem ac chylicationem officiant; *intestinalis* in specie liquoris, nec non *bilis*, defectus excrementorum exclusionem retardat; *aquosi principii in urina* defectus huic *urinae* colorem saturationem, et *acredinem* majorem *urinae* colorem alterat

rem conciliat. Causarum suadet remotionem: et remedia evacuantia, cuilibet liquori particulari convenientia, leniora, sic potius nude attrahentia (15); nec non irritantia externa, parti sive organo, si propter situm fieri potest, immediate applicanda.

§. 110.

Liquorum particularium consistentia insolita, ubi videlicet iidem vel *spissiores* sunt, vel *tenuiores* *justo* (90 91): fundamentum habet aut in canalium secernentium sive dilatatione sive angustia nimia, unde liquor particularis vel spissior *justo*, vel tenuior tantummodo ejusdem portio, transmittitur (80); aut in mora vel breviori *justo*, quam in receptaculis suis trahunt singuli, adeoque vel diutius ibidem asservantur, quam par est; vel citius, quam fieri debebat, expelluntur, propter irritabilitatem aut elasticitatem receptaculi nimiam (63 72). Liquores usui, cui sunt destinati, magis vel minus reddit ineptos, sic *medulla* spissior *justo*, ossis, cui includitur, fibras rigidiores solito linquit, et synoviae consistentiam turbat; *humorum oculi* pelluciditas amissa, propter admixtas particulas *justo* crassiores, visum alterat; *saliva* spissior solito, gustum minus accuratum reddit; *bilis* *justo* tenuior, particulas chyli rite misceri impedit, et quæ sunt hujus generis alia. Re-

longiori
vel

K

me-

media postulat, pro mali diversitate, sive attenuantia, sive incrassantia (14).

§. III.

Liquorum particularium color, sapor, ac odor peregrinus: vel morbi cujusdam presentis est consequens: vel contagium humoribus commixtum arguit: vel humoris peregrini, e. g. sanguinis, puris, miscelam; vel medicamentorum aut alimentorum fragrantium quorundam, e. g. allii, olei therebinthinæ, martialium etc. assumptionem largiorem sequitur. Usus liquorum particularium specialem infringit. Aliquando malum format transitorum, imprimis si alimentis aut remediis fragrantibus ortum debeat: et causam removendo, tollitur.

§. II2.

Liquorum particularium acrimonia, præter generalia (92), aliquando ipsum humorum secretorum justo diuturniorem decubitus, fermentationemque ac permutationem inde orientes, sequitur: receptaculo, cui inclusus est liquor, irritatione ejusque consecrariis obest, aliquando ulterius excurren-
te; aut si ejusmodi irritatio jam jam adsit, eandem auget; sic. e. g. *lachrymarum acrimonia* tunicam conjunctivam, ac super genas de-

defluendo, palpebræ inferioris nec non genæ cuticulam rodit; *liquor gastricus* acris, appetitum nimium (231) excitat; *bilis* justo acrior, chylicationem offendit; *seminis* acrimonia, sui profusionem post se trahit; etc. atque causarum remotione sanatur.

§. 113.

LIQUIDI NERVEI *abundantia*, atque *elasticitas* justo major (100. 108), animi affectum quendam fortiozem atque diuturniorem pro causa habere potest: tensioni fibrarum nimia, hinc elasticitati atque sensibilitati partium auctæ, et per consequens earum quoque motui promptiori atque fortiori (63. 72), ac pro circumstantiarum ratione dolori, (138) aut convulsionibus (140), ansam præbet: refrigerantia postulat medicamenta (13), atque humorum per diætam parcissimam imminutionem in genere.

§. 114.

Liquidi nervi copia, atque *elasticitas* deficiens (101. 109), si in toto corpore contingat, defectum humorum in genere (89) sequitur; partialis vero, id est, quando in quadam corporis parte sola liquidum illud deficit, compressionem aut destructionem nervi ejusdem partis primarii habet pro fundamento (84):

motus ac sensus defectum inducit : causarum remotione sanatur ; præterea quoque, in partiali defectu, irritantia externa, parti immediate applicanda, (admittit.

*aliquo modo (195, ***)*
§. 115.

TRANSPIRATIO *nimum aucta* (108), quæ vel totalis esse potest, vel in parte speciali residere solummodo, articularum cutis secernentium, itemque sanguinis, majorem arguit elasticitatem (79), hinc amborum motum vehementiorem. *Totalis*, urinam parcius prodire efficit ; atque seri sanguinis tandem defectum (107), hinc nutrimenti penuriam, et corporis imbecillitatem generat ; subito suppressa, humores ad interiora cogit, ibidemque plethoram specialem (96) ejusque consecutaria producit : *partialis* partem, quam occupat, continuo humidiores et laxiores, ac alias, servat, unde iterum incommoda accidentalia exsurgunt ; e.g. in pedibus sudantibus, frigoris major molestia, exhalationes injucundæ, etc. *Causarum* remotione sanatur.

Vid. Benjam. Frid. ERHARDT Diss. de sudore, præprimis nimio. Argent. 1741. Petr. Immanuel. HARTMANN. Diss. de Sudore unius lateris, cum præfatione, de quibusdam febribus sudatoriis malignis. Hal. 1751.

§. 116.

Transpiratio deficiens sive impedita (109), arteriarum fecernentium, quibus abundat cutis, angustiam nimiam (79) supponit, vel a frigore externo, vel a morbo alio, e. g. spāsmo (139): peregrinos humores, in corpore forte præsentes, et alias cum humore transpirante avolantes, intra corpus retinet; secretiones reliquas, præsertim urinæ, auget: et medicamenta postulat modeste calefacientia (13), præprimis tamen regimen diaphoreticum.

Vid. Georg. Ern. STAHL, *Diff. de Transpiratione impedita*. Resp. Joh. Daniel. Loth. Hal. 1707.

§. 117.

Transpirationis, atque sudoris, odor aut color inconsuetus (111) sensibus patet, si humor transpirans indusia aliaque lintheamina, quod fit ut plurimum, odore aut colore peregrino inficiat: nisi naturale quid sit, alimentorum aut remediorum quorundam assumptionem sequitur; aliquando vero particularum morbosarum exhalationem habet probasi: ordinarie aut est malum transitorium, aut post causæ remotionem evanescit.

§. 118.

SALIVÆ *abundantia* (108), exinde patens, quando oris eadem continuo reple-

tum deprehenditur: aliquando est vitium connatum; oritur quoque ab irritatione glandularum salivalium orisque interni, per masticatoria frequentius in usum ducta, per mercurialia remedia, per accrescentes dentes in infantibus, exitum per gingivam molientes; item a feri in aliis corporis partibus impedito transitu, propter viscerum indurationem sive infarctum, propter graviditatem, propter compressionem vasorum sanguiferorum majorum, imprimis venarum, propter malum hypochondriacum (256); nec non a contagio scorbutico (169): ptyalismum continuum infert: et salivæ, potissimum per laxantia, derivationem, postulat. *Aliquando aulseae (234) est effectus, aut vomitum (235) recurrit; sic* Vid. Fried. HOFFMANN. Diss. de Salivæ et ejus morbis. Resp. Joh. Georg. Hoyer. Hal. 1694.

item transi- tum con- tituit malum.

§. 119.

Salivæ sapor ac odor inconfectus (III): oritur a particulis peregrinis morbofis, cum saliva permixtis; et speciatim *æru ginosa* saliva, bilem ab acido præcipitatam arguit, prouti autores contendunt; *amara*, in febribus nonnullis (149) observatur; *dulcis*, hypochondriacis atque hysteriis (256) aliquando advenit; *foetida*, gingivarum, aut dentis cujusdam, aut oris interni, corruptionem indicat; *falsa* scorbuticorum (169) est affectus. Gustus

stus sensum simili inquinat perceptione: nau-
seam ægroto, et a cibis abstinentiam, aliquan-
do parit: atque causarum remotione debella-
tur.

§. 120.

LAC in mammis abundans (108), eas
potissimum vexat puerperas, quæ infan-
tem suum lactare nolunt, easque nutrices, quæ
infan-tem abla-ctarunt: mammas, usque sub
axillas interdum, extendit, hinc irritationi, do-
lori, congestioni ad superiora (72), ansam
dat: discutientia externa postulat; lactisque,
si nimium urgeat, per intervalla, ope aut su-
ctionis, aut balnei vaporosi, aut vitri su-cto-
rii, modestam educationem; cum intermixta
mammarum compressione moderata, ne sci-
licet hæ lacti affluenti nimis cedant; quod ul-
timum et præservative adhibitum prodest.

§. 121

Lactis defectus, quando scilicet tanta il-
lius copia in mammis non separatur, quanta
ad alendum infan-tem requiritur quotidie
(109); oritur vel a defectu alimentorum, et
consequenter etiam chyli (94); vel a mam-
marum, adeoque et ductuum lactiferorum,
compressione per circumjacentem pinguedi-
nem nimiam (58) vel a viarum, in primi-
paris potissimum (quod vero et aliis, in pri-
mis

mis post partum diebus accidit) nondum facta dilatatione sufficiente. Frequentem postulat suctionem: præterea etiam semina, *carminativa* dicta (115), in hoc morbo speciatim et frequenter sunt in usu.

Propter dilatationem viarum, in primis post partum diebus nondum sufficienter factam, lac primo prodiens, *colore* quoque peregrino adhuc, nec non *consistentia*, respectu lactis, contranaturali gaudet, *coloris* tunc nomine veniens, cui tamen brevi verum lac sponte succedit.

§. 122.

URINÆ *defectus* (109) oriri potest vel a potulentorum parciori assumptione, vel a transpiratione nimia (115), vel a tubulorum renalium angustia (58) propter spasmus (139), vel a viarum, quas urina prodeundo permigrat, a re, vel extus vel intus hærente, obstipatione: nec alia indiget medela, quam causarum remotione.

§. 123.

Urina color aut odor inconsuetus, præter generalia (111), morbum in corpore præsentem arguit. Speciatim *urina limpida*, sine assumtis potulentis copiosis, spasmodicam tubulorum renalium angustiam manifestat (58); *crocea*, in ictero flavo occurrit (174);
fusca


fusca sive *nigra*, in ictero nigro; *purulenta* in suppuratione renis, ureterum, vesicæ, urethræ (263); *sanguinea*, in hæmorrhagia, iisdem locis contingente (266): et causæ remotionem postulat.

§. 124.

MUCI IN URETHRA *defe-*

ctus (109) mictionem frequentem, post assumpta potulenta copiosa, sequitur aliquando: eandem, id est, mictionem reddit dolorosam propter immediatum urethræ ab urina attactum, atque sic ardorem in mingendo generat: et in hoc casu, cessante mictione frequenti, sponte post novam mucii collectionem evanescit.





CAP. II.

MORBI COMPOSITI.

§. 125.

COMPOSITUS MORBUS, ad quem scilicet componendum plures morbi simplices conveniunt, quilibet dici mere-
tur morbus clinicus, sive morbi illi singuli,
qui in praxi quotidiana medico clinico au-
ferendi obveniunt, et ad quos medicæ ob-
servationes variæ, de morbis editæ, se
referunt. Estque ex iisdem semper alius
præ aliis magis compositus, unde non so-
lum morbi, huc pertinentes, distinctionem
quandam admittunt in *magis minusve compo-*
sitos: sed et in eosdem quadrant omnes supe-
rius allatæ morborum differentiæ generales
(19), ipsæ magnam partem non nisi ad mor-
bos compositos referendæ; e quibus repeti-
isse sufficiat, quod singulis, quoad *gradum si-*
ve vehementiam, maximopere varient; quod-
que singuli, vel *soli* adsint, vel *morbis aliis*,
sive simplicibus, sive compositis *jungantur*,
unde et morbus compositus adesse potest
unicus, duplex, triplex, in eodem ægroto.

* In explicandis morbis compositis, ha-
stenus pertractatorum morborum simplici-
um,

um ii quidem, qui istorum intrant compositionem, *non vero reliqui*, iisdem forte admixti, simul adducuntur: horum namque ultimorum conjunctio est accidentale quid, et multis modis variat, e. g. *Atonia*, qui morbus inter compositos primus occurrit (137), præter simplices, ipsum formantes, morbos, partis, quam occupat, situm, directionem, volumen, figuram, colorem, &c. contranaturalem, humorum consistentiam vitiosam, eorum acrimoniam, liquoris cujusdam specialis copiam, defectum, &c. atque ægritudinum harum vel unam solam, vel plures, simul adjunctas habere potest; In *Dolore*, *Spasmo*, ordine atoniam excipientibus (138. 139), reliquisque omnibus, idem aliquando contingit, nec tamen in pertractanda Atonia, Dolore, Spasmo, &c. partium situs morbosus, directionis, voluminis, humorum acrimoniarum &c. fit mentio: æque ac morbi compositi ipsi diversimode inter se nonnunquam complicantur, nec tamen ubivis, ubi hæc complicatio est possibilis, singuli isti, qui accedunt alteri, repetuntur. Medico interim clinico incumbit, in investigando morbo quocunque, ipsi obveniente, percontari sedulo, num et quales morbi simplices, accidentaliter præsentés simul, nec primo intuitu semper patentes, adsint. Facile enim nonnulli eorum morbo composito junguntur, ac, si negligantur, medelam maxime retardant (46), prouti id experientia, rite instituta, comprobatur.

** Huc proprie pertinent autores Pathologici speciales, a STOLLIO et KESTNERO collecti (42. schol.).

§. 126.

Morbus compositus actiones corporis vel plures simul lædit, pro numero scilicet partium vitiatarum; vel unicam, in majori tamen et composito gradu; imo et, in certis circumstantiis, actiones partis cujusdam penitus sufflammat. Hinc varios edit *effectus*: et quidem pro numero simplicium morborum, e quibus constat, ipsorum nimirum horum effectus singulos, atque ideo effectus, e tot simplicibus compositos, quot ad eundem componendum simplices morbi conveniunt. Effectus isti, vel singuli sunt diversi: vel si ad componendum morbum duo vel tres concurrant morbi simplices, eundem effectum edentes, effectus ille unicus quidem, est duplo, triplo, erit major.

§. 127.

Dignotio morbi compositi e signis morborum simplicium, qui eundem componunt, diagnosticis (43), junctim sumptis, colligitur. Patet ergo compositus morbus, partim inspectionis ocularis, ac reliquorum sensuum externorum ope: partim e reliquis effectibus sive consequentiis proximioribus, eum mox a principio concomitantibus, aut brevi post eundem præsentem accedentibus. Cum vero ex iisdem aliis præ aliis sint magis manifesti (22): hinc aliud morbum compositum.

positum præ alio facilius dignosci, negandum non est. Non tamen exinde inferendum, quod complures morbi nullam habeant diagnosin certam: cum enim æger effectus magis absconditos ipse sentiat, hinc, si et rationis compos sit, et ingenue quævis confiteatur, paucissimi dantur morbi, speciatim in sequentibus notati, qui, adhibita solertia debita, tandem dignosci nequeant: id quod tamen de morbo potissimum, nec adeo de causa ejusdem occasionali valet; hæc ultima quippe aliquando nulla ratione detegi potest, interim et tunc medelam non amplius impedit (24, *).

§. 128.

Ad producendum morbum compositum, plures concurrunt *causæ*, et quidem rarissime, aut forte nunquam, solæ externæ, aut internæ solæ, sed ut plurimum nonnullæ ex ambabus classibus simul. Has inter haud raro morbi alii, tam simplices quam compositi, præsentem reperiuntur. Alias vero causæ illæ, uti in generalibus jam jam dictum (28), vel proximæ sunt, vel remotiores, vel primæ, singulæ indagatu plus minus difficiles, adeoque ut detegantur, proportionatam diligentiam requirentes.

§. 129.

Ratione *eventus* aut effectuum remotiorum (22) majori, præ morbo simplici, semper premitur difficultate compositus. Est namque hic, uti facile est perspectu, posito, quod sanabilis fuerit, simplici major semper, adeoque et generatim periculosior, quoniam vel pars corporis plus una ratione læditur, vel plures simul patiuntur, secus ac in simplici (20). Incurabilis etiam, ex eodem fundamento, majores secum ducit molestias, quamvis medela palliativa adhibeatur. Nec raro in alium morbum, præcedenti vel majorem vel minorem, ut plurimum tamen compositum, transmigrat.

§. 130.

Unico *remedio* si aggredi morbum compositum placet, tot istud instructum sit viribus, quot varii simplices morbi, compositum perficientes, requirunt (43). Ut plurimum autem remedia conjungere plura, ut omnibus illis morbis combinatis sufficienti efficacia obviam eatur, necessitas jubet. In singulis quoque curandis causarum eo magis habenda est semper ratio: quia, iisdem persistentibus, vel nulla recuperatur sanitas, vel, recuperata licet, stabilis esse nequit: excepto casu illo, quando vel periculosior morbus,

bus, causæ, difficilius removendæ, ablationem plenariam antea moliri, non permittit (34); vel causâ occasionalis, jam dudum remota, medelam non amplius retardat (127).

Repetendum ergo hic est, quod medicamenta, in sequenti morborum specialium pertractatione commendata, semper *contra morbum ipsum* sint directæ: ea vero, quæ *causæ* medentur, e præcedentibus et aliunde supponantur cognita: atque, quod ideo in singulis morbis sanandis, etiamsi expresse id non annotatum fuerit, *causarum rationem semper habere* debeat medicus.

§. 131.

Omnes morbi compositi curabiles *in fine* aut requirunt, aut admittunt, roborantia, tam externa, quam interna: quoniam singuli, nisi robur partium jam ab initio pessundent, successu temporis ad minimum hunc indubie edunt effectum.

§. 132.

Morbi *duplices, triplices, multiplices*, istud cum compositis habent commune, ut, pro numero morborum conjunctorum, signa, causæ, prognosis ac medicamenta, aut multiplicentur, aut gradu augeantur. Medela in tali casu singulos respicit morbos, quorum vel omnium simul habetur ratio, si scilicet
unus

unius generis remedia omnes desiderent; vel si contraria requirantur, morbus ille primus semper aggrediendus est, qui reliquos periculo superat. Quodsi vero accidat, ut duo aut tres morbi compositi combinentur, singuli summe periculosi, et remedia e diametro sibi opposita postulantes, nulla prorsus medela est speranda: quoniam, quicumque ex iisdem primus impugnetur, remedia huic dicata alterum, jam summe periculosum, adhuc augent, et incurabilem, aut, pro conditionis diversitate, lethalem efficiunt (37).

Quo magis morbi multiplicantur, eo difficilior eorundem dignotio fieri potest, eoque magis necessario augentur periculum inde timendum, et medelæ difficultas.

§. 133.

In denominandis morbis compositis cognita nomina et diuturna consuetudine approbata retinentur, ne scilicet, eligendo nova, perspicuitas lædatur. Notandum vero, non semper in iisdem statum partium depravatum exprimi, sed nomen consuetum aliquando ab usu partis deperdito aut languente, adeoque ab effectu morbi, imo et interdum a causa morbi, esse desumptum.

§. 134.

In pertractandis morbis compositis primo loco illi recensentur, qui universum corpus afficiunt: et in iisdem, quantum fieri potest, initium fit ab illis, qui minus sunt compositi reliquis, quos ipsos deinde magis compositi excipiunt. Secundo loco morbi pertractantur, qui in singulis corporis partibus obveniunt. Atque hæc ipsa distinctio doctrinam de morbis compositis in duas dividit sectiones, quarum prior *totales* proponit, altera *partiales morbos*.



L

SECT. I.



SECT. I.

MORBI COMPOSITI TOTALES.

§. 135.

MORBI COMPOSITI TOTALES, qui scilicet vel corpus universum simul afficiunt, vel in omnibus ejusdem partibus contingere queunt, sunt *Atonia*, *Dolor*, *Spasmus*, *Convulsio*, *Epilepsia*: *Inflammatio* vel *sanguinea*, vel *lymphatica*, vel *serosa*; *Suppuratio*, *Gangrena*: *Febris*, tam *intermittens*, quam *remittens*, atque *continua*; et hujus ultimæ species diversæ, *Febris* nimirum *Catarrhalis*, *Inflammatoria*, *Suppuratoria*, *Hæctica*, *Gangrenosa*, *Putrida*, *Exanthematica*: porro *Exanthemata varia*, *Purpura*, *Morbilli*, *Variolæ legitima*, atque *nothæ*, *Petechiæ*; *Pestis*, *Scabies*, *Lues venerea*, *Scorbutus*: *Hæmorrhagia*, *Sanguinis fluxus deficiens*, *Hydrops*, *Cachexia*, *Icterus*, *Viscerum indurationes*.

Cum prædicti morbi totales quilibet, pariter ac in sequenti sectione commemorati particulares, una cum præcedentibus simplicibus, *interni* sint (9, **) ille, qui omnium morborum possibilium habere catalogum cupit, iisdem morbos chirurgicos, tam universales, quam *partiales*, in autoribus chirurgicis obvios, jungat.

§. 136.

Antequam compositi morbi ulterius explanantur, *Contagii*, morborum clinicorum causæ occasionalis sât frequentis, mentio generalis est injicienda. Denotat vero *id ipsum*, venenum quoddam halituosum, peregrinum, quod vel per aëra disseminatum, vel in corpore aliquo præsens, omnes inficit, quicumque aut aëri isti aut corpori propius accedunt. Natura ejus, sive particularum, istud componentium, intrinseca conditio, adhuc dum penitus latet. Interim, præterquam quod ex adductis jam jam elucescat, aliud esse *aëreum*, aliud *corporeum* denominandum: effectus, quos edunt contagia, in corpore admissa, diversi, eorum varias dari species, abunde testantur.

Experientia namque docet, quod, corpori in minima licet quantitate communicata, in eodem per fermentationem quandam sese multiplicent: singulaque in corpore, cui communicantur, tendant ad provocandam inflammationem (142), vel majorem vel minorem: quod omnes quidem indiscriminatum homines, ipsis accedentes prope, aggrediuntur; quod tamen iis præsertim sint timenda, quorum corpora vel laxiora sunt justo, vel impuritatibus repleta; unde et robustiores, atque humorum quantitate ac qualitate

litate debita gaudentes, vel nullum, vel par-
cissimum, exinde sentiunt damnum: quod
utriusque classis alia præ aliis vehementius
agant: Quod, in specie, *aërea* contagia re-
liquis magis deprehendantur universalia; una
cum vestimentis atque utensilibus, aut mer-
cibus aliquando, a loco ad locum transfe-
rantur; quoad particularis cujusdam regio-
nis aut urbis incolas, post aliquamdiu conti-
nuatam sævitiem evanescant; velocius et ma-
jori cum vi procedant; humores corporis
dissolvendo (91. 99) noceant; et quod huc
referri mereantur, *exanthematicum* diversi ge-
neris contagium, *purpureum* scilicet, *morbil-
losum*, *variolosum*, *reliqua*, nec non *pestilen-
tiale*, atque *dysentericum*.

Quod e contrario *corporea* contagia spo-
radicis (19) magis accedant morbis; succes-
siva propagatione continuo quasi perdurent;
fluida corporis nimium coagulando (90. 98),
noxiam suam qualitatem exserant; haud fa-
cile aliter, quam per contactum ægroti cujus-
dam immediatum, alteri, communicentur cor-
pori; nisi forte effluviis, per transpira-
tionem e corporibus multis morbofis pro-
deuntium, copia inficiat; quodque his an-
numeranda sint, contagium *scabiosum*, *vene-
reum*, *corbuticum*, et *hydrophobicum*.

Medelæ cuilibet præservatio anteponenda
est, quæ evitando loca corporaque infecta
per-

perficitur: contagium interim, semel admissum, haud alio modo, quam per transpirationem, regimine diaphoretico remediisque congruis moderate auctam, expellitur: effectus vero, si specialem exposcant curam, vel coagulantia vel attenuantia (14), atque inter hæc ultima, certa quædam specifica, postulant.

* Præter prædicta adhuc aliæ dantur contagiorum species, animalibus brutis infesta: quæ a supra adductis differre, vel exinde patet, quod lues e. g. bovillum genus, aut ovile, aut suillum, aut aliud, sat diu et per multos interdum annos depascens continuos, ad homines non transeat, prouti id novissima experientia de lue bovillum genus, per totam fere Europam successively, depopulante, nec tamen hominibus noxia, probat; quamvis singularia exempla pauca in contrarium autores observaverint, vid. e. g. E. N. C. Dec. II. Ann. VII. Obs. CXCII. Interim e superius commemoratis nonnulla mediam quasi classem constituent, et hominibus et brutis nocua: quale est contagium *hydrophobicum*; cui et *scabiosum* forte, non sine omni ratione, jungitur.

Quidam præterea autores varios alios morbos, phthisin, e. g. podagram, &c. ad contagiosos referunt, absque fundamento.

** Morborum ab aëreo contagio orientur causam in Nitro quodam aëris justo copiosiori ponit, sed frustra, Mart. Goth.

LÖSCHERUS in *Diff. de Anima hominis materiali insensibili*, Resp. Augustin. Christian. Gilbert. Witt. 1712. Vid. ib. §. VII.

*** Vid. Georg. Wolffg. WEDEL. *Diff. de Contagio et morbis contagiosis*. Resp. Joh. Frid. Breitert. Jen. 1689.

§. 137.

ATONIA, sive *imbecillitas*, quando nimirum vel corpus totum, vel pars quædam, robore naturali destituitur manifeste: componitur e partium irritabilitate justo minori (73), et sanguinis deficiente elasticitate (101); quibus accedit fibrarum utplurimum laxitas (54), rarius tenuitas (47), aut durities (51), aut mollities (52). Horum morborum simplicium signa admittit et causas. Adeoque, quoad has ultimas, vel vitium constituit conatum: vel supponit alimentorum defectum, aut prægressum morbum quemcunque majorem; aut secretionem urinæ, sudoris, diarrhoeam (246), immoderatas; aut sanguinis itemque cruoris defectum (97. 103), aut abusum anodinatorum (11), aut vitam sedentariam: vel prægressam arguit elasticitatem sanguinis (100), et solidorum tensionem nimiam (53), adeoque sequitur præcedentem spasmum (139), convulsiones (140), inflammationem (143), febrem (148), labores nimios, motum corporis pesto vehementior-
rem

rem aut diuturniorem; calefacientium quorumvis (13), præsertim potulentorum spirituosorum, abusum: vel pro basi habet fibrarum partis antegressam destructionem (56); vel partium molliorum generalem structuræ incipientem mutationem, senibus familiarem.

Motus atque actiones corporis, pariumque, singulas majori cum molestia, et minus alacriter ac imperfecte, peragi facit: hinc solidæ partes fluidas non rite propellant; unde harum quantitas augetur, secretiones imminuuntur, in canalibus stases earumque confectionaria oriuntur: imo et, si nimia fuerit imbecillitas, motus solidorum, et consequenter fluidorum quoque, penitus cessare potest: ad minimum corpus a levioribus causis occasionalibus magis, quam alias, afficitur; ipsisque spasmodis (139), data occasione, redditur obnoxium. Morbus, si chronicus fuerit factus, est pertinacissimus. Cum diætetis præsidiis, roborantia postulat medicamenta (11): diæta tamen tenuitas fibrarum in specie, medela non indiget; nec eandem structuræ mutatio admittit.

* Atoniæ pariter, ac reliquis morbis compositis omnibus, varii alii morbi, vel simplices vel compositi, interdum accedunt. Horum ergo signa, causa, prognosis, medela, jungantur atoniæ (125,*).

** *Maximus atoniae gradus is est sine dubio, ubi et solidorum tensio, et sanguinis elasticitas, penitus sublatae deprehenduntur. Hic et solidorum motum atque humorum circulum plenarie tollit, at, proprie loquendo, de fibra aut parte, quamdiu vita fruitur, praedicari nequit, quippe quae ejus potius mortem aut indicat praesentem, aut promptissime infert.*

*** *Alia superest atoniae species, admodum periculosa, ab assumpto veneno relaxante producta. Hujus medela, cum doloris, a veneno irritante generati, medela perfecte coincidit (139).*

**** *Vid. Joh. Frid. ORTLOB. Diff. de Tono et Atonia. Resp. Christian. Mich. Adulphi. Lips. 1700. Mich. ALBERTI Diff. de Atonia. Resp. Joh. David Milhauser. Hal. 1716. Georg Erhard. HAMBERGER. Diff. de Atonia causis in genere. Resp. Phil. Jacob. Hoffmann. Jen. 1751. Sam. Theod. QUELMALZ. Diff. de Convalescentium cura. Resp. Joh. Frid. KNICKER. Lips. 1749.*

§. 138.

DOLOR, in quo conveniunt, fibrae tensio maxima adeo ut haec ruptioni sit proxima (53), irritabilitas partis major (72), et nervei liquidi elasticitas nimia (113): semper proportionem habita, major est, quo majori fibra gaudet tenuitate: et aegroti confessione patet. Pro fundamento agnoscit violentiam fibrae factam, vel ab extrinseco, a qualibet re, quae

quæ majori cum vi in fibras agit, quam hæ, citra metum ruptionis, perferre possunt; atque ex iisdem aliquando festucas ligneas, aut ossis fracti acumen, animalium morsus, aut quaslibet alias res, partes, præsertim elasticas, pungentes ac vulnerantes, remedia corrodentia externe applicata, pus, potissimum impurum, &c. vel ab intra, respectu totius corporis, advenientem, e. g. irritantium remediorum (11,**) dosin nimiam, venena irritantia assumpta, ipsamque ab humoribus copiosis peractam fibrarum distensionem (88. 96), flatulentiam et saburram primarum viarum. (236. 237) &c.

Motum usumque partis affectæ, pro diverso vehementiæ gradu, vel minuit vel tollit, ad tempus saltem; hinc, pro partium usu vario, diversas post se trahit effectus noxios: plethoram specialem, nec non congestiones serosas (96. 106) præsentēs, auger, et, si nondum adsint, infert, pariter ac motum humorum auctum, atque secretionem in parte affecta copiosam. Præterea, pro varia partis insita elasticitate, fortius aut minus affligit: itemque pro diversitate causæ, hujusque majori vel minori persistentia, plus minus diu durat: et, sub certis circumstantiis, quo vehementior est, eo citius, absente causa, aliquando abit; quo remissior, eo diutius durat. Antonium partis morbosæ re-

L s

linquit

linquit vehementior: idem, et diutius continuans, spasmo (139), convulsioni (140), epilepsiæ (141), inflammationi sanguineæ (143), nisi aliunde orta jam jam adsint, itemque lipothymiis (181), ansam dat. Remedia relaxantia et anodina (11), tam interne, quam externe adhibita, requirit.

Dolor in specie, ejusque confectaria, a veneno irritante assumpto, postulat, sive promptissimam veneni rejectionem, aut vomitu, per haustam aquam tepidam copiosam, vel lac tepidum, oleum amygdalorum, olivarum, et similia provocato, aut laxantibus et clysteribus; sive, si rejectio non amplius fuerit possibilis, particularum veneni per medicamenta, contrarias vires possidentia, adeoque, pro diversa veneni natura, vel per antacida, alcalia aut terrea, vel per acida, destructionem: sive tandem, si ne ejus quidem possibilitas supersit, effectibus relictis opposita medicamenta.

* De dolore, tanquam morbo speciali agunt, præter alios, Joh. JONSTON. *Idea Medicinæ* Libr. I. Tit. IV. Cap. I. et Herm. BOERHAV. *Aphor de cogn. et cur. morb.* §. 220. sq. Ultimus hic autor morbum fibræ nervæ proprium vult: quod etiam defendit Laur. FERRET. *Quæst. Med. An dolor, a soluta unitate, morbus?* Respond. Joh. Franc. Isez. *Neg. Paris.* 1741. Inter tendineam quoque fibræ

antiquissimos, e. g. Galen. *Method. med.* Libr. XII. Cap. 8. et

fibræ, atque hanc forte præ cæteris, dolori excitando esse aptam, Tendinum atque Ligamentorum, in quibus anatomia vel nullos vel parcissimos detegit nervulos, vulnera, gravissimis doloribus stipata, nervorumque involucra membranacea, docent.

** Vid. Joh. Maurit. HOFFMANN. *Diss. de Doloze in genere.* Resp. David Zollicoffer. Altorf. 1682. Frid. HOFFMANN. *Diss. tradens Compendiosam et clinicam praxin dolorum cum cautelis.* Resp. Wolffg. Sigmund. Geiniz. Hal. 1706. Georg DFTHARDING. *Diss. exponens Ethicam dolentium.* Resp. Augustin. Puebner. Rostoch. 1722. Joseph. Exuper. BERTIN. *Quæst. med. An specificum viperæ morsus antidotum Alkali volatile?* Resp. Joh. Franc. Clement. *Morand. Aff.* Paris. 1749. Georg. Erhard. HAMBERGER. *Diss. de Doloze in genere.* Resp. Frid. Theodor. Fischer. Jen. 1750. Joh. Adolph. WEDEL. *Diss. de Irritatione.* Resp. Dionys. Kragel. Jen. 1730. &c.

§. 139.

SPASMUS, qui est partis cujusdam mollioris rigida tensio, sive constrictio sensibilis, cui ut plurimum dolor jungitur, constat e tensione mollioris fibræ omnis generis (53) majori, aut ejus loco e dolore (138), atque e minimorum vasorum, præcipue quidem serosorum, verum et reliquorum, angustia nimia (76. 79. 80). Dividitur in *universalem*, unde vel universum corpus obrigescit, ac in recto sibi immotum manet; vel
istud

istud antrorsum incurvatur, capite ad genua ducto; vel retrorsum trahitur, instar arcus incurvatum; vel spasmus, subito exortus, vehemens, corpus adeo reddit instar faxi rigidum, ut membra singula eum expresse situm atque directionem retineant, qualem accedente morbo habebant: atque in *particularem*, qui partem aliquam specialem aggreditur, sive simplicissimam, id est, fibram, sive magis compositam, aut in eadem plus minus fixe hærens, aut in corpore hinc inde oberrans; ac ejusmodi pars affecta specialis, vel nude obrigescit, vel contrahitur, vel simul diversimode incurvatur.

Causam constituit quælibet major irritatio, a qualibet re, sive externa sive interna, fibræ facta, adeoque omnis res, quæ dolorem excitat (138), cum hac interim differentia, ut in spasmo, absque doloribus infestante, irritationis minor sit gradus, quam qui ad dolorem producendum requiritur: prætereaque repentina post incalescentiam refrigeratio, scabies repulsa (167); imo et ipse dolor vehemens spasmum, nisi jam adsit, infert. Atonia quoque eundem aliquando producit (137) mediate, per humorum copiam, quam in corpore prognerat, et inde venientem canalium minimorum distensionem, eorumque tandem, per excitatum majorem elaterem, contractionem: nec non ira, terrorque gravis.

Spasmus humores, in fibris canalibusque subtilissimis affectis præsentis, exprimit; et affluentibus viam claudit, unde et congestiones (88) ad loca dissita nascuntur, et fibrarum siccitas nimia (49) inducitur; in vasis reliquis majoribus humorum circulum impedit, hinc justo lentiores eundem facit, quod iterum itasibus, earumque consequentiis, ansam præbet: adhæc usum partis morbosæ vel maxime impedit, vel tollit penitus, ideoque secretiones inducit, aut immixtas aut sufflaminatas, aut, in certis circumstantiis, nimias: proximas partes facile in consensum rapit, sicque convulsionibus, epilepsiæ (140. 141), occasionem præbet: dolorem, nisi jam jam hic, ex alio fonte natus, adsit, facillime infert: tandem in parte affecta atoniam (137) relinquit: facile quoque in habitum degenerat, a levissima qualibet causa tunc rediens: et, chronicus factus, aut saltem aliquoties recurrens, per paroxysmos generales atque speciales infestare potest.

Medelam absolvunt medicamenta antispasmodica: quo pertinent potissimum relaxantia, anodina, aperientia, refrigerantia, diluentia, diaphoretica (11-15).

* JUNCKEO spasmus est rigida tensio et attractio unius vel plurium musculorum, vid. *Ej. Conspect. Medic.* Tab. XCV. Antiquio-

res quoque varii, sedem morbi in musculo ponunt; et interdum cum convulsione pro uno eodemque habent, e. g. JONSTON. *loc. cit.* Libr. IV. Cap. VI. Artic. VI. Id autem fundamento carere spasmus, febrilis (148), qui cutem afficit, musculoti nihil obtinentem, probat.

** Generalis spasmi prima species auctoribus dicitur *Tetanus*: secunda, *Emprosthotonus*: tertia, *Opisthotonus*: quarta, *Catalepsis* sive *affectio marmorea*. Particularium quidam quoque separata obtinuerunt nomina, spasmus e. g. penis dicitur *priapismus*: ac in ore obvenit *spasmus cynicus* et *risus Sardonicus*, qui tamen ad convulsiones potius referri merentur.

*** Spasmus atque dolor magnum inter se alunt commercium. Nec dolor ullus sine spasmo est, eoque doloris vehementiæ proportionato: ast spasmus interdum occurrit vel sine dolore, saltem notabili, vel cum dolore tali, ut hujus gradus gradui spasmi multum sit inferior.

**** Vid. Werner. ROLFINCK. *Diff. de Spasmo seu convulsione*. Resp. Wilh. Deichmann. Jen. 1531. Georg. Ern. STAHL. *Diff. de spasmis*. Resp. Joh. Petr. Pauli. Hal. 1702. Frid. HOFFMANN. *Diff. de Specificis antispasmodicis*. Resp. Christoph. Henr. Bauer. Hal. 1704. Christoph. Mart. BURCHARD. *Diff. de Affectibus quibusdam spasmodicis frequentius occurrentibus*. Resp. Gustav. Christian. HANDWIG. Rost. 1738. Christian. Samuel. GEBAUER. *Diff. de Spasmo fixo Paracelsi*. Resp. Joh.

Joh. Franc. Sebastian. Doll. Erlang. 1746.
 Rud. Wilh. CRAUSII Diff. de *Opisthotono*.
 Resp. Frid. Guil. de Rhoda. Jen. 1696. Georg.
 Wolffg WEDEL. Diff. de *Catalepsi, rarissi-*
mo affectuum. Resp. Joh. Schomburg. Jen. 1690.
 Frid. HOFFMANN. Diff. *Epistol. de Affe-*
ctu Cataleptico rarissimo. Francof. 1692. Ru-
 dolph. Guil. CRAUSII Diff. de *Spasmo cynico*.
 Resp. Joh. Carol. Heinlein. Jen. 1677. &c.

§. 140.

CONVULSIO, sive *motus convulsivus*, est motus auctus involuntarius, nec non reciprocus, fibræ musculosæ: et componitur ex hujus fibræ spasmō (139), atque irritabilitate nimia (75), cum fluidi nervei, in eadem, copia et elasticitate abundantiori (113). Hinc vel contingit in musculosarum tunicarum fibris nonnullis; vel in portione una aut altera musculi cujusdam, e pluribus minoribus conflati: vel in speciali quodam musculo, sive simplici, sive composito toto: vel in pluribus musculis simul. Visu dignoscitur in partibus corporis externis; in his namque motus auctus, involuntarius, fibræ musculosæ aut musculi, post pauca quædam horæ momenta remittens, ut plurimum tamen brevi et cum impetu recurrens, partemque affectam violenter concutiens, in sensus cadit. In partibus interioribus aliquando manu, ibidem externe corpori admodum, per-

observatur: aut ægroti perceptione confessio-
neque patet.

Præcedentem spasmus vehementiorem, vel generalem vel specialem, et, quæ hanc producunt, causas (139), fortiter agentes, sequitur haud raro. Adeoque irritationi cuilibet, diutius duranti, et ad gradum intensiorem auctæ: ac dolori fortiori (138), ubicunque locorum hæreat ille; philtris assumptis; vulneribus partium elasticarum, totam non dividitibus partem; morsui animalium rabidorum; inflammationibus majoribus, præsertim internas corporis partes, atque tendinosam fibram occupantibus (143), supervenire solet; nec non canalium singulorum et cavitatum specialium, propter nimiam intrus contenti copiam, extensioni prægrandi (53), e. g. repletioni magnæ ventriculi, maxime ab alimentis, acrimonia quadam præditis; intestinorum a flatibus; vesicæ urinariæ ab urina distensionem, modum excedenti. Scabies quoque retropulsa, aliæque cutis efflorescentiæ (160), eandem provocare possunt.

Dolorem in partibus affectis, antea ab eodem liberis, proportionatum gignit: durante paroxysmo humorum circulationem turbat, atque vel excretionum defectum, vel excessum parit: postea in illis lassitudinem et atoniam (137) relinquit. Facile in consue-

suetudinem degenerat: tuncque sæpius, et plus minus cito, recurrit; nec ordinarie extirpatur penitus. Vehementior, facile toti systemati musculofo sese communicat, atque sic epilepsiam (141) producit: idque eo citius, quo sensibiliore æger gaudet temperamento. Quo tenerius quoque est corpus, eo periculosior existit: hinc infantuli, infra sex hebdomadam ætatem constituti, ægritudine ista facillime pereunt. Aliis superveniens morbis magnis, præsertim inflammationi sanguineæ graviori (143, 147), ominosa est.

Medicamenta relaxantia atque anodina (11) postulat.

* Spasmus atque convulsio (quos morbos antiquissimi sæpius promiscue sumunt; et quorum ultimum nonnulli recentiorum, sed frustra, a motibus convulsivis subdistingunt,) in eo differunt, quod spasmus et nullos secum habeat motus reciprocos, sed potius rigiditatem in parte generet; et mollioribus fibris quibusvis sit communis: Convulsio vero et motus habeat dictos, et non nisi musculosas aggrediatur partes. Præterea hæc, tam vehementiæ, quam periculi, gradu spasmus vincit.

** In infantibus speciatim, pavores in somno reiterati aliquando convulsionum præcursores sunt.

*** Vid. Christoph. SCHELHAMMER, *Diff. de Convulsione*. Jen. 1643. Joh. Theodor. SCHENCK, *Diff. de Convulsione*. Resp. M. Ioh.

Joh. Andr. Henckel. Jen. 1670. Joh. Arnold. FRIDERICI. *Diff. de Convulsione inferioris maxilla.* Resp. Christoph. Frid. Pollmaro. Jen. 1672. Frid. HOFFMANN. *Diff. de Morbo Convulsivo a viso spectro.* Resp. Joh. Georg. Glyrz. Hal. 1682. Ej. Georg. Erhard. HAMBARGER. *Diff. de Convulsionum natura.* Resp. Christian. Adam. Gondala. Jen. 1751. Herm. Paul. JUCH. *Diff. de Convulsionibus.* Resp. Joh. Ernest. Rauschenberg. Erford. 1751. Phil. Conrad. FABRICII *Diff. de miris quibusdam motibus spasmodico-convulsivis vagis.* Resp. Joh. Barthold. Hoffmann. Helmst. 1751. Christian. Fried ENGELMANN. *Diff. de Motibus Convulsivis atque Convulsionibus a partu difficili.* Altorf. 1752. Phil. Georg. SCHRÖDER. *Diff. de Convulsionibus ex hæmorrhagia nimia oriundis.* Marburg. 1752. etc.

§. 141.

EPILEPSIA est motus omnium totius corporis partium musculosarum convulsivus, spasmo reliquarum junctus: constat ergo e convulsione generali (140), et spasmo (139): atque motus iste convulsivus, totum corpus oberrans, inque extremitatibus præsertim notabilis; qui, quoties hominem aggreditur, eundem cum sensuum externorum atque interni, totali abolitione humi, nisi quadam re suffulciatur, subito prosternit; ut plurimum post pauca horæ momenta remittens, nec ullum aggrediendi tempus certum observans, sed mox pauca, im horarum, aut die-

dierum, mox mensium intervalla linquens; visu facile dignoscitur.

In quibusdam ægrotis *precedunt* paroxysmum, vel spasmus quidam, sensu frigorigo, aut vaporis, a pedibus ad caput ascendentis, sese manifestans; vel spasmi alii, aut convulsiones particulares; vel vertigo; vel scintillarum ante oculos volutatio; vel alia quædam perceptio specialis. In aliis nihil horum evenit, sed morbus ex improvviso invadit, et uno impetu. *Durante paroxysmo*, caput artusque vehementer concutiuntur, convelluntur et colliduntur: in facie adest livor, aut cæruleus obscurus color: oculi, torvi atque aperti, cum faciei partibus singulis varie torquentur: dentes strident, linguam interpositam vulnerantes: spuma aut saliva mucosa prodit ex ore: gula contracta liquidis quibusvis, aliisque deglutiendis, viam præcludit: spiritus cum sonitu trahitur, accedente interdum rugitu: pollices digitosque, firmissime in pugnum clausos, robustissimus quisque explicari vix, aut non sine maximo labore, valet: extremitates cum toto corpore mirum in modum contorquentur aliquando, ut gesticationum atque positionis variationum supranaturale fundamentum subesse videatur: insimulque omnis perceptio adeo deficit, ut ne ignem quidem admotum æger sentiat: in nonnullis variæ simul accedunt excretiones,

narium, aliæque hæmorrhagiæ (170), excrementorum, urinæ, spermatis, involuntaria excretio. *Post* superatum paroxysmum, remanet lassitudo corporis totius, vertiginosa capitis perturbatio, siticulositas, anxietas, nausea, sudor, nonnunquam graveolens; nec æger, ad se rediens, ullius rei, sibi interea temporis contingentis, memoriam servavit. Non tamen omnibus omnia, nec singula in gradu æque forti, superveniunt.

Causæ eædem sunt, quæ convulsiones generant (140): ipsa præterea convulsio nimium aucta, imprimis in sensibilibus ægris; aut sæpe recurrens. Adhæc lactentes morbum quandoque experiuntur, post nutricis terrorem magnum, aut iracundiam vehementiorem: pueri, propter dentitionem difficilem, intestinorum a vermibus irritationem (245), variolas instantes (163): adulti, ab animi affectu graviore quovis, et a malo hysterico (256). Aliquando etiam morbus, prouti autores volunt, connascitur.

Infantibus, infra sex ætatis septimanas primas constitutis, malum ut plurimum mortem infert; nisi post unum alterumve paroxysmum, eumque leniorem, cesset: pueris quoque redditur lethale, ad punctum majus si augeatur, aut duret diutius, aut morbo majori alii cuidam accedat. In iisdem, nec non

in adultis, corporis atoniam (137) relinquit, gradui impetus et diuturnitati ægritudinis proportionatam: tandemque stupiditatem (189) post se trahit. Habitualis etiam fit facile, atque tunc et difficillime sanatur, et recurrit sine causa manifesta.

Medicamenta, morbo contraria, haud alia dantur, quam anodina (11). Vera enim specifica, usu ac legitime instituta experientia comprobata, nondum innotuerunt: quæ autem ab autoribus nonnullis commendantur specifica, e. g. oleum animale Dippe-
lii, cranium humanum, secundinæ humanæ, ungulæ alcis, totque alia, titulum non merentur.

* Pollicum/digitorum/complicatorum violenta in paroxysmo extricatio, cui adstantium nonnulli quandoque student, levaminis nihil ægroto asferre potest, cum implicatio ista effectus morbi sit, non causa. Imo et tendinum, quam extricatio necessario infert, violenta extensio, penitus innoxia non est. Unde labor iste, medendi fine susceptus, melius intermittitur.

et ma-
nus

** Anodina five, uti autor loquitur, narcotica damnat, contra ea specificorum catalogum amplissimum subministrans, IUNCKER, loc. cit. Tab. CL. Ultimorum quoque varia, cum apposita laude, enarrat Frid. HOFFMANN. Med. System. Tom. IV. Part. III. Sect. I. Cap. I.

*** Vid. Martin. Frid. *FRIES*. *Diff. de Epilepsia*. Lips. 1658. Joh. Nicol. *PECHLIN*. *Diff. de Epilepsia*. Resp. Georg. Martin. *Tatter. Kilon*. 1678. Joh. Gothofr. *BERGER*. *Diff. de Epilepsia*. Resp. Christian. *Erzler*. Wittenb. 1690. Ioh. Ern. *SCHAPER*. *Dissert. de Epilepsia*. Resp. Hieron. Matth. *Bartholomai*. Rost. 1695. Ej. *Diff. exhibens Medicinæ curiosæ Specimen, duabus quæstionibus enodatum*, Resp. Paul Bernhard. *Neucranz*. Rost. 1703. in specie, hujus Cap. II. de *Sanguinis decollati hominis - potu contra epilepsiam*. Ioh. Ludov. *HANNEMANN*. *Diff. de Anomalis et Paradoxis morborum curationibus; I. de Epilepsia*. Resp. Elia *Mobach*. Kil. 1706. Aug. Quir. *RIVIN*. *Diff. de remediis Antepilepticis*. vid. Ej. *Diss. Med.* *Diff. XII*. Abr. *VATER*. *Diff. qua Specificorum Antepilepticorum, sigillatim olei animalis, vires examinantur, hujusque - efficacia - confirmatur*. Resp. Hermann. *Iacob. Burchardi*. Witt. 1725. Christoph *Zach*. *DOEDERLEIN*. *Diff. de Epilepsia, autocratia naturæ curata*. Altorf. 1747. &c.

§. 142.

INFLAMMATIO est morbus, in quo conveniunt tensio fibrarum nimia (53): arteriolarum minimarum in parte quadam, aliarum a stagnante humore obstructio (59), aliarum dilatatio atque elasticitas major (63. 80); cum abundantia humorum speciali, sive congestione (88).

Pro partium ægrotantium vario situ, distinguitur in *externam* et *internam*: pro diversa vero vasorum sanguiferorum iisque connexorum, nec non humorum in eisdem circulantium, distributione, in *Sanguineam*, *Lymphaticam* atque *Serosam*.

Morbum in genere producunt, quæcunque aut canaliculos obturant (58.59); aut humorum consistentiam alterant, eosque vel justo reddunt spissiores vel tenuiores (90.91); atque sic obstructioni arteriolarum viam parant: aut denique congestiones humorum in in parte quadam generant.

Febrem (148) semper inducit proportionatam. Præterea inflammatio quælibet vel terminatur *discussione*, id est, canaliculi obstructi ab humore intus hærente liberantur, adeoque recluduntur: vel in *alium* transmigrat *morbum*. Prius evenit, quando arteriolarum obstructarum numerus reliquis, quæ intactæ manserunt, quantitate est inferior, et humor, in canaliculis hærens, aliqualem servavit mobilitatem: atque hic eventus eo certius et citius sequitur, quo parciores arteriolæ infra dimidium omnium, in parte ista obviarum, obsidentur, ac quo mobilior est humor stagnans. Posterius contingit, si arteriolæ obstructæ reliquas numero superent, aut particulæ infixæ mobilitatem deposuerint omnem:

sive id statim fuerit ab initio, sive inflammatio mitior, nova accedente causa occasionali, eousque augeatur. *Adhæc* speciem mutat aliquando, adeo ut sanguinea mutetur in lymphaticam, hæc vel in sanguineam vel in serosam; serosa tandem, in lymphaticam. Et præterea atoniam partis affectæ post se relinquit (137). In *specie* quoque obstructio arteriolarum in ipsis singulis hunc habet effectum, ut sanguis, cui liber est denegatus per punctum obstructum transitus, portionem arteriæ, proxime ante hoc punctum antecedentem, mora sua aliquali et copia dilatat, ejusque elasticitatem nimiam provocat.

Medela absolvitur aperientibus et attenuantibus, pro circumstantiarum ratione, vel lenioribus vel fortioribus (12. 14).

* Dantur, qui et humorum acrimoniæ (92), eamque subinde solam, accusant. Interim quamvis negandum non sit, eandem, fluida ad majorem vel spissitudinem vel tenuitatem disponendo, huc esse referendam: attamen concedendum quoque est, quod spissitudo hæc atque tenuitas nimia alias adhuc agnoscat causas varias: quod ergo acrimonia non semper sit inflammationis fundamentum. Præterea nonnulli autores vocabulum *acrimoniæ*, et nimis vage adhibent, et justo latius extendunt, ipsique effectus adscribunt, qui, teste experientia, toties ex alio fonte derivari se, et meliori jure, patiuntur.

** Quod

** Quod *arteria* sint inflammationis subjectum speciale, eorum figura conica declarat, et successiva, respectu sanguinis e corde expressi fluxus, angustia major. Cum enim in venis, sanguis ex arctiori spatio in amplius continuo migret, obstructio in iisdem locum habere nequit, aut, si forte obveniat, brevi solvitur.

*** Particulæ, in arterioliis stagnantes, easdemque sic obstruentes, cum ante stasin ad fluida corporis pertinuerint, statim ac hære in vasculis, adeoque hæc obstruere, incipiunt, maximam non induunt duritiem, sed eadem non nisi *gradatim* advenit. In hoc ergo tempore intermedio, et quidem magis prope initium, minus prope finem, resolutio particularum istarum, hinc canaliculum, antea obstructorum, liberatio atque apertio possibilis est,

**** Quemadmodum, docente chirurgia, exterior inflammatio eandem, in genere, et admittit et postulat medendi methodum, in quocunque loco sedem fixerit: sic quoque interna inflammatio, quoad essentialia, ubique eadem, e partis, in qua hæret, diversitate, nullam in sanando patitur differentiam essentialem.

§. 143.

Inflammatio sanguinea (142), speciatim et sensu strictiori *inflammatio* dicta, nominatur, quando pars corporis quæcunque cum rubore, calore, duritie extensiva, et arte-

riarum majori pulsatione, tumet, doletque. In ea ergo, nudæ tensionis loco (142), dolor adest; arteriolæ sanguiferæ capillares aliæ a sanguine stagnante deprehenduntur obstructæ, aliæ nimia pollent elasticitate (63); et congestio urget sanguinea sive plethora specialis (96): ac spissitudo aut tenuitas, forte præsens, de sanguine in specie est asserenda (98.99). Cumque febrem hæc post se trahat inflammatoriam, proprie dictam (153): interna inflammatio, de qua quippe hic agitur, imprimis dignoscitur dolore constante, viscus quoddam obsidente, et aliquando attractum regionis corporis externæ, visceri respondentis, prohibente; nec non febre commemorata, quæ pariter ac dolor, pro vario inflammationis gradu, vel mitior est vel fortior.

Ad producendam eandem requiritur, ut causæ vel agant in arteriolas sanguiferas, easdem reddendo angustiores justo (76); vel in sanguinem, ejus stasin producendo: quo nomine, præter reliqua, accusanda veniunt, et quæcunque sanguinem aut inspissant aut justo tenuiorem faciunt; et ipsa inflammatio lymphatica aut serosa (144. 145); et irritatio, ac dolor quilibet, major, diutiorque (138), ex alio fonte præsens.

Per se non est adeo semper periculosa, nisi major fuerit: et chronicum constituere malum

malum potest, imprimis, si accedat lymphatica inflammatio chronica. Occasionem dat lymphaticæ huic inflammationi, nec non serosæ. Et aliquando in eadem, aut in lymphaticam solam, ultimato transmigrat. Vehementior facta, id est, plus quam dimidio arteriolarum partis ægrotante, nisi post paucos aliquot, e. g. post sex aut septem circiter dies, mitescens vergat ad discussionem: vel abit in *suppurationem*, quando nimirum sufficiens vasorum sanguiferorum numerus, quantus scilicet ad conservandam in parte affecta vitam requiritur, aut statim ab initio ab obstructione mansit liber, aut postea rursus aperitur; id quod in partibus non elasticis potissimum contingere, experientia docuit: vel in *gangrænam*, si videlicet omnia partis vasa sanguifera arteriosa, aut mox ab initio, aut ingravescente demum morbo, obstruantur, sicque humorum influxus atque circulatio penitus in parte morbosâ cessent; atque id in durioribus partibus, magis consuetum observatur. Præterea inflammatio fortior, ob dolorem adjunctum, aliis quoque morbis, præsertim convulsionibus (140), ansam præbet. Ac imperfecte discussa, indurationes viscerum (175) post se relinquit. Et pro viscerum, quæ occupat, diversitate varia inducit mala specialia, e. g. delirium acutum (186),

Cum

Cum refrigerantibus, relaxantia atque anodina (11. 13) postulat, quamdiu morbus a primo initio crescit ad summum acumen: attenuantia vero, quando morbus decrescere incipit, primum leniora, cum anodinis maritata, deinde fortiora: tandemque adstringentia (12), in fine addenda. Externa quoque emollientia ac discutientia (59. schol.) extus parti affectæ, quam proxime fieri possibile, apponenda, locum habent.

* Inflammationem hanc aliquando *chronicam* fieri, diuturnæ oculorum inflammationes docent.

** *Externa* inflammatio in chirurgicis explicatur: quæ etiam rationes subministrat, cur *oleum amygdalarum dulcium*, quod nonnulli, vel solum, vel in emulsionis formam redactum, in quibuscunque inflammationibus internis nimium laudant, in gulæ, ventriculi, aut intestinorum inflammatione semper innoxium minime sit.

*** *Erysipelas*, inflammationis externæ, in cute oborientis species, atque ideo per se ad chirurgiam referenda, animi quendam affectum vehementiorem, iram videlicet, aut terrorem, ordinarie pro causa agnoscens occasionali; et dolore atque tensione insigni stipata: febrem secum ducit continuam, sat gravem aliquando, quæ, *erysipelacea* nominanda, nec a sola ista inflammatione cutanea, sed etiam ab alia quadam interiori, simul præsentē, originem trahens, pro uti id gradus febris, externæ inflammatio-

nis

nis gradum longe superans, abunde testatur; paulo ante sacri ignis declarationem, consueto modo cum horrore infestat, sicque morbum totum incipit: insequentibus, plus minus cito, inflammationis in loco affecto consecrariis solitis.

**** Distensio vasorum in inflammatione sanguinea *non solis sanguiferis* contingere arteriis, sed et lymphaticis, pater e colore rubro intensiori, quem in inflammationibus externis partes membranosa, naturaliter albæ, assumunt: prouti id imprimis bulbi oculi portio anterior, in ophthalmia, luculenter probat.

***** Aliquando sanguis, e vena ægroti emissus, et in vasculo asservatus, post aliqualem moram, speciali *cuticula* albida mucosa obductus deprehenditur: quod ipsum singularem sanguinis spissitudinem, (98), simul junctam, indicat.

***** Inflammatio fortior, post dies paucos mitescens, atque sic discussioni appropinquans, accedente causa quadam occasionali, iterum augeri, idque tertia, quartave vice repeti potest. In quo casu *terminus*, imminenti suppurationi politus, diversimode prolongatur.

***** Sunt, qui *opiatorum* in inflammatione usum improbant, quoniam ista humoribus a parte affecta avocandis, quem scopum medentis esse primarium volunt, minus observantur idonea: quorum quippe actionem in relaxatione solidorum et fluidorum moribus cohibendis consistere, experien-

perientia potius comprobat. Numne vero, posita hypothesi, dolorem congestionis augmentum inducere, experientia itidem testatur: adeoque, quæ dolorem sanant, mediate etiam ulteriorem avertunt humorum affluxum?

§. 144.

Inflammatio Lymphatica (142), obstructionem secundi generis arteriarum, a lymphâ in iisdem stagnante: atque reliquarum, nec non in obstructis, liberæ portionis, dilatationem atque elasticitatem nimiam (78) supponit. In visceribus eam patefaciunt inflammatio sanguinea (143), diutius in gradu mitiori perdurans sine causâ manifesta. Præter causas generales, aliquando pro basi habet inflammationem sanguineam, vel præsentem, vel prægressam. Febri intermittenti (149); ac sanguineæ inflammationi, nec non serosæ (145), ansam dat: nisi resolutione terminetur, indurationem viscerum (175) post se trahit: atque chronicum quandoque fit malum, inflammationem quoque sanguineam chronicam aliquando produciens. Attenuantia fortiora atque aperientia (12.14) possit.

§. 145.

Inflammatio serosa, (142) obstructionem arteriarum quarundam tertii generis, a sero in

in iisdem subsistente; et reliquarum, nec non, quoad obstructas, portionis liberæ, dilationem atque elasticitatem nimiam arguit: dignoscitur e mitissima inflammatione sanguinea chronica, nec remediis consuetis cedente, nec tamen in pejus malum transeunte, quibus omnibus secretionis cujusdam defectus, sine alia quadam causa contingens, accedit: oritur ab inflammatione sanguinea (143), itemque a lymphatica (144), vel prægressis, vel præsentibus: inflammationem lymphaticam producere potest; eandemque revocare, si diutius sine resolutione persistat; secretionum præterea anomalias, et febrem intermittentem aliquando, infert: et aperientia (12), nec non attenuantia fortiora (14), postulat.

§. 146.

SUPPURATIO, inflammationis sanguineæ, resolutionem recusantis, consecrarium alterum et mitius (143): componitur partim ex arteriolarum, in inflammatione sanguinea obstructarum, inter portionem obstructam et sanam ruptione, hinc apertione insolita (56. 81); partim ex integre servatorum vasorum sanguiferorum in eadem parte, nimia dilatione atque elasticitate (61. 80). Prior circumstantia sanguinis effluxum e canalibus apertis, et cavitatem novam, producit: altera

ra partes canalis destructas, aucto arteriarum motu, tandem separat; separatasque, adjuvante partium calore, sanguini in cavitatem influenti miscet, ac e miscela utrorumque humorem crassiusculum, flavescentem, odore speciali non conspicuum, id est, *pus* producit: quod *purum* audit, si conditiones dictæ adsint; *impurum*, si vel consistentia, vel colore, vel odore, aliter se habeat, adeoque morbum specialem combinatum monstret.

Pro partium ægrotarum diversitate, distinguitur in *externam*, atque *internam*, quæ ultima hic consideratur. In ambabus, *pus* confectum vel libere profluit e cavitate facta, vel inclusum in eadem restat: quorum posterius *ulcus* format, *abscessum* prius,

Ad suppurationem morbum inflammatorium properare in visceribus, adeoque suppurationem instare internam, exinde colligitur, quando inflammatio sanguinea, ea præcipue, quæ major jam est ab initio, intra consuetum tempus non discutitur, adeoque non mitigatur; sed potius, post illud superatum, augetur, atque hoc augmentum aliquamdiu durat. *Puris* vero generationem jam jam factam, produunt, sanguineæ inflammationis intensioris effectus subito remittentes, non vero penitus cessantes, sed in gradu

gradu mitiori perdurantes; quin etiam post-hæc successive iterum augescētes. *Ulceris* tandem in specie præsentia in partibus, e quibus exitus datur e corpore, quales sunt pulmo, primæ viæ, vesica urinaria, probat puris per expectorationem, vomitum, diarrhoeam, mictionem, exturbatio.

Suppurationis *causa* est præcedens inflammatio sanguinea, vel ab initio statim major, quam ut resolutionem admittat; vel, primum licet mitior, ab accessu causæ occasionalis, maxime talis, quæ sanguini majorem conciliat motum, e. g. animi affectus vehementioris, medicamentorum aut potulentorum calefacientium abusus, regiminis ultra modum calidi, refrigerationum subitanearum, aliorumque errorum diæticorum, intensior facta. Abscessum præsentem in *ulcus* mutat apertum, quicquid parietes abscessus aperit, ipsum e. g. pus, ulterius semper rodens; aliquando vehemens corporis motus, saltus, casus ab alto: unde membrana, abscessum claudens, rumpitur.

Suppuratio absoluta, per se spectata, inflammationis sanguineæ prægressæ effectus tollit omnes: propter pus, continuo a canalibus absorbentibus reductum in sanguinem, febrem post se trahit suppuratoriam (154): pus superficiem proximam premens, in ea-

N

dem

dem canales sanguiferos angustat, sicque adhuc in illa inflammationi occasionem præbet, itidem, cum causa permaneat, in suppurationem abeunti, similis effectus ulterioris generatricem; hinc facta cavitas, in qua pus hæret, continuo ampliatur; idque eo citius procedit, quo mollior est pars, præsertim si, propter humorum acrimoniam (92) forte admixtam, pus acredine quoque polleat.

Pus, in minima quantitate præsens, absorberi in totum potest, atque sic æger a morbo liberari. Ubi quoque puri liber e corpore conceditur effluxus, nec nimia ejus copia existit, aut novus continuo affluxus e quacunque causa accedit, suppuratio salutariter terminatur. Lethalis contra ea exitus, plus minus cito, sequitur semper, quando vel abscessus adest internus, nunquam aperiens se pro puris educatione; vel ulceris situs talis est, ut puri effluxus plane denegetur; vel pus ex ulcere exiens, omne profluere, sicque cavitas facta consolidari, nequit, aut propter nimiam quantitatem, aut propter novum ejus, et continuo iteratum, proventum.

cum aliquali puris copia,

Medicamenta, quæ in hoc morbo commendari merentur, balsamica (11) sunt, et quæ lenissima adstringendi vi pollent (12): interim, nisi immediate partem attingere que-

queant, efficaciam adeo debilem non possunt non exserere, ut sæpissime nulla medelæ possibilitas remaneat.

* Spatium inflammatum nunquam totum suppurat, sed solum ejus centrum, ubi scilicet inflammatio maximum obtinet gradum, prouti id in externis morbis experientia evincit. Hinc in qualibet suppuratione proprie morbus adest duplex, inflammatio scilicet in circumferentia spatii morboli, et suppuratio in ejus centro. Unde et medicus clinicus, ultimam hanc sanans, amborum signa, causam, effectus, et medelam semper combinet, necesse est.

** In suppurationibus, maxime internis, *pus* cavitati cuidam, e qua nulla ad corporis superficiem datur via, inclusum, e. g. lieni, nihilominus aliquando aut cum *urina*, aut cum *excrementis*, aut mediante *tussi*, salutariter *educi*, et in hoc casu excretionem hanc medicamentis idoneis esse adjuvandam, nonnulli contendunt auctores. Cujus tamen eventus veritatis nulla adsunt fundamenta.

*** *Externam*, in est, in externis partibus corporis contingentem, suppurationem explicat chirurgia.

§. 147.

GANGRÆNA, sive mortificatio partis cujusdam, sanguineæ inflammationis, ubi dis-

cussio non amplius locum habet, consequens alterum, et pessimum (143): in qua conveniunt atoniæ gradus maximus, cum mollitie maxima fibrarum; adeoque harum, ut et partium, tensio, elasticitas atque sensibilitas penitus destructa (§ 2. 137, **); nec non sanguinis ac reliquorum humorum resolutio plenaria (99. *): pro partium, quas obsidet, diversitate, pariter ac inflammatio et suppuratio (143. 146), vel *externa* est, vel *interna*; et pro diversa spatii, quod occupat, amplitudine, vel major, vel minor, dici potest.

Eandem in interna^a inflammatione^s sanguine^s proxime *esse metuendam* testantur, quando huic, in majori gradu præsentī, accedunt, præter febrem inflammatoriam (153), animus citra consuetudinem abjectus, corporis inquietudo insuperabilis, anxietates præcordiorum auctæ, respiratio difficilis et laboriosa, deliria (186), tendinum subsultus, vigiliæ continuæ, cum noctibus etiam insomniis, singultus, convulsiones (140), tremuli artuum motus, lipothymia (181) majores, secretionum turbæ, facies oculique collapsi: quando scilicet, vel hæc omnia, quæ proprie maximum inflammationis (143) gradum produnt, observantur, vel maxima dictorum pars infestat. *Adveniss* autem eandem monstrant, præcedentibus signis junctus sudor mo-
ri

ribundorum frigidus, perceptionis sensuumque imminutio, et affectus soporosus (193).

Causa est circulatio sanguinis in parte quadam interna cessans, propter obstructionem omnium ejus arteriarum sanguiferarum in inflammatione sanguinea fortissima, sive hæc statim ab initio talis fuerit, sive, quæ in principio erat lenior, accedente causa occasionali nova, eousque intendatur. Aliquando etiam, sed rarius, eam, sine manifesta inflammatione interna, solidorum maxima debilitas producit.

Mortificatio semel irruens, sine mora ulterius serpit: febrem generat putridam (156); et in visceribus contingens, mortem accersit indubitam, quam medicamenta nulla unquam avertunt.

* Gangræna id habet commune cum suppuratione, quod totam non occupet portionem inflammatam, sed ejus solummodo centrum: unde in morbis clinicis itidem *e duplici morbo proprie constat*, e gangræna scilicet atque inflammatione. Imo et in externarum partium gangræna, cui chirurgia sæpius medetur, *omnes tres morbi*, inflammatio, suppuratio, atque gangræna, in eadem parte, licet singuli in punctis separatis, convenire aliquando, experientia evincit.

** In ea gangræne externæ specie, quæ a fibrarum robore ac motu deficiente, adeo-

que a causa interna, provenit, alii corticem peruvianum mire extollunt, alii efficaciam ejus dubiam pronunciant. Vid. inter reliquos G. E. DETHARDING. *Diss. de Corticis Chinæ efficacia in gangræna et sphacelo dubia*. Resp. Joh. Dan. Schæffer. Rostoch. 1746. Res tota eo redit, ut, si causa debilitatis, quæ gangrænam producere supponitur, itemque fluidorum crassities juncta, tales sint, ut correctionem admittant, cortici prædicto, roborandi quippe et attenuandi virtute gaudenti, efficacia omnis denegari nequeat: quod si vero vel morbi gradus corticis vim superet, vel alii adhuc morbi inextirpabiles connectantur, tunc certe ex ejus usu medela nulla sit speranda.

*** Vid. Andr. El. BÜCHNER. *Diss. de signis mortis prognosticis*. Resp. Christoph. Frid. Seld. Hal. 1747.

§. 148.

FEBRIS, quæ est morbus, inchoans cum frigoris perceptione, succedente postea æstu, ipso demum cum sudore terminato: componitur, pro diversis morbi temporibus, vel e spasmō (139) cutis arteriolas secundi et tertii ordinis præsertim coarctante, transpiratione impedita (116), vasorum sanguiferorum internorum elasticitate aucta (77), et congestione humorum ad interiora aliasque partes a spasmō liberis, compulsorum (88): vel ex elasticitate sanguinis per universum corpus aucta (100), et transpiratione abundan-

dantiori (115); ac aliquando sudoris colore aut odore peregrino (117): quibus omnibus accedit, quæ febris est causa principalis, inflammatio (142).

Differentias admittit varias. Primario namque distinguitur in *intermittentem*, *continuum*, atque *remittentem*. E quibus prior paroxysmis aliquot specialibus, singulis penitus cessantibus, sibi invicem succedentibus, et totidem supra descriptas febres diversas efficientibus, absolvitur: id est, febris frigore, æstu, sudore constans, finitur; sed post tempus aliquod, aut horas quasdam, eadem pari modo et ordine invadit; idque reiteratis vicibus repetitur. *Continua* e contrario unicuique tantummodo paroxysmum sistit: adeoque ex unica febre constat, quæ post absolutum frigus, æstum, sudorem finalem, nunquam redit. *Remittens* tandem, quæ ex ambabus præcedentibus componitur, paroxysmos quidem habet a se invicem distinctos, singulos tamen non penitus cessantes, sed vehementiam solummodo ad tempus deponentes: quam deinde reassumunt, restitantes, in hoc intervallo, febris continuæ præsentia.

Ad hæc febris quælibet est, ratione durationis totalis, vel *acuta* sive brevis; vel *lenta* sive chronica: ratione ordinis paroxysmorum, vel *periodica*, sive *typica*, et regularis

laris; vel *vaga*, non *typica*, *irregularis*: ratione gradus vehementiæ, vel *benigna*, atque mitior; vel *maligna* atque vehementior: ratione frequentiæ, vel *epidemica*, vel *sporadica* (19): ratione exitus, vel *sanabilis*; vel *letalis*, plus minus cito: ratione anni temporum, vel *vernalis*, vel *autumnalis* potissimum.

Præter ea alii quoque morbi, febris sese jungentes, novis distinctionibus ansam præbent. Sic, accedente inflammatione leviori, *febris exsurgit catarrhalis*; fortiori, *febris inflammatoria*; accedente suppuratione, *febris vulneraria* dicta, et *febris hæctica*; accedente gangræna, aut saburra primarum viarum putrida, *febris putrida*. Exanthemata simul præsentia, pro varia eorundem diversitate, *febrem* formant *exanthematicam*, *miliarem* albam et rubram, *morbillosam*, *variolosam*, *petechialem*, *catarrhalem petechizantem*, *pestilenti-alem*, rel. Cum lactis secretionem in puerperis incipiente conjuncta, *febris lactea* dicitur: cum lochiorum anomalis, *febris lochialis*.

Causa febris proxima est motus fortior sanguinis et sanguiferorum canalium, per corpus totum se extendens; ac pro basi habens eorundem nimiam elasticitatem; quæ ipsa iterum est continuatio dilatationis nimiae et elasticitatis, atque hinc pendentis motus majoris, tam arteriolarum earum, quæ in inflam-

flammatione obstructionis non fuerunt subiectum, quam arteriolarum obstructarum in puncto ante obstructum proximo. Remotior itaque causa est obstructio, inflammationem, et successive febrem pariens, accedente, sub paroxysmi aut febris initium, spasmo cutaneo.

Occasionem porro feberi dant, quaecunque subsistentiam humorum in arteriolis, atque sic inflammationem, producunt (142), quæ inter, ceu præcipua, considerata veniunt, humorum abundantia (88), sanguinis major elasticitas (100), saburra ventriculi atque intestinorum (237), contagia (136), qualitas fluidorum vitiosa (90 91), refrigeratio subitanea post incalescientiam; terror, ira vehemens.

Lassitudinem manifestam infert corpori, hincque ejus motum et actiones reddit molestas: appetitum ac chylicationem statim pessundat, unde nutritionis defectus sequitur, viriumque debilitas augetur: somnum vel aufert; vel turbulentum, inquietum, infructuosum reddit: adhæc dolorem (138), nec non spasmus (139), plus minus obsecuros aut sensibiles, in diversis partibus generat, præsertim tamen in capite, lumbis, et regione sacra, itemque in artubus, manifestos. Præterea, durante frigore, præter pulsum debilem, justo citatiorem, et plus

minus inæqualem; congestiones ad caput et viscera (88) exsurgunt; urina emittitur copiosa, pallida: durante æstu, cum pulsu fortiori, in eoque caloris gradui proportionato, plus minus frequenti; sitis (208) potissimum, quosdam frigoris tempore jam jam vexans, in nonnullis delirium mitius (186), infestat; ac in eodem, nec non durante sudore, urina prodit parcius, et aliquando parcissima, cum rubro saturato colore.

In feбри, quo regularior est ægroti diæta atque regimen, eo regularius procedit febris; at, quo regularior hæc, eo felicius ad finem decurrit: et contra.

Remedia eadem sunt, quæ et spasmo et inflammationi conveniunt; pro temporum nimirum diversitate, humectantia, relaxantia, refrigerantia, attenuantia (11.13.14): quibus regimen moderate calidum, in frigore præsertim, accedat.

* BAGLIVUS in *Prax. med.* aliique, quod et antiquissimi jam fecerunt, differentiis febrium sine necessitate addunt *febrem singultuosam, vertiginosam, vomitoriam, sudatoriam, syncopalem &c.* ab admixto frequenti singultu, vertigine, vomitu, sudationibus colliquativis, lipothymiis, &c. sic nominatas. Hac autem ratione plures adhuc febrium species componi et reliquis jungi possunt, e. g. *convulsiva, torminosa, verminosa. &c.*

BOERHAVIUS quoque *libr. cit. §. 642.* sqq specialem injicit mentionem *nausæ febrilis, ructuum et flatuum, vomitus febrilis, delirii febrilis, comatis febrilis, pervigilii febrilis, convulsionis febrilis, diarrhoeæ febrilis, &c.* Interim morbi hi adjuncti, alii que forte admixti, uti sua habent signa, causas, prognosin, a febre diversas, sic sua quilibet requirunt remedia specialia.

** Causam febris autores, pro diversa sua hypothesi, varie determinant, e quibus HELMONTIUS Archeum accusat (17,*), et JUNKERUS *libr. cit. Tab. XXXIX.* „animam rationalem, conservationi corporis sui „organici intentam,„ pro causa efficiente; „materiam aliquam, quæ mixtionem sanguinis et reliqui corporis, intima corruptione „fermentativo - putredinosa, evertere potest,„ pro materiali proxima; tandemque „plethoram pro causa materiali remotiori,„ assumit. Frid. HOFFMANNI, aliorumque placita in libris eorundem quarantur.

*** Præter G. E. STAHLII et Frid. HOFFMANNI: *Diff. de febre varias, vid. Phil. Jacob. SCHROTER. Themata febrium generalem doctrinam secundum mentem Galeni et Avicennæ complectentia. Resp. Casp. Gribner. Jen. 1590. Georg. Christoph. SCHELLHAMMER. Diff. de febris natura. Resp. Joh. Balth. Schwartzmann. Jen. 1692. Joh. Godofr. de BERGER. Diff. de laude febris merito suspecta. Resp. Joh. Adam. Hacker. Witt. 1730. Abrah. VATER. Diff. de potu in febribus necessitate, Resp. Joh. Frid. Thaer. Witt. 1732. Andr.*

Andr. Ottomar. GÖLICHE Diff. *de Laude febris falso suspecta*. Resp. Sigism. Ferdin. Meissner. Francof. ad V. 1733. Anton. Frid. DANCKWERTS Diff. *de arte inferendi febrim*. Resp. Johann. Wilh. Martini. Helmst. 1735. Joh. Henr. SCHULTZ. Diff. *generalia de febribus tradens*. Resp. Joh. Godofr. Zierbold. Hal. 1742. Nicol. LE ROY DE ST. AIGNAN. Quæst. Med. *An febris sæpius morbi remedium, quam morbus?* Resp. Franc. Bernard. Aff. Paris. 1743. Christian. Samuel. GEBAUER. Diff. *de Paroxysmo febrili*. Resp. Carl Frid. Berndt. Erlang. 1745. Ludov. PATHIOT. Quæst. Med. *An in ipsa februm exacerbatione æquæ Venæsectio?* Resp. Ludov. Gabriel. Dupré. Aff. Paris. 1746. Jacob. Laurent. MAUROY. Quæst. Med. *An febris naturæ, curationem molientis, instrumentum?* Resp. Anna Carol. Lorry. Aff. Paris. 1747. Joh. Ernest. HEBENSTREIT. Progr. *de Temporibus februm propriis*. Lips. 1748. Georg. Erh. HAMBERGER. Diss. *de natura febris*. Resp. Jul. Albert. Henr. Zeller. Jen. 1751. &c. &c. Nec non Paul. Gottlieb. WERLHOF. Observ. *de febribus, præcipue intermittentibus*. Ejusdemque *Animadversiones de limitanda febris laude*. Itemque Georg. Ern. STAHL. Diff. *de Febribus secundariis*. Resp. David. Wilh. Pauli. Hal. 1707. &c.

§. 149.

Febris intermittens, id est, febris, penitus a se invicem separatæ obtinens paroxysmos: et in qua, præter febrem (148), inflam-

Inflammatio adest lymphatica atque serosa (144.145.): ac præterea spissitudo humorum (90) potius, quam eorundem nimia tenuitas, aut plethora, infestat: pro diverso paroxysmorum accessu et reditu, plus minus frequenti, dividitur in *quotidianam*, quæ quotidie invadit de novo; *tertianam*, quæ alternis diebus singulis redit, adeoque die uno infestat, sequenti quiescit, tertio revertitur; *quartanam*, quæ, hodie vexans, sequentes duos agnoscit dies intermedios et a morbo liberos, quarto rursus revertens; *quintanam*, *sextanam*, *octanam*, quæ, pari ratione, quinto, sexto, octavo die, includendo semper huic numero prioris paroxysmi diem ipsum, redeunt, at reliquis speciebus multo sunt rariores.

Singulæ istæ adhuc sunt *vel simplices*, quæ quotidie, quovis die tertio, quarto, &c. adveniunt semel, eo ipso *quotidianam simplicem*, *tertianam simplicem*, *quartanam simplicem*, &c. formantes: *vel duplices*, quæ quovis die solito bis, id est, duobus paroxysmis separatis, invadunt. Ex his ultimis ergo fit *quotidiana duplex*, cujus alter paroxysmus ordinarie matutinis, alter vespertinis, aggreditur horis: *tertiana duplex*, ubi vel quovis die paroxysmus unicus advenit, ita tamen ordinarie, ut paroxysmi primi, tertii, quinti

quinti, septimi, &c. diei inter se, ac paroxysmi secundi, quarti, sexti, octavi &c. diei quoque inter se invicem, tam accessionis tempore, quam vehementia et diuturnitate, corresponsdeant; vel, modo supra dicto, quovis die tertio febris duos format paroxysmos, alterum horis antemeridianis, alterum circa vesperam, ex quibus iterum matutini inter se conveniunt separatim, et serotini quoque: *quartana duplex*, et reliqui, pari, ac de tertiana duplici assertum est, ratione, mutandis mutatis, procedunt. Nec *quotidiana, tertiana, quartana triplex*, quamvis rarissimæ, penitus sunt impossibiles.

In prædictis febribus quibuslibet adhuc paroxysmi singuli, vel ratione temporis, quo aggrediuntur, *perfecte coincidunt*, adeo ut eadem præcise hora secundus adveniat paroxysmus, qua primus accesserat: vel horam unam aut alteram, sive *anticipant*, sive *retrocedunt*. Iidemque paroxysmi, eorumque subdivisiones in frigus, æstum, et sudorem, vel *aquali vehementia ac diuturnitate* infestant, vel alter altero est aut *mitior* aut *brevior*.

Singuli paroxysmi cum frigore incipiunt, plus minus manifesto, interdum ad horas aliquot extenso: hunc finitum sequitur calor: quem, ordinarie siccum sub initium, sen-

fenfim fudor, fatis quandoque largus, excipit, finiensque paroxyfimum claudit penitus: adeo ut æger, durante tempore intermedio, et ad novi paroxyfmi impetum ufque, adeo bene fe habeat, ut morbum nullum fentiat.

Caufam remotiorem conftituit obftructio vaforum fecundi et tertii generis.

In remittentem, ac porro in continuam transire poteft, fecundum ipfius inflammationis mutationem variam (142): aliquando etiam ex una specie transmigrat in alteram, adeo ut quotidiana mutetur in tertianam, quartanam, &c. et vice verfa. Ordinarie falutariter terminatur, nec vitæ periculum infert: excepto, quod fenibus, propter imbecillitatem, iis familiarem, lethalis fieri quandoque, atque id fi accidat, frigoris tempore potiffimum contingere, autores perhibeant; quodque, fi alii accedant morbi infuperabiles, accidentaliter morte terminari queat: nude etiam fuppreffa, aut perverfe tractata, hydropem (172), atrophiam (293), icterumque (174), poft fe trahere creditur; qui ultimus aliquando fponte accedit, pariter ac amara faliva (119). Facile tamen, imprimis *quartana*, et ex iisdem fpeciatim *autumnalis*, poftquam aliquamdiu emanfit, revertitur, atque fic recidivas patit; præfertim fi accedat error diæteticus, aut perversa, aut infufficiens

ciens medela: atque tunc chronica fit, et adeo pertinax, ut menses integros, imo et annos perduret: recidiva etiam ista, semel introducta, haud certius advenit, quam octavo post emanationem, aut decimo quarto die; prætereaque facile, modo simili, post febrem, denuo debellatam, reiteratur. Aliquando contagiosa quasi est, aut certe epidemice grassatur. *Tertiana* in specie *vernalis* raro ultra septem paroxysmos extenditur, sæpius infra eosdem subsistit: omnium minime est periculosa: nec nisi leniora medicamenta postulat. *Autumnales* quælibet, et post easdem *hyemales*, ceteris sunt diuturniores: facile recidivant: speciem mutant: ac facilius in remittentes abeunt.

In paroxysmo, durante frigore, corpus ac imprimis extremitates inferiores, partim calidis externe admovendis, partim potulentis calidis interne dandis, partim stragulis sufficientibus impositis, foveantur; atque hæc ipsa, in sequentibus paroxysmis, dimidiam ante accessum horam, jam jam observentur, ad præoccupandos frigoris effectus, et gradum ejus diminuendum: calor subsequens diætam moderate calidam poscit, diluentia aquosa, refrigerantia, acida (13.14): sudor, paroxysmum claudens, corporis quietam suadet in lecto, moderate calido, detentionem, et subitanæ refrigerationis evitacionem.

Ex-

Extra paroxysmum, in primis diebus, incidentia et leniter diaphoretica (14.15.) conveniunt. Post superatum vero tertium paroxysmum, in junioribus atque robustis; in senibus autem, ac summe debilitatis, statim post finitum paroxysmum primum, cortex peruvianus detur, vel solus, vel cum incidente quodam remedio salino permixtus, in dosi sufficienti, ac tamdiu, quam par est, id est, ad febris totalem extirpationem usque continuandus: tandemque in fine roborantia (11) propinentur, quæ et versus morbi terminum febrifugis jam jam sunt interpolanda.

* Febrem, imprimis intermittentem, *nude suppressi* dicunt autores, quando statim sub initium, absque consueta præparatione, sive humorum correctione, adeoque citra methodum solitam, febrifugis specificis solis morbus profligatur. Id quod etiam de aliis morbis nonnullis valet.

** Vid. Henr. MEIBOM. *Diss. de febribus intermittentibus epidemicis*. Resp. Martin. Ladey. Helmst. 1678. Georg. Wolffg. WEDEL. *Diss. de Febribus Intermittentibus*. Resp. Petr. Schoepffer. Jen. 1692. Joh. Carol. SPIES. *Diss. de Februum intermittentium Theoria et Therapia*. Resp. Benedict Mublio. Helmstad. 1721. Aug. Frid. WALTHER. *Diss. de Frigore et Febris Intermittentis accessione*. Resp. Eric. Kuesch. Lips. 1740. Gaspar COCHON DU PUY. *Quæst. Med. An in ipso exitu februum intermittentium statim ut plurimum Kinakina?* Resp. Franc. David. *Herissant. Aff.*
O Paris

Paris. 1741. Ernest. Jèrem. NEIFELD. *Diff. de Genesi caloris februm intermittentium.* Lips. 1744. Georg. Christoph. DETHARDING. *Diff. de Causa et Indole februm intermittentium.* Resp. Franc. Udalr. Theod. Acipino. Rost. 1748. Rudolph. Wilh. CRAVSE. *Diff. de febre Quotidiana intermittente.* Resp. Joh. Schomburg. Jen. 1692. Guern. ROLFINCK. *Diff. de Tertiana intermittente.* Resp. Joh. Georg. Trott. Jen. 1662. Georg. Ern. STAHL. *Diff. de Tertiana.* Resp. Godofr. Meier. Hal. 1706. Casimir. Christoph. SCHMIDEL. *Diff. de Febre Intermittente Tertiana.* Resp. Joh. Adam. Löffler. Erlang. 1744. Joh. BACMEISTER. *Diff. de Quartana.* Resp. Georg. Wende. Rost. 1658. Georg. Wolffg. WEDEL. *Diff. sistens ægrum Quartana laborantem.* Resp. Joh. Frid. Herwig. Jen. 1688. Joh. Caspar. ANHALT. *Diff. de Febre Quartana duplici cum hemicrania.* Altd. 1724. Georg. Christoph. DETHARDING. *Diff. de Febris Quartanae frequentia in Ducatu Mecklenburgico.* Resp. Daniel. Zachar. Böttesführ. Rost 1737. Joh. Henr. SCHVLZE Dissert. *de Mercurialium usu in febre quartana curanda.* Resp. Joh. Godofr. Grævio. Hal. 1742. Joh. Gothofr. BERGER. *Diff. de Chinchina ab iniquis judiciis vindicata.* Resp. Henr. Dav. Stiesler. Witt. 1711. etc.

§. 150.

Febris Continua, in qua junguntur febris (148), inflammatio sanguinea (143), et plethora potius (96), quam humorum aut spissitudo aut tenuitas justo major: unico absol-

vitum

vitur paroxysmo; qui cum frigore, plus minus sensibili, incipit; postea calorem, aliquot dies interdum durantem, et gradui febris aut potius inflammationis proportionatum, habet; tandemque cum sudore plus minus largo terminatur; qui ideo in una serie, sine ulla intermissione aut remissione, ab initio morbi ad finem usque perdurat, et, semel cessans, non amplius revertitur: Sanguinis præsertim in vasorum primi ordinis capillaribus stagnationem pro causa remotiori assumens-

Effectus febris, atque sanguineæ inflammationis, quoslibet secum ducit; eodemque modo terminatur, scilicet discussione ut plurimum, aut sine febris salutari: aliquando, accedente nimirum gangræna, in putridam febrem (156) abit, tuncque mortem infert; rarius in hecticam transit; quandoque in remittentem, et sic porro in intermittentem mutatur: prouti scilicet juncta inflammatio vel major est, vel minor, vel constans, vel in alium transiens morbum. Rarius, in gradu mitiori diutius persistit, quando scilicet inflammatio chronica redditur.

Generatim majus periculum minatur, quam intermittens, ac remittens febris: eoque magis metuenda est, quo majorem inflammatio sanguinea gradum monstrat. Quando in remittentem febrem, ac porro in inter-

mittentem transit, bonum promittit exitum, id enim testatur, vasa sanguifera ab obstructione esse liberata. Si vero accedant convulsiones, deliria, pervigilia, reliquaque gangrænæ internæ signa (147), mors instat. Soluta quandoque surditatem (200), plus minus transitoriam, relinquit.

Medela absolvitur anodinis, refrigerantibus, diluentibus, diaphoreticis (11.13.14.15): addendo regimen diapnoicum.

* Quoniam febres continuæ graviores nunquam diutius protrahuntur, sed semper intra aliquot dies terminantur: hinc fortior continua febris etiam *Febris acuta* nomen habet. Aliis quoque dicitur *contineus*.

** Febres continuas certis semper diebus circumscribi, et vel quarto die solvi, vel septimo, vel nono, etc. aliqui volunt, ast sine fundamento: cum nulla in hac certa regula detur, sed omnia dependeant a vario febris et inflammationis gradu et variatione, pro parte etiam ab ægroti diætâ regulari aut non regulari, diversisque aliis causis accidentaliter advenientibus.

*** Venæsectionem in febribus continuis instituendam esse ante decursum diei tertii, postea vero, id est, post tres elapsos dies morbi priores, eandem sine periculo non fieri, multorum est sententia. Contra quam GALENVS jam jam docuit *Libr. de Curandi rat. per sanguinis miss.* Cap. 20. quod

quod „quocunque die mittendi sanguinis
„scopus in ægroto inveniatur, in eo auxi-
„lium illud adhibendum sit, etiamsi vel
„vigessimus ab initio exstiterit dies., Vid.
etiam HIPPOCR. *de morb. vulg.* Libr III.
Aeger. VIII. hoc ultimum, et venæsectio-
nis scopo atque effectu, et experientia, cor-
roborantibus.

**** Vid Pancrat. WOLFF. *Tractat.*
de Orgasmo, purgantia in febribus, alias intem-
pestiva, urgente. Hal. 1706. G. WOLFG. WEDEL.
Diff. de morbis acutis febre stipatis, seu febr-
ibus acutis, continuis communiter dictis. Resp.
Christ. Ernest. Clauder. Jen. 1719. Johann.
Henr. LÜDERS. *Diff. sistens perversam meden-*
di methodum in febribus acutis. Argent. 1723.
Guil. Joseph. DE L'EPINE *Quæst. Med. An*
in morbis acutis, ubi materia turget, majori po-
tius et unica, quam minori, eaque sæpius in die
iterata, dosi propinanda Cathartica? Resp. Guil.
Ruellan. Aff. Paris. 1743. Georg. Erh. HAM-
BERGER. *Diff. de similitudine signorum judica-*
tionis et mortis in febribus acutis proxime instan-
tis. Resp. Mich. Pfeiffer. Jen. 1745. Laurent.
FERRET *Quæst. med. An in acutis dicta e*
solis vegetantibus? Resp. Anna Claud. Dorigny.
Aff. Paris. 1749. etc.

§. 151.

Febris remittens, quæ inter continuam
et intermittentem est intermedia, atque ex
ambabus componitur, adeoque constat e fe-
bre (148); nec non ex inflammatione, tam
sanguinea quam lymphatica atque serosa, di-
versa

versa proportionē, quoad sanguineam vero, mediocri semper, inter se mixtis (143-145); accedentibus, modo simili, et plethora et spissitudine aut tenuitate humorum (88. 90. 91): omnes intervalli gradus agnoscit, quotquot inter duo puncta extrema, inter febrem nimirum intermittentem et continuam, intercedere possunt.

Diversos exhibet paroxysmos distinctos, plus minus regulares, non tamen vere cessantes, sed solummodo remittentes; quorum quilibet cum frigore inchoat, aliquamdiu durante, ut plurimum tamen remissiori ac breviori: postea calorem inducit, vehementiorem ordinarie: quem sequitur sudor, aut parcius aut largior; quo tamen calor non, uti fit in intermittentibus, plane evanescit, sed tantummodo mitescit plus minus, usque ad novi paroxysmi adventum. Hæcce ergo febris non in una serie, aut potius æquali vehementia, procedit, sed statis temporibus, magis vel minus regularibus, exacerbatur: et paroxysmi isti, sive morbi exacerbationes, vel quotidie semel, aut bis, aut sæpius adhuc invadunt, vel quovis die tertio, quarto, etc. aggrediuntur; atque sic constituunt id, quod autores nominant *quotidianam continuam*, *tertianam continuam*, aliis *Semiteriana* dictam, et *Hemitritæus*; *quartanam continuam*, etc.; suntque eo ma-

nife-

nifestiores proximi atque regulares, quo magis remittens febris ad intermittentem accedit: minus vero distincti, et irregulares magis, si ad continuam magis deflectat febris.

Causa igitur remotior in obstructione, tam primi, quam secundi et tertii generis vasorum, est quærenda; e quibus tamen sanguiferarum arteriarum obstructio medio-crem semper gradum servat.

Plerumque sub initium magis ad continuas, versus finem vero ad intermittentes appropinquat: nonnunquam, vel citius vel tardius, in alterutram earum penitus mutatur. Quo ad intermittentem magis vergit, eo minus inducit periculi. Chronica facta, et diutius in gradu remissiori durans, *febrem constituit lentam*.

Medelam postulat e medela febrium ambarum, e quibus componitur, mixtam: adeoque medicamenta, contra febrem continuam et inflammationem sanguineam directæ (143. 150), durante æstu intensiori: specificum e contrario febrile, ceu intermittentis febris remedium primum, et attenuantia fortiora (149), quamprimum intermittentis febris faciem assumit.

* Generatim hujus febris signa, causa, prognosis, medela magis accedunt ad signa, causam, prognosin, medelam febris conti-

nux, quando ipsa febris remittens potius e continua constat, quam ex intermittente: et contrarium observatur, quando maximam compositionis partem intermittens febris absolvit.

** Febris remittens, quando *lentam* febrem format, ad continuam magis appropinquat semper, quam ad intermittentem: unde et in autoribus lenta febris pro specie continuæ assumitur.

*** Vid. Joh. Henr. GLASER. *Diff. de mensum suppressione, et Tertianâ notha.* Resp. Carol. Christoph. Eisen. Basîl. 1673. Joh. Andr. FISCHER. *Diff. de Hemitritao sive Tertianâ maligna.* Resp. Henr. Daniel. Aßmann. Erford. 1726. Joh. Henr. SCHVLZ. *Diff. de Febre Lenta et Hæctica.* Resp. Christian. Esaias Seebode. Hal. 1742. Hieron. LUDOLF. *Diff. sistens Catarrhos tanquam causas frequentissimas febris lentæ.* Resp. Christian. Wilh. Franc. Becke. Erford. 1752.

§. 152.

Febris Catarrhalis, quæ proprie est febris continua (150), sive inflammatoria (153), mitior, cuilibet inflammationi sanguineæ mitiori (143) superveniens; maxime tamen, et ex usu loquendi, externis partibus, et in specie membranæ pituitariæ, pharyngi, asperæ arteriæ, inflammatis jungitur. Constat ergo e febre continua, et inflammatione sanguinea mitiori: atque si secundum loquendi usum vulgatiorem sumatur, e dicta febre
et

et inflammatione commemoratarum partium in specie. In quolibet casu, signa, causa, prognosis, medela febris catarrhalis, cum febris continuæ et inflammationis sanguineæ mitioris signis, causis, prognosi, medela, in antecedentibus explicatis, nunc sibi invicem jungendis, perfectè coincidunt.

* Ratio, cur speciatim inflammationibus externis accedens febris, dicatur *catarrhalis*, hæc est, quoniam inflammationes externæ ut plurimum sunt mitiores, certe minus periculosæ, internis.

** Inflammatio membranæ pituitariæ causam constituit catarrhi sive coryzæ (202); et asperæ arteriæ inflammatio tussim (213), quæ ordinariè catarrho jungitur, generat. Hinc denominatio febris, hisce morbis connexæ, *Febris catarrhalis strictius dicta*.

*** Febris catarrhalis, cum proprie nil aliud sit, quam febris inflammatoria mitior; in omnibus casibus, hoc ultimo quoque et essentiali nomine eandem exprimere, fas est (153, *).

**** Vid. Joh. Maximil. Joseph. MÜHL-PAVER. *Diff. de Febre Catarrhali, passim hætenus Epidemia*. Altd. 1730. et, quæ huc quoque pertinet, Georg. Ern. STAHL. *Diff. de Febre Catarrhali maligna*. Resp. Christian. Ludov. Fergen. Hal. 1708.

§. 153.

Febris inflammatoria nil aliud est, quam Febris continua, ad gradum eminentiorem perducta, et cum manifesta inflammatione sanguinea interna graviori conjuncta: verbo, Febris continua gravior. Constat ergo e febre dicta (150), et inflammatione sanguinea (143) graviori, viscus quoddam imprimis obsidente. Adeoque ad eruenda febris inflammatoriae signa, causas, prognosin, et medelam, febris continuæ et inflammationis vehementioris signis, causis, prognosi, medela, combinatis addendum nihil superest: nisi, quod et hic morbus non in omnibus ægrotis sit æque magnus, sed gradus in eo quoque locum habeant: quod idem tot admittat subdivisiones, quot dantur in corpore partes internæ, inflammationis, quæ in iisdem ordinarie est gravior, capaces: quod generatim majus inducat periculum, quam mitior continua, in qua quippe morbi gradus minor supponitur: quod rarius in suppurationem, sæpius in gangrænam, abeat: quod tandem, quælibet alia methodus majus haud afferat emolumentum, quam quæ in febris continuæ pertractatione est proposita.

* E prædictis liquet, Febrem continuam et Febrem inflammatoriam revera unum eundemque esse morbum: quamvis ultima ordinarie assumatur semper pro febre, in gradu

gradu majori præſente. Et ſane, nulla datur continua febris ſine partis cujuſdam inflammatione ſanguinea; adeoque nulla etiam febris continua, quæ Inflammatoriæ nomen non mereatur: licet autores, tantum non omnes, de Inflammatoria febre, tanquam de febre quadam ſpeciali, et a reliquis, hinc et a continua, diſtincta agant.

* * Huc pertinent, ab autoribus ſpeciali explicatione narratæ, et in ſequentibus etiam repetitæ pauciſſimis, *Phrenitis*, *Pleuritis*, *Peripneumonia*, *Paraphrenitis*, *Ventriculi inflammatio*, *Febris meſenterica*, *Hepatitis*, *Splenitis*, *Nephritis*, &c. Quæ enim ratione effectuum quorundam, ad diagnoſin ſpectantium; nec non medelæ, imprimis quoad medicamenta externa, intercedit differentia, ſolum partis affectæ ſitum diverſum, aut morbos propter eundem ſitum facile accedentes, reſpicit: cetera vero ſingula eadem ſunt in omnibus. Imo et huc referendæ veniunt *Febris Ephemera ſimplex*, et *plurium dierum* (quæ ultima denominatio abſolutam involvit contradictionem) *Febris Continens*, *Synocha*, *Cauſus*, *Febris compoſita ex acuta periodo*, *Febris nondum typica*, *Febris corrupta*, e quibus autores, ipſeque LUNCKERUS, totidem capita ſeparata conſtruunt. Singulæ namque hæ febres inflammationem partis cujuſdam internæ, plus minus manifeſtam, habent pro baſi, uti vel ipſa methodus medendi teſtatur, ab autoribus, in dictis morbis differentiam quandam quærentibus, propoſita.

* * * Recentiorum nonnulli contra inflammationes internas, et hinc pendentes febres

bres inflammatorias, discutiendi sive attenuandi scopo, *Camphoram* interne datam laudibus extollunt. Pertinet vero *Camphora*, prouti id e *Materia Medica* atque e chirurgicis elucet, ad remedia ea, quæ, præter vim discutientem sive attenuantem, irritationem adhuc sat manifestam exercent, et aërem in sanguine expandendo agunt, hinc etiam solidorum nec non fluidorum motum insigniter augment. Ac e supra dictis constat, quod in febre inflammatoria motus hic jam adsit justo major, adeoque auctus, ut propter augmentum illud ægroto periculosus fiat: hinc quoque minuendus omni conamine potius, quam intendendus. Et quamvis, resectionem canaliculorum obstructorum fortiori fluidorum impetu fieri posse, facile concedatur: quod hic tamen humorum impulsus, ad perficiendam ejus ope attenuationem et canaliculorum resectionem productus, in tali simul subsistere gradu remissiori semper debeat, ut ne ipse detrimenti majoris causa reddatur, itidem et sponte patescit. Ex quibus omnibus sequitur, ut *Camphora*, sine cuius adhibitione mitiores febres inflammatoriæ toties sanantur; in majoribus ejusmodi morbis, interne data, necessario noceat magis, quam profit: id quod etiam experientia, rite instituta, comprobatur.

Num *Squilla*, ab aliis laudata, *Vomitoria*, etc. tuto adhibeantur, eadem fundamenta, his quoque applicata, facile detegunt.

* * * * Vid. Carol. Frid. KALTSCHMID. Diss. de Inflammationibus febre acuta stipatis, sive de febribus Inflammatoriis in ge-

mere. Resp. Carol. Adam. *Jannav.* Jen. 1750. Jac. TAPPII *Diff. de feбри Ephemera.* Resp. Frid. Heye. Helmst. 1662. Guern. ROLF INCK *Diff. de Diaria.* Resp. Georg. Herm. *Bartheldt.* Jen. 1668. Christoph. SCHELHAMMER. *Diff. de Febre Ardente.* Resp. Christian. *Buncke.* Jen. 1646. Joh. Arnold. FRIDERICI *Diff. de Canso seu febre ardente.* Resp. Joh. Jac. *Brunovicensi.* Jen. 1661. Georg. Ern. STAHL. *Diff. de febribus Biliosis.* Resp. Ernest. Petr. *Meuder.* Hal. 1701. Herm. Paul. JUCH. *Diff. de febribus Biliosis.* Resp. Frid. Wilh. *Förstel.* Erford. 1753. G. E. STAHL. *Diff. de febribus compositis ex acuta periodo.* Resp. Carol. Christian. *Achusio.* Hal. 1709. Georg. Wolfg. WEDEL. *Diff. de sudore Anglico.* Resp. Erdmann. *Leupold.* Jen. 1697. P. I. HARTMANN. *Diff. de sudore unius lateris* (115, sch.). &c.

§. 154.

Febris suppuratoria, vulgo *vulneraria* nunquam, est febris continua, suppurationem in partibus corporis exterioribus obvenientem concomitans, adeoque externo cuidam abcessui aut ulceri accedens. Constat itaque e febre continua (150), et suppuratione (146) externa: cumque suppuratio nunquam fere non inflammationem, aut mitiorem aut fortio-rem, habeat junctam; atque hæc febrem catarrhalem, sive inflammatoriam mitiorem (152), ipsa producat; hinc febris continua, suppuratoriam componens, ex hoc fonte augetur.

Causa remotior efficiens est

pus

pus in parte suppurante progeneratum, cuius portio per vasa absorbentia in sanguinem revertitur, atque, in minimis arteriis sanguiferis aliisque hærens, ita in ibidem format. Quoniam pars corporis externa opem admittit chirurgicam; hinc suppuratoria febris ut plurimum salutariter terminatur, quin etiam, quamprimum puri liber procuratur effluxus, sponte quasi abit: quod si vero aut abscessus prægrandis, aut ulcus, quacunque ratione, fiat insanabile: tunc et febris suppuratoria lethalem corpori tabescentiam tandem inducit. Medelam, pariter ac in qualibet febre inflammatoria, anodina, diluentia, refrigerantia, diaphoretica (11.13.14.15), et regimen diaphoreticum, absolvent.

Vulnerariæ febris denominatio ortum traxit ex hypothesi, ac si vulnera quævis suppuratione ad consolidationem indigant. Cum vero isti opinioni chirurgiæ accuratioris fundamenta repugnent, nomen *suppuratoriæ* præferendum est.

§. 155.

Febris Hæctica, quæ est suppuratoria febris (154), suppurationi partis cujusdam internæ superveniens, nulla ratione a præcedente differt, quoad signa, causam, prognosin atque medelam. Prognosi interim in specie addendum, quod, quando abscessus internus

ternus rumpitur, atque pus liberum e corpore exitum invenit, pro vario partis morbosæ situ, per tussim, vomitum, sedes, urinam; tunc febris hæctica mitior fit, et superabilis tandem: quodsi vero vel abscessus maneat integer, vel, eo licet aperto, pus effluere nequeat, prouti id in quamplurimis fit visceribus, ductu excretorio carentibus; febris hæctica reddatur vehementior, tandemque lethalis; atque mors accedat plus minus tarde, pro visceris mollitie majori vel minori, puris quantitate et qualitate, nec non ægroti diætâ regulari aut non regulari: quod eventus lethiferus quoque sequatur, quando pus pro parte quidem, ast non omne educitur, propter visceris a pure consumptionem, ultimato factam: quod tandem in febre hæctica, suppuratione visceris incurabili originem debente, non supersit, nisi medela palliativa, (38); quæ adhuc cum prælaudata est eadem, et medicamenta anodina, diluentia, refrigerantia, leniter diaphoretica (II. 13-15), suadet.

* E febribus Hæcticis ea, quæ pulmonis suppurationi supervenit, et omnium est frequentissima, et tussim (213) habet junctam. Reliquæ, nisi vel pleura, vel diaphragma, vel alia quædam thoracis pars ab inflammatione juncta irritetur, atque exinde irritatio ista ad bronchia transeat aut asperæ arteriæ truncum, nullam secum afferunt tussim.

** Fe-

* * Febrem Hecticam in genere nonnulli etiam *Phthysin* vocant: cumque in singulis visceribus suppuratio contingere queat; hinc *Phthysis Pulmonalis*, *Phthysis Renalis* etc. in autoribus fit mentio. Alii interim sub *Phthysis* vocabulo solam potius Hecticam Pulmonalem intelligunt. Alii adhuc Tabem ex alio etiam fonte ortam, atque *Phthysin*, pro synonymis vocibus habent, e, g. Georg. Gottlob. RICHTER. Progr. de *Phthysi Nervosa*. Gött. 1744.

*** Vid. Joh. Henr. MEIBOM. Diff. de *Phthysi*. Basil. 1619. it. Resp. Georg. Bolmann. Helmst. 1624. Herm. CONRING. Diff. de Febre Hectica. Resp. Joh. Wilh. Berckelmann. Helmst. 1659. Henr. MEIBOM. Diff. de *Phthysis curatione per lac*. Resp. Christoph. Mente. Helmst. 1687. Joh. GERDES. Diff. de *marasmodica corporis conditione*, vulgo *Phthoë*. Resp. Henr. Anhalt. Rostoch. 1690. Joh. Leonh. MARTINI Diff. de *Phthysi pulmonali, ex intermissa Venæsectione*. Gieß. 1696. Georg. Ernest. STAHL. Diff. de Febre Hectica, *abscessuum internorum comite*. Resp. Christoph. von der Flott. Hal. 1710. Christian. VATER. Diff. de *Aegris Phthysicis et Tabidis recte judicandis et curandis*. Resp. Frid. Christian. Zimmermann. Witt. 1726. Joh. Henr. SCHVLZ. Diff. de *febre Lenta et Hectica* (153***). Paul. Jac. MALOIN, Quæst. Med. An *Sagor Phthysicis prodest?* Resp. Claud. Carol de Jean Aff. Paris. 1734. Joh. IVNCKER. Dissert. *Cur in Phthysi consummata interdum tussis nulla sit*. Resp. Georg. Frid. Faber. Hal. 1744. Nicol. ROSEN. Diff. de *dignoscenda et curanda imminente Phthysi Pulmonali*. Resp. Abrah. Beck. Upsal.

Upsal. 1740. Joh. Ludov. REICHMANN. *Diff. de Phthysi Pulmonali.* Gœtt. 1744. Christian. Gottfr. STENTZEL. *Diff. de Tabis et Phthysæos convenientia ac differentia.* Resp. Georg. Christoph. Fimmler. Witt. 1744. Carol. Frid. KALTSCHMIED. *Diff. de Phthysi Pulmonali, ejusque præservatione.* Resp. Phil. Bernh. Pettmann. Jen. 1751. &c.

§. 156.

Febris gangrænosa sive putrida, est febris continua, gangrænæ partis cujusdam, sive externæ sive internæ, accedens. Constat ergo e gangræna (147): nec non e febre continua (150), quæ ultima, cum gangræna ad minimum inflammationem sanguineam habeat junctam, imo et in externis partibus aliquando suppurationem quoque, duplo triplo major ægrotum vexat, quam cui gangræna sola originem dat. Diagnosin signa amborum morborum conjuncta suppeditant. Causam remotiorem produciunt particulæ putrefactæ, quæ, e parte mortificata per absorbentia vasa in sanguinem delatæ, hujus et reliquorum humorum resolutionem, atque sic portionum crassiorum subsistentiam in arteriis sanguiferis, aliisque, inducunt. Particulæ corruptæ, nisi quantocius per sudorem, urinam, aut aliam commodam viam excludantur, atque sic removeantur, totum tandem sanguinem adeo putredine inficiunt,

P

cor-

corrumpuntque, ut ad circulationem reddatur plane ineptus (99.): atque sic febris putrida fit lethalis, id quod semper et brevi contingit in gangrænis *internis*. Medela, si quæ superest, a febris cujuscunque continuæ medela nil quicquam differt.

Vid. quæ huc referenda veniunt, Frid. HOFFMANN. *Diss. de Putredinis doctrina, amplissimi in med. usus*. Resp. Gottlieb Benj. Berger. Hal. 1722. Henr. MEIBOM. *Diss. de febribus malignis*. Resp. Joh. Gabriel Schmidt. Helmst. 1679. Frid. HOFFMANN. *Diss. de malignitatis natura et origine in morbis acutis*. Resp. Jacob. Frid. du Fay Hal. 1695. Georg. JERN. STAHL. *Diss. de malignitatis, præcipue febrilis, indole*. Resp. Conrad. Burchard. Vogther. Hal. 1702. Joh. Henr. SCHULZ. *Diss. de febrium malignarum indole et curatione*. Resp. Andr. FROHN. Hal. 1740. Anton. FERREIN *Quæst. Med. An febri malignæ Vesicantia?* Resp. Anton. Bergier. Aff. Paris. 1741. Carol. PAYEN *Quæst. med. An frequentior hodie, quam olim, febris maligna?* Resp. Joh. Steph. Guettard. Neg. Paris 1741. Claud. DE LA VIGNE DE FRECHEVILLE. *Quæst. Med. An noxia, Febri malignæ, vomitoria?* Aff. Resp. Claud. Bourdier. Paris. 1744. Mich. Ludov. VERNAGE *Quæst. Med. An malignæ febri Saphenæ sectio, Emeticum?* Resp. Franc. Nicol. Gautier du Rocher. Aff. Paris. 1744.

§. 157.

Febris putrida alia exsurgit species, quando

do in primis viis, præsertim intestinis, saburra accumulatur putrida (237). In hac ergo conveniunt febris continua, et saburra primarum viarum putrida: cujus ultimæ particulæ quædam, cum chylo per vasa lactea, et, absque eo, per absorbentes venas, in sanguinem perventæ, dissolutionem et stasim post se trahunt (156). Febris ipsa præcedenti est mitior, quoniam saburra dicta non est morbus adeo vehemens, quam gangræna. Medela vero cum medela præcedentis plane est eadem.

Huc pertinet Febris, *Synochus putrida* autoribus dicta; itemque *Febris mesenterica* nonnullorum: de quibus vid. Guern. ROLFINK. Diss. de Synocha putrida. Resp. Hermann. Schüsler Jen. 1666. Christoph. Mart. BURCHARDI. Diss. de febribus mesentericis acutis. Resp. Joh. Godofr. Sonnenkalb. Rostoch. 1726.

§. 158.

Febris exanthematica est febris continua (150), efflorescentiæ cutaneæ, id est, maculis in cute obvenientibus inflammatis, *exanthematica* dictis (160), adveniens: adeoque e dictis hisce morbis ambobus composita. Tot admittit distinctiones, quot dantur exanthematum genera varia; et ab iisdem specialiore denominationem mutuatur. Adeoque febris *purpurea* sive *miliaris* audit, quæ purpuram
P 2 albam

albam et rubram concomitatur: *morbilloſa*, *morbillis*; *variolis*, *varioloſa*; *petechiis*, *petechialis* accedit: *catarrhalis petechizans* dicitur, quando febris catarrhali, vel proprie vel ſtrictius appellatæ (152), exanthemata, ad prædicta, et ſpeciali nomine inſignita, non referenda, junguntur. Reliqua febrium exanthematicarum ſpecies, pariter ac efflorefcentiæ hæ cutaneæ ipſæ, ſub nomine generali comprehenduntur commode: ulterior ſaltem, quæ in autoribus præſtat nonnullis, diſuiſio, e. g. *febris ſcarlatina*, *urticea* &c. in praxi clinica uſum habet nullum. Quarumlibet ſigna, cauſæ, prognofis atque medela, ſigna, cauſas, prognofin, medelam febris continuæ atque exanthematum, ad ejus compositionem venientium, ſequuntur unice et ſine ulla mutatione.

* Febribus exanthematicis haud raro alii quoque morbi accedunt, epilepfia, (141), hæmorrhagiæ (170), angina (210), vomitus (235), diarrhoea (246) &c. qui quamvis ab autoribus interdum habeantur pro circumſtantiis eſſentialibus, non tamen niſi accidentaliter junguntur: et in hoc caſu ſua ſigna, cauſas, prognofin, et medelam quoque adducunt.

** Vid. Georg. Ern. STAHL. *Diff. de Erroribus præctiſcis circa contagioſarum malignarum febrium curationem evitandis*. Reſp. Georg. Frid. Steiner. Hal. 1713. Joh. Jacob. FICK. *Diff.*

Diff. de febrī vesiculari ab obstructione lochiorum.
Resp. Henr. Christoph. Gernhard. Jen. 1726.
Andr. Ottom. GÖLICHE. Diff sistens Observationes aliquot Practico - Clinicas circa Febrem Vesicularem. Resp. Carol. Christian. Hübler. Francof. ad V. 1732. Andr. El. BÜCHNER. Diff. de febre catarrhali inter milites epidemia. Resp. Ludov. Frid. Müller. Hal. 1745.

§. 159.

*Reliquarum ejusmodi febrium species singulæ, quarum hinc inde in autoribus fit mentio, e duobus semper constant morbis compositis, e febre scilicet, ut plurimum continua, et morbo, cujus nomen simul febris exprimit. Sic febris scorbutica, febris venerea, febris pestilentialis, et, quæ hujus creditur species, febris hungarica sive castrensis, itemque febris hydrophobica, febris dysenterica, denotant febrem continuam, scorbuto, luei venereæ, pesti, hydrophobiæ, dysentericæ, junctam. Hisce addi potest febris scabiosa, ex inflammatione, quam secum ducit scabies, pronata: et omnia sub generali nomine febrium contagiosarum strictius dictarum complecti, si placet, queunt. Ad elaborandam ergo harum historiam specialem, signis, causæ, prognosi, medelæ febris continuæ addantur signa, causæ, prognosis, medela scorbuti, lues venereæ, pestis, scabies: et pari modo agatur cum omnibus aliis, hoc loco forte non expresse positis, febribus (148, *).*

Vid. Joh. Arnold. FRIDERICI Diff. *de morbo Castrensi seu Hungarico* Resp. Jo^h. Adam. Zappfio. Jen. 1666. Herm. CONRING. Diff. *de febre maligna, vulgo dicta Hungarica*. Resp. Henr. Carol. Stisfer. Helmst. 1668. Mich. ALBERTI. Diff. *de Morbo Hungariae Hagymáz, ejusque cura præcipue per specificum*. Resp. Joh. Georg Schüller. Hal. 1726. Herm. Frid. TEICHMEYER. Diff. *de Morbo Hungarico sive Febre Castrensi*. Resp. Joh. Sigism. Kreyfel. Jen. 1741.

§. 160.

EXANTHEMATA generatim dicuntur efflorescentiæ cutaneæ contagiosæ quælibet, id est, inflammationis sanguineæ (143) externæ species, quarum quævis maculas rubras, plus minus floridas aut lividas, flavescentes aut coerulescentes, majoris vel minoris ambitus, producit: sive totum corpus simul obsideant maculæ, sive unicam tantummodo ejus partem. Componuntur ergo ex inflammatione dicta, et humorum a contagio dissolutione (91.136), quibus tamen ordinarie alii adhuc morbi junguntur (158.*): eademque maculæ inflammatae, contagioso tempore observandæ, morbum patefaciunt.

Præter diversam formam, aliasque proprietates externas, aspectui patentes, et cuiuslibet exanthematum generi proprias, distinctio-

tionem illa admittunt, ab eventu, ad quam natura sua, tanquam inflammationes, observantur proclives, desumptam. Alia nimirum circa *inflammationem* subsistunt, atque hæc discussione terminantur: alia ad *suppurationem* vergunt: alia denique ad *gangranam* defleunt.

Priora, si maculæ minores sint, densius positæ, adeo ut superficiem, partis cujusdam totam obtegant; insimulque in cute monticulos minimos, instar ovorum piscis, forment, ac præterea vel intensiorem et æqualem monstrant ruborem; vel adhuc maculas albas minores, huic rubedini totali hinc inde habeant intermixtas; dicuntur *purpura*: et speciatim, in priori casu, *rubra*; in ultimo, *alba*; sive *exanthemata miliaria*. Quæ vero descriptam cuti imprimunt rubedinem, absque monticulorum dictorum concursu, nominantur *scarlatina exanthemata*. Quæ tandem maculæ paulo latiores sunt, manifeste a se invicem separatæ, vesiculis minimis, albis, planis, iis, quas combustio ab urtica urente facta relinquit, similibus in medio stipatæ, appellantur *exanthemata urtica*.

Alterum genus, maculas a præcedentibus diversas latioresque sistit, quæ in altum attolluntur, et, post aliquod durationis tempus, ad suppurationem, plus minus, tendunt:

ac in vesiculas abeunt, vel potissimum humore quodam lymphatico plenas, atque *morbilli* nominantur; vel pus verum continentes, et dicuntur *variola*.

Ultima tandem maculas gignunt latiores adhuc, præ reliquis malignas, ad gangrænam pronas, adeoque lividas potius et coeruleas, quam rubicundas, atque his *petechiarum* nomen est impositum.

Singulorum causam occasionalem constituit contagium aëreum quoddam (136), inflammationes dictas cutaneas produciens. Interim diæta nimis calida, et sanguinis exinde veniens, aut aliunde orta, elasticitas major (100) atque ebullitio, si accedat, exanthematum longe abundantior proventus, quam alias, gignitur.

Omnes inflammationis consequentias exanthemata singula post se trahere; et quoniam e contagio participant, adstantes afficere possunt. Præcipue tamen febrem exanthematicam (158) generant, pro diversa sui natura, vel mitiorem vel vehementiorem: eaque in specie, quæ in suppurationem aut gangrænam ruunt, febrem suppuratoriam atque gangrænosam (154. 156) huic jungunt. Quæcunque in inflammatione subsistunt maculae, tantum, quam reliqua, pericu-

li non habent; sed ut plurimum mitius ad finem decurrunt, nisi causa quædam accidentalis in his quoque inflammationem in alium morbum permutet: nec suppurantes adeo sunt metuendæ: periculosissimæ autem fiunt eæ, quæ ad gangrænam vel natura sua, vel accidentaliter, pertingunt. Adhæc frigore externo, incautius admissio, retropulsa convulsionibus (140) viam pariunt: eodem modo aut remediis sudoriferis similique regimine tractata, et aliquando sponte, inflammationes internas earumque consecutaria progenerant.

Medela partim respicit contagium, blanda diaphoresi, per sufficiens tempus continuata, eliminandum: partim humorum resolutionem, cui incrassantium (14), et ex illis imprimis acidorum usus, medetur; partim inflammationem, suppurationem, aut gangrænam, cum febribus ipsis junctis, quibus singulis consueta methodus est opponenda.

* Exanthemata non modo in corporis superficie prorumpunt, sed et in aliis partibus, magis *interne sitis* eveniunt, maxime in iis, quas aer externus attingit, utpote nares internæ, gula, oesophagus, ventriculus, intestina. *trachea,*

** In qualibet febre inflammatoria iis, qui vel humorum acrimonia, (92) vel sanguinis abundantia (96) simul laborant, præsertim

si regimine calidiori et calefacientibus nimium utantur potulentis ac medicamentis, maculæ cutaneæ accedunt, in eo potissimum a prædictis diversæ, quod contagii nihil admixtum adlit.

*** Maculæ inflammatae externa remedia ut plurimum postulant nulla, interim in casu necessitatis admittunt, pariter ac suppurantes.

**** In omnibus morbis, aëreo contagio originem debentibus, resolutio humorum coagulantia suadet remedia; admixta vero inflammatio post superatum punctum summum contraria, id est, attenuantia requirit, ceu primaria. Quæ cum ambo simul adhiberi nequeant, *initium fiat* cum coagulantibus; id quod eo felicius succedit, quia et ipsa inflammatio sub initium, et febris juncta, durante fervore saltem, illa quoque postulat: et quamprimum contagium, ceu causa inflammationis, per diaphoresin est eliminatum, adeoque effectus, qui humores in genere respicit, non amplius timendus; *tum demum* restans locale vitium, id est, stasis humorum, inflammationis fundamentum, attenuantibus debelletur. Aliquando et specialis *atonia* (137), quamvis rarius, sese jungit, in quo casu e roborantibus calefacientia (13) omnium prima sumantur (132).

***** Vid. Frid. HOFFMANN, Diff. sistens *agram Affectu Vero scorbutico pustulari laborantem*. Resp. Otton. Kirstetter. Hal. 1704. Aug. Quir. RIVIN, Diff. de *Pruritu Exanthema-*

matum ab Acaris. Resp. Joh. Jacob. Schwiebe.
Lips. 1722. Mich. ALBERTI. *Diss. de Affe-*
ctibus Pruriginosis. Resp. Paul. Conrad. Tschört-
ner. Hal. 1743.

§. 161.

Purpura, exanthematum (160) genus, circa inflammationem subsistens, pro macularum colore, vel penitus rubro, vel cum albo permixto, in *rubram* distinguitur atque *albam*: propter contagium, in cute vel inflammationem sanguineam solam producens, vel serosam atque lymphaticam simul. Componitur ex sanguinis dissolutione (99) contagiosa, et inflammatione (143. 145).

Rubra, quæ est multum frequentior alba, imo et ut plurimum mitior, unum vel alterum diem, cum paucis insultibus spasmodicis (139), in variis regionibus corporis se exferentibus, atque cum lassitudine membrorum, tempore, quo epidemice purpura regnat, afficit: mox cutem, in aliqua illius portione, e. g. in pectore, totam rubore tingit, maculis milii semen magnitudine æquantibus, copiosissime prorumpentibus, ac se invicem attingentibus, cuteque ibidem, in totidem monticulos elevata, anserinam cutem similitudine referente: rubedine autem in hoc loco cessante, quod sequenti die aliquando fit, collum, deinde caput, et sic successive corpus totum, idem experiuntur.

Alba,

Alba, et præcedenti rarior, et, uti creditur, periculofior, in quolibet maculæ rubræ medio pustulam monſtrat albam, minimam, tenui humore plenam lymphatico, aut ſeroſo, propter hic ſimul præſentem arteriæ aut lymphaticæ aut ſeroſæ, aut venæ ejusdem ordinis, ſive deſtructionem (81.83), ſive dilationem nimiam (79).

Utraque febrem inducit purpuratam ſive miliarem (158): ordinarie quoque faucium inflammationem, tuſſim, imo et aphthas, alioſque morbos, ſecum habet vel proxime antecedentes, vel concomitantes. Ut plurimum diſcuſſione terminatur, nec facile ultra ſeptimanam extenditur, aliquando intra hunc terminum evaneſcens; et cum largo ordinarie ſudore, propter aliqualem foetorem admixtum moleſto, nec non cum cuticulæ deſquamatione inſequente, finiens. Interdum tamen poſt debellationem, tumores corporis aut partium oedematofos, plus minus rebelles, ſuppurationes, aut gangrænas particulares (146.147), aliave mala, relinquit.

Medicamenta non alia, quem generatim propoſita, poſtulat.

* Rubra purpura, cum in eadem quoque ultimato cuticulæ deſquamatione ſequatur, proprie nuda diſcuſſione non finitur: ſed in illa quoque humoris ſeroſi inter cuticulam

lam cutemque fit collectio. Interim hujus copia, in qualibet macula seorsim spectata, imperceptibilis efficit, ut ceu nude inflammatae hae considerentur.

** Alba purpura puerperis infesta praesertim atque lethalis creditur, quod maxime in febre adjuncta, et cum hac facile connexa visceris cujusdam inflammatione, fundamentum habet: forte et aliquando, propter adhibitum regimen justo calidius ac calefacientia assumpta, male evenit. Alias omnis generis, aetatis, et sexus homines invadit.

*** Vid. Georg. Ernest. STAHL. *Diss. de Febre Petechiali seu Purpurata*. Resp. Joh. Godofr. Schukio, Jen. 1685. Georg. Wolfg. WEDEL. *Diss. de Purpura puerperarum*. Resp. Georg. Frid. Rumpel. Jen. 1690. Joh. Christoph. Ludov. SEIP. *Diss. de Purpura, morbo antiquo*. Götting. 1741. Joh. Gerard. WAGNER. *Epist. de medicamento quodam ad Puerperarum febres mali moris, imprimis sic dictam purpuratam specifico*. Lübec. 1742. Christian. Georg. Just. VON LÜBCKEN. *Diss. de Purpura retrograda, per vesicatorii ulcus soluta*. Götting. 1743. Georg. Erh. HAMBERGER. *Diss. de Exanthematibus, speciatim de purpura*. Resp. Joh. Bened. Morgenstern. Jen. 1749. Joh. Georg. GMELIN. *Diss. de Febre Miliari*. Resp. Ulric. Frid. Varenbüler. Tübing. 1752.

§. 162.

Morbilli, exanthematum suppurantium
(160) species mitior, infantibus potissimum
atque

atque pueris, rarius adultis, infesti observantur: compositi e contagiosa sanguinis dissolutione, (99), et inflammatione, ut plurimum ad suppurationem vergente. Totam corporis superficiem primo maculis inflammatis latioribus, singulis propriam peripheriam servantibus, ad magnitudinem lentium sensim auctis, plus minus copiosis, obtegit simul; quas febris morbillosa (158), morbi gradui proportionata, concomitatur: quibusque ordinarie spasmi particulares (139) varii, tussis, et oppletio pectoris (213.214), se jungunt. Insimul cuticula in puncto eo, ubi macula hæret, successive in altum attollitur, lentis crassitiem ibidem æmulans; et humore lymphatico, aut seroso, ad veram puris conditionem vix ac ne vix quidem accedente, plena. Post aliquot dies rubedo macularum evanescit sensim; maculæ ipsæ, aut potius cuticula, ibidem exsiccatur tandem, ac sub squamæ forma decedit.

Atque sic ut plurimum mitiori decursu morbus ad finem properat, magnam partem discussione terminatus; rarius completam suppurationem (146), aliaque inflammationis consecutaria, relinquens. Ordinarie quoque morbilli hominem, durante vita, non nisi semel aggrediuntur, licet et rariora exempla aliquando reiteratas eorundem invasiones pro-

probenſ. Reliqua omnia cum exanthematibus in genere iidem habent communia.

Præter ea, quæ autores, de Variolis agentes, ſubinde etiam de morbillis adducunt, vid. Joh. Chriſtoph. Liſchwiſz, Diff. de Morbillis. Reſp. David. Leonh. Reichenbach, Lipſ. 1729.

ſ. 163.

Variola, exanthematum ſuppurantium (160) ſpecies vehementior: et infantibus atque pueris magis, quam adultis, infeſtæ: e contagioſa ſanguinis reſolutione (99), atque ſuppuratione (146) componuntur, cum mox inſequente febre varioloſa (158).

Variaſ admittunt diſtinctiones. Ex iisdem namque *benigna* dicuntur, quæ mitius procedunt: *maligna*, quæ vehementiora ſecum apportant mala. *Regulares* ſtata ſua obſervant tempora; *irregulares* inordinate progrediuntur. *Diſtinctæ*, ſive rariores adſint, ſive copioſiores, majori ſive minori ambitu gaudeant, ſua ſingulæ propria circumſcribuntur periphæria: *conſuentes* adeo ſunt copioſæ, et ſibi invicem proximæ, ut in unum plures coeant. *Veræ* ad ſuppurationem ſemper veniunt, omnes huc pertinentes circumſtantias ſecum ducentes, atque eædem ſunt,
de

de quibus hoc loco agitur; *notæ* non semper suppurant, in sequentibus pertractandæ.

Morbus in totali decursu quatuor observat tempora, a se invicem diversa. Primo spatio, durante, quod tempus *ebullitionis* cognominatur, cuique quatuor circiter dierum ambitus assignatur; statim ab initio, quamprimum scilicet contagium corpori sese insinuavit, et ante variolarum eruptionem, febris continua (150), plus minus gravis, tempore, quo variolæ grassantur aut grassari incipiunt, infantem sive puerum, easdem nondum expertum, infestat, præprimis postquam locum quendam, morbo infectum, aut e variolis nupere emergentes commilitones, frequentavit: atque feбри huic aliquando accedunt, aut spasmi (139), aut motus convulsivi (140), aut hæmorrhagiæ (170), aut vomitus (235), aut tormina (254), aut diarrhoeæ (246), haud raro etiam epilepsia (141); interdum nihil horum evenit, saltem notabile nihil, præter lenioris febriculæ præsentiam. Sequenti tempore, cui *eruptionis* cognomen est impositum, iterumque quatuor dies durante, præcedentibus hinc inde in cute prorumpentes accedunt maculæ, sive variolæ ipsæ, per istud quatrimum successive provenire pergentes. Tertio, sive *suppurationis* tempore, adhuc e quatuor dierum numero constante, maculæ singulæ elewantur; acce-

accedentes successive ad lentis aut pisi mediocris dimidii magnitudinem, et pure sensim replentur: insimulque febris, hucusque nude inflammatoria, in suppuratoriam (154) mutatur. Quarta denique periodo, quæ *exsiccationis* tempus, ad morbi finem usque protensum, constituit, adeoque decimo tertio circiter a prima invasione die, vel pustula rupta pus effluere sinit; vel pus successive evanescit maximam partem, reliquum vero una cum facta pustula, quæ nihil aliud est, quam ipsa cuticula, a cute secedens, et a pure in altum sublata, siccescit ac decidit, id quod iterum quatuor ordinarie dies durat, aliquando autem, præprimis si copiosæ adsint variolæ, diutius protrahitur; remanente semper in eodem loco cicatrice quadam, plus minus notabili.

Non tamen omnes variolæ simul, nec durante eruptionis periodo omnes, proveniunt: sed aliquando, primis ad suppurationem jam jam tendentibus, aliæ succedunt de novo prodeuntes, et consueta tempora percurrentes; hæ interim, serotinæ scilicet, prioribus numero semper multum sunt inferiores. Singula etiam tempora adeo accurate dies ipsis dicatos quatuor non observant, ut neminima quidem locum inveniat exceptio; eadem potius interdum diem unum anticipant, aut retrocedunt. Præsertim *eruptionis* pri-

Q

mum

num initium aliquando adeo benignum est, ut totum illud tempus, quoad sensum, dicto multum brevius fiat.

Generatim periculo morbillos superant variolæ: infantibus tamen ordinarie adeo non inveniuntur exitiosæ, quam adultis. Cumque inflammatio hic adsit et suppuratio, harum quoque confectaria locum habent: adeoque, inflammatione finita, variolæ, loco supurationis, in gangrænam terminari possunt; et suppuratio ulterius, quam par est, rodere. *Benignæ, regulares, distinctæ, rariores*, mitius semper ad finem decurrunt: his vero contrariæ, gravioribus circumstantiis, nec raro morte, terminantur. Et repulsæ propter refrigerationem subitam, eo citius inflammationes viscerum, facile lethales, producunt; cum variolæ non cutim modo, sed ordinarie etiam primarum viarum superficiem occupent. Ut plurimum quoque variolæ hominem, durante vita, non nisi semel aggrediuntur: et, si plus simplici vice infestent, parcissimæ posteriores sunt, certe consuetis multo parciores.

In specie, quando maculæ statim ab initio vel cæruleæ sunt, vel nigræ, vel, loco elevationis legitimæ atque supurationis, planiores restant, sive subsident post elevationem prægressam, sive tunc demum colorem ob-

obscurum assumunt, id gangrænæ admixtæ signum est, et plerumque mali ominis. Diarrhoea, sub eruptione contingens, intestinorum inflammationem probat: interim adeo absolute, quemadmodum autores nonnulli volunt, non est lethalis. Circa suppurationis tempus adveniens diarrhoea purulenta, variolis intestina esse obsessa, testatur.

Medela haud alia opus habent, quam reliqua exanthemata. Refrigerantia ergo adhibeantur, anodina, acida, regimen diaphoreticum moderatum: ac, si specialis virium debilitas adsit, lenia calefacientia. Suppuratio autem, nec non reliqui morbi adjuncti, suis quilibet tractentur remediis.

* De præcavenda noxa, tam a variolis in genere, quam ab earundem cicatricibus in specie, faciei imprimis metuenda, varia prostant autorum consilia, quæ tamen singula huc usque experientia non comprobavit: Vid. Georg. Chr. DETHARDING. *Diff. de facie a variolarum insultibus præservanda* Resp. Tobias. Phil. Hilcken. Rost. 1754. ubi simul Joh. Godofr. de HAHN sententia nuperrima de origine variolarum refutatur. De infectione variolarum autores consulantur chirurgici.

** Vid. Henr. MEIBOM. *Diff. de Variolis et Morbillis.* Resp. Martin. Homeyer. Helmst. 1676. Ej. *de Venæsectionis in variolarum curatione usu.* Resp. Just. Henr. Kreienberg. Helmst.

Helmst. Georg. Ern. STAHL, *Diff. de Variolis et Morbillis*, Resp. Nathaniel. Berendt, Hal. 1709. Conrad. Burcard, VOGTHER, *Schediasma de Variolis adultorum*, Ulm. 1712. Laur. HEISTER, *Diff. de Manna, et speciatim ejus usu in variolis confluentibus*, Resp. Jul. Bielitz. Helmst. 1725. Joh. LEMBKE *Diff. de Abusu Sudoriferorum in curatione variolarum, et methodo his medendi per resolutionem*, Resp. Ioh. Andr. Horn, Gryph. 1733. Ej. *Diff. de Castelis quibusdam practicis, circa curationem variolarum observandis*, Resp. Ioh. Andr. Gadebusch, Gryph. 1735. Christian Gottfr. STENZEL, *Diff. de variolis*, Resp. Gottl. Schwantes, Witt. 1742. Ioh. Henr. SCHULZ, *Diff. qua de variolis nuper quaesita aliqua expenduntur*, Resp. Carol. Wilh. Fraendorff, Hal. 1742. Joh. JUNCKER, *Diff. de salvatione Variolarum confluentium critica*, Resp. Joh. Gottlieb. Ditmar, Wernich, Hal. 1744. Simon. Paul. HILSCHER, *Diff. exhibens Historiam variarum methodorum defendendi homines a Variolis, iisdemque medendi*, Resp. Daniel. Raesfeld, Jen. 1745. Joh. Claud. MUNIER, *Quaest. Med. An Variolis balneum?* Resp. Joh. Franc. Paris, Aff. Paris. 1745. Joh. Stephan. GUETTARD, *Quaest. Med. An variolis male eruptentibus Venæsectio?* Resp. Joh. Jacob. Mesence, Aff. Paris. 1747. Dionys. PAUTIER, DE LABREUILLE *Quaest. Med. An nonnumquam Variolarum morbus absque eruptione?* Resp. Jac. Barben du Bourg, Aff. Paris. 1747. &c.

§. 164.

Variola nothæ, variolarum (163) genus, ad suppurationem ordinarie non ascendens, sed

sed ex inflammatione potius sanguinea (143), contagiosa sanguinis resolutione (99), cum lymphæ aut feri, e ruptis arteriis aut venis propriis, extravasatione (81-83), atque, quam post se trahunt, febre continua mitiori (150), constantes: in solis vesiculis minoribus, parvioribus, transparente humore limbo repletis, consistunt: ex hoc fundamento morbillis potius, quam variolis, a quibus tamen nomen mutuatur, adscribendæ. Humor hicce aliquando in minima adest copia, et vix perceptibilis, quod genus *variolas* constituit *ventosas*: interdum in aliquali accedit quantitate, quod fit in *variolis aquosis*: tandemque si, in utroque genere, vesiculæ specialem figuram assumant coniformem, *variola* nominantur *cuspidatæ*. Singulæ species quandoque supurationis leviora indicia dant, atque tunc in cute cicatrices relinquunt: ordinariæ tamen vesiculæ, post aliquot dies exsiccatae, instar squamarum decidunt: et non modò consuetis variolis multo sunt mitiores, sed etiam omnium exanthematum ut plurimum mitissima dicenda: iisdem, quibus reliqua, medicamentis sananda.

§. 165.

Petechiæ, strictius sic nominatae, denotant exanthematum (160) genus, præ ceteris ad gangrænam pronum, ideoque a præcedentibus omnibus, effectuum præsertim malignitate

rate et vehementia, diversum: constans ex inflammatione (143) graviori, contagiosa sanguinis dissolutione majori (99), et, quam post se trahit, febre petechiali (158). Maculae, quas infert, cutaneae diversa gaudent magnitudine, raritate, et, pro morborum admixtorum varietate, diverso colore; adeoque vel rubrae sunt, vel lividae, vel caerule-scentes, raro flavescences apparent. Non omnes, nec in omnibus ægrotis, æquali vehementia progrediuntur: sed aliquando mitiores, resolutione terminantur: haud raro tamen graviores, partibus externis atque visceribus lethalem inducunt gangrænam (147), et quando hoc ultimum, ipseque morbus, frequentius contingit, generatim pro pestis insequentis prodromo habentur. Medela interim haud alia est possibilis, quam in reliquis exanthematibus: excepta ea, qua morbi forte adjuncti separatim indigent.

Vid. Godofr. Moebii *Diff. de Febre Petechiali*. Resp. Jerem. Rhet. Jen. 1658. Joh. Ernest. SCHAPER. *Diff. de Febre Petechiali*. Resp. Georg. Loffhagen. Rostoch. 1696. Martin. Gotthelff. LÖSCHER. *Diff. de febre Petechiali Castrensi et Epidemica*. Resp. Joh. Gottlob. Seyffert. Witt. 1735.

§. 166.

PESTIS, morbus e contagio aëreo (136) omnium subtilissimo et violentissimo pro-

pronatus, quibuslibet corporis partibus æqualiter infestus, et putredinem, aliquando citissimam, producens: componitur e resolutione humorum fortiori (91.99), et inflammatione, vel externa, vel interna, varias ordinarie partes simul occupante, ac vehementiori (143): ex effectibus, tempore contagioso, et a rebus inquinatis orta infectione, dignoscendus.

Causa est contagium pestilentielle, ut plurimum e locis infectis, per quaslibet merces, eas præprimis, quæ e lana conficiuntur, vestimenta, aliaque utensilia, nec non homines infectos, propagatum. Interim exhalationes putredinosæ copiosissimæ, e. g. a cadaveribus, vel hominum, post magnas strages legitime non sepulcorum, vel brutorum animantium; imo et quævis aliæ res, in majori quantitate sub coelo putrescentes, tempore imprimis æstivo, calido: nec non alimenta putrida, in diuturniori farne generali assumpta, idem ultimato efficiunt.

Febrem gignit pestilentialem (159), singulaque inflammationis, tam externæ, quam internæ, gravioris consuetaria. Externe in specie, sub aure, sub axillis, in inguinibus, glandulas lymphaticas inflammatas sistit, in supurationem ruentes, aut certe ad eandem proclives, et *parotides*, *bubones*, nominatas: in

aliis locis non glandulosis vel petechiæ (165) accedunt; vel majus spatium occupantes maculæ, in gangrænam facile abeuntes, et propter summum, quem inferunt, ardorem *anthraces* dictæ. Ac nisi cito satis contagium, diaphoresi ad largos sudores aucta, expellatur; vel matura bubonum atque anthracum eruptio id præstet, consueti inflammationis internæ gravioris effectus sequuntur. Generatim tamen robustiores personæ tutius hunc morbum, diversos vehementiæ gradus in diversis ægris exercentem, superant, quam imbecilliores.

Medela non alia potest esse, quam in reliquis morbis, contagio aëreo cuidam originem debentibus. Cum vero medicamentorum efficacia sæpissime nimis sit debilis: hinc optima cura consistit in præservatione, quæ melius non instituitur, quam mature fugiendo locum adeo infectum. Alias acida quævis (13), ceu specifica considerantur atque primaria remedia; diversa etiam ad quotidianum usum in autoribus laudantur suffumigia. Anthraces quoque et bubones nulla ratione esse discutiendos, sed ad suppurationem consuetis mediis promovendos, imo et anthraces retrocedentes cauterio actuali esse revocandos, autorum est consilium.

* Pestem in Aegypto, a quotannis inundantis Nili reliquiis putrescentibus *oriri*, et exinde in regiones, primo proximas, deinde remotiores transvehi, communis est opinio et verosimilis.

** *Habitus* medici eorumque, qui peste ægrotorum aut demortuorum habent curam, olim utitatus, et hinc inde in libris depictus, peculiaris, hodie ceu superfluum quid consideratur, imo et varia ex ratione noxium. Omnium optima methodus, separatio domus, plateæ, &c. infectæ ab omni cum reliqua urbe consortio, hodie habetur: de qua, itemque de variis ab autoribus propositis medelarum generibus, heroica alius utilitata, aliis mitiori, consulantur auctores *de peste*, qui prostant, quamplurimi.

*** *Febris hungarica* sive *castrensis*, quod nomen febrem contagiosam denotat, in castris, iis maxime, quæ diutius in locis paludosis posita servantur, aut alia ex ratione effluviis putridis repleta sunt, sævientem: vel pesti, cujus species habetur, affines sistit effectus, vel febris petechialis (165) est genus. et nunc cum uno sive cum altero ex his morbis, tam ratione signorum, quam causarum, prognosis et medelæ, coincidit.

**** Vid. Hermann. CONRING. *Diss. de Peste*. Resp. Theophil. Matthæo. Helmst. 1659. Günth. Christoph. SCHELHAMMER. *Diss. de Peste*. Resp. Daniel. Christoph. Meineke. Helmst. 1682. Job. Godofr. BERGER. *Diss. de Pestilentia vera*. Resp. Abrah. Vater. Witt. 1710. Andr. Jul. BÖTTICHER. *Diss. de Peste*. Resp.

Resp. Just. Andr. *Richers*. Helmst. 1712. Wilh. Hulder. *Waldschmidt*. Diff. *de singularibus quibusdam Pestis Holsaticæ*. Resp. Christian. *Waldschmidt*. Kilon. 1721. Joh. Henr. SCHULZ. Diff. *de sanguinis missione in pestilentia*. Resp. Ernest. Emmanuel. *Guttorf*. Altdorf. 1725. Joh. Damian. CHEVALIER. Quæst. Med. *An Pestis curatio præsertim ex symptomatis?* Resp. Ludov. *Parhiot*. Aff. Paris 1744. Mich. Phil. BOUVART. Quæst. Med. *An acida Pestis antidotum?* Resp. Ludov. Joh. Baptist. *Cosnier*. Aff. Paris. 1749. &c.

§. 167.

SCABIES morbum denotat a corporeo quodam contagio ortum (136), cuti præ ceteris corporis partibus infestum, inque eadem maculas inflammatas minores, in ulcuscula abeuntes, producentem: e contagiosa humorum spissitudine (98), et inflammatione atque suppuratione cutanea (143.146) compositum. Sola præsens, nec nimia, *benignæ* cognomen habet: atque hæc pro ulcusculorum, vel cum solo humore limpidi, vel cum pure repletionem, subdistinguitur in *siccam* et *humidam*. Si vero alii cuidam morbo contagioso, quod nonnunquam fit, juncta observetur, e. g. aut lvi venereæ (168) aut scorbuti (169), dicitur *maligna*, efficitque *scabiem scorbuticam*, *scabiem veneream*. Utraque hæc ultima, in gradu eminentiori præsens, autoribus nominatur *ferina*. Quæ
om-

omnia, una cum effectibus et causa occasionali, consistente in solo contagio scabioso, per inquinatas personas, vestimenta, lectos, præsertim vero linteamina inquinata, propagato, morbi diagnosin præbent.

Inflammatae istae maculae, post contactum personarum aut rerum infectarum, sine alia causa accedente, potissimum in interstitiis radicum digitorum manus atque pedis sese manifestant, cum insigni pruritu et ardore, qui nocte, aut post quamcunque aliam incalescentiam, nec non scalptione, augetur. Ipsa loca inflammata vesiculas contrahunt minimas: quæ, vel sponte post aliquot dies, vel frictione disruptæ, serum fundunt rodens, acre, brevique escharam sive crustam quandam formando, exsiccantur; restante nihilominus inflammatione ac pruritu, prouti fit in scabie *secca*; vel in medio inflammato spatii vera oriuntur ulcuscula, plus minus cito siccanda, aut diutius verum pus fundentia, non tam ardore, quam potius dolore, molesta, et *humidam scabiem* formantia. Singulis post factam consolidationem aliae semper succedunt ejusmodi inflammationes, donec tandem tota corporis superficies iisdem obtegatur. Graviori quoque malo adveniunt interdum ungium aspreto, et capillorum defluvium.

Maculae omnes inflammationis atque suppurationis effectus, hinc et febrem continuam, quæ *scabiosa* cognomen meretur

(159), post se trahunt: interim ad gangrænam raro tendunt. Quicunque vitam vivunt sedentariam, ac alimentis sale conditis abutuntur: ii facilius contagio illo afficiuntur, quam qui contrarium observant. Interim continua cum ejusmodi personis inquinatis consuetudo, qualis e. g. in Orphanotrophiis locum habet, id tandem efficit, ut, post semel superatam scabiem, contagium haud facile amplius inficiat. Sub initium, ubi altiores nondum egit radices, non adeo difficulter scabies superatur: successu vero temporis, et chronica facta, non modo difficulter extirpatur, sed etiam facillime redit. Retropulsa quoque incaute, præcordiorum angustiam, spasmos (139), convulsiones (140), viscerum inflammationes (142), tumores oedematosos (172), paralyfin (195), asthma (214), inducere potest.

Medela ægroti a reliquis ejusdem familiæ personis sanis separationem, et ut æger sua habeat utensilia propria, imprimis lintamina, postulat: quo facto attenuantia et leniter sudorifera decocta (14. 15) in usum ducantur; tandemque specifica, nempe sulphuris flores, et in malo graviore fortissima aperientia (12), interne æque ac externe in usum ducta. In robustioribus quoque ægrotis sudatio, vel humida, balneorum atque infusum ope promovenda, vel sicca, præcedens

cedens, itemque insequens lotio corporis cum lixivio communi, salutariter adhibetur. Externe sicca speciatim scabies emollientia requirit: humida vero, exsiccantia, balsamica, et quæ præterea suppurationi conveniunt, chirurgica.

* *Lepra*, quam autores nonnulli a scabie subdistingunt, nil aliud denotare potest, quam maximum scabiei, imprimis malignæ, gradum. Ea namque lepra, cujus in sacro codice fit mentio, hodie non amplius existit, quod circumstantiæ, ipsi olim annexæ, probant.

** Vid. Georg. Wolfg. WEDEL. *Diff. de Scabie*. Resp. Joh. Ludov. Neuenbahn. Jen. 1674. Mich. ALBERTI. *Diff. de Scabie*. Resp. Christian. Adam. Gorn. Hal. 1718. Rudolph. Jac. CAMERAR. *Diff. de Scabie periodica particulari*. Resp. Petr. Keck. Tübing. 1701. G. Wo. WEDEL *Diff. de Herpete*. Resp. Georg. Dieteric. Hieronymi. Jen. 1703. Bernh. ALBIN. *Diff. de Elephantia Java nova*. Resp. Joh. Christian. Mentzel. Franc. ad V. 1683. Casimir. Christoph. SCHIEDEL. *Diff. de Lepra*. Resp. Joh. Christian. Voigt. Erlang. 1750.

§. 168.

LUES VENEREA, morbus e contagii corporei (136) quodam genere originem trahens, partibus generationi dicatis, et glandulo-

dulosi præsertim, aliisque externis noxius: in usdem inflammationes et suppurationes varias (143.146), rarissime gangrænas (147), produciens: ex humorum spissitudine (90) contagiosa, et inflammationibus aut suppurationibus dictis, constat: ac potissimum e causa occasionali, itemque ex effectibus, dignoscitur.

Causam constituit contagium venereum, ab infecto quodam homine communicatum, frequentissime per congressum cum persona impura; raro per decubitum in lecto, lue inquinato; rarius adhuc per oscula, per vestimenta, lue immunda, aut per viam aliam.

Per coitum communicata lues in pudendis, mox a congressu, inflammationes varias producit, gonorrhœeam virulentam (274), nec non *bubones venereos*, sive tumores inflammatos glandularum inguinalium: quorum ambo ultimi morbi diutius soli ægrotum vexare possunt: suppressi vero, aut illegitime tractati, virus corpori toti communicant. Atque tunc, cum proxime insequente venerea febre (159), inflammationes, suppurationes et excrementiæ diversæ oriuntur, primo in locis partibus generationi dicatis proximis, circa anum, et potissimum in glandulis inguinolibus vicinis; deinde et sub axillis, ac in reliquis partibus glandulosis quibuslibet: in ore præsertim ac faucibus

bus accedunt raucedo (212), inflammatio, et ulcera plus minus profunda, dulcescentem valde nauseosum odorem spirantia, nec adeo ac in scorbuticis sanguinolenta, sed unctuosâ ferme, saniem potius aquosam, albidiorera, aut materiam versicolore, quam pus verum, fundentia; et raucam ingratam vocem post se trahentia; quæ remediis consuetis non obtemperant, sed brevi post consolidationem, vel in eodem loco, vel alibi, denuo propullulant; qualia et in facie, naso, reliquaque corporis superficie hinc inde, et in genitalium tegumentis parva, chronica, prorumpunt. Totum prætera corpus scabie afficitur venerea (167): torpore, lassitudine; et dolore artuum gravativo, noctu præsertim cum ardore molesto, nonnunquam intolerabili, ac medullæ ossium quasi inhærente. Adveniunt porro interdum spastici motus varii (139); color faciei luridus; et pallor, orbitam in specie circumdans; cephalalgia chronica (177), tumores saccati diversi; tandem caries ossium, ac circa caput, alibique, variæ exostoses; capillorum defluvium, nonnunquam mollities ossis inconsueta (85), et ultimato partium internarum inflammationes, earumque consecutaria. Speciatim, in supurationibus externis, membrana corrumpitur adiposa, adeo ut integra nonnunquam illius frustra secedant, et extrahi possint.

Præ-

Prædicta omnia, exceptis genitalium affectibus, eveniunt quoque, quando non per congressum, sed per aliam, minus consuetam, viam contagium propagatur.

Lente serpit ordinarie malum, et, antequam ad summum perveniat punctum, annos quandoque integros durat. Ac, quæ per vias minus solitas communicatur lues, altera, per coitum provocata, in eo est periculiosior, quod in tali casu malum nec ægrotus nec medicus, ante vehementiorem gradum acquisitum, suspicentur facile.

Medelam in malo leviori quidam absolute tentant *cura sudatoria*, quæ, hauriendo decocta attenuantia (14), cum addito antimonio crudo, partim; partim sudorem vel in lecto, vel in sudatorio, fortiorem proliciendo, idque iteratis vicibus, instituitur. Tutissimum interim, et specifica efficacia juvans, remedium est mercurius; qui edulcoratus in morbi gradu leviori, parcioribus dosibus, una cum intermixtis laxantibus, in usum ducitur: ac in graviore malo vel ore assumptus, dulcificatus; vel vivus, pinguedini immixtus, et articulis illinitus, quotidie, ad excitatam salivationem usque, adhibetur: una vel altera, ratione per tempus sufficiens continuandus, id est, donec morbus extirpatus fuerit plenarie.

* Contagium venereum, per Hispanos primum ex *America* adductum, atque in bello Neapolitano ad Gallos, et ab his ad reliquas Europæ gentes translatum, diversa exinde inter varias gentes habet nomina. Interim et dantur autores, qui ejus originem ex antiquissimis temporibus deducere satagunt.

** Contagium venereum, quod est causa spissitudinis humorum et effectuum inde venientium, pariter ac quodlibet aliud contagium, non nili per diaphoresin exturbatur (136): eoque expulso, effectus cessant necessario (34): hinc fundamentum et possibilitas *medelæ sudatorie*, absque mercurii concursu. Sudor vero contagium, humoribus implicatum, expellens fortior semper requiritur; cujus gradum sufficientem sæpenumero noxa, e sanguinis motu adeo aucto, debilioribus præsertim, metuenda, variæque aliæ circumstantiæ, simul præsentis, vetant: hinc *mercurius* in quamplurimis ægris præfertur, qui scilicet humores dissolvendo, exitum contagio faciliorem præstat per cutis emunctoria. Atque id ipsum de *scabie* quoque, ceterisque contagiis singulis, quoad eorum medendi methodum, valet.

*** Salivatio partim viscerum supponit integritatem, cum sine hac circumstantia nunquam non funestum habeat exitum: partim varias observandas simul postulat regulas, una cum reliquis, minus usitatis, minusque securis, medelarum generibus, in

autoribus, qui de lue venerea scripserunt, permultis abunde descriptas.

**** Loco salivationis mercurius aliquando aut sudorem ciet copiosum, aut diarrhoeam, aut vomitum, et nihilominus hac quoque ratione morbum exterminat: cujus rei exempla, inter alios, collegit Joh. Theod. ELLERVS in *Observat. Medico-Chir.*

***** Vid. Guern. ROLFINCK. *Diff. de lue venerea.* Resp. Martin. Willich. Jen. 1666. Joh. Dan. MAJOR. *Diff. de usu et abusu Mercurii in lue venerea.* Resp. Joh. Nicol. Schippel. Kil. 1673. Georg. Ern. STAHL. *Diff. de scorbuti et Venereæ luis diversis signis et medicinis.* Resp. Georg. Dan. Thebesio. Hal. 1706. Conrad. JOHREN. *Diff. de Menta-gra.* Resp. Frid. Sartorio. Franc. ad V. Laur. HEISTER. *Diff. de Chirurgorum erroribus in curandis morbis venereis.* Resp. Joh. Jacob. Schmid. Helmst. 1728. Joh. Michael. BOEHM. *Diff. de morbo, dicto Neapolitano.* Argent. 1738. Mich. PEAGET. *Quæst. Med. An Luis Venereæ curationi per frictum potius, quam per suffitum faveant medicæ observationes?* Resp. Carol. Dionis. Aff. Paris. 1738. Gedeon. DE RABOURS. *Quæst. Med. An in Lue venerea parciales et longius diffusa Mercurii doses plenioribus crebrioribusque anteponenda?* Resp. Joh. Ludov. Baude de la Cloy. Aff. Paris. 1739. Carol. DIONIS. *Quæst. Med. An Syphilidi conveniat suffumigatio recens?* Resp. Natal. Maria de Gevigland Aff. Paris 1741. Gedeon DE RABOURS. *Quæst. Med. An Ptyalismus frictionibus mercurialibus provocatus, perfectæ luis venereæ sanationi adversetur?* Resp. Andr. Cantwel. Aff. Paris. 1741. Joh. MIDY. *Quæst.*

Quæst. Med. An Syphilis per frictions mercuriales, absque ulla excretionem, nisi fere insensibili, sanabilior? Resp. Ludov. Renat. Desbois. Aff. Paris. 1741. Christian. Gottfr. STENZEL. Diff. sistens casus aliquot hominum a lue Venerea per salivationem curatorum. Resp. Joh. Phil. Klipfch. Wittenb. 1742. Herm. Paul. JUCH. Diff. de causa luis venereæ proxima. Respond. Mich. Weber. Erford. 1743. Andr. El. BÜCHNER. Diff. de gravissimo luis Venereæ symptomate, tortura nocturna. Resp. Jac. Frid. Franck. Hal. 1744. Ludov. Renat. MARTEAU Quæst. Med. An in curanda lue venereæ suffumigia rite adhibita, remedium optimum? Resp. Natal. Andr. Joh. Baptist. Chesneau. Aff. Paris. 1745. Joh. Jac. BAIER. Diff. de abusu purgantium in morbis venericis. Altd. 1749. Carol. DIONIS Quæst. Med. An incerta luis Venereæ curatio, absente medico? Resp. Jacob. Ludov. Alleaume. Aff. Paris. 1749. Bernh. ALBIN. Diff. de salivatione mercuriali. Resp. Georg. Conr. de Horn. Franc. ad V. 1689. Joh. Ern. HEBENSTREIT. Diff. de Usu hydragryri interno. Resp. Christoph. Frid. Sartorio. Lips. 1735. Wilh. Christian. HOFFMANN. Diff. de Salivatione mercuriali. Gissæ 1743. Joh. Frid. SCHRÖDER. Diff. de medicamentis salivantibus, eorumque in corpus humanum agendi modo. Hal. 1743. &c.

§. 169.

SCORBUTUS, aliud quoddam contagium corporeum (136) pro basi agnoscens, tibias præsertim atque gingivas afficit, in prioribus maculas amplas inflammatas, cæruleo colore conspicuas, in ultimis inflamma-

tionem quoque, ad gangrænam vergentem, generans: et hisce potissimum signis dignoscendus: e contagiosa humorum spissitudine (90. 98.), ac inflammatione dicta (143) componitur.

Contagii scorbutici, quod hujus morbi causam constituit, occasionalis iterum *fale conditorum* causa fit continuus alimentorum, aut et simul corruptorum, usus; quorum particulæ putridæ, chylo commixtæ, hunc corrumpunt tandem, et intra corpus, præsertim si accedant aëris ambientis effluvia putrida, scorbutum gignunt. Hic, semel ea ratione productus, brevi indolem assumit contagiosam: et aliis, eorum præprimis, qui eandem vitam vivunt, prompte sese insinuans corporibus, similem producit morbum, cumque tunc maxime per contagium. Unde et illis nunquam non contingere solet, qui diuturna per mare itinera, e. g. ad Indos orientales, suscipiunt, aut expeditionibus bellicis intersunt; si ipsis tandem alimenta bonæ notæ deficient, ut ideo cibus fale conditis atque corruptis, insimulque aqua semiputrida, vitam sustinere cogantur: quamvis et alios interdum ægros, ex alimentis præsertim minus congruis, cum accedentibus causis aliis, humorum corporis vitia incurrentes, sporadice invadat.

Lassitudinem membrorum insignem inducit; virium defectum; spasmodicos insultus varios, et inter eos dolorem vagum, transitorium, aut gravativum, aut plus minus acutum, artus præsertim eorumque articulos, idque diu noctuque æqualiter, infestantem: tandem inflammationes, tam exterius in corpore hinc inde, quam interius obortas, et speciatim in primis viis; cum febre scorbutica (159); solitisque inflammationum consequentiis: et ex his ultimis ulcera sanguinolenta, putredinosa, atque viscerum indurationes (175): porro successivam corporis talem; aliquando ossium duritiem insolitam (85); aut salivam salivam (119), aut raucedinem (212). Præprimis vero, et quasi specificè, gingivarum et reliqui oris interni anterioris, gingivis vicini, primo laxitas oritur eximia; promptissimaque eorundem, post leviores quemvis attactum cruentatio; ac denique succedentia ulcera maligna, foetentia, cum salivatione (118), matutinis præsertim horis molesta, ac dentium, ossiumque vicinorum carie; quod vitium totum auctores vocabulo *stomatocæces* exprimunt: nec non in tibia anteriori maculæ latiores, vel rubræ, vel lividæ, vel carulæ, post perpeßos atrocissimos dolores prorumpunt: una cum *scelotyrbe*, sive dolore ossium interiorum et medullam quasi occupante.

Generatim tarde procedit malum: citius interim in illis augetur, qui defides sunt, et statim a morbi initio vitam agunt sedentariam: in laboriosis e contrario lentius multo augefcens. Et inveteratum factum valde est pertinax.

Medela in eo potissimum consistit, ut, remotis alimentis corruptis, corpus recentibus nutriatur esculentis potulentisque: quibus e classe acrium mitiorum (11) olera recentia, sive herbæ *antiscorbuticæ* dictæ, frequentes addantur; cochlearia videlicet, nasturtium, beccabunga, et raphanus rusticanus. Singula enim hæc, aut eorundem succi expressi, specifica virtute scorbutum sanant: interim et reliqua etiam attenuantia (14) locum habent.

* JVNCKERVS *libr. cit.* Tab. LXIX. in *Method. med.* distinguit inter dispositionem scorbuticam, quam et *incipientem scorbutum* nominat, ac scorbutum verum, sive, quod idem est, scorbutum ipsum: quod tamen superfluum, quoniam incipiens quidam morbus, licet gradum adhuc obtineat levissimum. jam jam sit ipse morbus.

Alii nonnulli medici, e. g. præter antea jam commemoratum BONTEKOE (27,*), Joh. Nicol. PŒCHLINVS in *Obs. Phys. Med.* quamlibet in cute obortam efflorescentiam pro scorbutu assumptes, scorbutum ubique immisceri volunt aliis morbis, atque sic fingunt *Arthritidem scorbuticam*, *Colicam scorbuti-*

buticam, Febrem scorbuticam a praedicta diversam, &c. Quorsum ergo pertinent Guern. ROLFINK Diff. *de febre tertiana scorbutica*, Resp. Godofr. Schulz. Jen. 1669. Joh. Petr. WELCKER. Diff. *de Arthritide vaga scorbutica* Giesl. 1663. Henr. MEIBOM. Diff. *de Arthritide vaga scorbutica*. Resp. Joh. Jacob. Gortfridi. Helmstaedt. 1668. Georg. Wolfg. WEDEL. Diff. *de Arthritide vaga scorbutica*. Resp. Christian. Ernest. Claunder Jen 1674. Conrad. JOHREN. Diff. *de Arthritide vaga scorbutica*. Resp. Christoph. Henr. Gabriliep von der Müllen. Franc. ad V. 1706. Georg. Wolfg. WEDEL. Diff. *de Colica scorbutica*. Resp. Carol. Frid. Nester. Jen. 1688. Joh. Theod. SCHENCK. Diff. *de Malo hypochondriaco scorbutico*. Resp. Godofr. Schultz. Jen. 1670. Aug. Quirin. RIVIN. Diff. *de Tabes Scorbutica*. Ej. Diff. *de Paralyfi scorbutica*. Vid. Ej. Diff. Med. Diff. XXIX. XXX. Frid. HOFFMANN. Diff. *de Affectu raro scorbutico - pustulari*. (160.****). Ioh. Christian. STOCK. Dissert. *de scorbutica purpura*. Resp. Ioh. Frideric. Fasel. Ien. 1744. &c. Verum enim vero experientia, rite instituta, G. E. STAHLII verbis assentitur, in Diff. *de multitudinis remediorum abusu*. Resp. Barthold. Wickers. Hal. 1708. habit. §. XIV. „Cachymia, dicentis, scorbutica innumeris vicibus inculpat, ubi in rei veritate non existit.

** *Scorbutum maris balthici accolis non esse endemium*, contra vulgarem opinionem, affirmat Christoph. Mart. BURCHARDUS in speciali super hac materia *Dissertatione*, Rost. 1735. habita. Resp. C. E. Eschenbach.

*** Præter antea jam commemorata. Vid. Christoph. TINCTOR. *Diss. de Scorbuto Prussis jam familiari*. Resp. Ioh. Masio. Regiom. 1639. Zach. BRENDEL. *Diss. de Scorbuto*. Resp. Joh. Placcio. Jen. 1634. Guern. ROLFINK. *Diss. de Scorbuto*. Resp. Ioh. Laurent. Loël. Jen. 1668. Joh. Henr. HEUCHER. *Diss. de Cautionibus in curando scorbuto necessariis*. Resp. Joh. Godofr. Jung. Witt. 1712. Joh. Adolph. WEDEL. *Diss. de Scorbuto*. Resp. Conrad. Frid. Tieffenbach. Jen. 1734. Georg. Gottlob. RICHTER. *Diss. de Scorbuto*. Resp. Herm. Christian. Sartor. Götting. 1744. Cum Progr. annexo de *Hippocraticis scorbuti antiquitatibus*. Georg. Erh. HAMBERGER. *Diss. de Scorbuto frigido*. Resp. Joh. August. Wilh. Lezio. Jen. 1751. &c.

§. 170.

HÆMORRHAGIA, id est, effluxus sanguinis nimius e parte quadam corporis, adest, quando sanguis vel in qualibet copia provenit, unde naturaliter exire plane non debet; vel in majori, quam decet, quantitate fluit e locis, e quibus naturaliter quidem, ast in copia medicori, prodire ipsum fas est. Atque componitur, vel ex arteriarum omnis generis dilatatione (80), vel e vasorum sanguiferorum ruptione (81. 83); et simul e plethora speciali sive sanguinis congestione (96), cum hujus elasticitate nimia (100).

Pro diversitate locorum, unde venit, varias admittit distinctiones et nomina speciali-

aliora. In *hæmorrhagia narium*, sanguis e naribus defluit. *Hæmoptysis*, sanguinem e pulmone per os rejectum denotat: *Vomitus cruentus*, illum e ventriculo prodeuntem: *Hæmorrhoides nimie*, ex intestino recto: *Mictus cruentus*, e vesica urinaria: *Menses nimii*, e vagina et utero. *Hæmorrhagia uteri*, ex iisdem partibus, quolibet alio, quam consueto mensium tempore; nec non in gravidis: *Lochia nimia*, in puerperis contingunt. Reliquæ species nomen generale retinent, adjecta partitis, e qua sanguis erumpit, denominatione: atque sic datur *Hæmorrhagia auris, oris, &c.*

Sanguis aliquando solus prodit, eumque generatim, an arteriosus, an venosus sit, signa consueta (81. 83) deregunt. In specie vero naturalem hunc præ se fert colorem, quando statim, ac e vase provenit, ejicitur: ubi autem primo in cavitatem quandam influit, ibidemque moram aliqualem trahit, nigricans coagulatus egreditur. Interdum cum alio quodam humore est permixtus, quando scilicet e tali parte hæmorrhagia contingit, in qua alius quidam humor naturaliter vel secernitur vel asservatur; quemadmodum id e. g. in vesica urinaria, atque intestino recto, fieri notum est.

Nisi violentia externa ruptionis canalium sanguiferorum basis fuerit, causa, exceptis iis, quæ arteriam dilatant, aut plethoræ

speciali occasionem subministrant, aliquando est sanguinis, a quacunque causa, motus vehementior, aut spasmus, aut refrigeratio extremitatum inferiorum. Præter reliquos morborum specialium, e quibus componitur, effectus: præsertim sanguinis quantitatem ultra modum minuit, hinc defectus istius consequentias (97), atque lipothymiam aliquando (181), nec non atrophiam (293,) post se trahit. Immoderatæ quoque et sæpius recurrentes hæmorrhagiæ nonnunquam hydropi (172) occasionem subministrant.

Medicamenta contra hunc morbum haud alia dantur, quam adstringentia (12), quæ eo felicius finem suum exsequuntur, quo magis partem morbosam immediate attingunt: iisque analeptica, et regimen diaphoreticum, jungantur.

* *Hæmorrhoides, menses, lockia, pertinent ad fluxus sanguinis naturales: hinc, ad statum eorundem morbosum exprimendum, additur vocabulum, nimii, nimia: quod in reliquis non fit.*

** Vid. Henr. MEIBOM. *Diss. de Hæmorrhagia*. Resp. Henr. Rademin. Helmst. 1684. Christian. Joh. LANGII *Diss. de Hæmorrhagia*. Resp. Henr. Siegfried. Lips. 1685. Joh. JUNCKER. *Diss. de Quadruplici hæmorrhagiarum naturalium respectu*. Resp. Carol. Ludov. Meckelburg. Hal. 1746. Maximil. HIERONYMI *Diss. de Hæmorrhagiis*. Erford. 1748. Joh.

Joh. Ernest. HEBENSTREIT. *Progr. de Hemorrhagiis criticis*. Lips. 1749. Andr. El. BÜCHNER. *Diss. sistens Generalem Pathologiam Hemorrhagiarum*. Resp. Joh. Henr. v. Tschudi. Hal. 1750. Mich. ALBERTI *Diss. de Hemorrhagiarum complicatione*. Resp. Gottfr. Christian. Wilfroth. Hal. 1752. &c.

§. 171.

Fluxus sanguinis deficere dicitur, quoties, qui ex aliqua parte effluere debebat sanguis, ex eadem non prodit: atque, ex hoc fundamento, dantur *Hemorrhoides suppressæ*, *Menses emanentes et suppressi*, *Lochia suppressa*: ad quos morbos singulos conveniunt nimia arteriarum capillarum angustia (80); elasticitas sanguinis justo minor (101); et aliquando aut ejus spissitudo (98), aut defectus (97). Signa ægroti potissimum confessione patent. Causam constituunt, præter reliquas singulis morbis componentibus proprias, humorum defectus generalis (89), aut partium inferiorum, durante fluxu, intensior refrigeratio. Plethoram in corpore generat; et, qui exinde sequuntur, effectus (96); præsertim spasmodicos morbos varios (139). Ac aperientia (12) postulat, moderateque calefacientia (13): cum pediluviiis et infusibus emollientibus, nec non calidis, pedibus admoventibus, aliisque quæ extus admota humorum impetum ad inferiores partes augent: atque
pro

pro circumstantiarum ratione, attenuantia (14).

* *Hæmorrhagiæ narium suppressæ* Stahliani mentionem injiciunt; quam tamen, cum fluxus ejusmodi naturalis nullus detur, eadem mereri nequit. Quod de ipsis etiam *Hæmorrhoidibus* valet, respectu hominum illorum, qui easdem regulares non experiuntur.

** Cum prædictæ sanguinis fluxiones singulæ plethoram generalem (96) supponant: absconum foret, deficiente eadem, ejusmodi fluxum vel expectare, vel pellen-
tibus, id est, diureticis fortioribus (15) provocare velle. Est enim in tali casu plethora primum restituenda.

*** Pediluvia emollientia, atque derivantia, partibus corporis inferioribus ad-
movenda, quo nomine hic, et venæsectio, et cucurbitularum, hirudinum, vesicantium, causticorum, usus indigitatur, singula, ceu media externa, ad chirurgiam pertinent, ibidemque ulterius descripta inveniuntur.

§. 172.

HYDROPS, qui denotat feri in parte quadam corporis collectionem, naturali copiosiore: distinguitur in *externum*, ubi humor cellulis membranæ adiposæ, hinc pluribus cavitatibus minoribus, includitur, atque is ipse ut plurimum externe in corpore occur-

currit; et *internum*, qui cavitem unicam, eamque majorem obsidet, id quod interne potissimum accidit. Prior iterum vel universalis est, totam corporis peripheriam occupans, et *Anasarca* sive *Leucophlegmatia* dicitur: vel particularis, unicæ tantummodo parti molesta, quo pertinent *Hydrocephalus*, *externus* quoque cognominatus, *Tumor palpebrarum*, *pedum*, *scroti*, &c. *oedematosus*; atque hicce hydrops non modo quaslibet externas partes vexat, sed et aliquando, ast rarius, interne, in locis, ubi membrana adiposa copiosior est congesta, observatur. Posterior non solum cavitates generaliores, thoracis nimirum et abdominis, sed etiam specialiores, cerebri scilicet ventriculos, pericardium, ovaria, tubas, uterum, testiculos, reliquasque omnes, ipsaque interdum vasa lymphatica valvulosa nonnulla, implet: unde exsurgunt, *Hydrocephalus internus*, *Hydrops pectoris*, *Hydrops pericardii*, *Ascites*, *Tympanites*, *Hydrops ovarii*, *tubarum*, *uteri*, *Hydrocele*, *Hydatides*; quibus addendus est *Hydrops saccatus*, inter abdominis musculos, aut eosdem inter et peritoneum, sedem habens.

In hoc morbo conveniunt arteriarum secernentium earum, quæ in cavitatem vel majorem vel minorem patent, dilatatio nimia (80), et venarum e contrario serosarum angustia (82): humorum haud raro spissitudo (90),

(90), itemque sanguinis elasticitas deficiens (101), aut feri abundantia (106); et fibrarum nimia laxitas (54). Signa ex effectibus desumuntur, præsertim iis, qui sensibus patent. Specialiorum vero cavitationum, e. g. *pericardii* hydrops, itemque *hydaticum*, quæ scilicet nimis sunt abscondita, nulla dantur signa certa: nec eorundem præsentiam, nisi post mortem sectio, manifestat. Causa generatim est actio inæqualis arteriarum et venarum tertii generis, quarum illæ plus advehunt, quam hæ reducunt liquoris. Cui rei ansam dat sanguinis reditus, propter venarum majorum compressionem (82), prohibitus; feri circulus impeditus, propter venarum ferosarum a quacunque causa compressionem, earundemque atoniam: aliquando febres intermittentes suppressæ (149), scabies repulsæ (167), hæmorrhagiæ graviores (170), aut viscerum indurationes (175).

Externus hydrops quilibet tumorem producit mollem, indolentem, manifestum, cum colore partis albidō, interdum quodammodo splendente, conjunctum; qui digito imposito pressus, foveam contrahit, aliquamdiu post remotum digitum persistentem, et non nisi successive evanescentem: serum extravasatum pondere suo gravat; præterea sensum frigorificum infert, fibras proximas ultra modum humectat; motum partis, quam obfi-

obsidet, tam naturalem, quam voluntarium, maxime reddit molestum: tumor ad molem auctus majorem, sanguiferas arteriolas vicinas comprimendo, inflammationem sanguineam (143), ejusque consequentias inducit. Atque hæc omnia tam in *Anasarca*, licet in hac gradu ut plurimum mitiori, quam in tumoribus oedematosis specialibus quibuslibet, observantur.

Internus hydrops, sive *hydrops propriè dictus*, cavitatem, in qua humor continetur, insimulque membranam ipsi circumductam, extendit, pro ratione quantitatis feri accrescentis, sine tamen partium adjacentium mutatione, nisi post longum tempus id ultimum forte accedat: humor, si totam non repleat cavitatem, leni manus applicatione in motum redactus, fluctuans percipitur; quod idem æger, quoties mutatur trunci situs, quoque sentit: humor mole sua, vasa, visceraque vicina comprimit, unde varia iterum mala exsurgunt, pro diversa earundem conditione et usu; ipse, multum auctus, corporis partiumque motui officit.

Uterque hydrops vires prostermit: sudorem, nec non urinam minuit; reliquas tamen secretiones, nisi sub speciali circumstantia, non facile turbat. Generatim malum constituit pertinax. *Internus* præ externo est peri-

periculofior, et aliquando lethalis. *Complicatus* quoque cum aliis morbis majus, quam simplex, periculum affert.

Medicamenta imprimis attenuantia (14) fortiora postulat, itemque evacuantia omnis generis, præsertim vero diuretica (15). Quibus aliquando, si scilicet nimia sit feri collecti quantitas, cavitatis, hoc in se continentis, apertio chirurgica jungenda, atque sic humori corrivato liber procurandus est effluxus.

* Autores nonnulli causam hydropis interni, præsertim abdominis, in *ruptura vasis* cujusdam *lymphatici* valvulosi ponunt: quæ, quamvis penitus non sit impossibilis, rarissima tamen omnium est: et, in hoc casu, tam ad compositionem destructio five ruptio vasis ejusmodi accedit, quam causæ, prognosis, medela eidem sunt accommodandæ.

** *Tumores oedematosi* particulares et *hydropes interni*, propter medelam, quam præter supradictam admittunt, chirurgicam, in libris chirurgicis quoque, et ulterius, describuntur: quorsum, eandem ob causam, *hydrocele* et *hydrops abdominis saccatus* toti pertinent. Cumque ultima in quolibet hydrope medendi via, id est, cavitatis, serum in se recipientis, apertio, in tumoribus speciatim oedematosis fiat *scarificationum* ope; in hydropibus internis autem, *paracentesi*: de his omnibus etiam chirurgici consulantur auctores.

*** Vid Georg. Wolfg. WEDEL. Diff. de Hydrope. Resp. Christian. Ludov. Göckel. Jen. 1685. Carol. Henr. SCHWARZ. Diff. de Hydrope. Altorff. 1703. Frid. HOFFMANN. Diff. listens ægram hydrope ex quartana laborantem et restitutum. Resp. Theodor. Wilh. Groth Hal. 1725. Just. VESTI Dissert. de Hydrope Anasarca. Respond. Joh. Jacob. Volk. Erford. 1708. Phil. DAVIER. DE BREVILLE. Quæst. Med. An Leucophlegmaticæ Kermes mineralis? Resp. Anton. le Camus. Aff. Paris. 1742. Jacob. VERDELHAN DES MOLES Quæst. Med. An Hydropi Venæsectio? Respond. Bernard. Nicol. Berrrand. Aff. Paris. 1747. Natal. Maria DE GEVIGLAND. Quæstio Medic. An Hydropi Venæsectio? Resp. Hugon. Capet. Neg. Paris. 1748. &c.

§. 173.

CACHEXIA, hydropi externo universali sive Anasarcæ (172) non multum absumilis, aut potius levior ejusdem gradus; est flaccida corporis constitutio, cum aspectu pallido, plus minus flavescente: virginibus superveniens, speciatim dicitur *Chlorosis*: et constat e fibrarum humiditate nimia atque laxitate (50.54), sanguinis deficiente elasticitate (101), lymphæ spissitudine, et feri abundantia (90.106), cum hujus, propter vasorum tertii ordinis vitium, sub cute intra pinguedinem leviori extravasatione (172).

Signa partim sunt effectus, partim e vena, forte secta, eductus sanguis pallidus, pau-

S

coque

coque cruore permixtus. Causam
 malo subministrant, plethora, propter deficientes sanguinis excretiones naturales; et in foeminis speciatim, propter mensium defectum: serosæ secretiones deficientes: potulentorum minus generosorum usus: alimenta difficilioris concoctionis: vita otiosa: adstringentium (12), itemque spirituosorum, abusus.

In toto corpore turgescientiam producit mollem, minorem tamen, quam quæ in Anasarca observatur: languorem artubus communicat: calorem corporis minuit: partes musculosas ad motum minus reddit agiles: respirationem inducit difficilem, imprimis post qualemcunque motum, ac præsertim in scallarum ascensu; et angustiam præcordiorum parit: concoctionem, et reliquas secretiones turbat: ad somnum ægrotos facit proclives, quo tamen somno ii non reficiuntur.

In hydropem verum facile transit: nec non inflammationibus lymphaticis (144), viscerumque infarctui (175), ansam præbet.

Medicamenta requirit attenuantia (14), et serum evacuantia superfluum, præprimis diaphoretica et diuretica (15).

* Hunc morbum autores distinctum volunt ab hydrope: e prædictis interim elucescit, illum non esse, nisi anasarcam leniorem.

** Vid

** Vid. Zach. BRENDEL. *Diff. de Cachexia*. Respond. Christian. Luj. Jen. 1625. Gottfr. WELSCH. *Diff. de Cachexia*. Resp. Matth. Lambert. Lips. 1662. Georg. Ern. STAHL. *Diff. de Cachexia*. Resp. Septim. Andr. Oppermann. Hal. 1710. Guern. ROLFINCK. *Diff. de Chlorosi seu foedis virginum coloribus*. Resp. Joh. Nicol. Ewaldt. Jen. 1665. Joh. Jac. DÖBEL. *Diff. de Morbo Virgineo, seu foedis virginum coloribus*. Resp. Bernh. Barnstorff. Rostoch. 1670. Augustin. Henr. FASCH. *Diff. de Febre amatoria*. Resp. Joh. Muller. Jen. 1689. Just. VESTI *Diff. de Ictero albo*. Respond. Balth. Gottl. Lenzbuer. Erford. 1699. Joan. CRÜGER. *Tract. de Virgine Chlorosi laborante*. Francof. ad V. 1715. Laur. Theophil. LUTHER. *Diff. de Cachexia Virginea*. Resp. Joh. Guil. Korn. Erford. 1731. Christian. Steph. SCHEFFEL. *Diff. de Chlorosi ab uterinae purgationis obstructione*. Resp. Joh. David. Nallinger. Gryph. 1747. Carol. Frid. KALTSCHMID. *Diff. sistens viduam XXX. annorum Chlorosi laborantem*. Resp. Martin. Mysz. Jen. 1752. &c.

§. 174.

ICTERUS eum denotat morbum, in quo superficies corporis tota flavo colore, plus minus saturato, tincta deprehenditur. Distinctionem admittit in *Icterus flavum*, qui dictum colorem flavum monstrat, et *Icterus nigrum*, in quo color iste cineritius est, aut nigricans. Componitur e ductuum, bilem vel separantium vel ad intestina ducentium,

S 2

obstru-

obstructione (59), colore cutis atque humorum, lymphæ præsertim et urinæ, peregrino (71.111.123), ac humorum a bile commixta spissitudine (90). Signum præter colorem totius corporis insolitum, visui patentem, præbent tunica oculi albuginea, flavedine notabilis; urina vel crocea, vel nigro aut fusco colore tincta, quæ papyrus, lintea, aliasque, quibus affunditur, res eodem colore imbuunt: excrementa e contrario vel subflava, vel penitus alba.

Causæ sunt vasorum biliariorum spasmodica constriction; ductui hepatico aut choledochi inhærens calculus biliosus; omnium horum canalium compressio ab hepate, vel infarctu vel scirrho (175) laborante; aliquando hepatitis (242). Spasmodum vero in specie in hoc morbo produciunt, febres intermittentes, et potissimum tertiana, aut quartana, eæque maxime, si supprimantur (149): vomitoria assumpta drastica; animi exandercentia vehemens; immodicus, post incallescens prægressam, porus frigidus; spirituosorum potulentorum abusus.

Discussione terminatur icterus, nisi causa adsit insuperabilis. *Niger* quoque icterus, in quem facile mutatur flavus, licet deterioris sit conditionis flavo, ipse non semper est lethalis, sed aliquando sanationem, licet ægrius,

ægrius, admittit. Medicamenta, huc facientia, sunt relaxantia (11), attenuantia (14), quæ inter saponacea præ ceteris autorez commendant, et aperientia (12),

* Specificam virtutem, quam olim ex signatura, in vegetabilibus, flavum colorem obtinentibus, e. g. curcuma, rhabarbaro, antheris liliorum alborum, &c. quærebant, nullam esse, medici hodierni consentiunt, saltem e fundamento dicto nullam.

** Vid. Melch. SEBIZ. *Diff. de Ictero seu Morbo Regio.* Resp. Joh. Sebastian. Ottone. Argent. 1663. Guern. ROLFINCK. *Diff. de Ictero flavo.* Resp. Christoph. Ern. Stempel. Jen. 1665. Wilh. Hulder. WALDSCHMID. *Diff. de Ictero.* Resp. Joh. Augustin. Fasch. Kil. 1706. Joh. Phil. EYSEL. *Diff. de Morbo Regio.* Resp. Joh. Christian. Müller. Erford. 1707. Joh. Henr. SCHULZ. *Diff. de Ictero.* Resp. Salom. Cellario. Hal. 1732. Abr. VATER. *Diff. de Ictero ex contusione dextri hypochondrii mox orto, ac per diarrhoeam criticam brevi soluto.* Resp. Georg. Christoph Schubart. Witt. 1733. Georg. Henr. LIST. *Diff. de Ictero.* Gieß. 1740. Joh. Jac. VAETTERLI. *Diff. de Ictero, illoque speciatim, quo infantes recens nati laborant.* Götting. 1753. Christian. Steph. SCHEFFEL. *Diff. de Lithiasi fellea, sive Calculo vesicæ biliaris.* Lugd. 1721. Frid. HOFFMANN. *Diff. de dolore et spasmo ex calculo felleo.* Resp. Abrah. Nitzsch. Hal. 1731. Herm. Frid. TEICHMEYER. *Diff. de Calculis biliaris,*

riis. Resp. Willh. Henr. Aug. Stroeblein, Jen.
1742.

§. 175.

INDURATIONES VISCERUM,

quando nimirum, loco naturalis mollitiei, eadem solito duriora, quin et friabilia interdum, reperiuntur: compositæ e fibrarum ficcitate nimia (49), et lymphæ serique in vasis secundæ ac tertiæ generis stagnatione, consequenter in inflammatione lymphatica atque serosa (144), graviore: vel humoris stagnantis aliqualem adhuc mobilitatem admittunt, in quo casu morbus dicitur *Infarctus*, e. g. *Infarctus hepatis, lienis, &c.* vel dictæ mobilitas non amplius adest, sed viscus potius in summo induruit gradu; atque tunc morbus nominatur *scirrhus viscerum*, e. g. *scirrhus hepatis, lienis, &c.* Singuli morbi vel totum viscus quoddam occupant: sicque durities, summa præsertim, manu externe regioni corporis admota, nonnunquam tactu percipitur: vel illius partem solummodo obsidet, in quo casu, durante vita, certo dignosci nequit.


Præter causas, ficcitatem nimiam fibræ et lymphæ serique stagnationem inducentes nonnunquam huic morbo occasionem subministrat præcedens inflammatio sanguinea, imperfecte discussa (143): aliquando scorbutus

(169)

(169), aut cachexia (173). Visceris usum, in quantum a spatio morboſo dependet, tollit; hincque ſecernendum forte humorem cum ſanguine iterum commiſceri facit. Gravitatem incoſuetam et continuam, pro ratione molis viſceris et morbi gradus diverſam, maxime in variato corporis ſitu perceptibilem ab ægroto, infert: quam irritatio, dolor, inflammatio partium proximarum, nec non canalium vicinorum compreſſio, earumque effectus: et hanc ultimam iterum aliquando hydrops (172); ac in parte ipſa morboſa ſanguinis primo circulandi impedimentum, tandem ſtaſis et inflammatio, ſive cancer, ipſaque ultimato mors, ſequuntur.

Medicamenta requirit attenuantia et aperientia, (12.14): quæ tamen non niſi in infarctu opem afferunt; ſcirrhus namque penitus extra medicinæ limites poſitus eſt.

Vid. Frid. HOFFMANN. *Diſſ. de Scirr-
ho hepatis.* Reſp. Sigism. Henr. Schmidt. Hal.
1722. Matth. Zachar. FILLINGII *Diſſ.
de Scirrho lienis.* Reſp. Caſp. Chriſtoph. Fro-
benio. Jen. 1667.





SECTIO II.

MORBI COMPOSITI PARTIALES.

§. 176.

MMORBI COMPOSITI PARTIALES, id est, qui non, quemadmodum præcedentes, totum corpus simul afficiunt, aut in qualibet ejus regione eodem semper modo progrediuntur; sed potius specialem quandam corporis partem occupant; vel sunt ex hætenus explanatis morbis compositis totalibus aliqui, in partiales mutati, quando in una, præ cæteris, parte sedem figunt, ibidemque novis circumstantiis nonnullis ansam dant; vel alii plane, nondum commemorati, in unica solummodo parte locum habentes. Singuli vel in *capite* hærent, vel in *thorace*, vel in *abdomine*, vel in *artubus*,

In **CAPITE** obveniunt *Capitis dolor*,
Plica, *Hydrocephalus*, *Vertigo*, *Lipothymia*,
Memoriæ debilitas, *Delirium somnolentum*, *No-*
ctambulatio, *Delirium acutum*, *Phrenitis*, *Hy-*
drophobia, *Stupiditas*, *Melancholia*, *Nostalgia*,
Mania, *Affectus soporosus*, *Apoplexia*, *Paralysis*,
Gutta

Gutta serena, Otagia, Fluxus aurium, Tinnitus ac susurrus aurium, Surditas, Hæmorrhagia narium, Coryza, Odoratus deficiens, Odontalgia, Dentitio difficilis, Aphthæ, Oris foetor, Sitis, Gustus deficiens, Angina.

In THORACE habentur, *Rauedo, Tussis, Asthma, Catarrhus suffocativus, Asthma convulsivum, Incubus, Febris lactea, Pleuritis, Vomica, Pleuritis spuria, Hydrops pectoris, Hæmoptysis, Cordis palpitatio, Polypus cordis, Hydrops Pericardii, Cardialgia, Paraphrenitis.*

In ABDOMINE considerata veniunt, *Singultus, Appetitus deficiens, nimius, depravatus, Soda, Nausea, Vomitus, Flatulentia, Saburra, Vomitus cruentus, Ventriculi inflammatio, Ascites, Tympanites, Hepatitis, Splenitis, Intestinorum inflammatio, Vermes, Diarrhoea, Cholera, Lienteria, Fluxus coeliacus, Fluxus hepaticus, Dysenteria, Obstructio alvina, Colica, Morbus iliacus, Tormina infantum, Malum hypochondriacum, Hæmorrhoides nimie, suppressæ, externæ sive coecæ, Tenesmus, Nephritis, Vesicæ inflammatio, Ulcus renum aut vesicæ, Calculus renum, Diabetes, Mictus cruentus, Stranguria, Dysuria, Ischuria, Urinæ incontinentia, Pollutio nocturna, Fluor albus, Gonorrhoea benigna, maligna, Menses nimii, Menses suppressi, Hæmorrhagia uteri, Hydrops uteri, Abortus, Embryonis motus nimius, Dolores partus spurii, Dolo-*

res post partum, Lochia nimia, suppressa, Febris Lochialis, Impotentia generandi.

In ARTUBUS occurrunt, *Tremor artuum, Arthritis vaga, fixa, Rheumatismus, Matum ischiadicum, Atrophia, Rhachitis.*

Quæ in autoribus pathologicis explicantur quoque *Uvula inflammatio, Empyema, Hydrops abdominis saccatus*, alique morbi nonnulli, ad chirurgiam pertinentes potius, quarantur in libris, hanc disciplinam tradentibus,

§. 177.

CAPITIS DOLOR, spasmodicum designat dolorem (138.139), exteriora capitis, quousque cranium excurrit, obsidentem. Totam capitis regionem dictam, id est, frontem, synciput, occiput, atque tempora simul infestat; vel unicam e modo dictis solam aggreditur; atque vel in exterioribus tantummodo partibus hæret, vel interiora quoque in consensum rapit. Hinc etiam, et propter alias quasdam circumstantias accidentales, varias admittit denominationes. Sic *Cephalalgia* quemvis indistincte denorat capitis dolorem; maxime tamen transitorium, nec nimis fortem: *Cephalæa* dicitur capitis dolor pertinax, chronicus, sæpius recurrens; atque hic ordinarie est vehemens simul: *Hemicro-*

micrania dolorem describit, unicum solummodo cranii latus, sive dimidium caput, occupans: *Clavus* tandem *hystericus* non nisi punctum unum, maxime in vertice, affligit, et sensum quasi clavi infixi imprimit, *hystericis* (256) præ aliis familiaris.

Causam constituunt, plethora specialis in capite, (96), spasmus propter primarum viarum saburram (237), alvi segnities (252), variique alii morbi spasmodici, dolorem spasmusque capiti communicantes; exhalationes copiosæ, e vegetabilium partibus aliisque rebus fragrantibus prodeuntes: nec non læsiones externe obortæ variæ: aliquando contagium venereum (168), imo et compotatio prægressa.

Gravior capitis dolor vomitum (235) nonnunquam provocat: interdum et narium hæmorrhagia (201) præcedit. Congestiones ad caput, cum pulsu vasorum sanguiferorum fortiori, vel infert, vel, si jam adsint, auget. Sæpius recurrens Cephalalgia tandem in Cephalæam transit, atque tunc difficillime sanatur, et levissima quavis occasione redit.

Anodina postulat: et interdum refrigerantia atque discutientia externa (59, schol.), parti dolenti admota; nec non pedibus apponenda calida, et quæ humores revellunt, perfert.

* De *Refrigerantibus externis*, quæ repellendi vim exercent, itemque de mediis, quæ humores a parte morbosa avocant, ad remotiorem illos ducentia, quod præstant Venaesectio, cucurbitulae, scarificationes, vesicantia, arte facta ulcera, balnea, frictiones, ligaturae, &c. agitur in chirurgicis.

** Vid. Guern. ROLFINK. *Ordo et Methodus cognoscendi et curandi dolorem capitis, ad normam veterum et novorum dogmatum*. Jen. 1671. Günth. Christ. SCHEILHAMMER. *Diss. de Capitis dolore*. Resp. Theodul. Kemper. Jen. 1678. Joh. Ludov. HANNEMANN. *Diss. de Anomalis et Paradoxis morborum curationibus, I. de Dolore Capitis et Epilepsia*. Resp. El. Mobach. Kil. 1706. Polycarp. Gottlieb. SCHACHER. *Diss. de agro ex lue Venerea in Cephalalgiam chronicam delapso*. Resp. Joh. Georg. Ruppio. Lips. 1732. Matth. HESSLER. *Diss. de Cephalaea*. Erford. 1743. Frid. SCHRADER. *Diss. de Hemicrania*. Respond. Just. Henr. Kreienberg. Helmst. 1690. Laur. HEISTER. *Diss. de Clavo Hemorrhoidali*. Resp. Joh. Gottlieb Raupbach. Helmst. 1734. Petr. MALOET. *Quaest. Med. An a Tabaco, nariibus assumpto, peculiaris quaedam Cephalalgiae species, aliique effectus?* Resp. Jac. Franc. Vandermonde. Aff. Paris 1733. Nec non, Hyacinth. Theodor. BARON (filii) *Quaest. Med. An solvendis pertinacibus sanguinis in Cerebro congestionibus Jugularis venaesectio?* Resp. Jacob. Albert. Hazon. Aff. Paris 1734.

§. 178.

PLICA five *Plica Polonica* dicitur, quando pilorum, et in specie capillorum, quantitas quædam in unicum complicatur atque concrefcit funiculum, plus minus craffum longumque. Capilli ifti pollicem a capite complicari incipiunt, eousque feparati manentes, visu fic tactuque dignofcendi: et complicatos pilos intercedit materia vifcida, e poris pilorum pro parte exfudans, atque in guttulis five granulis minimis, albidis, fubtiliffimæ arenæ inftar, concreta. Conveniunt igitur in hoc morbo, connexio pilorum inter fe nimia (55), canalium dilatatio (57), et fucci nutritii pilorum fpiffitudo inconfueta (110).

Caufæ, quas autores plurimi in neglecta munditie quærunr, potius eædem funr, quæ et alias dilatant canales, nec non humores infpiffant, hic in specie in pilos eorumque fuccum agentes: unde et poft febrem continuam graviorem, aut, quæ ipfi accedit propius, remittentem (151), aliquando contingit.

Mali nihil infert, aſt morbum conſtituit difficulter tollendum. Certe abſciſſio pilorum ſola ad medelam perficiendam nihil confert, quoniam novi accrefcentes piloties, quoties reſecantur, in eadem diſtancia a cute, iterum complicati coeunt: nec, quæ
ab

ab autoribus commendantur varia, una cum munditie exactissima, huc usque experientia comprobavit.

Polonica dicitur plica, quoniam Polonis creditur morbus endemius. Neglectam munditiam non esse causam Plicæ, probat Carol. Detlaus LEMBKE, in *Diss. de Plica Polonica*. Rostoch. 1739. Præf. Georg. Christoph. DETHARDING. habita.

** Vid. præterea Honuphri BONFIGLI *Tractat. de Plica Polonica*. Uratisl. 1712. Guern. ROLFINK. *Diss. de Plica Polonica*. Resp. Christoph. Ernest. Taube. Jen. 1658.

§. 179.

HYDROCEPHALUS, id est, Hydrops in regione cranii obortus, vel exteriora cranii aggreditur, *externus* tunc nuncupatus; atque hic ordinarie infantes, nec raro neonatos vexat: vel interiora obsidet, adeoque *internus* est; humore, sub cranio collecto, hujus ossa in infantibus distendente, cerebrumque ac nervos partim comprimente, partim humiditate nimia affligente, ac, quæ ex his omnibus oriri possunt, consecutaria inducente. Causa in neonatis aliquando, in partu laborioso, major cranii compressio esse creditur. Quoad reliqua singula, cum hydrope (172) convenit: cujus ergo signa, causæ, prognosis, medela, ad caput, quod est morbi sedes, applicanda veniunt.

Quæ

Quæ ulterius de hoc malo essent dicenda, in chirurgicis reperiuntur libris.

§. 180.

VERTIGO est spasmus (139), in cerebro obortus, lenior: quo invadente, vel æger capite erecto sese ipsum continere, ac pedibus instare firmiter nequit, sed quoties corpus recta tenet, pedes primo vacillant, et ad firme standum sunt incapaces; postea æger et brevi, nisi suffulciatur, humi cadit: vel objecta quævis ægro non, quæ revera sunt, firma et stabilia, sed potius circumagi, aut alia ratione moveri, videntur.

E causis spasmi, huc speciatim referenda veniunt, corporis in gyrum prægressa circumactio, aut rerum circumgyrararum aspectus aliquamdiu continuatus: studia immoderata: debilitas senilis: ventriculi imbecillitas, vel ante, vel post prandium se exserens: plethora(96): spasmus partium remotarum, cerebro communicatus.

Obnubilationem visus, tum et auditus, infert: itemque spasmodicas oculorum, nec non partium capitis proximarum, intorsiones. Ut plurimum est malum transitorium: a causa vero permanente producta, chronica fit, tuncque difficulter eradicator: in affectus spasmodicos (139) majores, lipothymiam (181), arthritidem (288), convulsiones (140),

(140), aliquando transiens in junioribus; in senibus vero quandoque in apoplexiam (194) terminata. Medelam, spasmo oppo-
ni solitam, postulat.

* *Cubebæ*, hinc inde contra vertiginem laudatæ, et vulgo usurpatæ, nullam possident vim specificam: nec nisi, roborandi sine, phlegmaticis ad summum conducunt.

** Vid. Werner. ROLFINK. *Diff. de Vertigine. Resp.* Leonhard. Krüger. Jen. 1633. Herm. CONRING. *Diff. de Vertigine. Resp.* Valentin. Henr. Vogler. Helmst. 1650. Georg. Wolfg. WEDEL. *Diff. de Vertigine. Respond.* Christian. Frid. Gerber. Jen. 1682. Christian. VATER. *Diff. de Vertigine. Respond.* Martin. Francisci. Witt. 1698 Anton. CA. SAMAJOR *Quæst. Med. An ΔΥΝΟΣ Apoplexie Prodromus?* Resp. Jacob. Franc. Vandermonde. Aff. Paris. 1734. Joh. Ad. WEDEL. *Diff. de Vertigine. Resp.* Joh. Lerch. Jen. 1741.

§. 181.

LIPOTHYMIA nuncupatur sensuum omnium atque motuum imminutio talis, ut æger, mortui instar, jaceat, non nisi levioribus respirationis atque pulsus indicibus restitantis: Ejusque gradus summus dicitur *Syncope*. Constat e spasmo (139), pectus atque cerebrum infestante: liquidi nervei in organis sensoriiis, trunco artubusque, aliquali defectu (114): nec non humorum in cerebro copia, ordinarie imminuta (89), rarius nimia (88).

(88). Causæ, præ ceteris annotandæ hic sunt: animi commotiones vehementes, præsertim terror: dolor quilibet magnus (138): repentina corporis incallescencia: hypochondriacus (256), aliique spasmodici morbi, quorum spasmus cerebro communicatur: hæmorrhagiæ nimix (170), ipsaque venæsectio, imprimis largior: aliquando gangræna imminens interna (147): interdum halituum peregrinorum copia.

Reptinam, post aliqualem cordis anxietatem, virium et actionum animalium cessationem inducit: pallorem faciei extremum, torporem et flaccescencia corporis, frigus partium extremarum: oculi præterea vel turbidi apparent, vel clauduntur; os vel clauditur, vel indecore hiat; pulsus ac respiratio, in *lipothymia* debiles et minimi, in *syncope* plane sunt imperceptibiles: in priori interdum accedit sudor circa frontem copiosus, frigidus.

Mali, nisi causa adsit metuenda, per se nihil præfagit: levior tamen membrorum imbecillitas aliquam diu remanet.

Medelam proprie requirit nullam: præter vestimentorum relaxationem, decubitus horizontalem, faciei consersionem cum aqua frigida modice faciendam, calorem externum moderatum, et spirituosorum tam illi-
 tionem, quam cautam ad nares admo-
 tionem.

* Membrorum et articulationum *flacciditas*, major vel minor, itemque restans *transpiratio pulmonalis*, impositum *orsum speculum halitibus obtegentem condensatis*, *syncopticos a demortuis*, quibus *membra*, et *imprimis articuli*, brevi sunt *rigida* nec *speciales halitus ex ore* *proveniunt* *distinguit*. Cum vero casus admodum *tragicum syncopticorum*, pro *demortuis habituum*, quin etiam *terræ mandatorum*, in *autoribus legantur*: hinc in *casu dubio*, ad *detegendum*, num *vita restet*, an non, *cautelia actualia membris applicanda* *suadent* *autores*, e quibus *præ ceteris legi meretur* *Jacob. Benign. WINSLOVII Quæst. Medico-Chirurg.* *An mortis incertæ signa minus incerta a chirurgicis, quam ab aliis experimentis?* *Resp. Leandro Peaget. Aff. Paris. 1740.* Interim cum ne hoc quidem experimentum omnino *fidum sit*: *certissimum indicium vasculi alicujus arteriosi sectio* *providam præbet.*

** Vid. Herm. CONRING. *Dissert. de Syncope.* *Resp. Werner. Beust. Helmst. 1652.* Georg. WOLFG. WEDEL. *Diss. de Syncope.* *Resp. Theodul. Kemper. Jen. 1680.* Theodor. KIRCHMAYER. *Diss. de hominibus apparenter mortuis.* *Resp. Christoph. Nortnagel. Witt. 1681.* Georg. Christoph. Petr. ABHARTENFELS *Diss. de Strangulatione a vasis externis.* *Resp. Godofr. Schultze. Erf. 1693.* Georg. DETHARDING. *Dissert. de Mortis cura.* *Resp. Georg. Christoph. Detharding. Rostoch. 1722.*

§. 182.

MEMORIAE DEBILITAS adesse dicitur, quando quis memoriae tantas non possidet vires, quantæ ad subeunda rite officia ipsi sunt necessariae: ex ægri relatione patens: componitur vel e partium cerebri, huc pertinentium, aut atonia (137), aut forte defectu, aut volumine minori iusto, aut figura inconsueta (66. 69. 70), vel canaliculorum quorundam subtilissimorum aut obstructione, aut occlusionone (59. 62), hinc fluidi nervei per illos transitu denegato. Est vel malum connatum: vel prægressos morbos magnos, e. g. paralyfin (195), vulnera capitis præcedentia, debilitatem corporis naturalem, aut senium præsens, habet pro fundamento. Multa in obliviscendo res necessarias incommoda parit: et pro causarum possibili, vel non possibili, remotione sanabilis est, aut non: earundem remotionem requirens.

* *Cubeba*, hic quoque a nonnullis, seu specificum remedium, commendari solitæ, neque eam virtutem possident: neque alia, quam in vertigine est monitum, ratione in usum ducendæ sunt (180, *)

** Vid. Christian. VATER. *Diss. de natura et cura memoriae*. Resp. Gottlieb. Budao. Witt. 1686. Georg. Wolffg. WEDEL. *Diss. de Memoria debilitate*. Resp. Joh. Georg.

Maley. Jen. 1696. Christian. VATER. Diff. de Memoria et capitis lésione gravissima a Colica spasmodica male curata. Resp. Christian. Frid. Hake. Witt. 1722. Georg. Gottlob. RICHTER. Diff. de natura, labe, et præsidis memoriae humanae. Resp. Georg. Ferdin. Wegener. Götting. 1752.

§. 183.

DELIRARE dicitur, quicumque rectæ rationis usu perfectò est orbarus. Varias hic morbus admittit distinctiones. Delirium namque aliud non, nisi somno durante, se prodit: quod, reliquis speciebus generatim mitius, vel transitorium est, saltem periculo omni vacans, *Delirium somnolentum* dictum; vel chronicum et periculosius, sub denominatione *Noctambulationis* comprehensum. Aliud homo vigil edit: estque istud vel acutum, utpote *Delirium vigil* speciatim appellatum, *Phrenitis*, et *Hydrophobia*: vel chronicum, idque aut mitius, uti *Stupiditas* et *Melancholia*, ac hujus ultimæ species *Nostalgia*; aut cum furore conjunctum, quod *Mania* audit. In singulis, præter congestionem humorum (88. 96. 106) ad caput factam; partium cerebri quarundam vel vitiosa adest conformatio, ratione numeri, situs, voluminis, figuræ (66. 67. 69. 70); vel earundem aut tensio atque sensibilitas vitiosa (53. 54. 72. 73); aut canaliculorum angustia, obstru-

ctio

Etio, occlusio (58.59.62); vel fluidi nervei elasticitas aucta (113). Majus vel minus infert periculum, pro gradus et causarum diversitate: atque, secundum hanc varietatem, plus minus, medicamentis congruis sanabile existit.

Vid. Frid. HOFFMANN. *Diss. de mentis morbis ex morbosa sanguinis circulatione ortis.* Resp. Joh. Jac. Stang. Hal. 1700. Christian. TROTZ. *Diss. de Deliriis in genere.* Resp. Joh. Gottlieb Sommerfeld. Jen. 1744. Carol. PAYEN. *Quæst. Med. An mente motis multum sanguinem detrahere conducatur?* Resp. Claud. Franc. Grandclas. Aff. Paris. 1750.

§. 184.

Delirium somnolentum, mitissima delirii (183) species, quod nomen gerit in oppositione cum acuto sive vigili (186), adest, quando æger, cetera sanus, in somno delira loquitur: pro causâ habet plethoram (96), et sanguinis, partim elasticitatem majorem (100), partim ad caput congestionem; aliquando spasmodum, a saburra primis viis inhaerente (237): et malum ulterius non inducit; sed, sublata causâ, cessat.

§. 185.

Noctambulatio est species delirii somno-

lenti (184) chronica atque intermittens, in qua æger de nocte surgit e lecto, et varia negotia, quasi de die, peragit, cum tamen in ipso actu sit somno sepultus, aut rectius, in statu, inter somnum et vigilias intermedio, versetur, adeoque, quæ agit, quasi in insomnio exequitur. Noctambuli, qui et *Lunatici* dicuntur, alii, e lecto surgentes, consueta inter diu officia perficiunt, intra domum, in cubiculo, in culina, aliisque locis vicinis; alii extra domum exspatiantur, altissima interdum loca, subinde cum vitæ periculo, ascendentes, de quibus tamen ordinarie promptissima agilitate, et inconsueta vigiliis securitate, revertuntur. Singuli expergefiunt, quam primum vel fortiter, proprio imprimis nomine, appellitantur; vel quando frigus externum, post aliquod tempus negotiis consumptum, sentiunt; vel, quando contra durum quoddam corpus impingunt.

Morbus inflammationem serosam (145), adeoque crassiores quasdam particulas, canaliculos cerebri obstruentes, pro basi habere videtur: cui plethora (96), ac interdum saburra primarum viarum (237), accedit; aut perturbata phantasia dat occasionem; quemque consuetudo tandem sustinet. **Ma-**
lum alias non gignit consequentias. Sed post
paucum temporis decursum ægroti revertuntur
tur

tur dormientes, et reliquum noctis consueto more expleant somno, rerum, quas perpetrarunt, aut plane ignari, aut earundem haud aliter, ac si in insomnio ipsis contigerint, memores: exceptis læsionibus, quas interea temporis accidentaliter forte incurrunt. Imo et haud raro, successu temporis, sponte potissimum, evanescere morbum, observationes clinicæ testantur.

Medela potissimum causas respicit. Auxiliatricem tamen manum addunt, partim castigatio opportuna, quacum surgentes noctambuli, ad corrigendam phantasiam, statim sunt excipiendi: partim vas quoddam, aqua frigida plenum, ipsis insciis, ante lectum collocandum, ut surgendo, in frigidam incidentes, evigilent perterrefacti: imprimis, si hæc repetantur.

§. 186.

Delirium acutum, quod etiam *vigil* nominatur, ubi æger, cum febre continua (150), aut durante febris intermittens (149) æstu, et delira loquitur, et omnium actionum rationalium immemor, sui que ipsius oblitus, cepta sua non cognoscit ipse: aut inflammationem sanguineam cerebri huiusque meningum (187), aut certe spasmus (139) in cerebro graviolem; ac, in utroque casu,

sanguinis copiam majorem (96), hinc, præter reliqua, abundantiam fluidi nervei (113), habet pro basi; et aliquando ab inflammatione visceris cujusdam graviori, aut ab imminente gangræna interna (147), itemque a partium vicinarum dolore fortiori (197); ac tandem, in febribus intermittentibus, acutis, durante frigoris accessu, spasmodica constrictione (149) generatur. In continuis febribus mali est ominis, et plerumque lethale, imprimis si fuerit constans, nec post aliquod tempus remittat. Si vero æger, quasdam horas, aut diem unum vel alterum, delirans, in somnum incidat proportionarium, tunc sponte abit. Medela, si quæ superest, inflammationem spectat, atque spasmus, aut congestionem.

Vid. Guern. ROLFINK. *Diff. de Agrypnia sive Pervigilio*. Resp. Joh. Rikemann. Jen. 1669. Georg. Wolfg. WEDEL. *Diff. de Pervigilio*. Respond. Paul. Gottfried. Sperling. Jen. 1680. Mich. Ernest. ETTMÜLLER. *Diff. de Vigilis involuntariis*. Resp. Laurent. Ebersbach. Lips. 1705.

§. 187.

Phrenitis denotat inflammationem (143), cerebri meninges ipsumque cerebrum obidentem, cum febre inflammatoria (153). In eadem venæ capitis, propter congestionem san-

sanguineam (96), turgent: tempora quasi saliant, a pulsu arteriarum aucto: dolores capitis acuti, perdurantes, infestant: oculi rigent, scintillantque, cum torvo et truculento aspectu, ob eandem congestionem: acuta vexant deliria (186), cum vigiliis continuis; aut, harum loco, somnus adest inquietus, anxiis insomniis perturbatus. Quasvis inflammationis mutationes pati potest; vehementior tamen ut plurimum morte finitur. Reliqua omnia, prouti in qualibet inflammatione, eique adjuncta febris, sunt.

Vid. Bernh. OLDERMANN. *Diff. de Phrenitide*. Resp. Joh. Eberhard. Rostoch. 1607. Henr. MEIBOM. *Diff. de Phrenitide*. Respond. Simon. Hetling. Helmst. 1621. Joh. Theod. SCHENCK. *Diff. de Phrenitide*. Resp. Joh. Jerem. Ruttörffer. Jen. 1666. Ludov. Henr. Leo. HILCHEN. *Diff. de Phrenitide*. Resp. Carol. Gottlob. Navio. Gieß. 1742. Herm. Paul. JUCH. *Diff. de cognoscenda et curanda Phrenitide*. Resp. Joh. Christoph. Ortmann. Erford. 1742. Joh. Anton. SCHÜRF. *Diff. de Phrenitide*. Altdorff. 1746.

§. 188.

Hydrophobia sive *rabies canina*, delirii acuti genus, in quo æger, a cane aliove animali rabido morsus, maxima licet siti cruciatus, liquida omnia perseveranter, et ad mortem usque, averfatur; constat ex inflam-

matione cerebri sanguinea sive phrenitide (187); ac humorum spissitudine (90), orta a contagio per animal rabiosum communicato (136). Causa est specifica venenata qualitas, in saliva, uti creditur, canis præsertim ac lupi, imo et aliorum animalium, ipsorumque hominum, aut rabidorum, aut summe iratorum latens, ac per vulnus factum in humores ægri transiens.

Contagium istud animum, post vulnus inflictum, abjectum timidumque inducit, et febrem inflammatoriam specialem gravissimam, *hydrophobicam* a contagio juncto nominandam (159); vel statim sese declarantem, vel post aliquod tempus accedentem: speciatim vero maximam ab omni potulentorum genere aversionem, non obstante ardentissima siti, quæ aversio plerumque nono die post declaratam febrem accedit. Nisi debita vulneris tractatione præcaveatur, aut statim sub initium tollatur, itemque, si nimium extendatur vulnus, mortem indubitatam affert, cum omnia hucusque cognita remedia malo sint inferiora viribus.

* Contagium quandoque complures menses, quin etiam annos, in corpore delitescere, et tum demum hydrophobiam accedere, autores nonnulli perhibent: vid. e. g. GALEN. In 1. Proverbetic. Hipp. Comment. II.

§. 17. *xgrum* a cane rabido morsum, et peracto anno demum hydrophobia correptum adducens: quod tamen vero non videtur simile. Quidam etiam, *absque contagio*, morbum sponte sua aggredi posse, exemplis paucissimis evincere allaborant.

** Multi autores, antiqui pariter ac recentiores, *immersionem* morfi in aquam, tam præservative, quam curative, adhibent. Alii *hepar*, *cor*, *cerebrum* ejusdem animalis lædentis; aut, pro usu externo, ipsius pilos; alii *scarabæos majales* melle conditos, *nucem vomicam*, *amygdala amara*, &c. laudant: quæ tamen lingua exspectationi minime satisfaciunt.

*** Quæ *vulneri* debentur, ejusque debita, ad præcavendam hydrophobiam, tractatio, in chirurgicis prostant libris.

**** Vid. Paul. Marqu. SLEGEL. Diff. de Hydrophobia seu Rabie contagiosa. Resp. Joh. August. Winddorffer. Jen. 1640. Jacob. TAPPII Diff. de Hydrophobia. Resp. Henr. Meibom. Helmst. 1659. Joh. Ernest. SCHAPER. Diff. Resp. Joh. Godofr. Germann. Rostoch. 1705. habit. Quæst. I. Quid de pilorum canis rabidi impositione vulneri, per ejus morsum inducto, facta tenendum? Nicol. LE TELLIER. Quæstio Med. An rabies ab acido? Resp. Guido. Andr. Garnier. Aff. Paris 1738. Johann. Henric. SCHULZ. Diff. de Morsu canis rabidi et Hydrophobia. Resp. Joh. Caspar. Schurzmann. Hal. 1744.

§. 189.

Stupiditas, delirii chronici mitioris genus, quando scilicet homo rectæ rationis, præsertim iudicii, gradu debito destituitur: constat e partium cerebri, huc pertinentium, vel nimia humiditate et laxitate (50.54), forte et obstructione (59); vel structura alio modo vitata; atque e fluidi nervei, aut elasticitate minori, aut defectu (113.114). Vel malum constituit connatum; vel morbos spasmodicos (139) diuturniores et vehementiores, aliosque magnos morbos, e. g. epilepsiam (141), apoplexiam (194), præcedentes, aut vulnera capitis sequitur; vel debilitatem corporis generalem, propter senium, &c. habet pro basi. Hominem ad obeunda officia publica, et quemlibet iudicii acutioris actum, reddit incapacem: ac chronicum constituit malum, nullis facile remediis cedens, nisi forte causa talis sit, quæ superari potest.

§. 190.

Melancholia, ad deliria chronica mitiora pertinens, adest, quando quis rectæ rationis usum eousque perdidit, ut sine omni fundamento, vel nimis tristis sit, vel nimis hilaris, variasque sibi fingit ideas perversas, ad alterutram ex hisce conditionibus sese referentes. Diversos agnoscens gradus: nec facile
uno

uno impetu, sed ordinarie sensim nascens: componitur e portionum quarundam cerebri, quæ huc in specie pertinent, nimia tensione et siccitate (49.53); forte et obstructione (59), aut structura alio adhuc modo vitiosa (65.70); cum liquidi nervei speciali elasticitate, aut constitutione morbosa alia (113.114).

Causæ sunt, temperamentum melancholicum; morbi spasmodici, imprimis hypochondriacus (256), itemque apoplexia (194), prægressi: partium cerebri, huc spectantium, vulnera perpeffa: meditationes immoderatae: animi pathemata profundiora, præsertim moeror diuturnus: amor vehemens, et simul denegatus: philtia assumpta: aliquando morsus a certis animalibus, e. g. a Tarantulis.

Tristes melancholici, animi anxietates experiuntur maximas; fastidium omnium rerum jucundarum, earum etiam, quas olim amarunt, quarumlibet; faciei vel pallorem, vel ruborem, cum æstu volatico; oculos haud raro retractos, fixatosque; lachrymas sine fundamento profusas, nec raras; respirationem profundam, laboriosam, suspiriis mixtam; palpitationes cordis copiosas; alvum ordinarie adstrictam; lassitudinem, et virium defectum; horrores frequentes; somnum par-
cum,

cum, insomniis anxiiis, aut pavoribus maximis interruptum: præterea molestiarum patientissimi sunt, insidias metuunt continuo, et solitudinem amant: imo et, in gradu majori, cum alimentorum parcissimo appetitu, maxima consternatio somnum interrumpit, spectra apparent, vitæ tædium jungitur.

Hilares melancholici, qui et *insani* appellantur, non nisi jucundas habent ideas, quarum continuis agitantur speculationibus: reges se fingunt, principes, divites, &c. curarum omnium sunt abstemii: gesticulationibus ac corporis commotionibus variis, saltationibus, cantationibus, et quæ sunt similia, potius, quam tristitia, morbum patefacientes.

Amborum quidam aliquando circa unicam tantummodo ideam hærent, sive tristem sive lætam, de reliquis omnibus rite judicantes rebus.

Connata medelam vix admittit ullam: reliquæ quoque species sanatu sunt difficillimæ: et, ira accedente, in maniam (192) facile transit. Quæ a tarantularum morfu originem duxit, speciali modo sanatur musica, prouti auctores perhibent. Medicamenta postulat aperientia, humectantia, attenuantia (12.14.): et, pro circumstantiarum ratione, interposita refrigerantia (13).

* *Venaesectio* melancholicis administrata invitis, eosdem in maniam præcipitat.

•• Vid.

** Vid. Anton. VARI Diff. de Melancholia. Resp. Mich. Schön. Jen. 1604. Herm. CONRING. Diff. de Melancholia. Resp. Nic. du Mont. Helmst. 1659. Georg. Wolfg. WED. Diff. de Chorea S. Viti. Resp. Gottlieb Profio. Jen. 1682. Ej. Diff. de Melancholia. Resp. Joh. Georg. Nense. Jen. 1685. Sim. Paul. HILSCHER. Diff. de Melancholia. Resp. Joh. Bernh. Müller. Jen. 1727. Eliæ COL DE VILLARS Quæst. Med. An melancholicis musica? Resp. Guido, Andr. Garnier. Aff. Paris. 1737. Herm. Frid. TEICHMEYER. Diff. de Melancholia attonita, raro litteratorum affectu. Resp. Joh. Jacob. Müller. Jen. 1741. Mich. ALBERTI. Diff. de Melancholia vera et simulata. Resp. Godofr. Lebrecht. Græbner. Hal. 1743. Ludov. Renat. DESBOIS, Quæst. Med. An Diluentia in morbis melancholicis, purgationi præferenda? Resp. Petr. August. Ader. Aff. Paris. 1747. Mich. Joseph. MAJAUULT. Quæst. Med. An Melancholici leniter purgandi? Resp. Ludov. Alexandr. Gervaise. Aff. Paris. 1749. Raymund. DE LA RIVIERE. Quæst. Med. An in morbis melancholicis purgatio per inferiora? Resp. Joh. Mac - Mahon. Aff. Paris. 1750. &c.

§. 191.

Nostalgia, melancholiæ (190) species, quæ Helvetis habetur endemia, iis nimirum, qui extra patriam degunt, est immodica ad patrios lares revertendi cupido, nulla ratione domanda: ut ejusmodi ægrotis desiderium suum implendi facultas subministretur, requir

quirit, quia alias, ex hac causa, periculosissimos incurrunt morbos; sui autem voti compotes facti, mox sponte sanescunt. Nisi forte causa quædam moralis, e. g. vitæ generis in peregrino solo ducendi tædium, aliave ejusdem rationis, simul adsit, eaque remota, morbus etiam ipse abeat.

Vid. Jacob. HARDER. *Diff. de Nostalgia*.
Resp. Joh. Hofer. Basil. 1678.

§. 192.

Mania sive *furor*, delirii chronici species vehementior, adest, quando homo non modo rationis usu penitus destituitur, nec sanas cogitationes, aut actiones rationales, edit; sed et furibundum se gerit; sibi aliisque violentas injicere manus, nisi vi detineatur, tentans: componitur a quarundam cerebri partium tensione nimia (53), canaliculorum forte obstructione, atque hinc pendente inflammatione lymphatica (144), et liquidi nervei elasticitate nimia (113), una cum congestione humorum (88) ad caput. Causæ sunt: animi commotiones vehementes et diurnæ, ira, terror, &c. amor vehementissimus isque denegatus, accedente temperamento cholericò: immoderatæ et profundæ speculationes: philtrea: capitis vulnera, inflammationes cerebri, melancholia (190), prægressa.

Aspe:

Aspectum reddit audacem, faciemque ut plurimum pallidam cum oculis sanguine suffusis: actiones, perpetuæ quidem, sed rationi ac verecundiæ omni contrariæ sunt, in incessu, amictu, esu &c. nulla ab intensissimo frigore perceptio adest, certe damnum nullum, etiamsi nudo corpore incedant maniaci; neque a verberibus aut vulneribus tanta, quanta in aliis hominibus, affectio: voracitas e contrario immodica, somnus paucissimus: iracundia promptissima, quavis occasione levissima data, et sese aliosque lædendi, imo et necandi, desiderium observatur, cum robore extraordinario,

In malo recenti, subitoque exorto, refrigerantia juvant medicamenta (13), cum diæta tenuissima et paucissima. Chronica facta mania vix medelam admittit: interim, si quæ tentanda, eadem est, ac in melancholia.

* Ea præsertim mania species, quæ amorem denegatum sequitur, *Erotomania* audit. Cumque melancholia atque mania multum inter se conveniant: in priori morbo correptis aliquando effectus nonnulli observantur, mania adscripti; et huic morbo laborantibus interdum quid accidit, quod melancholicis proprium habetur.

** Vid. Godoⁿ. MOEBII *Diff. de Mania seu Insania*. Resp. Joh. Casp. Beutzelio. Jen. 1648. Guern, ROLFINK. *Diff. de Mania*
U
nia

nia. Resp. Joh. Wilh. Faust. Jen. 1666. Joh. Arnold. FRIDERICI Diff. de Mania ex Phil-
tro. Resp. Georg. Tobia Wallich. Jen. 1670.
Georg. Wolfg. WEDEL. Diff. de Mania.
Resp. Henr. Godofr. Sommer. Jen. 1693.
Ludov. Frid. JACOBI Diff. de Mania. Resp.
Frid. Winter. Erford. 1710. Henr. Godofr.
PFEIFFER. Diff. de Mania. Lugd. 1742.
Augustin. Henr. FASCH. Dissert. de Amore in-
sano. Resp. Augustin. Severo Bäckhaufs. Jen.
1686. Georg. DETHARDING. Dissert. de
Erotomania. Resp. Joh. Christoph. Heintz. Ro-
stoch. 1719. Joh. Just. DE BERGER. Diff.
de Puerperarum Mania et Melancholia. Gœtt.
1745. Carol. Frid. KALTSCHMIED. Diff.
sistens Casum de Virgine Nymphomania laboran-
te. Resp. Carol. August. Heisterbergk. Jenæ
1748.

§. 193.

AFFECTUS SOPOROSUS dictur sopor profundissimus, in quem æger contra naturam incurrit, et cum difficultate ex-
pergesfactus, mox relabitur: constans e con-
gestionem humorum (88) ad cerebrum, eam-
que sequente canalium dilatatione (57), at-
que hinc facta fibrarum cerebri compressione
(58), et denegato exinde fluidi nervei in
corpus influxu (114).

Causa est: feri
in cerebro impedita circulatio, propter spas-
mum, aliudque impedimentum, in loco dis-
situs præsens; propter debilitatem, a tempe-
ramento phlegmatico, a senio, ab anodino-

rum

rum (11) abusu: sanguinis post factam capiti violentiam sub cranio extravasatio, aut tumor quilibet, cerebrum premens: plethoræ (96): gangræna, visceri cuidam imminens (147).

Primo perpetua ad somnum inclinatio contra naturam, et hanc ipsam in senibus aliquando præcedens gravedo (202), infestat: post aliquod tempus vero, plus minus cito, ipse sopor profundissimus, e quo æger non nisi ægerrime expergescit, sequitur.

Hoc malum morte terminatur facile: aut in senibus, aliisque summe debilitatis, in apoplexiam (194) abit. Interna medicamenta cum in ipso sopore locum non habeant, ægroto quippe deglutiendi facultate destituto: hinc externa irritantia, moderate adhibenda, restant sola.

* Autores varias affectus soporosi formant species. *Lethargus* ipsis est affectus ejusmodi, sine alio quodam morbo, solus contingens. *Coma* est, quando malum febribus acutis supervenit: atque hoc ultimum subdividunt in *Coma vigil*, quando æger somnum, non obstante maxima in illum propensione, capeßere nequit, sed oculis potius apertis delirat; et *Coma somnolentum*. Interim alii dicta nomina aliter explicant. Quidam addunt *Carum*, seu speciem tertiam.

** In affectu soporoso morbus intra solam subsistit humorum ad cerebrum congestionem, in qua scilicet fluida in vasis adhuc continentur, adeoque et intra vasorum horum dilatationem: in apoplexia autem (194) vera adest liquorum extravasatio, et vasorum disruptio.

*** Vid. Werner. ROLFINK, Dissert. de Lethargo. Resp. Joh. Lischeno. Jen. 1629. Joh. Theod. SCHENCK, Diss. de Caro. Resp. Georg. Adam. Dummer. Jen. 1665. Jacob. TAPPII Diss. de Comate et Caro. Resp. Ernest. Barnstorff. Helmst. 1668. Georg. Wolfg. WEDEL, Diss. de Somno præternaturali. Resp. Conr. Georg. Hartmann. Jen. 1686. Gunth. Christ. SCHELHAMMER, Diss. de Lethargo. Resp. Mich. Schramm. Jen. 1692. Claud. Carol. DE JEAN. Quæst. Med. An affectibus soporosis Emeticum? Resp. Carol. Payen. Aff. Paris. 1735. Joh. Godofr. BRENDL, Diss. de Lethargo. Resp. Bened. Henr. Löhr. Götting. 1752.

§. 194.

APOPLEXIA est subitanea atque ex improvise contingens sensuum ac motus abolitio, cum sopore profundissimo, senibus ordinarie, aut virilem ætatem nactis, superveniens: e congestionem humorum (88) ad cerebrum, vasorum, quorundam rupturam (60), fibrarum nervearum compressionem (84), et hinc pendente fluidi nervei defectu in partibus (114), composita.

Causa igitur est

est humorum intra cerebrum extravasatio: (193, **): cui occasionem dant, plethora præsens generalis; spasmus (139) fortior; refrigeratio subitanea; spirituosorum abusus; capitis contusiones graviores; affectus soporosis, itemque vertigo, præcedentes (180. 193).

Post aliqualem ordinarie prægressum vertiginis (180), caput obnubilantis, sensum; imo et aliquando torporem simul, ac corporis gravitatem: subitaneum ægri, in accessu morbi recta forte stantis, in terram prolapsum inducit, ubi immotus jacet: cum facie turgida, sanguineo colore tincta, genisque rubentibus; idque potissimum in sanguineis atque plethoricis; oculis quandoque apertis, ac intortis, et pupilla dilatata: ut plurimum stertore pectoris, et respiratione magna laboriosa; pulsu pleno, ac nonnunquam vehementi, saltem sub initium: atque cum profundissimo sopore, ex quo æger nulla arte expergefieri potest, quique vel statim cum morbo adest, vel post parvum intervallum sequitur.

Vehementior apoplexia intra paucas horas mortem accersit. Mitior facillime paralyfin aut hemiplexiam (195); interdum stupiditatis (189), aut melancholiæ (190), levio rem gradum relinquit.

Medela proprie nulla datur: quoniam extravasati humores, si resorbeantur, sponte

retrocedunt. Interim ad opus illud, quantum possibile, facilitandum in ægrotis ejusmodi, venæsectio larga, enemata, vesicatoria, et frictiones partium inferiorum, adhibentur.

* Autores rem ægroti tum potissimum conclamata esse volunt, quando in Apoplecticis e Vena secta *sanguis* propter spissitudinem *non fluit*. Interim experientia clinica toties, sanguinem optime prodire, et ægrotum nihilominus mori, testatur.

** Nonnulli apoplecticorum naribus *spirituosa* admovent, quæ tamen usum habere nullum possunt. Alii *purgantia* et *vomitiva* porrigunt: quæ partim restantem adhuc deglutiendi facultatem supponunt, partim itidem non juvant; quin imo vomitoria in specie, propter congestionem humorum ad caput, horumque motum majorem, inde provenientes, potius nocent. Quidam *actuale cauterium* commendant, quod, regionibus remotioribus admotum, eandem, quam supra dicta, derivandi virtutem, eamque maximam, exercet, præterea vero extravasatis in cerebro fluidis nil detrahit (195, ***).

*** Vid. Joach. STOCKMANN. *Diff. de Apoplexia*. Resp. Joh. Albert. Huswedel. Rostoch. 1641. Joh. BACHMEISTER. *Diff. de Apoplexia*. Resp. Frid. Tieffenbach Rost. 1671. Joh. JUNKER. *Diff. de prognosi Hipp. quod Febbris solvat Apoplexiam*. Resp. Daniel. Christian. Langhammer. Hal. 1734. Joh. Gothofr. BERGER. *Diff. de Apoplexia*. Resp. Joh. Frid. Schlei-

Schleifer et Carol. *Schulz*. Witt. 1717. Christian Ludov. WUCHERER. *Diss. de Apoplexia*. Resp. Joh. Conrad. *Siegfried*. Jen. 1718. Brandan. MEIBOM. *Diss. de Apoplexia, ejusque generosioribus remediis*. Resp. Joh. Jac. *Peier*. Helmst. 1723. Simon. Paul. HILSCHER. *Diss. de Apoplexia*. Resp. Henr. Andr. *Scholvin*. Jen. 1739. Guil. Carol. SCHREITER. *Diss. de Apoplexia*. Marburg. 1748. Laur. HEISTER. *de Apoplexia, magis chirurgicis quam aliis medicamentis curanda*. Resp. Georg. Conrad. *Thon*. Helmst. 1752.

§. 195.

PARALYSIS est sensus ac motus in parte quadam corporis impotentia. Vel corporis latus alterutrum, sive dextrum, sive sinistrum, totum occupat, sub nomine *Hemiplexiæ* seu *Hemiplegiæ* comprehensa. Vel partem quandam specialem solam afficit, e.g. palpebram, oris latus alterutrum, linguam, brachium, manum, pedem, aut viscus aliquod: atque tunc nomen generale manet, adjecto partis nomine; e. g. *Paralysis palpebræ, oris, linguæ, &c.*

Componitur nervi cujusdam, vel cerebri vel medullæ spinalis, aut plurium, angustia nimia; rarius illius destructione (84): et hinc pendente liquidi nervei in parte, ad quam nervus pertinet, defectu (114).

Causam præ ceteris constituunt, vasa sanguifera, prope initium nervi sita, dilatata propter plethoram

vel generalem vel specialem: (96), refrigerationes subitaneæ majores; animi corporisque commotiones vehementes; spirituosorum potulentorum abusus; scabies repulsa (167); apoplexia nonnunquam (194), aut colica (253), præcedentes. Destructio in specie, consueta occasione, contingit.

Motus voluntarii impossibilitatem infert in parte affecta: pars morboſa primo propter humorum circulum lentioſem, inflata deprehenditur, poſtea vero ſenſim flacceſcit. Senſus ac dolor in principio nullus adest: ſucceſſu tamen temporis dolores ſat graves et vagi eandem partem male habent, tandem iterum evaneſcentes. Uſus partis, ob perditum motum voluntarium, et tonum maxime debilitatam, moleſtiſſimus eſt: hinc impotentia palpebram ſuperiorem elevatam continendi, in *hujus* paralyſi; diductio oris ad alterum latus, in paralyſi *musculorum labiorum* unius lateris; aphonia, in paralyſi *laryngis*; impedita loquela et deglutitio, in paralyſi *linguæ*; impedimentum ambulandi, in paralyſi *pedis*; urinam retinendi, in paralyſi *veſicæ*; impotentia alvum exonerandi, in paralyſi *intestinarum*: atque omnia hæc proportionate adveniunt in Hemiplexia, quæ præterea ſubito ordinarie aggreditur, pariter ac de Apoplexia (194) dictum.

Sanatu est difficilis, rariusque integre tollitur, præcipue in senibus. Debellata facile recrudescit, leviori occasione data. In senibus aliquando apoplexiam lethalem infert. Hemiplexia in specie, memoriæ (182), ac ingenii lapsum (189), producit facile. Et medicamenta attenuantia requirit fortiora (14).

* Paralysis intestinorum post colicam prægressam remanens, speciatim autoribus dicitur *Paresis*.

** Compressionem supradictam *nervi initio* supervenire in Paralyfi, torpor artuum probare videtur, qui nervi circa ejus medium contingentem compressionem sequi solet. Idque ibidem si accadat, fieri in cerebri aut medullæ spinalis dimidio seu latere eo, quod lateri seu parti morbosæ est oppositum, principia nervorum docent: quamvis simul concedendum sit, nervorum canales adhuc comprimi posse in loco a prima origine jam quadantenus remoto, talique, qui ægroto lateri respondet.

*** Propter sensus defectum, tam in hoc morbo, quam in apoplecticis (194), pars ægotans *irritantia* quælibet externa (177, *), e quibus nonnullis in usu sunt vesicantia, fortissimæ frictiones, scarificationes, cucurbitulæ, urtica urente cæiones, &c. permittit quidem: ast ipsa eorundem efficaciam, vel plane non, vel certa non, quemadmodum alias, percipit. Neque omnia hæc effectum, qualem autores polli-

centur, in sanando morbo possunt exferere, cum mali causa non in parte, cui irritantia admoventur, sed longe alibi, resideat.

**** Vid. Christoph. SCHELHAMMER. *Diff. de Paralyfi.* Resp. Georg. Albert. Buchborst. Jen. 1649. Joh. Theodor. SCHENCK. *Diff. de Paralyfi.* Resp. Frid. Kaltschmied. Jen. 1668. Georg. Wolfg. WEDEL. *Diff. de Paralyfi.* Resp. Samuel. Grafs. Jen. 1677. Brand. MEIBOM. *Diff. agram Paralyfi laborantem exhibens.* Resp. Ernest. Friedllieben. Helmst. 1720. Laur. HEISTER. *Diff. sistens Rationem Paralyfis Anatomicam.* Resp. Anton. Frid. Danckwerts. Helmst. 1735. Christoph. Martin. BURCHARD. *Diff. de affectibus Paralyticis, eorumque ab aliis impotentiarum generibus differentia.* Resp. Christoph. Woldemar. Lohmann. Rost. 1736. Carol. DIONIS *Quæst. Med. An Paralyfi affectis sudores promovendi?* Resp. Leandr. Peaget. Neg. Paris. 1739. Georg. Christoph. DETHARDING. *Diff. de Paralyfi et Hemiplexia, subiuncta Quæstione: Utrum Venæsectio in parte sana, vel affecta instituenda?* Resp. Joh. Carol. Brun. Rostoch. 1739. Christian. VATER. *Diff. de Hemiplegia.* Respond. Balth. Meno. Hannekenio. Witt. 1700.

§. 196

Gutta serena, five *Amaurosis*, dicitur coecitas, a paralyfi (195) nervi optici originem trahens: aliquando unum oculum occupans solum, aliquando ambos. Oculus in eadem totus apparet sanus, nec ullum in hoc vitium aspectus detegit: præterquam quod

quod iridis motus sub initium morbi sit debilius justo, tandemque penitus evanescat.

Causæ eædem sunt, ac in paralyfi quavis: ipsaque aliquando cataracta.

Nonnunquam repente advenit: in aliis lente appropinquat; atque hi vel simplicem visus diminutionem, sensim augescentem; vel varias circa visus facultatem mutationes inconsuetas, ante adventum guttæ serenæ, experiuntur, figuras aut opacas, ante oculos volitantes, in aëre, parietibus albis, papyro alba, aliisque corporibus lucidis visibiles; aut solito lucidiores et splendidiores, diversimode figuratas, et varia rationes mobiles; singulas revera non existentes, et visum ægroti accuratiorem impediētes, ac nonnunquam doloribus capitis diuturnis stipatas. Incipiens et incompleta interdum, sed rarius, sanatur. Completa vero, et diutius durans, medelam admittit nullam: quæ de cetero eadem est, ac in paralyfi.

Reliqua, quæ huc pertinent, variæque aliæ *coecitatis* species atque causæ, in chirurgicis autoribus explicata prostant.

§. 197.

OTALGIA est dolor auris internæ, cum inflammatione sanguinea et febre proportionata conjunctus, acutus, pulsans, ardens.

dens. Componitur ergo e dolore (138), inflammatione sanguinea (143), atque febre continua (150). Oritur potissimum e congestionem humorum (88), ad aurem internam contingente: aliquando a febre quadam (148) prægressa; raro a rebus in auditorium meatum illapsis. Interdum ad partes capitis reliquas diffunditur: atque adeo quandoque fit vehemens, ut ad delirium usque (186) augeatur: præterea quaslibet inflammationis consequentias post se trahere potest. Medela quoque haud alia est, quam in inflammatione, generatim spectata: interim externa simul media, inflammationi apta (143, **), hic etiam locum subinde inveniunt.

Vid. Carol. Frid. KALTSCHMID, *Diff. de Otalgia*. Resp. Joh. Christoph. Frid. Spillbiller. Jen. 1749.

§. 198.

Fluxus aurium denotat effluxum feri, plus minus purulenti, e meatu auditorio. Supponit itaque suppurationem in aure factam, eamque vel in meatu dicto, vel magis adhuc interius evenientem: cujus iterum causæ, prognosi, atque medelæ, quarum respectu cum omnibus reliquis suppurationum generibus plane coincidit, nil addendum est, præter id unicum, quod pus, in

in interna aure generatum, nisi per ductum Eustachianum defluat ad os, sicque ulcus purificetur, tandem vel tympani membranam, vel ossicula auditus vicina, aliasque osseas partes corrumpat, atque sic surditati (200) viam sternat.

Vid. Joh. Henr. SCHULZ. *Diss. de Auribus manantibus et ulceratis*. Resp. Joh. Frid. Jebens. Hal. 1743.

§. 199.

Tinnitus et susurrus aurium adest, quando æger continuam murmurationem, et perceptionem quasi campanæ sonantis, in aure sentit. Componitur e tensione membranæ tympani nimia (53), et elasticitate nervulorum acusticorum justo majori (63): necnon, quam pro basi habet, congestione humorum tenuiorum ad aurem, eorumque ibidem in subtilissimis canaliculis stagnatione, sive ex inflammatione lymphatica atque serosa, (144. 145), in aure facta. Sequitur ordinarie subitanæ, post præcedentem incalescentiam, refrigerationem: aliquando autem oritur ab insecto, in meatum auditorium irrepente, et motu suo dictam perceptionem producente: omnibusque illis accedere morbis potest, in quibus congestio ad caput fit. *Auditus exactitudinem lædit; et causarum remotionem postulat.*

* Removendi insectum, nisi hoc sponte prodeat, vias varias chirurgia docet.

** Vid. Joh. Jac. IANTKII *Diff. de Tinnitu aurium, ejusque speciebus*. Resp. Georg. Christoph. Baunzgärtner. Altorf, 1746.

§. 200.

SURDITAS, quando scilicet auditus sensus, vel in gradu minori, vel majori, est deperditus: pro fundamento agnoscit, vel meatus auditorii repletionem, sive a cerumine indurato, sive a tumore eundem implente, sive propter ejus plenariam coalescentiam; vel membranæ tympani aut laxitatem nimiam (54), aut rupturam (56); vel denique in partibus reliquis ad aurem internam spectantibus, præsentem morbum; imprimis ossiculorum auditus jacturam, aut nervi auditorii paralyfin (195), aliquando fluxum aurium diuturnum (198) præcedentem; aut congestionem solam (88): et, pro harum omnium diversitate, sanabilis existit vel minus; pro medela earundem remotionem postulans. Interdum post superatam febrem continuam (150) graviolem relinquitur: et tunc ordinarie sponte abit successu temporis, nisi prædictarum causarum aliqua simul jungatur. Aliquando conatum constituit malum, quod et aphoniā (211) habet consequentem, et medelam ordinarie nullam admittit.

Vid.

Vid. Frid. HOFFMANN, *Diff. de Auditu difficili*. Resp. Martin. Naboth. Hal. 1703.
 Mich. ALBERTI *Diff. de Causis vitiorum auditus*. Respond. Christian. Fridemann. Pistorio. Hal. 1752.

§. 201

HÆMORRHAGIA NARIUM, quæ est sanguinis e naribus effluxus, plus minus copiosus, infantibus atque in juvenili ætate constitutis potissimum, rarius virilem nactis ætatem, superveniens; præcedentibus subinde capitis doloribus (177): et a congestione sanguinis versus caput ut plurimum trahens ortum: tam signa, quam causas, prognosin, ac medelam hæmorrhagiarum in genere (170) admittit; refrigerantia quoque externa, aquam scilicet frigidam, fronti applicandam, et in nares attrahendam, aliaque ejusmodi repellentia, atque revulsionem humorum (177, *) optime perfert. Quæ vero læsionem graviolem, e quacunque causa productam, adeoque vasis sanguiferi notabilioris ruptionem prægressam agnoscit, chirurgicam postulat opem specialem.

* *Varia medelarum* in autoribus hinc inde inveniuntur, contra hæmorrhagiam narium, genera: e quibus tamen infida quælibet dicenda, quæ contra causam non sunt directa, nec in artis regulis fundata.

** Vid.

** Vid. Joh. Theodor. SCHENCK. *Diff. de Hæmorrhagia narium*. Resp. Adam. Hahn. Jen. 1668. Valentin. Henr. VÖGLER. *Diff. de Hæmorrhagia narium*, Resp. Joach. Theodor. Willerding. Helmst. 1673. Joh. Nicol. PECHLIN. *Diff. de Hæmorrhagia narium*. Resp. Georg. Brasch. Kil. 1680. Joh. Frid. PROBST. *specimen de Hæmorrhagiis narium in senibus*. Hal. 1752,

§. 202.

CORYZA atque GRAVEDO denotant morbum catarrhalem, sive inflammationem sanguineam lenissimam, in membrana pituitaria exsurgentem, et cum febre proportionata conjunctam (143. 152). Catarrhus iste, una cum congestione humorum (88) ad nares, combinatum habet humoris serosi e naribus, in quantitate interdum sat magna, effluxum aut destillationem, prouti fit in *Coryza*: vel ejusmodi effluxus feri deficit, et, ejus loco, dolor capitis gravativus, in nare superiori quoque manifestus, cernitur; id quod *Gravedinis* est proprium.

Causam ordinarie constituunt, refrigeratio subita post incalescentiam, et aër humidus frigidusque; unde et autumnali ac hyemali potissimum tempore hi morbi adveniunt.

Præter consuetos inflammationis atque congestionis effectus, frequentes producit sternutationes: febrem infert catarrhalem stri-

strictius dictam (152, **), et præprimis in morbi aggreſſione moleſtam: dolor quoque capitis obruſus gravativus, cum deficiente odoratu (203), natiſque exterioris ac faciei partium proximarum intumeſcentia aliquali, nec non reſpirationis impedimento quodam, ſeri eſſluxum præcedit: ſerum, e naribus deſluens, vicinum ſuperius labium quandoque rodit: præterea inflammatio ordinarie ad fauces vicinas, aſperamque arteriam, plus minus brevi excurrit: in ultima ſpeciatiſſim (213) producens. Nonnunquam et rauco (212) aliqualis jungitur.

Plus moleſtiæ, quam periculi, ambæ inferunt: ordinarie brevi abeuntes, intra paucos dies. In nonnullis tamen fiunt habituales. leviſſima tunc occaſione data redeuntes. Gravedo in ſpecie in coryzam regulariter terminatur: aliquando vero et affectum ſoporoſum (193) in ſenibus præcedit. Regimen poſtulant diaphoreticum, cum reliqua febris continuæ mitioris medela.

Vid. Guern. ROLFINK. *Diſſ. de Catarrho*. Reſp. Jacob. Mochinger. Jen. 1651. Joh. Jacob. DÖBEL. *Hippocratis et Helmontii ſuper Catarrhorum generatione Conciliatio*. Reſp. Joh. Prætorio. Roſt. 1673. Joh. Erneſt. SCHAPER. *Diſſ. ſiſtens Medicinæ curioſæ ſpecimen*. Reſp. Joh. Georg. Barnſtorff. Roſt. 1711. Quæſt. I.

§. 203.

ODORATUS DEFICIENS, quando scilicet homo hoc sensu vel penitus destituitur, vel eundem adeo accuratum, uti decet, non habet: aut connatum est malum, insimulque immedicabile: aut laxitatem nimiam membranæ pituitariæ, aut coryzam (202); aut in nervis, huc spectantibus, vitium supponit: aliquando pulverum sternutatoriorum abusum sequitur: et causarum remotionem postulat.

Vid. Christian. Steph. SCHEFFEL. *Diff. sistens Olfactum deficientem*. Resp. Carol. Eman. Charisio. Gryph. 1747.

§. 204.

ODONTALGIA, five dolor dentium, partiumque proxime sitarum: vel vitium in dente ipso hærens pro fundamento habet; in unico itaque hoc dente, qui læsus apparet, sedem figit, et *veræ* nomen mereatur. Vel, *spuria* dicenda, plures simul dentes occupat, sedem potius habens in gingivis, quam in ipsis dentibus, qui plane illæsi conspiciuntur: et consistit in inflammatione sanguinea (143), leniori ut plurimum, cum febre continua (150) proportionata, in gingivis oborta, ac exinde in ceteras, os cingentes, partes externas excurrente, imo et
ad

ulterius ad caput ascendente, ut plurimum tamen non nisi alterutrum faciei et capitis latus vexante. Causa in hoc morbo eadem est, ac in reliquis inflammationibus, congestio nimirum sanguinis (96) ad partes dictas: propter tempestatem humidam, subitanam refrigerationem, / incalescentiam prægressam; propter animi commotionem vehementiorem; spasmum (139), in partibus disitis obortum; inflammationem partium vicinarum, e. g. nasi, &c. */ post*

Cum inflammatio ordinarie lenior adsit, hinc ut plurimum discussione terminatur: alias inflammationis quaslibet consequentias habere potest. Medela, cum regimine diaphoretico, atque moderatis discutientibus externe admovendis, eadem est, quam dolor (138), inflammatio, febris continua, generatim postulant.

* Odontalgia vera explicatio in chirurgicis quaerenda est autoribus.

** Vid. Simon. Paul. HILSCHER. *Diff. de Odontalgia.* Resp. Cornel. Schütte. Jen.

1748.

§. 205.

DENTITIO. DIFFICILIS, infantibus praesertim noxia, dicitur, quando dentium eruptioni mala alia, eaque haud

X 2

rare

raro periculosa, junguntur. Causa est, vel gingivæ durities et crassities inconsueta, quæ opem chirurgicam postulat. Vel dentium, simul erumpentium, major copia adest: vel sensibilitas corporis nimia (72) In his ultimis casibus dolor, a dentium eruptione oriundus, intensior, spasmo, convulsionibus, epilepsiæ (139-141), ansam dat: consecraria quoque, his morbis solita, post se trahit: nec aliis, quam consuetis, remediis sanatur.

Vid. Jacob. Franc. VANDERMONDE. *Quæst. Med. An infantum a dentitione, convulsionibus, vel soporibus, repetitus catharticonum usus?* Resp. Jacob. Franc. *le Chat de la fourdiere. Aff. Paris. 1741.* Casimir. Christoph. SCHMIEDEL, *Diff. de Dentitione, præsertim infantum, difficili.* Resp. Christoph. Jacob. Apin. Erlang. 1751.

§. 206.

APHTHÆ ulcuscula aut vesiculas denotant, labiorum superficiem internam, gingivas, linguam, quin etiam os totum internum, obsidentes: quæ infantibus lactentibus, in ætatis hebdomadibus primis superveniunt; rarius adultos vexant, atque tunc oris interni partem posteriorem et gulam potius, quam os anterius, obsident: cum inflammatione dictarum partium et febre continua proportionata conjunctæ.

In

In infantibus, ubi speciatim *Aphtharum* nomen habent, succionem impediunt, pro majori aut minori copia plus minus diu subsistunt; sæpius per octiduum crescunt a primo initio ad punctum summum; et deinde, cuticula, in vesiculas antea elavata, instar albidæ membranæ secedente ac simul decedente, per alterum octiduum decrescunt: nec, nisi febris gravior accedat, lethales fiunt; alias quaslibet inflammationis (143) et supurationis (146) consecutaria post se trahere possunt: ac contagiosi quid alere videntur, quoniam papillas mammarum nutricis, nisi istæ post quamlibet infantis ad sugendum admotionem probe abluantur, facillime sese communicant; et tunc, propter continuum infantis lactentis cum nutricis mamma commercium, difficillime extirpantur; quin potius sæpius recrudescent. In *adultis*, sæpissime cum inflammatione visceris cujusdam graviori combinatæ sunt, et ideo haud raro lethalem portendunt eventum.

Medela eadem est, ac in inflammationibus quibuslibet. Acria (11) etiam, mundificandi fine, applicari possunt: lenissima tamen et adjuncta inflammatio admittit sola, et in malo sanabili ordinarie sufficiunt.

§. 207.

FOETOR ORIS, semper morbum
X 3

bum quendam in ore latentem arguit: speciatim vel salivæ vitium quoddam (119); vel ulcera putrida, scorbutica (169) aut alia; vel dentis cariosi præsentiam: incommodum fat magnum in commercio cum aliis hominibus parit; et non nisi causarum remotione sanatur; palliative interim suaveolentia, e. g. terra catechu cum moscho, aliaque aromata et aromatica (11), in ore detinenda, quoque conveniunt.

Pro parte huc pertinet Georg. Wolfg. WEDEL, *Diff. de Foetore præternaturali*, Resp. Rudolph. Genaspe. Jen, 1696.

§. 208.

SITIS NIMIA, quæ ægroti confessione patet, nimiam oris interni siccitatem (49) pro fundamento agnoscit, vel propter defectum humorum generalem (89), vel propter liquida, in ore speciatim, a spasmus aut æstu febrili (148), deficientia: motui, nec non loquelæ ac deglutitioni, obest; et humectantia (14), in sufficienti quantitate, ast, quoad vices singulas, moderate calideque assumenda, suadet.

Vid. Joh. Henr. HEUCHER, *Diff. de siti immodica*, Resp. Andr. Strube, Witt. 1709.

§. 209.

GUSTUS DEFICIENS, exinde dignoscendus, quando alimenta, et quæ præterea ore assumuntur, gustus sensum non, uti debent, afficiunt: vel fundamentum habet in salivæ defectu (109), vel in laxitate fibrarum ad linguæ tegumenta componenda pertinentium (54), vel paralyfin ejusdem (195); aliquando febris (148) est confectarium: et causarum remotionem postulat.

§. 210.

ANGINA, quæ est inflammatio faucium, cum febre continua proportionata (142. 150): distinguitur in *notham* sive *spuriam*, quæ mitior est, in externis potissimum, sive gulam regentibus, partibus residet, atque lymphaticam potius format inflammationem (144), quam sanguineam, aut certe ultra hanc ultimam leniorem (143) non ascendit; et *veram*, quæ sanguinea est, vehementior multo, et internas oris partes occupat.

Visui patet, nisi sedes ultimæ retrorsum nimis hæreat, in quo casu ex effectibus hæc dignoscenda venit.

Causæ hujus inflammationis, præter generales, sunt: aëris frigidi, post incallescetiam, in gulam illapsus immediatus et subitus; acria (11), ad fauces delata; vociferationes, cantus, clamores fortiores, diu protracti.

Respirationis nec non deglutitionis, itemque loquelæ, impedimentum, aliquando maximum, pro diverso morbi gradu, inducit. Uti plurimum, licet gravior, et ad quatuordecim dies extensa, discussione terminatur, quod præprimis *notha*, ceu mitior, observat: aliquando tamen, et reliquæ inflammationis consequentiæ accedunt. Præter consuetam inflammationis medelam, si gravior fuerit, largam venæsectionem, et purgantia, revellendi scopo adhibita, postulat: externa quoque anodina et discutientia (59. schol.), nec non quælibet, quæ præterea revellentem virtutem edunt (177,*), admittit. Malo gravissimo, si suffocationis periculum accedat, urgente necessitate, laryngotomia opponitur, de qua in chirurgicis.

* *Distinctio anginae ulterior*, ab autoribus facta, in *Cynanchen*, *Paracynanchen*, *Synanchen*, *Parasynanchen*, superflua est, cum non nisi gradum morbi, sedemque diversam indicet, in reliquis vero nullam mutationem inferat.

** Vid Anton. VARI *Diff. de Angina*. Resp. Joach. *Elfsner*. Jen. 1634. Theodor. SCHENCK. *Diff. de Angina*. Resp. Godofr. Samuel. *Polisio* Jen. 1661. Georg. David. SULTZ. *Diff. de Angina, strangulationem emulante affectu*. Altorf. 1677. Joh. Gothofr. BERGER. *Diff. de Angina*. Resp. Christian. Ludov. *Welsch*. Witt. 1691. Aug. Quir. RIVL

RIVIN. *Diff. de Angina.* vid. Ej. *Diff. Med.*
Diff. XIII. Georg. DETHARDING. *Diff. de*
Cynanche. Resp. Christoph. Ernest. STEIN-
 BACH. Rost. 1723. Simon. Paul. HILSCHER.
Diff. de Angina. Resp. Christian. Henr. Zeide-
 ler. Jen. 1743. &c.

*** Emeticum quidem in hoc morbo,
 quin etiam in ejus gradu summo, laudat
 Touffan. Gilbert. BOULLAND *Quæst. Med.*
An Anginæ Gangrænosæ Emeticum? Resp. An-
 ton. Garnier. *Aff. Paris.* 1750. Facile tamen
 apparet, vomitus medicamento productos
 nec convenire Anginæ, nec Gangrænam
 præcavere, aut aut illi jam præsentī me-
 delam afferre posse.

§. 211.

APHONIA five *impotentia loquendi*,
 quacum æger aut plane mutus deprehendi-
 tur, aut non, quemadmodum alii homines,
 loquelæ usu libero ac plenario gaudet: vel
 est consequens surditatis connatæ (200):
 vel vitium quoddam in lingua, larynge, re-
 liquisque loquelæ inservientibus partibus sup-
 ponit, potissimum paralyfin musculorum di-
 ctas partes moventium (195): vel spasmus
 (139) earundem partium fortiolem, ex aliis
 morbis ortum nonnunquam; vel anginam
 (210); vel affectus soporosos (193); vel la-
 ryngis, a re illapsa, angustiam aliqualem; ac
 præterea post Tracheotomiam, quamdiu
 æri nova via patet in asperam arteriam, ob-

servatur. Et harum causarum remotionem exposcit: pro hujus scopi obtinendi possibilitate sanabilis, aut secus.

Vid. Rud. Wilh. CRAUSII. *Diff. de Aponia*. Resp. Christian. Bilhoch. Jen. 1702. Georg. Wolffg. WEDEL. *Diff. de Voce, ejusque affectibus*. Resp. Günth. Christoph. Schellhammer. Jen. 1677.

§. 212.

RAUCEDO designat vocem claram et sonoram proferendi impotentiam, propter siccitatem in aspera arteria contranaturalem, ab inflammatione serosa (145), ibidem præsentem, ortam: in qua intus in ore, quousque visus pertingit, morborum nihil observatur, nec dolor sensibilis urget.

Causa obstructionis arteriarum fecernentium, est vel spasmus (139), præsertim ab aëris frigidi, post incalescentiam prægressam, in gulam introitu subitaneo: vel partium vicinarum inflammatio sanguinea (143), unde et gravedini (202) et ruffi (213) subinde admiscetur: vel humorum spissitudo (90), nonnunquam ab admixto contagio venereo, aut scorbutico generata (168-169): aliquando etiam jungitur asthmatis (214).

Loquelam non nisi voce demissa, et magna cum molestia edi patitur morbus, imo adeo

adeo' suppressam interdum, ut eadem nihil significet, adeoque æger vix, nec sine speciali attentione, intelligatur.

Ut plurimum brevi discutitur: interdum tamen diutius, et ad annos, durat. Chronica facta, sive propter mali magnitudinem, sive propter medelam adhibitam incongruam, partibus affectis plenariam tandem atoniam (137) inducit.

Aliquando in sanguineam mutatur inflammationem, vicina quoque loca aggredientem, atque sic tussim aliosque pectoris morbos post se trahentem.

Medicamenta postulat attenuantia fortiora (14), potissimum in forma decocti calide haurienda.

Vid. Georg. Wolfg. WEDEL. Diff. de Raucedine. Resp. Georg. Frid. Kinner. Jen. 1683. Aug. Quir. RIVIN. Diff. de Raucedine. vid. Ej. Diff. Med. Diff. XIV.

S. 213.

TUSSIS est violenta thoracis concussio, veniens ab irritatione, quam inflammatio, in Aspera arteria residens, producit. Distinguitur in *humidam*, quæ secum habet excretionem materiæ, vel tenuioris serosæ, vel mucidæ spumosæ, aliquando purulentæ quodammodo: *siccam*, in qua ejusmodi excretio deficit: *ferinam*, ubi tussis quæcunque

que, in gradu maximo præsens, continua molestat, nec inducias concedit fere ullas: *vomitariam*, quæ intermissiones habet satis diuturnas, aliquot horas interdum durantes; quæ vero postea redit vehementior, et, propter concussionem atque irritationem ventriculi, vomitus sæpissime inducit: ac denique *convulsivam*, infantibus familiarem, eamque, propter vehementiam, convulsionibus stipatam. Componitur ex inflammatione (143) partium prædictarum, et simul liquoris bronchialis, vel tenuioris vel crassioris, abundantia (108) aut defectu (109): atque interdum vomitu (235), aut convulsionibus (140).

Inflammatiō, tussis fundamentum, non totam simul asperam arteriam occupat, sed mox laryngem, et tracheæ portionem superiorem, præ ceteris infestat, ibidem continua titillatione, irritatione et dolore se prodens, quod ordinarie contingit in tussi *sicca*: mox inferiorem cum bronchiis; atque tunc molestia potius pectoris et bronchiorum oppletio sentitur ab ægroto; ac in utroque loco, aliquando glandulas speciatim, aliquando puncta glandulis vacua, secundum scilicet materiæ excreatæ variam consistentiam, in tussi *humida*.

Causa inflammationis præsertim est præcedens spasmus (139) gravior, ab aëre frigido

do, in tracheam, post incalescentiam, immediate per os apertum et subito irruens: aliquando partium vicinarum, pleuræ, pulmonis, diaphragmatis, ventriculi, hepatis, inflammatio (219. 220. 228. 239. 242), asperæ arteriæ tandem communicata. Interdum et irritatio supradicta, sine inflammatione præsentē, oritur a guttula quadam potulenti, inter bibendum forte in laryngis cavitatem illapsa; ab acribus, a fumo tabaci; vaporibus, pulvere, omnique alia re simili, tracheæ molesta: in quo tamen casu malum ordinarie est transitorium solummodo.

Quælibet tussis verno tempore accedens, mitior est autumnali. Sicca tussis rite tractata, brevi ordinarie in humidam transit. Humida quoque ut plurimum brevi solvitur, interim et aliquando diu satis durare potest. Chronica facta, sive sicca, sive humida, itemque vehementior quævis, asthmatis (214) dat occasionem: eademque, propter adjunctam continuam et fortio rem pectoris commotionem, pulmonum tandem inflammationem, ejusque ultimato suppurationem, sive phthisin (155) producit. Singulis quoque raucedo (212) nonnunquam jungitur: et vehementior quælibet, sanguinem aliquando e naribus faucibusque præurit: quin etiam, præter pectus, caput quoque et abdomen doloribus, a violenta ista concussione, quam secum ducit

ducit, ortis, infestat; aut dolores ibidem forte præsentēs auget: adhæc congestionibus humorum ad caput, indeque faciei intumescētiā, plus minus diu durāntem, aliaque confectaria gignit.

Mediate interim tussis, dum solidas æque ac fluidas partes ad maiorem incitat motum, si vehementior non fuerit, quandam corpori utilitatem asserere potest: tunc quippe excretionēs promovens; et canales mediocriter obstructas, aucto hoc sanguinis, insimul autem vires corporis non excedente, motu referans.

Medicamenta, exceptis, quæ morbis admixtis, vomitui imprimis, et convulsioni debentur, inflammationi contraria postulat, et inter attenuantia, ea, quæ pectoralia sive bechica dicuntur speciatim; aliquando incrasstantia bechica (15): una cum regimine diaphoretico, potulentorum non nisi calidorum assumptione; et colli imprimis ac pedum specialibus, consuetisque supperaddendis, tegumentis fotu.

* Vomitoria tussis eadem est, quam auctores *tussim stomachalem* nominant. Ultima interim denominatio deceptricem hanc ideam facile parit, ac si tussis, quæ est pectoris morbus, in ventriculo; adeoque in abdomine, nonnunquam residere queat.

** Vid.

** Vid. Guern. ROLFINCK, *Diff. de Tussi*, Resp. Georg. Wolfg. WEDEL, Jen. 1663. Rudolph. Wilh. KRAUSS, *Diff. de Tussi*, Resp. Marc. Herford, Jen. 1678. Georg. Wolfg. WEDEL, *Diff. de Tussi*, Resp. Joh. Andr. Cramer, Jen. 1688. Paul. Godofr. SPERLING, *Diff. de Tussi*, Resp. Joh. Christoph. Neide, Witt. 1708. Mich. ALBERTI, *Diff. de Tussi infantum epidemica*, Resp. Anton. Guil. PLAZ, Hal. 1728. Nicol. ROSEN, *Diff. de Tussi*, Resp. Eberhard. Rosen, Pars. I. Upsal. 1739. Ej. Pars. II. 1741.

*** De morbis Thoracis variis simul agunt Georg. Ern. STAHL, *Diff. de affectibus pectoris*, Resp. Frid. Gesner, Hal. 1710. Henr. Frid. DELIL, *Diff. de Consensu pectoris cum infimo ventre*, Hal. 1743.

§. 214.

ASTHMA dicitur respiratio maxime impedita, propter oppletionem asperæ arteriæ ejusque ramorum a mucō, ibidem plus minus abundante. Distinguitur in Asthma propriè dictum: atque hoc iterum in *humidum*, quod majorem mucī secretionem habet junctam; *siccum*, ubi tanta mucī copia non secernitur; et in *catarrhum suffocativum*, qui est asthmatis humidi gradus maximus: nec non in improprium sive latius dictum, aut *convulsivum*, vel *spasmodicum*, in quo spasmus, aut convulsio, pectoris respirationem impedit. Componitur ergo e majori vel minori inflammatione (142); eaque ut plurimum lymphatica atque

que serosa (144. 145): mucī trachealis abundantia (108): et aliquando e spasmō (139) partium thoracis, aut convulsione musculorum pectoris (140). Causam constituunt, mala thoracis conformatio, humorum ad pectus congestio (88): mucī ac serī abundantia generalis (104. 106), propter temperamentum phlegmaticum, aërem humidum, transpirationem suppressam: refrigerationes diuturnæ aut subitaneæ: scabies (167) repulsa, aliaque ulcera chronica, e. g. achores in infantibus, nec non arthritis (288) retrogressa, prouti scilicet autores perhibent.

Siccum asthma respirationem inducit laboriosam, plus minus brevem, celeremque: et sibilum in pectore atque sonum acutum in respirando: estque in illo canalium a muco obsessio major, quam ejusdem actualis secretio. *Humidum*, vehementiori comitatur sibilu, et sono in pectore, quasi ebullientis spumæ, una cum rauedine (212), aut ad minimum asperitate vocis: itemque excreatione mucī cujusdam per leniorem tussim, ast sine levamine.

Generatim est malum pertinax et chronicum, quod phthysi (155) viam facile sternit.

Medicamenta requirit attenuantia (14), expectorantia (15) calide haurienda: et præterea, quæcunque affluxum humorum ad pectus avertunt, cum regimine diaphoretico accuratori.

* Asthmatis variæ in autoribus prostant divisiones. Ac potissimum tres morbi admittuntur gradus: lenior, *Dyspnoea*, dictus; mediocris, *Asthma* speciatim appellatus; et summus, in quo ager non nisi erecta cervice spiritum ducit; hunc *Orthopnoeam* nominant.

** Vid. Mich. GRISCOV. *Diss. de Dyspnoea*. Basil. 1606. Jacob. TAPPII. *Diss. de Asthmate*. Resp. Hieron. Eberhardt. Helmst. 1649. Aug. Quir. RIVIN. *Diss. de Asthmate*. Resp. Steph. Caspar. Pertsch. Lips. 1684. Georg. Wolfg. WEDEI. *Diss. de Asthmatis mechanica*. Resp. Job. Tobia. Schmid. Jen. 1700. Joh. Gothofr. BERGER. *Diss. de Difficultate respirandi*. Resp. Nathanael. Heer. Witt. 1700. Georg. Frid. FRANCIDE FRANKENAU. *Diss. de Asthmate*. Resp. Daniel. Wagner. Hafn. 1706. Herm. Frid. TEICHMEYER. *Diss. de Asthmate sanguineo*. Resp. Henr. Berlage. Jen. 1710. Christian. VATER. *Diss. de agris Asthmaticis rite judicandis et curandis*. Resp. Johann. Frid. Nicolai. Witt. 1724. Mich. ALBERTI. *Diss. de Spirandi difficultate*. Resp. Mich. Somm. Hal. 1726. Abrah. VATER. *Diss. qua Casus singularis Asthmatis a depressione sterni, ex febre purpurata, cum Orthopnoea affligente reportati, sola thoracis artificiali constrictione curati, exponitur*. Respond. Joh. Otto. Arnoldt. Witt. 1730. Mich. Joseph. MAJAUULT. *Quæst. Med. An Asthmari Thermarum potus?* Resp. Carol. Lud. Linger. Aff. Paris. 1741. Christian. SENDEL. *Diss. de Respiratione difficili*. Erford. 1743. Laur. HEISTER. *Diss. de Asthmate scirrho-*
X
so.

so, hætenus fere neglecto. Resp. Christoph. Henr. Duncker. Helmst. 1749. &c.

§. 215.

Catarrhus suffocativus, qui est asthmatis humidi (214) gradus maximus: maximam inducit pectoris, a mucos continuo affluente, oppletionem; virium prostrationem summam, atque corporis inquietudinem ingentem; rejectionem muci, striis sanguineis nonnunquam mixti; tussim interdum parvisimam, imo et aliquando nullam. Aut brevi remediis appropriatis discutitur: aut, intra quatuor viginti horas ut plurimum, fit lethalis: et, superatus, facile sive statum valetudinarium, sive phthisin (155) relinquit. Medela eadem est, ac in asthmate humido.

Vid. Georg. Wolfg. WEDEL. *Diff. de Catarrho suffocativo. Resp. Georg. Frid. Aepplio. 1681. Joh. Gothofr. BRENDL. Diff. de Catarrho suffocativo. Resp. Joh. Christian. Conr. Ludolph. König. Gött. 1746.*

§. 216.

Asthma convulsivum, sive *spasmodicum*, anxiam denotat sive laboriosam respirationem propter spasmodicam (139) pectoris constrictionem, in partibus musculosis ad convulsiones (140) usque ascendentem; in qua
tamen

tamen nulla adest tussis, nec sibilus, nec sonus ebullientis quasi in aspera arteria spumæ, quemadmodum in asthma proprie dicto (214); neque tandem in costis, aliisque thoracis partibus, vitium ullum. Causam constituunt præsertim: plethora (96), post sanguinis evacuationes neglectas aut hæmorrhagias emanantes (171); vita laboriosa in otiosam mutata, saburra primarum viarum (237); morbus hypochondriacus (256), alique spasmodici; arthritis repulsa (288).

Compressionem summam in thorace et circa scapulas producit; respirationem brevem; cordis palpitationem (224); faciei colorem inæqualiter rubicundum, cum vasis, præsertim circa tempora, turgentibus: et prouti affectus spasmodicus quilibet, per pavorismos affligit. Præterea facile fit habituale, atque tunc et sæpius revertitur, et aliis pectoris valetudinibus variis ansam subministrat. Medicamenta requirit spasmò contraria, cum regimine diaphoretico moderato, calidorum ad pedes applicatione, reliquisque, quæ humores a pectore revellunt.

Vid. Frid. HOFFMANN, *Diff. de Asthmate convulsivo cum hydropè pectoris*. Resp. Joh. Georg. Lanckisch. Hal. 1707.

§. 217.

INCUBUS est spasmodica pectoris constrictio (139), durante somno infestans vel propter plethoram (96), vel propter saburram in primis viis hærentem (237), accedente situ, durante somno, tali, ut corpus resupinum, non lateraliter, jaceat. Aegro dormienti sensum ponderosæ alicujus molis, pectori incumbentis, imprimit; respirationem præterea facit anxiam, et adeo impeditam, ut neque movere corpus possit æger, neque quod tentat, clamore edito, auxilium implorare; et, quando hæc omnia contingunt, status quidam adest inter dormiendum et vigilandum intermedius. Malum constituit transitorium, periculo ulteriori vacuum, et quamprimum in conamine suo evigilat æger evanescens; contumax tamen aliquando, sæpiusque recurrens: causarum remotione, ac præservandi fine, decubitu in latus alterutrum sanandum.

Vid. Christoph. SCHELHAMMER, *Diss. de Incubo*. Resp. Joh. Henr. Hasselt. Jen. 1646. Guern. ROLFINK, *Diss. de Ephialte*. Resp. Georg. Christoph. Petri. Jen. 1658. Georg. Wolfg. WEDEL, *Diss. ægrum Incubo laborantem sistens*. Resp. Georg. Frid. Aepelinio. Jen. 1678. Herm. Frid. TEICHMEYER, *Diss. de Incubo*. Resp. Daniel. Textoris. Jen. 1740.

§. 218.

FEBRIS LACTEA, puerperis, in primis post partum diebus, propria, est febris continua mitior, cum inflammatione leniori, et intumescencia mammarum conjuncta: constat igitur, ex harum inflammatione leniori (143), ductuum lactiferorum dilatatione (57), et febre continua proportionata (150). Causa est congestio sanguinis ad mammas post partum, cui situs et vasorum sanguiferorum et ductuum lactiferorum liberior favet.

Dolorem (138) infert, pro diversa ægrotarum sensibilitate speciali, vel majorem vel minorem, et aliquando insignem. In lactentibus vix unum alterumve diem durat, quoniam in his ductus lactiferi repleti suctione continuo evacuantur; atque sic ab iisdem compressa, ideoque angustata, vasa sanguifera, pro necessaria inflammationis discussione, liberantur brevi; in ductibus etiam distensio haud multo post in consuetudinem abit innocuam. In non lactentibus vero, non modo diutius perseverat, ac majorem inducit dolorem, mammis interdum sub axillis usque tumentibus: sed et quaslibet inflammationis effectus, in primis suppurationem, post se trahere potest.

Medela non alia est, quam in reliquis febribus continuis. Extensio vero mammarum præservative harum compressionem lenem per imposita splenia, ac fascias idoneas, suadet: curative autem remedia, pro diverso doloris gradu, reliquisque circumstantiis, vel relaxantia (11), vel attenuantia (14), externe imponenda; aut, si hæc non sufficiant, lactis per vices, vel ope balnei vaporosi; vel vitrorum, ad id aptorum, fuctoriorum; vel suctionis, modicæ ac, si opus, reiteratæ, educationem poscit. Consequentibus quoque extensionis ulterioribus, si quæ succedant, media debita, e chirurgicis autoribus petenda, opponantur.

Vid. Phil. Adolph. BÖHMER. *Diff. de Febre lactea puerperarum* Resp. Henr. Ludov. Woltersdorff. Hal. 1742. Nec non Joh. Georg. A BERGEN *Diff. de febribus puerperarum*. Resp. Frid. Wilh. Prætoric, Francof. ad, V. 1733.

§. 219.

PLEURITIS, PERIPNEUMONIA, denotat inflammationem vel in pleura, vel in pulmone alterutrius lateris contingentem, sanguineam, in suppurationem ordinarie abeuntem, cum febre continua graviore (153). Causa, præter consuetas inflammationum causas, potissimum est, aër fri-

frigidior, post præcedentem incalescentiam, subito in tracheam illapsus.

Dolorem producit in laterali thoracis regione, punctorium, continuo affligentem, et, in Pleuritide, acutissimum: nec non respirationem, propter hunc dolorem, brevis-
simam, abdominalem potius, quam pecto-
ralem: tussim (213) primo siccam, mox ve-
ro in humidam mutatam: sputum, primo cru-
entum sanguinis floridi, cum muco commix-
ti, quod die morbi tertio, vel quarto utplu-
rimum, mutatur sensim, cum doloris pun-
ctorii remissione aliquali, in purulentum,
quod ipsum, post diem morbi septimum or-
dinarie, cessat pedetentim: reliquos etiam
febris continuæ gravioris effectus secum du-
cit. Atque sic, inflammatione consueto mo-
re in suppurationem versa, et pure per tussim
rejectione, post septimum ciriter, aut undeci-
mum, diem morbus terminatur, utpluri-
mum cum largo sudore, reliquias febris di-
scutiente.

Speciatim autem inflamma-
tio pleuræ hujus cum pulmone coalescentiam
(86) relinquere potest. Et sputi jam puru-
lenti in sanguineum denuo mutatio, cum
effectibus prioribus recrudescentibus, mali
utplurimum est ominis.

Medela ex inflammationis, et febris con-
tinuæ, ac tussis, consueta tractione est compo-

ta: præterea expectorantia, nec non discutientia (59. schol.), atque anodina externa, dolenti loco calide potissimum superhabenda conveniunt.

* Effectus probant, quod in Pleuritide inflammatio non modo pleuram occupet, idque primario, sed etiam pulmonem et asperæ arteriæ ramos: e pulmone namque cruoris floridi proventus, et e bronchiis puris exspuitio potissimum derivari possunt.

** Vid. Herm. CONRING. *Diss. de Peripneumonia*, Resp. Joh. Albert. Papke. Helmst. 1676. Georg. Wolfg. WEDEL. *Diss. de Peripneumonia*. Resp. Andr. Beckmann. Jen. 1687. Otto. Philip. SCHOTT. *Diss. de Pleuritide*. Altorff. 1724. Mart. Gotthelf. LÖSCHER. *Diss. de Mechanismo Venæ Azygæ, Pleuritidis causa*. Resp. Franc. Frid. Tittmann. Witt. 1724. Just Godofr. GÜNZ. *Diss. de Derivatione puri ex pectore in bronchia*. Resp. Joh. Henr. Schmid. Lips. 1738. Guil. DE MAGNY. *Quæst. Med. An sperma ceti, Narcoticis sociatum, remedium in Pleuritide præstantissimum?* Resp. Lud. Renat. Marteau. Aff. Paris. 1744. Christian. Steph. SCHEFFEL. *Diss. de Sanguinis missione in Pleuritide*. Resp. Joh. Caspar. Schenring. Gryph. 1747. Carol. Frid. KALTSCHMIED. *Diss. sistens Pleuritidem veram*. Resp. August. Henr. Ludov. Teichmeyer. Jen. 1752. Dan. Wilh. TRILLER. *Diss. de Pleuritide æstiva, rarius occurrente*. Resp. Frid. Henr. Krieger. Witt. 1752, &c.

*** Emeticum quidem a nonnullis in Pleuritide, et Cortex peruvianus in morbis pulmonum, in genere laudatur, vid. e. g. Joh. Ludov. BAUDE DE LA CLOY. Quæst. Med. *An in inflammationibus pulmonum, etiam cum sputo cruento, aliquando Emeticum?* Resp. Petr. Bercher. Aff. Paris. 1741. Thom. Renat. GASNIER. Quæst. Med. *An incipienti Pleuritidi aliquando Emeticum?* Resp. Petr. Chevalier. Aff. Paris. 1743. et Lud. Claud. BOURDELIN. Quæst. Med. *An Pulmonum etiam in morbis suis sit Kinæ - Kinæ locus?* Resp. Petr. Isaac. Poissonnier. Aff. Paris. 1744. Ast remedia ista non quadrant, nisi quando dictis morbis alii se jungunt, remediorum laudatorum usum speciatim postulantes, morbi.

§. 220.

VOMICA PULMONIS denotat apostema sive abscessum, post prægressam inflammationem, in pulmone exortum: cujus vel interiora occupat, vel, speciali membrana inclusum, externæ superficiei adhæret; idque vel in uno, vel in ambobus cavitatis thoracis lateribus; aliquando etiam scirrhis in pulmone concretionibus (175) jungitur. Causæ ejusdem aliæ haud sunt, quam quæ et alibi inflammationem atque suppurationem producant. Difficultatem respirandi aliqualem infert, tussim siccam (213), et febrem hecticam, seu, quod idem est, *phthisin pulmonalem* (155). Rupra vomica, si extrus ad-

Y 5

hæ.

hæreat, pus in cavitatem thoracis effunditur, ibidemque *empyema* producit. Medela eadem, quæ in omnibus suppurationibus internis, hic quoque valer.

* *Empyematis* ulterior descriptio atque medela, cum ad chirurgiam pertineant, ibidem quærantur.

** Vid. Christian. VATER. Diff. de Pulmonum Vomica. Resp. Joh. Christoph. Minner. Witt. 1700.

§. 221.

PLEURITIS SPURIA dicitur dolor lateris punctorius, mitior, sine febre, saltem sine manifesta febre, contingens: in qua conveniunt dolor, spasmus, et congestio ad pectoris latus (138. 139. 88): una cum, his omnibus facile sese jungente, primarum viarum saburra (237): quæque pro causa agnoscit levissimam inflammationem sanguineam (143) in partibus thoracis lateralibus, iis potissimum, quæ cavitatem thoracis immediate ambiunt. Dolor iste adeo acutus, ac in pleuritide vera (219), minime est: nec continuus, sed potius intermittens, aut saltem remittens; respirationem quoque, licet propter dolorem proportionate impeditam, multo tamen liberiores secum habet: maxima vero differentia observatur inter febres

bres, his morbis junctas, quæ in vera pleuritide est vehemens admodum; in spuria autem adeo mitis, ut aliquando nulla appareat. Morbus quoque post paucos dies cessat ordinarie, nec periculum ulterius infert: præter laxans remedium, leniorem diaphoresin, et mitiora contra spasmum medicamenta, vixque plura, postulans.

Vid. Carol. Frid. KALTSCHMIED, *Diff. de Pleuritide vera atque spuria*. Resp. Jacob. Frid. de Neufville Jen. 1751. Nec non Joh. Henr. SCHULZ, *Diff. de Doloze lateris idiopathico et sympathico*. Resp. Georg. Thomas. Hal. 1737. Joh. Gothofr. BRENDL, *Diff. de Valetudine ex hypochondriis*. Resp. Joh. Ludov. Süstermann. Gött. 1752.

§. 222.

HYDROPS PECTORIS hydropis interni (172) est species, in quo serum e canaliculis, in pleura dispersis, minimis extravasatum, pectoris cavitatem, alterutram ordinarie, implet. Hanc ultimam, quia ossibus ea circumdatur, non, ut reliqui hydro pes proprie dicti, extendit; neque aquarum fluctuationem palmæ, extus applicatæ, finit percipere humor collectus: sed potius diaphragmati incumbens, gravitate sua, tam manifestat sese, quam respirationem impedit. Reliqua omnia cum hydropibus internis in genere habet communia.

Quæ

* Quæ, præter adducta, spectant ad morbum propositum, ea in chirurgicis docentur.

** Vid. Joh. Henr. SCHULZ. *Diff. de Hydrope pectoris saccato.* Resp. Anton. Senger. Hal. 1742.

§. 223.

HÆMOPTYSIS, five *sanguinis sputum*, hæmorrhagiæ (170) species, in qua sanguis, e pulmone prodiens, per os expuitur rubicundus et floridus, in majori aut minori quantitate, et levissimo cum negotio; licet interdum lenior tussicula jungatur. Causæ, huc præ ceteris referendæ, sunt, usus fortior instrumentorum musicorum, quæ ore inflantur; vociferationes, cantus, conciones, diuturnæ et vehementes: aliquando sanguinis fluxus naturalis defectus. Sæpius recurrens, pulmonis læsionem majorem inducit, et phthysi pulmonali (155) viam parit. Reliqua omnia, ut in hæmorrhagiis.

* Sanguis aliquando, cum vel sine tussi (213) admixta, per os ejicitur nigricans coagulatus, qui e vena quadam gulæ provenit aperta, aut e nare defluit ad oris portionem posteriorem; morbumque constituit, cum hæmoptysi non confundendum.

** Vid. Herm. CONRING. *Diff. de Hæmoptysi.* Resp. Martin. Homeyer. Helmst. 1675.

1675. Joh. Philipp. EYSEL. *Diff. sistens Aegrum Hemoptyseos malignæ.* Resp. Joh. Ehrenfried. Vogler. Erford. 1700. Christian. Vater. *Diff. de Hemoptysi.* Resp. Joh. Ignatio. Godofr. Ulrich. Witt. 1702. Georg. DETHARDING. *Diff. de Hemoptysi ex infausa consolidatione ulcerum pedum.* Resp. Ludolph, Schæffer. Rost. 1725. Herm. Frid. TEICHMEYER. *Diff. de Hemoptysi.* Resp. Joh. Jac. Henr. Kobelt. Jen. 1727. Abrah. VATER. *Diff. de Hemoptysi.* Resp. Christian. Frid. Michaelis. Witt. 1732. Joh. Gerard. Wagner. *Tract. de Hemoptoes, imprimis vero habitualis seu phthificæ, expeditiori quadam, efficaciorique curatione.* Lips. 1742. Christian. Steph. SCHEFFEL. *Diff. de Hemoptysi.* Resp. Joach. Georg. Odebrecht. Gryph. 1747. Joh. Gottlob. KRÜGER. *Diff. de Hemoptysi Hereditaria.* Resp. Joh. Henr. Schrader. Helmst. 1752.

§. 224.

PALPITATIO CORDIS denotat motum musculi hujus convulsivum, qui, sine causa manifesta, subito velocior multum et vehementior fit: adeo ut, præter ægroti confessionem, motus ille reciprocus, ultra modum auctus, manu, regioni cordis imposita, percipi queat. Causam constituunt plethora; spasmus primarum viarum, aliique morbi spasmodici, spasmo eousque excurrente, e. g. asthma convulsivum (216), morbus hypochondriacus (256); motus sanguinis subito auctus, ab animi et corporis commo-

motionibus fortioribus; aliquando polypus cordis (225), et hydrops pericardii (226); aut alia quævis irritatio major, cordi communicata. Anxietates præcordiorum parit, et respirationem difficilem: motum corporis localem, morbo durante, interdicit: atque per paroxysmos invadit. Tristitiorum constituit malum, plus minus diu affligens, et citius aut tardius revertens: causarum remotione sanandum: atque, pro hujus medelæ possibilitate, plenariam admittit sublationem, vel non.

Vid. Herm. CONRING. *Diff. de Palpitatione cordis.* Resp. Georg. Huhn. Helmst. 1643. Joh. Theodor. SCHENCK. *Diff. de Palpitatione cordis.* Resp. Caspar. Gigas. Jen. 1662. El. Rudolph. CAMERAR. *Diff. de Palpitatione cordis.* Resp. Joh. Conrad. Remmelin. Tübing. 1681. Joh. Gothofr. BERGER. *Diff. de palpitatione cordis.* Resp. Joh. Nicol. Leuterdig. Witt. 1702. Joh. Adolph. WEDEL. *Diff. de Palpitatione cordis.* Resp. Joh. Christian. Jacobi. Jen. 1743. *De inflammatione cordis agit,* Joh. Gothofr. BERGER. *Diff.* Resp. Joh. Christian. Fabricio. VVitt. 1717.

§. 225.

POLYPUS CORDIS, est fibrosa sanguinis in massam unicam, plus minus solidam, concretio, in cordis ventriculo quodam, aut vasorum majorum principio contingens, diversæ magnitudinis ac figuræ:
ibidem

ibidem post mortem reperiendus, durante vita autem nullam admittens diagnofin certam: qui parietibus partium dictarum hinc inde affixus, in majori vel minori fpatio, cavitatem, in qua hæret, pro ratione voluminis implet, adeoque fanguini, per illam tranfeunti, fpatium adimit: unde motus cordis inordinatus redditur, aliquando in palpitacionem (224) ruit; imo, accrefcente fenfim polypo, tandem penitus, et fubito fiftitur. Causam, quæ prima ortum polypo dat, in fpiffitudine fanguinis quærendam autores volunt. Medelam vero medicina nullam afferre potefl: præter palliativam, plethoræ, potiffimum et humorum fpiffitudini tollendis dicatam (90. 96).

Vid. Paul. DONS. Diff. de Polypo cordis et vaforum eius. Resp. Jan. Severin. Wartberg. Hafn. 1714. Georg. GOETZ. Diff. de Polypofis concretionibus, variorum in pectore morborum caufis. Altorff. 1726. Frid. HOFFMANN. Diff. de præcavenda polyporum generatione. Resp. Phil. Adolph. Böhmer. Hal. 1736. Georg. Aug. LANGGUTH. Diff. de Polypo infantis rhachitici. Resp. Samuel. Gottlieb. Eichler. VVitt. 1744.

§. 226.

HYDROPS PERICARDII, hydropis interni (172) fpecies, exfurgit, quando

do pericardium seroso humore impletur. Certam diagnosin, durante vita, non habet: interim palpitationes cordis (224) frequentiores ac fere continuæ, sine alia quadam causa, morbum hunc manifestare creduntur. Reliqua omnia cum hydropibus internis perfecte coincidunt. Non tamen adeo, ut reliqui hydropes, in secretionibus mutationem affert, quoniam feri collecti copia in minori semper quantitate accumulata adest. Verum et medelam, nisi generalior sufficiat methodus, omnem respuit.

§. 227.

CARDIALGIA, quæ denotat dolorem spasmodicum (138. 139), circa præcordia obvenientem: pro causa habet, vel ventriculi repletionem atque distensionem nimiam, ab alimentis copiose ingestis; vel flatulentiam (236), primarum viarum saburram (237), vermes (245); frustulum quodvis durius, et aliqua mole gaudens, deglutitum; vel inflammationem stomachi, aut partium vicinarum; aliquando venenum assumptum. Pressiones ac tensiones circa scrobiculum cordis infert, angustias et anxietates præcordiorum, et respirationem impeditam: qui effectus omnes, vacuo ventriculo, mitescunt, post pastum vero ingravescent, Interdum nauseam (234) præcedit, atque vomitum

mitum (235). Vehementior in lipothymiam (181) et convulsiones (140) abire potest. Remedia, contra spasmus ac dolorem consue-
ta, postulat.

Vid. Zach. BRENDÉLII. *Diff. de Cardialgia*. Resp. Mich. Stössel. Jen. 1630. Joh. Arnold. FRIDERICI *Diff. de cardialgia*. Resp. Christian. Frid. Richter. Jen. 1671. Henr. MEIBOM. *Diff. de Cardialgia*. Resp. Thom. Wilrich. Helmst. 1679. Iult. VESTI. *Diff. de Cardialgia*. Resp. Godofr. Müller. Erf. 1697. Joh. Ernest. SCHAPER. *Diff. de Cardialgia*. Resp. Joach. Theodor. Hornhart. Rost. 1720. Joh. Adolph. WEDEL. *Diff. de Cardialgia*. Resp. Jacob. Detmers. Jen. 1742. Georg. Wolffg. WEDEL. *Diff. de morbis præcordialibus*. Resp. Phil. Georg. Lautitz. Jen. 1689. Günth. Christ. SCHELHAMMER. *Diff. de anxietate Præcordiali*. Resp. Joh. Jac. Wuttich. Jen. 1694. Georg. Erh. HAMBERGER. *Diff. de anxietatibus*. Resp. Mich. Jac. Buch. Jen. 1751. De *Affectu mirachiali*, huc pro parte referendo, agit *Diff.* Christian. Mich. ADOLPHI. Resp. Christoph. Benjam. Sembder. Lips. 1734. De *Oesophagi Morbis* in genere vid. Frid. HOFFMANN. *Diff. de Morbis Oesophagi*. Resp. Ern. Gottlieb Boehm. Hal. 1722.

§. 228.

PARAPHRENITIS dicitur inflammatio diaphragmatis sanguinea (143), cum febre continua graviore (153): sive portio-

Z

nem

nem hujus musculosam, five tendineam, morbus proprie occupet. Præter ceteros dictæ febris atque inflammationis effectus, maximum inducit respirationis impedimentum, cardialgiam (227), singultum (229), ac dolorem tantum, ut regio ista trunci exterior ne digiti quidem attactum perferat; haud raro tussim (213) post se trahit; interdum vomitum (235): atque effectus isti, nec non periculum ægroto metuendum, graviores semper sunt, si pars tendinea ægrotet, quam si morbus portionem carneam præprimis infestet. Reliqua, uti in inflammationibus internis in genere.

Vid. Joh. Henr. SCHULZ. *Diff. de Paraphrenitide*. Resp. Andr. Christian. Bezel. Hal. 1742.

§. 229.

SINGULTUS est motus ventriculi, imo et diaphragmatis, convulsivus (140), qui, cum expiratione plus minus sonora, ventriculum in specie concutit. Causa præ ceteris sunt: ventriculi vel flatulentia (236); vel a cibis, potissimum crudis, austeris, festinanter ingurgitatis, aggravatio; vel a venenis, emeticis, purgantibus drasticis, copioso potu frigido, aut medicamentis nimium frigefacientibus, in calore sumtis, quin

quin etiam ab acrium quorumlibet abusu, irritatio; vel ejusdem, aut partium vicinarum inflammatio (239. 242); interdum gangræna instans (147); ac, secundum autores, arthritis (288) repulsa.

Pro causæ varietate plus minus portendit periculi. Diutius durans, vehementior, aut sæpius recurrens, inflammationi ventriculi, nisi jam adsit hæc, ansam præbet: Viscerum inflammationibus gravioribus superveniens, plerumque est lethalis. Aliquando chronicus fit, pro more morborum convulsivorum in genere: tunc vero vix est extirpabilis. Medela, uti in reliquis convulsionibus, est: interim in hoc morbo roborantia et discutientia externa (59. schol.) locum quoque habent.

Vid. Joh. Theodor. SCHENCK. *Diff. de Singultu*. Resp. Joh. Christoph. Hübner. Jen. 1667. Georg. Wolfg. WEDEL. *Diff. sistens ægrum Singultu ex febre maligna laborantem*. Resp. Simon. Andr. Becker. Jen. 1676. Christian. Steph. SCHEFFEL. *Diff. de Singultu*. Resp. Joh. Georg. Wilh. Cavan. Gryph. 1730. Mich. ALBERTI *Diff. sistens Casum singultus chronici viginti quatuor annorum*. Resp. Petr. Nicol. Nyegaard. Hal. 1743.

§. 230.

APPETITUS *deficiens* adest, quando æger alimenta vel nulla appetit; vel minus, quam ad corporis conservationem requiritur:

ventriculi, imo et intestinorum, atoniam (137), sensibilitatem (73) et motum deficientes, supponit: ut plurimum alius cujusdam morbi est consequens: aliquando ex nausea (234) oritur, olim propter causam quandam accidentalem, qualis e. g. est esculentorum immunda præparatio, concepta. *Anorexiam*, id est, a cibis abstinentioniam, hinc chyli defectum (94), et quæ exinde successu temporis, si diutius duret, sequitur, maciem et atoniam corporis totius infert. Roborantia medicamenta (11), cum causarum remotione, suadet: ea interim species, quæ ex nausea concepta ortum traxit, transitoria est, et sponte cessans.

* *Anorexiæ diuturnæ exempla auctores hinc inde enarrant. Varia eorundem congestit Wilh. Huld. WALDSCHMIEDT Diss. de his, qui diu vivunt sine alimento. Resp. Joh. Mich. Eccard. Kil. 1711.*

** Vid. Guern. ROLFINCK. *Diss. de Inappetentia ventriculi. Resp. Joh. Matth. Nester. Jen. 1649. Joh. Theodor. SCHENCK. Diss. de Inappetentia ventriculi. Resp. Joh. Andr. Bosfert. Jen. 1660. Rudolph. Wilh. CRAUSII. Diss. de Anorexia. Resp. Martin. Walter. Offney. Jen. 1696. Eberh. Joach. SNELL. Diss. de Inappetentia. Gieß. 1743. Andr. El. BÜCHNER. Diss. de Aegrotantium inappetentia salutaris et morbosæ. Resp. Anton. Frid. Lerche. Hal. 1749.*

§. 231.

Appetitus nimius, Bulimus quoque dictus et fames canina, quando scilicet æger alimentis, ipsi pro conservando corpore sufficientibus, non satiatur: nimiam primarum viarum elasticitatem, adeoque motum (72), habet pro fundamento; nec non liquoris gastrici, vel acrimoniam (112), vel aliam quandam constitutionem specialem; vel saburram ventriculi, aut morbum hypochondriacum (256), aliquando et inedia prægressam, aut morbos, sequitur: chyli abundantiam (93) post se trahit; atque saburræ in primis viis collectioni (237), nisi jam adsit, itemque aliquando atrophix (293), et quæ exinde sequuntur, ansam subministrat: causæ remotiorem postulat; et parcam, aut reiteratam alimentorum potius, quam nimiam qualibet vice, assumptionem: qui vero inedia aut morbis prægressis debet ortum, brevi sponte, post sufficientem nutritionem, abit.

Vid. Joh. Theodor. SCHENCK. *Diff. de Bulimo*. Resp. Luca Schröck. Jen. 1669. Georg. Wolfg. WEDEL. *Diff. de Bulimo*. Resp. Carol. Gottlieb. Carsten. Jen. 1691. Aug. Quir. RIVIN. *Diff. de Fame Canina et Bulimo*. Vid. Ej. *Diff. Med.* *Diff.* XXI. Georg. Ern. STAHL. *Diff. de Ἀνφαγία* s. *intemperantia edendi nocua*. Resp. Herm. Vogel. Hal. 1700. Aug. Frid. WALTHER. *Diff. de Obesit ac voracibus, eorum-*

que vitæ incommotis ac morbis. Resp. Joh. Christoph. Pohl. Lips. 1734.

§. 232.

Appetitus depravatus, quando nimirum certa alimenta, eaque interdum inconsueta, appetuntur anxie: gravidis præsertim familiaris: distinguitur in *Picam*, in qua absurda; et *Malaciam*, in qua gratiora appetuntur. Causa consistit vel in prava consuetudine, vel in animi per morbum quendam perturbatione: vel, quoad gravidas, in corporis certa nec determinabili conditione. Ventriculum variis, ad nutriendum sæpe inutilibus, imo et noxiis, repleri facit; et chyli consistentiæ morbosæ (95) occasionem præbet. Remedia potius moralia, quam physica, postulat: palliative interim res, quas appetit æger, præprimis si hæ aliqua ratione sint noxiæ, amaris, nauseosis, imo et emeticis caute, permisceantur, ipso inscio.

Vid. Joh. MICHAELIS. *Diff. de Pica.* Resp. Henr. Boezo. I ips. 1638. Bernh. ALBIN. *Diff. de Pica*, Resp. Dieter. Christiani. Francof. ad V. 1691 Rud. Wilh. CRAUSII *Diff. de Appetitu Ventriculi depravato in Pica et Malacia.* Resp. Tobia Dehne. Jen. 1628.

§. 233.

SODA est perceptio acredinis urentis nauseosæ, haud raro cum ructibus ejusdem generis

neris conjuncta, in gula ac oesophago sese exferens; propter aliqualem ventriculi atoniam (137), aut saburram ibidem præsentem (237). Post assumpta esculenta pingua eos maxime infestat, qui ejusmodi pinguibus non sunt assuefacti, imprimis si potulentorum, ac præsertim cerevisiæ, quædam quantitas superbibatur: aliquando aromatum in condiendis cibis abusum, aut certorum quorundam ciborum assumptionem, sequitur. Saporem aliquem molestum, et nauseam (234) infert; aliud vero malum non gignit, sed ordinarie transitoria est, rarius in chronicam abiens. Medicamenta absorbentia terrea (14), succus quoque liquiritiæ, specialem obtinent in hoc affectu vim.

Vid. Joh. Gothofr. BERGER. *Diff. de Ardore ventriculi.* Resp. Joh. Tobia. *Hermweg. Witt.* 1714.

§. 234.

NAUSEA dicitur, quando vel alimenterum præsentia, ac interdum sola recordatio, perceptionem producit, appetitui contrariam; vel, quæ ingesta sunt, reditum molliuntur per vomitum. Saburram in ventriculo collectam sequitur, aliquando post prægressum appetitum nimium (231); itemque vermes intestinorum (245), aut mor-

bos ventriculi varios; nonnunquam immunditiam ciborum, olim observatam; aut solam aliquando esculenti cujuslibet nimiam ingurgitationem, nupere factam, et nunc, presente imprimis eodem cibi genere, animo recogitatam. Salivæ abundantiam in ore (118), non nisi transitoriam tamen, provocat subinde; vomitum (235) producere potest; nec raro eidem præcedit; et causæ remotionem postulat.

Vid. Frid. HOFFMANN. *Diff. de spasmodis gulæ inferioris et nausea*, Resp. Joh. Christian. Zwegel. Hal. 1733.

§. 235.

VOMITUS dicitur motus ventriculi violentus, et simul perversus, quo mediante is ea, quæ in se continet, cujuscunque sint conditionis, per superius guttur, plus minus prompte, ejicit; actum hunc vel sine omni molestia absolvens; vel præcedentibus, aut salivæ in ore augmento (118), aut cardialgia (227), aut nausea (234). Componitur ex irritabilitate atque elasticitate fibrarum ventriculi nimia (63. 72): ac liquoris gastrici abundantia (108), forte et qualitate mutata (112). Irritatio pro basi habet vel nimiam ventriculi repletionem, interdum ex appetitu nimio ortam (231): vel saburram

ram in eodem præsentem (237), vel nau-
 seam præcedentem (234), vel ejusdem aut
 partis vicinæ alius inflammationem (239. 242.
 243), vel tussim graviolem (213), aliquan-
 do cardialgiam (227), aliosque spasmodicos
 morbos, quos inter et capitis dolor (177)
 vehemens recenferi meretur. Non modo,
 diutius durans, chylicationem, hinc parti-
 um debitam nutritionem, aut impedit, aut
 tollit: sed etiam, propter violentum mem-
 branarum ventriculi motum, inflammationi,
 nisi jam adsit, occasionem dat; ac præsen-
 tem auget: nec non fortior quilibet, aut ali-
 quoties reiteratus, bilem simul, e duodeno
 advocatam, prolici facit; et variis in partibus
 corporis, capite, thorace, abdominis mu-
 sculis &c. a violenta, quam exferit, concussio-
 ne, productum dolorem generat, ac forte
 præsentem auget; faciei quoque relinquit
 turgescientiam. Mediocris interim, pari ac
 tussis (213) ratione, excretiones promove-
 re, et deobstruentem efficaciam præstare po-
 test. Interdum chronicus redditur atque
 habitualis, et periodice recurrens. Reme-
 dia postulat anodina, et adstringentia (11.
 12).

Vid. Henr. MEIBOM. *Diff. de Vomitu.*
 Resp. Andr. Hermann *Helberg.* Helmst. 1678.
 Joh. Conrad. WITTWER. *Diff. de Vomitu*
Vomitibus remedio. Altorf. 1742. Joh. Henr.
 Z 5 SCHULZ.

SCHULZ, *Diff. de Vomitu et Vomitionibus*. Resp. Carol. Gottlieb. Beer. Hal. 1742. Joh. Henr. CASSEBOHM, *Diff. de Pathematum ventriculi causis*. Hal. 1750.

§. 236.

FLATULENTIA adest, quando primæ viæ flatibus ultra modum sunt plenæ: ac vel borborygmi in iisdem audiuntur, vel ructus flatusque erumpunt, vel vias istas inflari æger persentiscit, abdominis etiam huc spectans regio præter consuetudinem inflata tensaque deprehenditur. Distingui potest, secundum varias partes morbidas, in *flatulentiam ventriculi*, et *flatulentiam intestinorum*. Componitur e canalibus primarum viarum, hinc inde, dilatatione justo majori, et alibi angustia nimia, ac ut plurimum illius atonia (137). Pro basi habet vel assumpta alimenta flatulenta, id est, quibus copiosus aer est inclusus, vel saburram primarum viarum (237), vel concoctionem minus rite procedentem. Ex assumptis potulentis aut cibis flatulentis orta, transitorium constituit malum: e saburra proveniens, facile fit chronica. Vehementior, et simul diutius protracta, inflammationi (143) primarum viarum ansam præbet, et, accedente forte gangræna (147) earundem crepaturæ. Præterea cardialgiam (227) post se trahere potest; ac in gravidis motum em-

embryonis nimium (280) inducere, atque partus dolores spurios (281); aliosque morbos spasmodicos: ventriculi autem in specie flatulentia singultum (229) aliquando gignit. Remedia postulat carminativa (15).

Vid. Georg Ern. STAHL, *Diff. de Flatulentia*. Resp. Joh. Adam. Kälbel. Hal. 1708. Joh. Jacob. KIRSTEN, *Diff. de Inflatione ventriculi*. Resp. Franc. Caspar. Wiesner. Altorf. 1749.

§. 237.

SABURRA dicuntur reliquæ assumptorum alimentorum, et præprimis esculentorum, quæ in primis viis, propter harum atoniam (137), inconcoctæ restant, ibidemque corrumpuntur. Pro partium ægrotarum diversitate distingui potest in *saburram ventriculi*, quæ corrupta potius acefcit, et in *saburram intestinorum*, quæ magis ad putredinem vergit. Pro causâ habet, vel nudam ventriculi factam repletionem nimiam, idque aliquando propter appetitum auctum (231): vel assumptorum qualitatem depravatam: vel abstinentiam a potulentis sufficientibus, et hinc proveniente incompletam, aut alio modo vitiatam, chylicationem: in intestinis aliquando oritur ab alvi segnitie (252); interdum a vermibus intestinorum demortuis

et putrefactis (245), quæ *saburra verminosa* dici meretur. Saburra eo citius exurgit, quo plures e prædictis causis conveniunt. Perceptionem molestant in primis viis, ac subinde ructus male olentes progenerat: appetitus vitiis (230. 232), sodæ (233), nauſeæ (234), vomitui (235), flatulentia (236), colicæ (253); ac præterea aſthmati convulſivo (216), incubo (217), pleuritidi ſpuria (221), cardialgiæ (227), et malo hypocondriaco, (256) aliisque morbis ſpasmoticis: nec non, per canalium nimiam diſtentionem, dolori (138); et, alia adhuc ratione, congeſtionibus ſanguinis ad caput (96), quæque hinc iterum fluunt, conſectariis diverſis, delirio nonnunquam ſomnolento, (184), interdum noctambulationi (185), viam ſternit. Præter cauſarum remotionem, ac ſaburræ præſentis vel vomitoriis medicamentis, vel laxantibus ac enematis educationem, roborantia (II) poſtulat.

Vid. Zach. BRENDÉL. *Diff. de Ventriculi Imbecillitate*. Reſp. Henr. Bonhorſt. Jen. 1638. Frid. HOFFMANN. *Diff. de Apeſſia*. Reſp. Joh. Georg. Schultze. Hal. 1696. *Ej. Diff. de Bradypeſſia ſive tardiori ventriculi concoctione*. Reſp. Frid. Pfenning. Hal. 1703. Günth. Chriſtoph. SCHELHAMMER. *Diff. de Dyſpeſſia*. Reſp. Georg. Chriſtian. Wolff. Jen. 1695. Brand. MEIBOM. *Diff. de Cruditatibus ventriculi*. Reſp. Joh. Brandan. Voſs. Helmſt. 1735.

Nec

Nec non Henr. Wilh. ARNOLDI. *Diff. de febre stomachali epidemica.* Marpurg. 1727. Joh. JUNCKER. *Diff. de fatis ventriculi dolendis.* Resp. Joh. Gottfr. Stoecker. Hal. 1750. Joh. Henr. SCHULZ. *Diff. de Ventriculi et intestinorum ratione in omni morbo habenda.* Resp. Christian. Frid. Daencke. Hal. 1738. Tuffan. Gilbert. BOULLAND. *Quæst. Med. An morbi chronici a vitio digestionum?* Resp. Joseph. Maria. Franc. de la Sone. Aff. Paris. 1741.

§. 238.

VOMITUS CRUENTUS, ex hæmorrhagia (170) et vomitu (235) compositus: in quo sanguis, in ventriculum effusus ordinarie, ibidemque post aliquam moram coiens, coagulatus et niger evomitur: omnes vomitus atque hæmorrhagiæ edit effectus: et in reliquis quoque cum duobus hisce morbis combinatis coincidit.

Vid. Georg. Wolffg. WEDEL. *Diff. sistens ægrum vomitu cruento laborantem.* Resp. Mich. Sprögel. Jen. 1680. Georg. DETHARDING. *Diff. sistens ægrum hæmorrhagia ventriculi spontanea gravissima correptum.* Resp. Georg. Henr. Blumenthal. Havn. 1733.

§. 239.

VENTRICULI INFLAMMATIO, quam, ut reliquas inflammationes internas (143), febris continua gravior (153)
con-

concomitatur: ardorem infert, in ventriculo, post assumpta imprimis liquida, aliaque quælibet, manifestum: vomitus (235) copiosos, a parvi assumpti cujusvis liquidi copia, cum anxietatibus præcordiorum summis, vomituum præcursoribus facit: humores tamen per vomitum rejehti, assumptorum quantitatem longe superant; et prodeuntes calorem insignem obtinent, imo et vasis, quibus excipiuntur, eundem communicant: tussi (213) quoque occasionem dare potest, inflammatione scilicet ad bronchia excurrente: nec non cardialgiæ (227), si stomachum in specie lædat. Reliqua, ut in inflammationibus internis in genere.

Vid. Frid. HOFFMANN. *Diff. de Inflammatione. Ventriculi. Resp. Christ. Franc. Engel. Hal. 1706.* Nicol. ROSÉN. *Diff. de Inflammatione ventriculi. Resp. Zach. J. Strandberg. Upsal. 1741.* nec non Herm. Frid. TEICHMEYER. *Diff. de Spasmo ventriculi. Resp. Joh. Frid. Scherff. Jen. 1743.*

§. 240.

ASCITES, hydropis interni (172) species, in quo cavum abdominis sero extravasato repletur: exceptis, quæ cum omnibus internis hydropibus habet communia; abdomen in tota ejus peripheria tumidum atque tensum monstrat, artus infimos cum genitalibus ordinarie oedematosos, superiores autem exsuccos et aridos: aquarum in abdomine fluctua-

flutuationem percipere finit post lenem huius cum palmis percussione: urinæ proveniunt secum habet solito parciores, nec non sitim; ac denique febrem continuam (150), vel mitiorem vel fortiores, propter aliqualem viscerum abdominis sive compressionem, sive a nimia humiditate laxitatem, et hinc generatam obstructionem, cum insequente inflammatione (143), proportionatam. Facile lethaliter terminatur, imprimis post aliquam durationem; aut si hepatis obstructione (175), alioque morbo insanabili fuerit stiparus: et medicamenta potissimum diuretica (15) postulat.

• Nonnulli autores hic in specie disruptionem vasis cuiusdam lymphatici valvulosi accusant: quæ quidem causa non penitus impossibilis, sed, cum tot aliæ supersint, necessario e rarissimis est, simulque insanabilis.

** De Paracentesi, ultimo in Ascite medio, et quæ præterea de hoc morbo forent adducenda, consulantur autores chirurgici.

§. 241.

Tympanites, Ascitis (240) species, in qua, secundum autores, loco feri, aër extravasatus, cum paucis interdum sero simul præsentibus, abdomen tumefacit: summam infimi ventris monstrat tensionem; nulla tamen aquæ fluctuatio percipitur; sed potius, perhibente

te Joh. JUNCKERO *libr. cit.* Tab. LXV. lenis murmuratio, sonitus atque rugitus, unde et abdomen percussum resonat. Reliqua, ut in Ascite.

De hoc quoque morbo ulterius evolvendi sunt libri chirurgici. Vid. etiam. Raymund. DE LA RIVIERE. *Quæstio. Med. An a spirituum animalium inordinatione Tympanites?* Resp. Olivario Bougourd. *Aff. Paris.* 1734.

§. 242.

HEPATITIS inflammationem (143) hepatis denotat, cum febre inflammatoria (153) conjunctam. Dolorem (138) gravativum in dextro inferi hypochondrio; icterum (174) plus minus manifestum, per intervalla accedentem; tussim quoque exiguam et siccam, (213), imo et respirationem difficilem propter diaphragmati vicino communicatam irritationem, nec non angustias præcordiorum: singultum, nauseamque, et vomitum (229. 234. 235), eo vehementiores, quo propinquior locus inflammatus est ventriculo. Reliqua omnia, uti in inflammationibus internis in genere.

Vid. Herm. CONRING. *Diss. de Inflammatione Hepatis.* Resp. VVerner. *Berckelmann.* Helmst. 1656. Joh. Casp. KÜCHLER. *Diss. de Hepatitide.* Resp. Ambros. Fuchs, Lips. 1725.

§. 243.

SPLENITIS, quæ est lienis inflammatio, cum febre continua proportionata (143. 153); dolorem (138) infert in sinistro hypochondrio, plus minus manifestum, quoties regio ista abdominis manibus externe tangitur. Cetera, ut in inflammationibus internis omnibus.

E reliquis lienis affectibus, agit Frid. HOFFMANN, *Diff. de Morbis Lienis*. Resp. Mich. Pfizner. Hal. 1704. Christian. Mich. ADOLPHI, *Diff. de Porcello Casoviensi*. Resp. Gottlieb. Eichholtz. Lips. 1728. Abr. VATER, *Diff. de lienis Prolapsione*. Resp. Joh. David. Kreyfig. Witt. 1746.

§. 244.

INTESTINORUM INFLAMMATIO (143), cum febre continua graviore (153), dolorem (138) in intestinis proportionatum, et, post tactam abdominis regionem morbosam, sese detegentem; præterea diarrhoeas (246) copiosas, et aliquando dysenteriam (251) parit: aliquando colicæ (253) præcedenti graviore originem debet: fortior, communicata abdominis musculis irritatione, respirationis angustiam proportionatam gignere potest. Reliqua omnia cum internis inflammationibus in genere habet communia.

Vid. Rudolph. Wilh. KRAUS. *Diff. de Intestinis, eorumque morbis.* Resp. Georg. Ern. Stahl. Jen. 1674.

§. 245.

VERMES INTESTINORVM

sunt infecta viva, alvum occupantia. Distinguuntur in *Lumbricos intestinales*, lumbricis terrestribus et forma et colore et magnitudine simillimos, teretes, qui ceteris multo frequentius obveniunt, in majori aut minori copia præsentes: *Lumbricum latum*, qui non nisi unicus occurrit, latus est, planus; in quamplurimos articulos sive divisiones, pollicem latum vix longas, quas pro totidem vermibus separatis assumunt auctores, distinctus, et multarum quandoque ulnarum longitudinem æquat: ac denique *Ascarides*, qui, minimi et tenuissimi, extremitatem intestini recti, sive anum, inhabitant.

Ortum suum trahunt primi ab ovulis verminosis, mediante potu aut cibo ad primas vias delatis, ibidemque exclusis: modo consueto ulterius deinde propagandi.

Dolorem in parte, quam inhabitant, inferunt, pro varia eorundem copia majorem vel minorem: nauseam, aliquando et cardialgiam (227), pariunt, ac salivæ in ore proventum copiosiore, potissimum tempore jejuno: quandoque atrophiam (293) post se

trahunt: in ventriculum e duodeno irrepentes, id quod interdum accidit, vomitū ut plurimum rejiciuntur; aut sensim, cum magna ægroti molestia, oesophagum ascendunt, atque sic redduntur ore: una cum excrementis subinde rejiciuntur; mortui ac putrefacti *faburram* formant *verminosam* (237): nonnunquam quoque *lumbrici intestinales* intestina erodunt, sicque mortem interunt, uti observationes autorum perhibent; aut per aperturam extrorsum in abdomine forte patentem, prorepunt. *Ascarides* in specie titillationem et irritationem maxime molestam in ano, itemque tenesmum (260) generant, aliud vero malum non producunt. Singula vermium genera aliquando extirpatu sunt difficillima, præ ceteris tamen *lumbricis latus*. Medicamenta ipsis contraria sunt anthelmintica (15): *Ascarides* præterea splenis, saccharo melleque imbutis, et ano appositis, proliciuntur.

* Nonnulli *lumbricos intestinales* in infantibus *augurantur* quando hi nares frequentius digitis scalpunt: quod tamen fundamento caret.

** *Lumbricus latus* in quibusdam regionibus, septentrioni proximis, malum constituit endemium; non homines modo, sed et canes, oves, aliaque bruta infestans, his ultimis quandoque in aliquali longitudine ex ano propendens: sine dubio propter commu-

nem aquarum usum, cui ovula forte innatant.

*** Vermes, variæ indolis, præter intestina, in aliis etiam corporis partibus quandoque obvenire, autorum observationes testantur, idque sine dubio contingit propter ovula illuc delata. Alia quoque vermium genera, quam supra descripta, in primis viis aliquando latent, originem cum reliquis eandem admittentia. Utraque, si de eorum præsentia constet, haud alia, quam prædicta medicamenta postulant: præterea autem prioribus, chirurgica ope exitus est parandus.

**** In magnis morbis quandoque vermes intestinorum vomitu rejiciuntur, quos tunc vulgus *vermem cardiacum* (den *Herzwurm*) appellat, et mali ominis esse vult: cujus tamen opinionis falsitas per se satis patet.

***** Vermes, ut et saburra (237), calculus (264) quoque, per se morbos non constituunt, sed aliis morbis, in specie dolori (138), ansam præbent: unde et antiquiores eadem ad causas toto genere præternaturales referebant (27, ***).

***** Vid. Joh. Theodor. SCHENCK. *Diff. de Vermibus intestinorum.* Resp. Imman. Wilh. Ayer. Jen. 1670. Paul. Gothofr. SPERLING. *Diff. de Vermibus in primis viis.* Resp. Joh. Christian. Both. Witt. 1700. VVilh. Huld. VVALDSCHMID. *Diff. exhibens Pathologia animatæ specimen.* Resp. Tob. Thom. Mich. Joel. Dieter. Hannemann. Kil. 1697. Eliæ. CAMERARI *Helminthologia intricata.* Resp. Jacob.

Jacob. Bernh. *Hummel*. Tüb. 1724. Christ. Gottfr. STENZEL. *Diss. de Insectorum in corpore humano genitorum varia forma et indole*. Resp. Georg. *Vaghi*. VVitt. 1741. Joh. El. MÜLLER. *Diss. exhibens casum monstrosi affectus verminosi*. Erford. 1702. Frid. HOFFMANN. *Diss. sistens curiosam pulli gallinacei in foemina cachectica formati historiam*. Resp. Joh. Jac. *Stang*. Hal. 1702. F. E. B. *Observatio de excretionem vermis nunquam antea excreti*. VVolff. 1723. Aug. Quir. RIVIN. *Diss. de morbis animatis*. vid. Ej. *Diss. Med. Diss. XXXVII*. Christ. VATER. *Historia et Cura Bubonis Inguinalis cum perforatione Intestini et eruptione lumbricorum*. Resp. Gustav. Prosper. *Fuch*. Witt. 1693.

§. 246.

DIARRHOEA, id est, alvi iusto frequentior dejectio; ejusque gradus summus, *colliquativa* cognominata, quod hæc prostrationem virium specialem secum habet conjunctam: componitur ex inflammatione intestinorum, ut plurimum leniori (244), liquoris intestinalis copia uberiori (108), et canalibus intestinorum irritabilitate ac elasticitate aucta (63. 72). Causæ ordinariæ sunt, feri nimia quantitas generalis (106); potulentorum frigidorum ingurgitatio; et abdominis quacunque alia ratione facta perfrigeratio; cerevisia assumpta fæculenta; fructuum horariorum, imprimis prunorum, abusus; sudores

cohibiti, purgantia assumpta fortiora: aliquando saburra intestinalis (237), morbus hypochondriacus (256), aliique spasmodici.

Motus tensivos spasticos in abdomine, atque borborygmos ordinarie, aut flatulentiam (236), aut tormina, habet præcedentia: dolorem in intestinis majorem vel minorem producit, aliquando tenesimum (260): præterea humorum quantitatem in genere, itemque transpirationem et urinam, minuit (89. 116. 122); vires exhaurit, et febrem proportionatam (153) generat: abortui (279) quoque nimia diarrhoea ansam præbet in gravidis. Liquor prodiens, post excrementorum rejectionem unam vel alteram, ipsa est saliva intestinorum, nunc tenuior, nunc crassior, pro diverso inflammationis, in punctis intestinorum specialibus, situ. Quasvis inflammationis post se trahere potest consequentias. Aliquando chronica fit, tuncque difficulter superabilis existit. Medicamenta anodina et adstringentia (11. 12) postulat, cum regimine diaphoretico.

Vid. Georg. VVolfg. VVEDEL. *Diff. de Diarrhoea*. Resp. Aug. Mich. Dörmer. Jen. 1673. Frid. HOFFMANN. *Diff. de Diarrhoea in febribus malignis aliisque acutis morbis salutari*. Resp. VVolfg. Frid. Hienlin. Hal. 1700. Joh. JUNCKER. *Diff. de Diarrhoeis abstergentibus, tam simplicibus, quam cruentis*. Resp. Joh. Aug. Gri-

*Grisehov. Hal, 1748. Joh. Joseph. SINGER.
 Diss. de Diarrhoea Hypochondriaca. Erf. 1752.*

§. 247.

CHOLERA, morbus e vomitu atque diarrhoea (235. 246) compositus: inflammationem supponit, quæ et ventriculum et intestina obsidet, ac, cum productione liquoris gastrici nec non intestinalis uberiori (108), ad motum auctum stimulat: non adeo censetur periculosa, quam vomitus cum alvina obstructione (252) conjunctus. Reliqua, uti in vomitu et diarrhoea, simul sumtis.

Vid. Maximil. Honor. ZOLLICOFFER:
*Diss. de Cholera. Argent 1663. Joh. Henr.
 Joseph. BAUER. Diss. de Cholera. Altorf, 1717.
 Christian. VATER. Diss. de Cholericâ Passione.
 Resp. Christ. Theodor. Stentzel. VVitt. 1720.
 Abrah. VATER. Diss. de Cholera humida. Resp.
 Joh. Gothofr. Nicolai. VVitt. 1733. Mayer.
 HIRSCH. Diss. de Cholera humida. Gieff, 1751.*

§. 248.

LIENTERIA, species diarrhoeæ (246), in qua cibi inconcocti, et reliqua, ventriculo ingesta, sine ulla mutatione, promississimeque interdum, dejiciuntur: oritur a ventriculi nec non intestinorum irritabilitate maxima; aliquando etiam febres inflammatorias (153), sedem prope primas vias habentes

tes, itemque atrophiam(293), concomitatur: dolorem non semper habet secum; corpori tamen necessarium præripit alimentum, propter deficientem ingestorum in ventriculo et intestinis moram, qua ad digestionem absolvendam indigent. Reliqua, uti in diarrhoea.

Vid. Joh. Arnold. FRIDERICI. *Diff. de Lienteria*. Resp. Georg. Tobia. Wallich. Jen. 1670. Aug. Quir. RIVIN. *Diff. de Lienteria*. vid. Ej. *Dis. Med.*. *Diff.* XXV. Joh. Casp. HEUMANN. *Diff. de Lienteria*. Altorff. 1732.

§. 249.

FLUXUS COELIACUS, alia diarrhoeæ (246) species, in qua excrementis, plus minus fluidis, admixtus chylus, in formam striarum lactearum, adhæret, cum febre ordinarie non adeo notabili: præter diarrhoeam, supponit, vel motum intestinorum velociorem, qui chymo necessariam, ad rite seperandum chylum, moram non permittit; vel occlusionem lacteorum vasorum a spasmo (139) aliaque causa obstruente vel claudente, unde chylo introitus præcluditur (58. 59. 62). Atoniam (137) corporis totius, propter nutrimenti defectum, post se trahit; et causarum postulat remotionem.

Vid. Joh. Gothofr. BERGER. *Diff. de Fluxione ventris chylosa*. Resp. Henr. August. Jacobi. VVitt. 1699.

§. 250.

§. 250.

FLUXUS HEPATICUS, diarrhoeæ (246) species rarior, dicitur, quando, cum aliquibus spasticis doloribus, humor loturæ carniū similis dejicitur, febre vel levissima, vel, uti autores volunt, nulla præfente. Causa, præter reliquas diarrhoeæ causas, sine dubio est dilatatio arteriarum lymphaticarum et secernentium (78. 79) tanta, ut sanguinis copia aliqua simul transeat. Periculum speciale ipsi non tribuitur. Medela vero est, ut in diarrhoea.

§. 251.

DYSENTERIA diarrhoeam denotat mucido-cruentam, contagiosam, maxime dolorificam, cum febre inflammatoria (153), ordinarie mense Julio, Augusto et versus æstatis finem, quando fructus horæi maturescunt, contingens. Distinguitur in *consuetam* sive *rubram*, in qua dejiciuntur cruenta; et *albam*, in qua dejectiones sunt mucidæ, spumosæ, non vero cruentæ. Componitur e diarrhoea (246), contagiosa sanguinis resolutione (99), arteriarum secundi et tertii generis dilatatione justo majori (78. 79), et, quam infert, febre dysenterica (159).

Causæ, morbum producentes, sunt: imprimis contagium, per sedes alvinas, in loco quodam huic excretioni destinato, aut jam jam infecto,

incaute emissas, contractum: tum et fructus horæi immaturi, copiose ingesti, præsertim pruna, cum largiori potu: atque aër autumnalis, aut frigidiusculus, qualis in æstate horis nocturnis esse solet.

Tormina infert maxima, et tenesimum (260): præterea anxietates præcordiorum, virium dejectum, et reliqua febris inflammatoriæ (153. 244) effectus. Urina ordinarie pauca est, et subinde penitus suppressa. Generatim morbus pessimæ est indolis, facile in gangrænam abiens: alba tamen dysenteria periculosior adhuc censetur, quam rubra.

Remedia, primo mucilaginosæ et anodina (11) postulat, deinde adstringentia (12), juncto regimine diaphoretico.

* *Hypæcacuanna*, a multis ceu specificum remedium laudata, vid. e. g. Ludov. Renat. DESBOIS *Quæst. Med. An Dysenteria Ipecacuanha?* Resp. Dionys. Pautier de la Breulhe. Aff. Paris 1745. caute est in usum ducenda, cum contra diarrhoeam proprie nihil habeat virium.

** Vid. Anton. VARI. *Diff. de Dysenteria.* Resp. Henr. Planco. Jen. 1635. Georg. Christoph. ZINCK. *Diff. de Dysenteria.* Argent. 1671. Paul. Gottfr. SPERLING. *Diff. de Dysenteria.* Resp. Balthaf. Sibero. VVitt. 1698. Georg. Ern. STAHL. *Diff. de Dysenteria.* Resp. Jac. Henr. Heilersieg. Hal. 1706. Abraham. BAECK. *Diff. de Medicamentis domesticis, co-*
rum-

rumque usu in dysenteria. Resp. Joh. Bergio. Upsal. 1741. Georg. Gottlob. RICHTER. *Diff. de Fluxu ventris dysenterico.* Resp. Henr. Gothofr. Liechte. Götting. 1742. Herm. Paul. JUCH. *Diff. de Vera Dysenteriae indole et curatione.* Resp. Christian. Sigism. Tippoldt. Erford. 1744. Carol. Frid. KALTSCHMID. *Diff. de Dysenteria.* Resp. Joh. Frid. Arnold. *Vor-danck.* Jen. 1748. Andr. El. BÜCHNER. *Diff. de Origine Dysenteriae, cautoque in hac Passi Hungarici usu.* Resp. Joh. Adam. Raymann. Hal. 1750.

§. 252.

OBSTRUCTION ALVINA, five *alvi segnities*, adest, quando alvus toties, quoties ad sanitatem conservandam est necesse, non exoneratur: sed quovis biduo aut triduo tantum, aut tardius adhuc, officio respondet. Componitur ex intestinorum irritabilitate justo minori (73), et salivæ intestinalis defectu (109). Causam constituunt, vita sedentaria, consuetudo alvum tardius exonerandi, neglectus ad excernendum stimulus, potus sufficiens neglectus, sudores nimii, aliæque evacuationes serosæ immoderatae.

Anxietatibus præcordiorum ansam præbet, capitis doloribus (177), saburræ primarum viarum, (237), colicæ (253), morbo hypochondriaco (256), aliisque spasmodicis

dicis affectibus. Præter hæc intestina a scybalis induratis distenduntur, ac vasa eorum comprimuntur: unde irritatio, et quævis illius consequentiæ veniunt. Morbus ordinarie est pertinax: laxantibus sanandus, motu corporis ac potu sufficienti; nec non observanda certa quadam hora quotidie est, in qua alvus evacuationi assuefiat.

Vid. Nicol. ROSEN. *Diff. de communi ad septentrionem per æstatem degentium malo, Alvo adstricta.* Resp. Olav. Kalmeter. Upsal. 1737. Thom. Bernard. BERTRAND. *Quæst. Med. An alvis astrictioribus Medicina in alimento et blanda catharsi?* Resp. Bernard. Nicol. Bertrand. Aff. Paris. 1747.

§. 253.

COLICA, quæ est dolor spasmodicus, in intestinis contingens: distinguitur, pro diversitate causarum, aut potius morborum conjunctorum, in *Colicam flatulentam*, quæ flatulentiam (236) pro basi habet; *nephriticam*, quæ cum calculi renalis (264) doloribus est conjuncta; *hæmorrhoidalem*, ubi hæmorrhoides suppressæ (258) simul adsunt; *sanguineam*, a plethora (96) ortam; *convulsivam*, quam convulsiones (140) comitantur; et *biliosam*, ubi simul vel vomitus biliosi (235) infestant, vel inflammatio sanguinea (143) fortior est. Componitur ergo e dolo-

dolore (138), et spasmo (139) intestinorum, imprimis crassorum; nec non uno e prædictis morbis, flatulentia, calculo renum, hæmorrhodibus suppressis, plethora, convulsionibus, vomitu, inflammatione graviore. Causæ, præter illas, quæ morbos componentes producere possunt, ordinarie solent esse, refrigeratio abdominis, a frigore externo incautius admissio, aut a potulentorum frigidorum abusu: cibi nimis pingues, aut flatulenti, accedente potu frigido: malum hystericum (256): arthritis repulsa (288).

Tormina, plus minus vehementia, inducit; dolorem vel fixum in aliqua parte, circa umbilicum, aut in hypochondriis; vel in abdomine erraticum; angustiam præcordiorum; respirationem interceptam; borborygmos, et ut plurimum alvum clausam, quæ ne spiritum quidem transmittit: aliquando vero diarrhoeam potius, idque maxime in colica *biliosa*: interdum nauseam, vel vomendi conatus, vel vomitum (234. 235): insimulque corporis externi mutuam ac vagam incalescentiam, cum sudoribus frigidis. *Sanguinea* in specie id habet, ut, post adhibita laxantia, morbus ut plurimum exasperetur.

Habituale malum fieri potest: inflammationem intestinorum (244) inducere: et in passionem iliacam (255) mutari. Vehementior aliquando intestinorum paralyfin
(195)

(195), quæ *Paresis* dicitur, infert. Speciatim *sanguinea*, *nephritica*, et *biliosa*, aut suppurationem aut gangrænam (146. 147), præ aliis facilius, propter maiorem inflammationis junctæ gradum, post se trahunt.

Causarum imprimis remotionem postulat: tum et carminativa remedia (15) admittit, et anodina (11).

Vid. Simon. PAULI. *Diff. de Colica passione.* Resp. Joh. Daniel. Horst. Rostoch. 1635. Christoph. HELLWIG. *Diff. de Colica.* Resp. Joh. Neucranz. Gryph. 1671. Georg. DETHARDING. *Diff. de Colica sanguineo-spasmodica, et Venesectione in illa pro specifico habenda.* Resp. Joh. Ernest. Kindler. Rost. 1729. Herm. Frid. TEICHMEYER. *Diff. de Doloribus colicis.* Resp. Herm. Gerhard. Lanio Jen. 1740. Henr. Georg. MATTHISSEN. *Diff. de Vinis Lithargyrio infectis, et Colica Paretico-Convulsiva ex hauſtu eorundem oriunda.* Gryph. 1745. Franc. BIDAULT. *Quæst. Med. An Colico dolori Narcotica?* Resp. Anton. Petit. Aff. Paris. 1745. Frid. Christian. JUNCKER. *Diff. de morbis Colicam consequentibus.* Hal. 1749. Nec non Christian. Mich. ADOLPHI. *Diff. de Colo intestino, multorum morborum nido.* Lips. 1728.

§. 254.

Tormina infantum, præprimis lactentium, Colicæ (253) species: quæ vel saburram (237) a lacte nutricis, post hujus animi commotionem fortiolem, aut ex quacunque alia

alia causa, corrupto et in ventriculo infantili itemque in intestinis acescente, habet probasi; vel flatulentiam (236): quamque vel diarrhoea (246) concomitatur, et excrementorum subinde color viridis, vel alvi obstructio (252): præter dolores, quos infert, ex ejulatu inconsueto tenelluli dignoscendos; vel spasmodicos insultus varios, vel convulsiones (140), vel epilepsiam (141), inducit: et remedia absorbentia (14), anodina (11), aut, pro circumstantiarum ratione, quæ alvum laxant, suadet.

Vid. Christian. SCHEFFEL. *Diss. de Torminibus infantum, præcipue lactentium.* Resp. Carol. Frid. Zandt. Gryph. 1748.

§. 255.

ILIACUS MORBUS dicitur, quando motus intestinorum adeo est inversus, ut fæces per vomitum rejiciantur: est itaque vomitus (235) species, et appellatur etiam *miserere*. Componitur ex intestinorum irritabilitate maxima (72), et haud raro inflammatione (143), spasmodica intestini recti constrictione (58. 139), ac vomitu.

Pro causa habet, præter reliquas spasmi et inflammationis causas, imprimis herniam incarceratam; convolutionem intestinorum, sive intra se ipsa immiessionem; alvi constrictionem maximam et pertinacissimam;

mam; colicam (253) vehementiorem: intestina corporibus duris, copiose deglutitis, e. g. nucleis ceraforum, obstitata: nonnunquam canalis intestinorum, in quocunque loco, factam angustiam nimiam (58).

Dolores infert vehementiores, lancinantes, in regione umbilicali: anxietates præcordiorum, et cardialgias maximas, vomituum præcursores; ructus frequentes, et conatus vomendi; tandemque vomitiones materiæ fæcalis. Præterea inflammationem, nisi eadem jam adsit, generat, ejusque consequentias. Sæpiissime est lethalis, inflammatione hac ad gangrænam properante: quando autem intestini recti spasmus cessat, tunc sanitatis spes affulget. Medicamenta requirit anodina, et relaxantia reliqua (11): externe tamen fumus tabaci, aliaque purgantia fortiora, ano cum enematribus immissa, admittit.

* *Carminativa* (15), passim laudata, inutilia sunt, quin imo noxia, durante ælvi adstrictione. *Mercurii* etiam *vivi*, item globuli antimonialis deglutitio, quam in suspitione incarcerationis autores præcipiunt, valde est dubia.

** Vid. Joh. Arnold. FRIDERICI. *Diff. de gravissimo intestini tenuioris affectu, Ileo. Resp.* Christoph. Ernest. Stempel. Jen. 1666. Georg. VVolf. VVEDEL. *Diff. de Ileo. Resp.* Joh. Reinhard. Stiefel. Jen. 1689. Joh. Henr. SCHULZ. *Diff.*

Diff. *de Passione Iliacæ causis et curatione*. Resp. Joh. Carl. VVilh. Moehsen. Hal. 1742. Christian. Steph. SCHEFFEL, Diff. *de Passione Iliacæ*. Resp. Herm. Christoph. Nürenberg. Gryph. 1748. Nec non, Ferdin. Adam. SCHODER, Diff. *de Intestinorum mutuo ingressu*. Altorf. 1729. Aug. Frid. VVALTHER, Diff. *de Intestinorum angustia, ex obfirmato eorum habitus vitio*. Resp. Henr. Gottlob. Krisch. Lips. 1731.

§. 256.

MALUM HYPOCHONDRIACUM, quod idem in foeminis *morbis hystericis* audit, est morbus, compositus e spasmō (139) totum corpus permeante, et varios in diversis partibus morbos producente speciales, imprimis tamen in abdomine sese manifestantes; atque flatulentia (236), nec non obstructione alvina habituali (252), atonia primarum viarum (137), et sensibilitate reliqui corporis fibrarum nimia (72): ac virili tantummodo ætati supervenit. Causam dant: saburra intestinorum (237); itemque quælibet, quæ robur primarum viarum pessundant, imprimis diæta sedentaria ac simul justo siccior; et studia immoderata; unde etiam morbus hypochondriacus eruditos præ ceteris vexat.

Borborygmos, ructusque frequentes inducit: colicos insultus (253), inflationem

Bb

hy-

hypochondriorum: anxietates præcordiorum et respirationem difficilem: appetitum inordinatum, subinde nimium (231): palpitationes cordis (224): interdum sputi largiorem in ore proventum, in aliis tempore jejuno contingentem, in aliis post prandium; aut salivæ saporem dulciorem (118. 119); aut ructus acidos, vomitusque ejusdem generis: nonnunquam dolores capitis (177): urinam in paroxysmo limpidam.

Morbus est pertinax atque chronicus: atoniam toti corpori inducit, et chylicationem irregularem: vertigini (180), lipothymiaë (181), asthmatis convulsivo (216), vomitibus (235), diarrhoeis (246), colicæ (253) dat occasionem: nonnunquam melancholiam (190), quæ in hoc casu *hypochondriacæ* cognomen habet, infert. Juniores sæpius citiusque ab eodem liberantur, quam seniores. Medicamenta requirit, pro insultuum diverso gradu et tempore, spasmus debellantia, laxantia, roborantia (11): præprimis motum corporis et potum sufficientem.

Vid. Zach. BRENDEL. *Diff. de Affectu Hypochondriaco*. Resp. Mich. Schwanshofer. Jen. 1637. Joh. Theodor. SCHENCK. *Diff. de Passione Hypochondriaca*. Resp. Sam. Ochlitio. Jen. 1666. Georg. Christoph. Petr. ABHARTENFELS. *Diff. de dolore Hypochondriaco*. Resp. Mich. Gottreich. Schuster. Erford. 1691. Joh. CRÜGER. *Casus Medicus de morbo Literatorum*
sive

sive Affectione Hypochondriaca. Zittau 1703. Mich.

ALBERTI. *Diff. de Medicina Hypochondriacorum.* Resp. Ehrenric. Wilh. Kaatzki. Hal. 1716. Georg. Gotlob. RICHTER. *Diff. de Morbo Hypochondriaco.* Resp. Lehmann. Isaac. Kohen. Gott. 1739. Ern. Gotthold. STRUVII. *Diff. sistens Ideam mali Hypochondriaci, ejusque preservationem.* Resp. Casp. Henr. Schröder. Kil. 1741. Andr. El. BÜCHNER. *Diff. de varia Therapiae necessitate, tam in Hypochondriaco, quam in Hysterico malo.* Resp. Joh. Christian. Stockmann. Hal. 1747. Ej. *Diff. de singulari sensibilitate Hypochondriacorum, ejusque causis.* Resp. Mich. Giraldd. Hal. 1749. Ej. *Diff. de Dieta et Regimine Hypochondriacorum.* Resp. Georg. Zacharide. Hal. 1750. Guern. ROLFINK. *Diff. de Melancholia Hypochondriaca.* Resp. Joh. Theodor. Schenck. Jen. 1644.

Henr. MEIBOM. *Diff. de Suffocatione Hysterica.* Resp. Conr. Barthold. Behrens. Helmst. 1684. Joh. Hadrian. SLEVOGT. *Diff. de Puerpera suffocationis hypochondriaco-hysterice periculo exposita.* Resp. Ludov. August. Hahn. Jen. 1701. Georg. Ern. STAHL. *Diff. de Hypochondriaco-Hysterico malo.* Resp. Mich. Alberti. Hal. 1703. Lud. Claud. BOURDELIN. *Quæst. Med. An Opium hystericis?* Resp. Franc. Mery. Aff. Paris. 1725. Jac. Anton. MILLET. *Quæst. Med. An Kina-Kina hystericis?* Resp. Joach. Joh. Costar. Aff. Paris. 1726. Christ. Mart. BURCHARD. *Diff. de Affectione hysterica.* Resp. Georg. Sebast. Neuhaus. Rost. Adolph. WEDEL. *Diff. de Passione hysterica.* Resp. Wolffg. Haag. Jen. 1733.

§. 257.

HÆMORRHOIDES NIMIÆ
denotant hæmorrhagiæ (170) speciem, in qua sanguis ex aperta in cavitatem intestini recti vena, profluit; vel solus, in copia ut plurimum majori; vel cum excrementis permixtus, atque tunc ordinarie parcior. In utroque casu, aut sine omni molestia sanguis editur: vel spasmodici motus (139) quidam præcedunt. Reliqua omnia, quæ in hæmorrhagiis generatim, hic etiam valent.

Vel nimius, vel sæpe nimis

Vid. Frid. HOFFMANN. Diff. de salubritate Fluxus Hæmorrhoidalis. Resp. Georg. Andr. Agricola. Hal. 1697. Georg. Ern. STAHL. Diff. de Vena Portæ, Porta malorum. Resp. Joa. Petr. Gaetke. Hal. Ej. Diff. de Hæmorrhoidum internarum motu, et Ilæo Hematite Hipp. Resp. Joh. Dan. Gohl. Hal. 1698. Joh. Gothofr. BERGER. Diff. de Hæmorrhoidibus ultra modum profusis et coecis. Resp. Christian. Gottlob. Riz. Witt. 1700. Christ. VATER. Diff. de Hæmorrhoidum fluxu salutari et morbofo. Resp. Joh. Henr. Berger. Witt. 1717. Mich. ALBERTI. Diff. de Hæmorrhoidum salubri et insalubri promotione. Resp. Joh. Christian. Woyt. Hal. 1726. Ej. Diff. de Hæmorrhoidibus hereditariis. Resp. Frid. Gabriel. Meyenberg. Hal. 1727. Frid. HOFFMANN. Diff. de Immoderata Hæmorrhoidum fluxione. Resp. Mich. Frid. Geussenhainer. Hal. 1730. Jvo. Joh. STAHL. Diff. de dubia atque suspecta hæmorrhoidum laude. Resp. Mich. Ernest. Deville, Erford. 1733.

§. 258.

HÆMORRHOIDES SUPPRESSÆ, fluxus sanguinis deficientis (171) species, nominantur, quando hæmorrhoides non fluunt iis personis, quæ easdem regulariter, et periodice recurrentes, alias sunt expertæ: colicæ hæmorrhoidali (253) occasionem præbent, et variis motibus spasmodicis, præsertim in primis viis se exerentibus. Reliqua, ut in hæmorrhagiis deficientibus.

Aloen ordinarie laudant autores, quæ tamen circumspecte est in usum ducenda.

§. 259.

HÆMORRHOIDES EXTERNÆ sive *coeca*, nominantur tumores venarum hæmorrhoidalium varicosi, sanguinem non fundentes. Varias admittunt differentias, secundum diversam magnitudinem, situm, figuram, et morbos alios junctos. Aliæ enim pisi vel fabæ magnitudinem non excedunt; aliæ multum sunt majores: et variam formam monstrant. Quædam extra anum propendent; aut saltem in ejus vicinia; aliæ magis interne et superius sunt sitæ. Nonnullæ, indolentes, vesiculam mollem referunt, atro sanguine repletam: aliæ multo et vehementi dolore sunt stipatæ. Aliquando

mucosum humorem fundunt; tunc nonnullis speciatim dictæ *Hæmorrhoides mucosæ*: interdum ulcusculis pruriginosis simul, vel ipsæ, vel loca vicina, sunt obfessa, aut in eadem degenerant tandem; in quo casu malum quibusdam nominatur *Serpigo hæmorrhoidalis*.

Componuntur e Venarum hæmorrhoidalium, sive internarum sive externarum, ad easque spectantium ramorum, dilatatione partiali (82): plethora speciali (96), et ut plurimum dolore atque inflammatione (138. 143).

Causa est: sanguinis recursus in hisce partibus impeditus: atonia venarum hæmorrhoidalium: sanguinis abundantia generalis, et elasticitas major (96. 100): abusus spirituosorum, aliorumque calefacientium: equitatio nimia, ac exinde veniens irritatio partium intestino proximarum: spasmus (139) abdominis viscerum. Tenesmus (260) inducunt: aliquando, sed rarius, apertæ, aut ruptæ, sanguinem emittunt: inflammatae, dolorem pariunt maximum, qui aliquando ægroto nec incesum nec sessionem permittit: hæ ipsæ nonnunquam in ulcera mutantur aperta; aut reliquas inflammationis consequentias inducunt: nec non fistulæ ani dant occasionem. Causæ potissimum remotionem postulant: discutientia, externe admovenda

(59. schol.), et inflammationis aut suppurationis medelam consuetam.

* *Specifica* tantopere laudata, millefolium nempe, mures marini, folia sambuci recentia, chelidonium minus &c. revera nihil præstant.

** Doctrinam de *hæmorrhoidibus* ample tractant Stahliani. Interim experientia utilitatem tantam, quantam hi ipsi ex eorundem fluxu corpori promittunt, non confirmat: cum, præter effectum depletionis, nihil speciale præstent hæmorrhoides. Multi quoque medici, in morbis clinicis variis, ad conamina hæmorrhoidalia provocant: de quibus tamen idem valet, quod in antecedentibus de scorbuto dictum est (169,*).

*** Vid. Gothofr. MOEBII. *Diss. de Hæmorrhoidibus coecis et apertis*. Resp. Theodor. Rollio Jen. 1662.

§. 260.

TENESMUS dicitur continuus et simul inanis desidendi conatus, cum excretionem muci parcissimi. Componitur ex irritabilitate, aut leniori inflammatione (143), sphincteris ani, ac intestini recti portionis proximæ; et exinde pendente muci, a dilatatis glandularum, in fine intestini recti sitarum, ductibus, secretionem copiosa (108).

Causam constituunt, hæmorrhoides

coecæ (259), irritatio ab excrementis acribus: interdum calculus vesicæ, recto incumbens intestino: equitatio diuturna; ascari-
rides (245): acria externe admota, drastica purgantia assumpta, ac quæ hinc, aut aliunde veniunt, diarrhoeæ immoderatae (246): in gravidis, pressio intestini ab incumbente foetu.

Pruritus aut titillationem in orificio ani producit: urentem quandam perceptionem, et stimulum ad exprimendum, quicquid intus hæret: dejectionem muci parcius, raro cum excrementis mixti, aliquando subcruenti. Procidentiam ani, per conatum desidendi continuum ac vehementiorem; nec non inflammationem, nisi jam adsit, et quolibet inflammationis consequentias, producere potest: aliquando per spasmus, vesicæ urinariæ vicinæ communicatum, Ischuriæ (269) ansam dat. Medicamenta requirit anodina, atque relaxantia reliqua (II), tam externa, quam interna.

Vid. Joh. JUNCKER. *Diff. de Tenesmo hæmorrhoidali*. Resp. Joh. LAUSBERG. Hal. 1744.
Sim. Paul. HILSCHER. *Diff. de Tenesmo*.
Resp. Joh. Christoph. SCHULLI. Jen. 1748.

§. 261.

NEPHRITIS est inflammatio renum sanguinea, cum febre continua proportio-
nata,

nata (143. 153): dolorem in renis regione producit; et urinam copiosam, propter irritationem, fecerni facit: ulceri renum (263) occasionem subministrat. Reliqua, uti in singulis inflammationibus internis.

Vid. Georg. Wolffg. WEDEL. Diff. *agrum Nephritide laborantem exhibens*. Resp. Joh. Henr. Schmoller. Jen. 1680. Herm. Paul. JUCH. Diff. *de Nephritide*. Resp. Werner. Phil. Köhnen. Erf. 1752.

§. 262.

VESICÆ URINARIÆ INFLAMMATIO (143) dolorem in regione vesicæ dictæ, continuum mingendi stimulum, mictionem dolorificam, febrem continuam proportionatam (150) producit: aliquando, cum urina, muci copiosi et tenacissimi, instar corii soluti, fundo vasculi, cui urina immittitur, adhærentis; et, vase isto inverso, ad ulnæ longitudinem aliquando ex eodem dependentis, proventum. Reliqua, ut in inflammationibus internis omnibus.

De spasmo vesicæ agit Diff. Mich. Ern. ETTMÜLLER. Resp. Joh. Ernest Kulmus. Lips. 1732.

§. 263.

RENUM aut VESICÆ URINARIÆ ULCUS, suppurationis inter-

Bb 5

næ

næ (146) species, in qua pus cum urina emingitur: propter puris effluxum liberum, vel consolidationem admittit; vel saltem diutius, et ad annos aliquot ægrotum superstitem linquit. Reliqua, ut in suppurationibus internis quibuslibet..

* Quæcunque de renibus et vesica inflammatis aut suppurantibus dicta sunt, ea, suo modo, etiam valent de *ureteribus* et *urethra*.

§. 264.

CALCULUS RENUM est corpus quoddam solidum ac durum, in pelvi renis in massam lapideam concretum. Varias admittit distinctiones, a diversa magnitudine, forma, consistentia, desumptas. Alii namque calculi sunt minores, sabuli majoris grana mole æmulantes, tuncque copiosi generantur: alii, majores, ad ovi gallinacei magnitudinem interdum crescunt, horumque ordinarie unicus tantummodo adest. Quidam substantia gaudent porosa, friabili; et colore obscuro, brunno, rubescente, cineritio: alii densiores sunt, pellucidi, flavi, frustulo succini citrini aliquando simillimi. Nonnulli rotundi sunt, alii instar lentis plani, alii adhuc acutos habent angulos. Partim humorum spissitudinem (90), a terrei principii in iisdem abundantia, arguit: hujusque

jusque aut in secretoriis renum vasis subsistentiam, aut in calicibus, in pelvi, moram justo diuturniorem. Partim tubulorum renalium solito major adest dilatatio (57): et liquidorum ad renes congestio (88); aliquando a diureticorum aut potulentorum spirituosorum abusu.

Minor calculus, quamdiu quiete in loco suo jacet, nullos edit effectus sensibiles. Quamprimum autem loco moveri incipit, et descensum ad vesicam urinariam molitur, colicam infert nephriticam (253); et dolorem, aliquando fortissimum, qui secundum ureteris tractum ad vesicam successive ducitur, prouti scilicet calculus ipse sensim progreditur ultra: insimul urina mox clara prodit, instar aquæ limpidissimæ; mox penitus deest; Ad vesicam delatus, vel mox deinde per urethram cum urina prodit; hæc vero immediate ante plenarium exitum calculi e vesica, limosa aliquando, turbida, ac nigricans fere fit; aliquando sabulo sive lapillis minimis est permixta: vel ibidem commorans, calculum vesicæ parit.

Major in pelvi subsistit, ibidem continuo aecrescens: et propter compressionem; quam exerit, dolorem in regione lumbari, obscurum, gravativum producit, secundum Psoadis musculi tractum, ad pedem usque

usque excurrentem; pedis stuporem quoque; nec non irritationem, et inflammationem, (143) parti, cui incumbit, indeque provenientes consequentias, post se trahit.

In renibus frequens calculorum generis tubulos renales magis adhuc dilatat: sicque principii crassioris transitum, adeoque calculorum proventum, auget. Morbus causarum requirit remotionem, anodina (11), et diuretica sive lithontriptica leniora (15); aliquando etiam, clysterum ope, ano danda emollientia (11).

* Quod calculus renalis *oriatur* ab inflammatione renum, atque hanc sequente supuratione; et speciatim a crustam formante lymphâ, ex ulcere renali exsudante, contendit Joh. JUNCKER, libr. cit. Tab. XXXVI. sed frustra: præterquam enim, quod probationem asserti nullam addat, nec quomodo lymphâ ex ulcere quodam exsudare et condensari queat, facile est intellectu; testante chirurgia, in loco humido, qualis est renum portio interior, crusta nunquam generatur.

** *Calculus vesicæ*, itemque operatio quædam chirurgica, ad calculum renalem spectans, in chirurgicis autoribus explicantur.

*** Vid. Joach. STOCKMANN, *Diss. de Renum et vesicæ calculo*. Resp. Petr. Götze. Rost. 1646. Guern. ROLFINK, *Diss. de Genui-*

Genuina calculorum in humano corpore, præcipue renibus et vesica, generatione. Resp. Joh. Christian. Febring. Jen. 1663. Ge. Ern. STAHL. Diff. tradens novam Pathologiam calculi renum. Resp. Georg. Gottlieb. Köbler. Hal. 1698. Wilh. Huld. WALDSCHMID. Diff. de Calculo renum. Resp. Christian. Ulric. Schreiber. Kil. 1703. Joh. Henr. HEUCHER. Diff. de Calculo per adstringentia pellendo. Resp. Christian. Gottfr. Reiche. Witt. 1711.

§. 265.

DIABETES appellatur frequens urinæ excretio, potulentorum assumptorum copiam longe superans: estque in hoc morbo urina, adeo copiose proveniens, propter principium aquosum abundans, instar aquæ fontanæ diluta, sine odore ac colore consueti, nec non sine sedimento. Componitur e tenuitate humorum nimia (91), eorum ad renes congestione (88), tubulorumque renalium elasticitate justo majori (63). Causam constituunt, spasmi (139) partium quarundam vicinarum, hucusque extensi; diureticorum (15) abusus; excretiones reliquæ serosæ, transpiratio imprimis, deficientes (116). Vires corporis labefactat, easque tandem plenarie destruit: atque ideo, quoniam ordinarie malum est pertinax, haud raro morte terminatur: præterea transpirationem, nisi jam adsit justo minor, maxime debi-

debilitat. Medicamenta requirit adstringentia (12), et quæ transpirationem reducunt (15).

Vid. Herm. CONRING. *Diff. de Diabete.* Resp. Aug. Quir. Rivin. Helmst. 1676. Rudolph. Wilh. CRAUSII. *Diff. de Diabete.* Resp. Joh. Müller. Jen. 1692. Aug. Quir. RIVIN. *Diff. de Diabete.* vid. Ej. *Dis. Med.* Diff. XXXIII. Andr. Jul. BOTTICHER. *Diff. de Diabete.* Resp. Hieron. Laub. Helmst. 1704. Ludov. Frid. JACOBI. *Diff. de Diabete.* Resp. Joh. Frid. Vatteroth. Erford. 1709.

§. 266.

MICTUS CRUENTUS, hæmorrhagiæ (170) species, in qua sanguis e viis urinariis, vel solus, vel cum urina permixtus, vel fluidus, vel coagulatus, prodit: congestionem sanguinis ad renes, vesicam, et reliquas urinæ vias (96); nec non arteriarum renalium secundi atque tertii ordinis dilatationem nimiam (57), pro fundamento habet: aliquando dictarum partium inflammationem sanguineam (143); et diureticorum (15) abusum sequitur. Sanguis in vesica coagulatus, et in majora frusta concretus, dolores parit vehementissimos, ac quoslibet calculi vesicæ (264, **) effectus. Reliqua omnia, uti in hæmorrhagiis generatim consideratis.

Vid.

Vid. Paul. AMMANN. *Diff. de Mictione cruenta*. Resp. Jacob. Wolff. Lips. 1673. Georg. Wolfg. WEDEL. *Diff. sistens agrum mictu cruento laborantem*. Resp. Joh. Mich. Bertsch. Jen. 1683. Wilh. Hulder. WALDSCHMID. *Diff. de Mictione cruenta et suppressione Hemorrhoidum*. Resp. Joh. Thom. Schermerman. Kil. 1699. Joh. Ernest. SCHAPER. *Diff. de Mictu cruento*. Resp. Joh. Ludov. Schaper. Rost. 1715. Joh. KHELLE. *Diff. de Mictu cruento*. Altorf. 1721. Frid. HOFFMANN. *Diff. de Hemorrhagia uterini*. Resp. Godofr. Heinsio. Hal. 1730. Joh. Adolph. WEDEL. *Diff. de Mictu cruento*. Resp. Jo. Wolfg. Wedel. Jen. 1735.

(72) §. 267.

STRANGURIA denotat difficultatem mingendi eam, in qua urina guttatim provenit, cum perceptione quadam frigoris, et frequenti ad mingendum stimulo. Componitur ex irritabilitate vesicæ (72), et spasmodica colli ejus constrictione (58. 139): quibus aliquando porus foeculentus assumptus, aut perfrigeratio, præsertim abdominis, occasionem præbent. Plus incommodi, quam periculi affert: atque e dictis causis occasionalibus enata, non nisi transitorium quid est. Alias inflammationem vesicæ urinariæ tandem inducere valet: et remedia spasmis contraria postulat, una cum diaphoretico regimine observando.

Vid. Joh. Arnold FRIDERICI. *Diff. de Stranguria*. Resp. Phil. Wernicio. Jen. 1667.

§. 268.

§. 268.

DYSURIA aliam describit urinam emittendi difficultatem, cum ingenti mingendi nisu conjunctam; in qua urina pauca, et non nisi maximo cum conatu, atque dolore vehementiori, exprimitur. Constat e dolore (138), spasmo (139), irritabilitate nimia (72), et aliquando inflammatione (143) vesicæ atque urethræ; nec non humorum ad hæc partes congestione (88): nonnunquam e solo defectu muci in urethræ, quam urina transit, cavitare (124) nascitur. Causa est, vel calculus vesicæ, vel diureticorum (15) abusus, vel quæ et alias congestioni atque inflammationi ansam dant. Malum periculosius est præcedente, et interdum convulsiones (140) post se trahit: quod vero e defectu muci urethræ solo oritur, transitorium est. Medicamenta, spasmus et inflammationem debellantia, requirit.

Vid. Herm. Paul. JUCH. *Diff. sistens Dysuria Pathologiam et Therapiam*. Resp. Gustav. Frid. Cleemann. Erf. 1742. Joh. JUNCKER. *Diff. de Dysuria senili, ex motibus hæmorrhoidalibus oriunda*. Resp. Dieter. Jac. Remmighausen. Hal. 1743.

§. 269.

ISCHURIA, sive *urina suppressio*, ad-
est, quando urina nulla, per aliquot dierum
spa-

spatium provenit, quin etiam ne quidem stimulus ad eandem reddendam sentitur. Componitur e spasmodica tubulorum renalium constrictione (58. 139), et urinæ defectu (122): aliquando e vesicæ colli angustia nimia, aut urethræ obstructione (59). Causæ, præter consuetas spasmi causas, interdum sunt: calculus vesicæ (264,**) hujus collum obstruens, inflammatio (143) in eodem loco; tumor externe incumbens, aut uterus gravidus, ab extra comprimentes; calculus vesicæ minor, aut caruncula, urethram claudentes: spasmus, a tenesmo (260) ortum trahens. Nisi ante diem septimum, aut cum eodem, abeat, ut plurimum, accedente singultu, (229), vel convulsionibus (140), vel affectu soporoso (193), lethalis evadit. Medicamenta cuilibet causæ appropriata: et, si viæ pateant, lenia diuretica (15) postulat.

* Intestinum rectum, scybalis induratis plenum, comprimendo vesicæ collum, ischuriam producere posse, GARENGEOT *Splanchnol.* p. m. 178. testatur.

** Vid. Henr. MEIBOM, *Diss. de suppressione urinæ.* Resp. Joh. Albert. Papke, Helmst. 1676. Aug. Quir. RIVIN, *Diss. de Ischuria.* vid. Ej. *Diss. Med. Diss. XXXII.* Joh. Adam. KULMI, *Diss. de Uteri delapsu, suppressionis urinæ et subsequente mortis causa.* Resp. Joh. Eilhard. Reinick. Gedan. 1732.

§. 270.

URINAE INCONTINENTIA, morbus præcedentibus oppositus, quando scilicet urina justam in vesica moram, ad consuetam excretionem usque, non trahit; sed involuntarie, et absque stimulo solito præeunte, sive interdiu, sive nocte, profluit, vel guttatim, vel copiosius, vel continuo, vel per intervalla: aut componitur e colli vesicæ nimia dilatatione, ejusque elasticitate deficiente (57.64): aut læsionem, in hoc collo, aut in urethra præsentem, et aperturam inconsuetam, habet pro basi. Causæ possunt esse calculus vesicæ (264, **), paralyxis colli vesicæ (195); dilaceratio vesicæ aut urethræ in partu difficili; fistula perinæi, aliquando post lithotomiam residua, maxima imbecillitas in morbis quibuslibet magnis; animi desponsatio in morbis lethaliibus. Ea speciatim, quæ non nisi nocturno contingit tempore, sine alio morbo conjuncto, pro fundamento habet pravam consuetudinem, a tenerrima ætate relictam. Maximum incommodum, per subsequenter immunditiem, parit. Ex sola imbecillitate orta, sponte abit. Reliquæ species causæ remotionem postulant.

Vid. Frid. HOFFMANN, *Diff. de Incontinentia urinæ ex partu difficili*. Resp. Henr. Andr. Velthem, Hal. 1724.

§. 271

§. 271.

POLLUTIO NOCTURNA

dicatur involuntaria feminis, in somno, cum prægressa colis erectione, profusio. Vel solam feminis abundantiam (108), et corporis bene valentis robur habet pro fundamento: atque tunc medela nec indiget, nec eam admittit, ad morbos quippe non pertinens, neque corpori noxam inferens. Vel oritur ab irritabilitate musculorum, huc pertinentium, nimia (72); propter sanguinis, per abusum calefacientium (13), factam ebullitionem; aut propter quandam acredinem seminis (112); aut propter sanguineam inflammationem (143) partium proxime vicinarum; quæ species morbi singulæ corporis totius atoniam sensibilem inducunt; chronicæ factæ difficulter eradicantur; et causarum remotiorem exposcunt. Vel denique fractum, quocunque modo, genitalium partium robur (137) supponit: tuncque, nisi roborantia consueta (11), aut causarum, forte restantium, ablatio, suppetias ferant, insanabile malum constituit.

Vid. Guern. ROLFINK. *Diff. de Pollutione nocturna.* Resp. Georg. WOLFG. WEDEL. Jen. 1667.

§. 272.

FLUOR ALBUS, qui est effluxus
Cc 2 muc,

muci, plus minus crassi et copiosi, e vagina uteri, vel continuus, vel per intervalla rediens, aut mensium fluxu durante penitus cessans: distinguitur in *benignum*, qui, hoc loco pertractandus, dicto modo procedit; et *malignum*, qui idem est cum gonorrhœa virulenta (274).

Componitur e canalium vel arteriarum secernentium laxitate nimia et dilatatione (57.79), mucii in vagina copia nimia (108), et partium atonia (137).

Causam constituunt, mucii ac feri in sanguine, sive lymphæ, aut abundantia generalis (104. 106); aut ejus recursus impeditus, propter uterum gravidum, vasis sanguiferis majoribus incumbentem; vita sedentaria: interdum abortus prægressi frequentes (279): et quæcunque dictarum partium robur infringunt.

Præter alia varia incommoda, cutisque vicinæ a continuo humore aliqualem erosionem, spasmodicos dolores varios, præsertim circa os sacrum, habet conjunctos: corpus debilitat, et malum constituit pertinax, roborantibus (11), et adstringentibus (12) sanandum. Ea vero species, quæ *gravida* infestat, medelam nec admittit nec postulat, nisi post editum partum adhuc supersit.

Vid. Guern. ROLFINK. *Diff. de Flure albo mulierum.* Resp. Theodor. Rollio. Jen. 1661. Georg. Wolffg. WEDEL. *Diff. de Flu-*

ore albo. Resp. Georg. Erich. Thill. Jen. 1682. Joh. Hadrian. SLEVOGT. Diff. *exhibens matronam nobilem, fluore albo laborantem.* Resp. Carol. Maximil. Held. Jen. 1703. Joh. Philipp. EYSEL. Diff. *exhibens Pilam Coryzaem in uteri vagina.* Resp. Christian. Volprecht. Erford. 1709. Joh. Gothfr. BERGER. Diff. *de Fluore albo.* Resp. Christian. Benedict. Carpzov. Witt. 1711. Joh. Christoph. LISCHWIZ. Diff. *de Flure albo mulierum.* Resp. Hieron. Cassio. Kil. 1736. Joh. Adolph. WEDEL. Diff. *de Fluore albo.* Resp. Augustin. Mich. Eilhard. Jen. 1742. Gustav. Christian. HANDWIG. Diff. *de Fluore albo, speciatim gravidarum.* Resp. Petr. Nicol. Flamm. Rost. 1747. Carol. Frid. KALTSCMIED. Diff. *de Fluore albo benigno.* Resp. Joh. Gottlieb. Hentrich. Jen. 1749. &c.

§. 273.

Genorrhoea idem in maribus denotat, quod fluor albus (272) in fœminis: scilicet effluxum ex urethra, plus minus continuum atque copiosum, liquoris glandularum seminalium, aliarumque in vicinia sitarum, magis minusve mucosi et crassi. Distinguitur quoque in *benignam*, quæ hujus est loci; et *malignam*, de qua in mox sequentibus. Prior, in qua muci effluentis copia aliquando adeo est exigua, ut potissimum per madorem quandam, in indusio obvenientem, sese manifestet: canalium supponit laxitatem (54), itemque dilatationem (57), et partium huc

spectantium atoniam (137): ab omnibus atoniam inducentibus causis, si in hacce speciatim partes agant, provenire potest: chronica facta, difficillime extirpatur: et roborantia (11), nec non adstringentia (12) postulat.

§. 274.

GONORRHOEA VIRULENTA, in utroque sexu, denotat effluxum materiæ purulentæ e genitalibus, post communicatum ipsis contagium venereum. Supponit ergo suppurationem in dictis partibus, post impurum concubitum, contingentem (146. 168). Liquor profluens flavescens observatur, saniosus, aut vere purulentus, aliquando viridescens, acris, tegumenta corporis universalia vicina arrodens: inflammationes præterea adfunt, et ulcuscula, verum pus vel saniem fundentia, itemque fissuræ, in externis etiam partibus interdum conspicuæ; insimulque lassitudo, et atonia (137), totius corporis infestat: ac in malo graviore aspectus faciei est pallidus, et oculorum ambitus livido colore distinctus. In mulieribus etiam tempore mensium non interrumpitur. Minus rite tractata, et nude suppressa, primo bubones in inguine excitat, deinde successive luem veneream toti communicat corpori: methodice vero sanata, citius superatur, quam
beni-

benigna. Medicamenta contra contagium venereum specifica postulat, id est, mercurium, cujus edulcorati parcior ut plurimum usus sufficit: præter ea adhibeantur diuretica leniora (15), balsamica (11), tandemque adstringentia (12).

Vid. Joh. ZELLER, *Diff. de Gonorrhoea virulenta utroque in sexu.* Resp. Georg. Frid. Gmelin, Tübing. 1700.

§. 275.

MENSES NIMII, hæmorrhagiæ (170) species, ubi menses vel in majori, quam par est, quantitate fluunt, vel justo citius recurrunt, a reliquis hæmorrhagiis nullo differunt modo.

Vid. Joh. Theod. SCHENCK, *Diff. de Immoderato mensium profluvio.* Resp. Sam. Ochlitio. Jen. 1665. Georg. Wolfg. WEDEL *Diff. de Mensium fluxu immodico.* Resp. Franc. Joh. Erich. Jen. 1688. Georg. Ern. STAHL, *Diff. de mensium muliebrium Fluxu s. n. et suppressione p. n.* Resp. Joh. Georg. Brebisi. Hal. 1694.

§. 276.

MENSES EMANENTES, et SUPPRESSI, fluxus sanguinis deficientis (171) genus: quando nimirum mensium fluxus, vel diutius justo advenire retardat; vel, antea rite fluens, iterum cessat: in priori ca-

fu sanguinis deficientem elasticitatem, atque partium atoniam (101. 137) arguit: in posteriori, vel vasculorum constrictionem spasmodicam (80. 139), a refrigeratione partium inferiorum, in ipso fluxu contingente ac graviore, cum alio quodam errore diætetico, ortam sequitur; vel ingravidationis est consequens. Insignem corporis lassitudinem universalem infert, in scalarum imprimis adscensu se manifestantem, et reliqua plethoræ (96) confectaria, nec non chlorosi (173), viam sternit, ut et aliis hydropum generibus (172). Quæ vero graviditatem pro causa habet mensium suppressio, neque lassitudinem corporis dictam, neque reliqua post se trahit; sed cum ea foeminæ ab his omnibus immunes degunt, nec medela indigent. Ceteris ægris medicamenta dentur roborantia et aperientia (11): cum diureticis lenioribus, imo et, instante ipso fluxu, paulo fortioribus (15); atque interpositis pediluviiis reiteratis.

Vid. Guern. ROLFINK. *Diff. de suppressione mensium*. Resp. Joh. Sigism. Engelhæupt. Jen. 1656. Sam. GEIDELIN. *Diff. de suppressione mensium*. Argent. 1663. Joh. Henr. GLASER. *Diff. de mensium suppressione* (151, ***). Joh. Gothfr. BERGER. *Diff. de suppressione Catameniorum* Resp. Joh. Simeon. Reinhard. Witt. 1692. Georg. Ern. STAHL. *Diff. de fine mensium, initio morborum variorum opportuno*

uno. Resp. Simon. Daniel. Titio. Hal. 1710.
 Mich. ALBERTI. Diff. *de initio Menstrum, sine morborum.* Resp. Joh. Adam. Hartm. Brebis.
 Hal. 1727. Ej. Diff. *sistens casum menstrui fluxus anomali, animique pathematibus perturbati.* Resp.
 Wolfg. Theophil. Glockengiesser. Hal. 1741.
 Carol. Ludov. LIGER. Quæst. Med. *An menstruis morantibus chalybeata?* Resp. Joseph. Lalle-
 mant. Aff. Paris. 1743. Andr. Joseph. SE-
 RON. Quæst. Med. *An suppresso et immoderato catameniorum fluxui, Aperientia?* Resp. Joh.
 Claud. Munier. Aff. Paris. 1743.

§. 277.

HAEMORRHAGIA UTERI,
 hæmorrhagiæ (170) genus, gravidis in spe-
 cie obveniens, dicitur, quando in his san-
 guis, tempore non consueto, et interdum
 brevi ante partum, e genitalibus copiose
 profluit. Sanguis hac ratione, vel e vagina
 emittitur, atque tunc, præter effectus gene-
 rales, specialem non affert noxam: vel ex
 utero venit ipso, tuncque separationem
 placentæ ab utero, in spatio plus minus late
 extenso, arguit; sicque abortum (279) post
 se trahit facillime, et aliquando morte termi-
 natur. Uterque affectus medicamenta, in hæ-
 morrhagiis consueta, postulat.

Quænam in specie medela requiratur,
 si medicamenta data vim exserant nullam,
 ex autoribus obstetriciis addiscitur.

§. 278.

HYDROPS UTERI ejusque partium, hydropis interni (172) species, ubi vel serum extravasatum in *utero* colligitur, aut in *tuba*, aut in *ovario*, sive alterutro sive ambobus; vel vesiculæ aqua plenæ, *Hydatides* dictæ, ibidem continentur: dictas partes, insimulque abdomen, expandit, et graviditatis effectus quoslibet, excepto embryonis motu, gignit; in *utero* speciatim, oris interni, a muco copiosius separato, occlusionem supponit; exque eo, a causa quadam sive occasionali, sive studio admota, reſerato, aquarum profluxum, plus minus copiosum, aliquando post se trahit, cum morbi aut levamine aut plenaria solutione. Reliqua, ut in hydrope interno quolibet.

§. 279.

ABORTUS denotat foetus, ante justum pariendi tempus, id est, ante expletum graviditatis mensem septimum, sive vivi sive mortui exclusio: est ergo partus præmaturus, in quo conveniunt, congestio sanguinis ad uterum (96), et placentæ cum utero destructa cohæſio (56); quemque immediate præcedunt dolores partus veri, et ut plurimum quoque uteri hæmorrhagia (277).

Causa

Causa est, quicquid tam motum sanguinis in genere auget, quam eundem ad uterum determinat, ipsumque aut embryonem fortiter lædit: animi nimirum, corporisque commotiones vehementiores, calefacientium (13) abusus, febris (248) fortior, spasmus (139) quilibet major, aliusque morbus quicunque vehementior; emmenagoga (15) assumpta, vomitoria, purgantia drastica; diarrhoeæ immoderatae (246); extensio abdominis, per manuum nimiam in altum extensionem; gestatio oneris prægrandis, hujusque sublatio in altum, aut auferendi conamen; ictus, contusiones, lapsus in terram, abdomen ferientes; embryoni lethales morbi.

Sæpius contingens, quasi habitualis fit, tuncque levissima occasione data redit; nec raro medelam omnem respuit: præterea fluori albo (272) occasionem subministrat. Præservative igitur, et curative quoque, cor animusque quæta servantur, cum adhibitis medicamentis, quæ sanguinis motum nimium temperant, id est, refrigerantibus (13).

Vid. Joh. Arnold. FRIDERICI. *Diff. de Abortu*. Resp. Matth. Zach. *Pilling*. Jen. 1665. Justin. Ortolph. MAROLD. *Diff. de Abortu, per vomitum rejecto*. Altorff. 1669. Joh. Jac. FICK. *Diff. de Abortu Epidemico*. Resp. H. T. Witte. Jen. 1697. Joh. BOHN. *Diff. de Abortu salu-*

Sahibri. Resp. Georg. Christian. Werther. Lips.
 1707. *Georg. Christoph. DETHARDING.*
Diff. de foetus immaturi exclusione. Resp. Wilh.
Frid. Zander. Rost. 1748. Ej. Diff. de Abortu
foeminae variolis laborantis innoxio. Resp. Joh.
Behme. Rost. 1749.

§. 280.

EMBRYONIS MOTUS NI-
MIUS dicitur, quando matri embryonis
 motus fit ultra modum dolorosus: et vel
 flatulentiam intestinorum (236), quæ em-
 brioni spatium necessarium adimit, habet pro
 causa; vel morbum quendam, huic superve-
 nientem, e. g. convulsiones (140); vel ro-
 bur foetus, partui vicini: omnes dolorum
 (138) consequentias post se trahit, et in sen-
 sibilioribus personis aliquando lipothymiam
 (181) infert. Pro causarum diversitate, vel
 remotione flatulentiae sanatur, vel medelam
 non admittit, vel non postulat. Palliative
 interim fascia latiori abdomen totum modice
 obvolvatur.

Vid. *Casimir. Christoph. SCHMIEDEL.*
Diff. sistens Pathologiam dolorum Gravidarum,
Parturientium et Puerperarum. Resp. Christian.
Frid. Joerdens. Erlang. 1750.

§. 281.

DOLORES PARTUS SPURII
 sunt dolores (138) vagi, spasmodici (139),
 plus

plus minus vehementes, brevi ante partum abdomen transversim percurrentes, qui tamen ad promovendum partum nil quicquam conferunt, sed potius vires parturientis exhauriunt. Sæpissime flatulentiam atque saburram intestinale (236. 237) habent pro fundamento: et, nisi brevi, quod alias faciunt, in veros partus dolores transeant, post adhibitum unum alterumve enema, anodina (11) exposcunt.

Vid. Joh. Hadrian. SLEVOGT. *Diff. sistens Dolorum partus spuriorum cum veris collationem.* Resp. Christoph. El. Schelbass. Jen. 1702.

§. 282.

DOLORES POST PARTUM sunt dolores spasmodici (138. 139) veris doloribus partus æmuli, sat vehementes, per vices infestantes puerperam, post exclusum foetum: qui vel flatus atque saburram intestinale (236. 237) præsentem sequuntur; vel secundinam sive totam, sive pro parte, in utero relictam, aut sanguinis grumos in eodem concretos, molam, aliaque ibidem forte restantia; vel refrigerationem incaute admissam; vel abdominis, antea dilatati, subitam subsistentiam: vires puerperæ exhauriunt, et reliquis quoque doloris ac spasmi consequentiis ansam dant: post causæ remotionem, anodinjs (11) sanandi.

Vid.

Vid. Augustin. Henr. FASCH. *Diff. de Doloribus post partum*. Resp. Frid. Gerber. Jen. 1683. Sim. Paul. HILSCHER. *Diff. sistens curationem paucitatis Lochiorum et Dolorum post partum, in matrona Generosa feliciter peractam*. Resp. Joh. Henr. Schade. Jen. 1743.

§. 283.

LOCHIA NIMIA, hæmorrhagiæ (170) species, in qua post partum lochia, vel abundantius, vel diutius, quam decet, fluunt: aliquando abusum medicamentorum aut potulentorum calefacientium (13) sequitur. Reliqua eadem, quæ in hæmorrhagiis, sunt.

§. 284.

LOCHIORUM SUPPRESSIO fluxus sanguinis deficientis (171) species, in qua post partum lochia, vel parcius justo, vel plane non fluunt: vel sanguinis defectum, aliquando propter perpeßam, aut brevi ante partum, aut in ipso partus negotio, uteri hæmorrhagiam (277) habet pro fundamento, nec tunc medela indiget (171, **); vel inflammationem uteri atque febrem lochialem (285) sequitur, hujus igitur postulans remotionem. Reliqua, ut in hæmorrhagiis deficientibus in genere.

Vid. Brand. MEIBOM. *Diff. de lochiorum suppressione*. Resp. Just. Andr. Richers. Helmst. 1717.

§. 285.

FEBRIS LOCHIALIS denotat febrem inflammatoriam (153), ab uteri, post partum, inflammatione ortam, et cum lochiorum suppressione (284), quam post se trahit, conjunctam: vel propter refrigerationem, abdominis præsertim, partiumque inferiorum, incaute admissam; vel propter aliam quamcunque causam, quæ inflammationi producendæ apta existit: omnes morborum, e quibus componitur, effectus post se trahit, quorum tamen, quoad inflammationem, suppuratio ceteris est longe rarior. Medelam haud aliam, quam in febre inflammatoria consuetam, poscit: externa tamen discutientia (59. schol.), propter loci opportunitatem, simul admittit.

* Quæ præterea ad graviditatem, sive consuetam, sive vitiosam, atque ad partus negotium, spectant: ea singula autoribus, de arte obstetricia agentibus, relinquuntur.

** Vid Georg. Ulric. MILLER. *Diff. de Inflammatione uteri*. Altorf. 1743. Jacob. Albert. HAZON. *Quæst. Med. An uteri inflammationi, post partum, Venæsectio e brachio?* Resp. Barthol. Murry. *Aff. Paris*. 1736. Joh. Christoph. POHL. *Diff. de Febre Lochiali*. Resp. Mart. Gottlob. Halpitzio. Lips. 1753.

§. 286.

IMPOTENTIA GENERAN-
DI, quæ in maribus speciatim *impotentia*, in
 foeminis *sterilitas* audit, nec nisi de ætate
 congrua valet: præter causas morales, ali-
 orum pertinentes; vel supponit atoniam par-
 tium huc spectantium, a quacunque causa,
 nonnunquam a prægresso stimulantium usu
 inepto, ortam (137); vel vitium quod-
 dam locale, adeoque aut defectum, aut fi-
 tum, aut volumen, aut conformationem, aut
 occlusionem, inconsuetam unius vel alterius
 ex iisdem partibus: et causarum, quarum
 ultimæ chirurgicam opem postulant, remo-
 tione sanatur: quas inter, si insanabiles existi-
 terint; itemque *impotentia* speciatim chroni-
 cæ, atoniam partis, roborantibus quibusvis
 (11) insuperabilem, supponenti; nec non *ste-*
rilitati, propter ovulorum in ovario defe-
 ctum, medicina superest nulla.

* Vid. Christian. VATER. *Diff. de Steri-*
litate sexus utriusque. Christ. Henr. Molweid.
 Witt. 1711. Georg. Ernest. STAHL. *Diff. de*
Impotentia virili. Resp. Benj. Ewaldt. Hal.
 1697. Ej. *Diff. de Sterilitate foeminarum.* Resp.
 Gottfr. Wilhelmi. Hal. 1711. Joh. Arnold.
 FRIDERICI. *Diff. de Sterilitate muliebri.* Jen.
 1664. Herm. Frid. TEICHMEYER. *Diff. de*
Sterilitate mulierum Resp. Joh. Carol. Kovesdy.
 Jen. 1743. Mich. ALBERTI. *Diff. de Infœ-*
cunditate corporis ob fecunditatem animi in foe-
minis. Resp. Carol. Gottfr. Richter. Hal. 1743.

** Con-

** Contraria huc affectui constitutio est *Satyriasis*, sive nimia in venerem propensio, de qua vid. Joh. RIKEMANN. *Diss. de Satyriasi sive Priapismo*. Resp. Joh. Eschenbach. Jen. 1670.

§. 287.

TREMOR ARTUUM denotat partium, e quibus artus, maxime superiores, componuntur, imo et capitis, mutua et continua, insimulque involuntaria, agitatio. Pro causa habet: vel plethoram (96), sanguinisque ebullitionem, aut ab animi, corporisque commotione vehementiori, aut a potu caffè nimis copiose assumpto: vel refrigerationem artuum majorem; vel insultum febrilem (148), aggredientem; vel atoniam (137), sive senilem, sive spirituosorum potentiorum abusu contractam, sive post morbum graviolem relictam. Usus partis tremebundæ, pro gradus diversitate, vel impedit, vel penitus tollit. Senilis, et heluonibus tandem accedens, medelam non amplius admittunt: reliquæ species, quarum causa est transitoria, sponte post aliquod tempus, post remotam saltem causam, abeunt.

Vid. Günth. Christoph. SCHELHAMMER. *Diss. de Tremore*. Resp. Joh. Phil. Krauss. Jen. 1692. De stupore manuum agit *Diss.* Joh. Arnold. FRIDERICI. Resp. Phil. Marc. Marci. Jen. 1667.

§. 288.

ARTHRITIS, quæ est inflammatio cum dolore spasmodico acuto, in articulis manuum ac pedum residens: distinguitur in *vagam*, quæ varios successive articulos permigrat; et *fixam*, quæ in articulo unico diutius fixa hæret: atque hæc ultima speciatim dicitur *Chiragra*, quando manum occupat; *Gonagra*, si in genu adsit; *Podagra*, si extremos pedes vexet. Componitur e congestione humorum, sive plethora articularum speciali (96): ac dolore, spasmō, inflammatione, (138. 139. 143) in iisdem. Causam constituunt, plethora: diæta lauta: vita otiosa: calefacientium abusus: venus nimia: aër humidus, vel vernalis, vel autumnalis: refrigerationes iteratæ post incalescentiam: accedente imprimis, secundum autores, dispositione hereditaria. Febrem inducit proportionatam continuam (150), pavores in somno, appetitum plerumque prostratum, alvum clausam, spasmos aliarum quoque partium, e. g. colicam (253), &c. Per paroxysmos sive reiteratas exacerbationes, tam generales, quam speciales, affligit. Male tractata, ac nude repulsâ, uti autores volunt, asthmati convulsivo (216), singultui (229), variisque aliis spasmodicis atque convulsivis morbis, nec non inflammationibus internis, earumque consequentiis, occasionem subministrat. Habitualis quandoque fit, atque

tunc

tunc sæpius, et facillime revertitur. Anodina requirit, refrigerantia, attenuantia, diaphoretica (11-15), regimen diapnoicum.

Vid. Valentin. Henric. VOGLER. *Diss. de Arthritide*. Resp. Olao Oesten. Helmst. 1657. Augustin. Henr. FASCH. *Diss. de Morbo Dominorum et Domino morborum*. Resp. Paul. Henr. Fuch. Jen. 1670. Joh. Ern. SCHAPER. *Diss. de Arthritide*. Resp. Gerh. Matth. Röhr. Rost. 1698. Polyc. Gottl. SCHACHER. *Diss. de Thermarum Carolinarum usu in Arthritide*. Resp. Christian. Frid. Boettger. Lips. 1709. Joh. Henr. HEUCHER. *Diss. de Arthritide, agrorum culpa insanabili*. Resp. Christian. Georg. Bebel. Witt. 1712. Herm. Frid. TEICHMEYER. *Diss. de Arthritide*. Resp. Henr. Petr. Eichmann. Jen. 1733. Joh. Christoph. SCHMELLEN-TIN. *Diss. de Arthritide*. Harder. 1738. Joh. Franc. COUTHIER. *Quæst. Med. An a vino Burgundo Arthritis?* Resp. Leand. Peager. 1739. Mich. Phil. BOUVART. *Quæst. Med. An optima Arthritidi devia Episcopatica?* Resp. Petr. Lalouette. Alf. Paris. 1741. Carol. Ludov. LIGER. *Quæst. Med. An Arthritidi Sapo?* Resp. Carol. Franc. Theroulde de Toulouse de Vallun. Alf. Paris. 1747. Carol. Frid. KALTSCHMID *Diss. sistens Arthritidem rationaliter demonstratam*. Resp. Paul. Jac. Kniper. Jen. 1750.

§. 289.

Arthritis vaga, arthritidis (288) species, in qua dolores arthritici et inflammatio plures successive articulos permeant, nec, durante morbi decursu, in unico præsertim fixa hærent: juniores potissimum invadit. Ve-

hementissimis doloribus, subito plerumque inchoat, vel in carpo, vel in tarso, vel genu, vel digiris; ejusdem partis inflammationem, ut plurimum tamen mitiorem, adducens: post aliquot horas, febris ac dolor remittunt; pars inflatur et deinde sensim iterum subsidet; sicque interdum vix ultra viginti quatuor horas, saltem non ultra unum alterumve diem, morbus in hoc articulo durat: sequenti autem die, plus minus tarde, idem morbus alterum quendam articulum, eadem ratione, vexat: atque sic ex tarso pedis, e.g. dextri, ad manus sinistræ carpum se convertere potest; hinc ad tarsum, aut genu, sinistri pedis; et ulterius, ad dextræ manus carpum migrare; ubique novos, et prioribus similes, paroxysmos, sive morbos speciales produciens. Sæpius recurrens, (quod fit ut plurimum tempore vernali sive autumnali) tandem in fixam arthritidem (290) transit. Externa remedia vix perfert. Reliqua, ut in arthritide.

* Cum arthritidi vagæ, pariter ac cuilibet morbo, morbi adhuc alii sese jungi queant: hinc autores nonnulli de *arthritide vaga scorbutica*, id est, de arthritide vaga, cum scorbuto combinata, loquuntur (169,*)

** Vid. Justi VESTI Diss. de *Arthritide erratica*. Resp. Joh. Volrad. Scholino. Erf. 1700.

§. 290.

Arthritis fixa, est arthritis (288) in articulo

ticulo quodam diutius fixa hærens; nec, ut vaga (289), ab uno articulo ad alterum, subita mutatione, oberrans.

Paroxyfmi speciales, ipsi quoque intra quatuor viginti ut plurimum horas absoluti, in eodem semper articulo inchoant. Quilibet ex iisdem ordinarie cum insultu quodam febrili, aut versus noctem, aut media nocte, aut post noctem mediam statim, incipit: plus minus diu cum calore febrili, ad horas matutinas, aut antemeridianas usque extenditur: tandem, erumpente sudore, febris ac dolor, magis minusve remittunt, et interdum plenarie quasi abeunt: usque dum novus paroxysmus, nocte sequenti revertens, dolorem in eodem articulo cum febre renovat, deinde ratione simili evanescentem aut mitescentem. Dolor ille, si *Podagra* aut *Gonagra* adsit, per pedem totum; et *Chiragra* infestante, per manum universam, harumque partium musculos, periostium &c. se diffundit. Reliqua quoque inflammationis et febris effectus observantur.

Morbus habitualis facile fit, plus minus sæpe tunc recurrens, atque sic potissimum vernali et autumnali tempore, quando aer est humidus frigidusque, recrudesceat. Finito paroxysmo generali sive morbo, stupor aut rigiditas artus affecti aliquamdiu remanet. Paroxysmorum, imprimis specialium,

regularitatem varia accidentia, regimen incongruum, animi commotiones, &c. aliquando alterant et pervertunt. Quamdiu pavores in somno durant, tamdiu morbi finis non est sperandus. Quo annosior est podagra, eo diutius durant morbi atque paroxysmi singuli; eoque minus dolores sunt acuti: et vice versa. Tandem digitorum et artuum contracturæ accedunt: nec non circa digitorum articulos nodi, massa cretacea interdum repleti. Facile etiam sese jungunt calculus renalis, aut saltem ejusmodi dolores: et sabuli cum urina excretio.

Dolores vehementissimi cataplasmata, ex aqua et farina secalina cocta, crassissima, calide applicata perferunt. Reliquæ arthritidis sanationi cura addatur lactea, specificæ huic morbo medens.

* Urinam in paroxysmo, quo magis dolores vigent, eo magis esse rubicundam, crassam, cum sedimento, quamdiu crudius est malum, paucissimo, pallidoque; quando morbus autem fit provector, crassiori, et submucido roseo: præterea parietibus vitri adherere, nec non ad fundum demitti, copiosa granula crocei coloris, instar tartari, vult JUNKER, *libr. cit.* Tab. XCVI.

** Vid. Joh. LÖSEL, *Tract. de Podagra*. Rostoch. 1638. Herm. CONRING, *Diss. de Podagra* Resp. Joh. Henr. Hafselt. Helmst. 1659. Guern. ROEFINCK, *Diss. de Podagra*. Resp. Joh. Eschenbach. Jen. 1672. Ladisl. Natal.

Natal. CÄTZIL. Tract. *Podagra non minus facile curatur, quam Quartana.* Roterod. 1695.
 4to. Frid. HOFFMANN. *Diff. de genuino et simplicissimo doloris podagræ remedio.* Resp. Stephan. Kiraly. Hal. 1697. Georg. Ernest. STAHL. *Diff. de Podagræ nova Pathologia,* Resp. Joh. Conrad Tiessenbach. Hal. 1698.
 Abrah. VATER. *Diff. quæ arcem Podagræ armis chemicis expugnabilem esse, demonstrat.* Resp. Joh. Frid. Christian. Gercken. Witt. 1724.
 Georg. DETHARDING. *Diff. de Causa materiali Podagræ, quæ abstrusissima habetur.* Resp. Marc. Herford. Peckel. Hafn. 1736. Joh. JUNCER. *Diff. disquirens: An et cur Podagra, agrum gravius exercens, rarius recurrat.* Resp. Joh. Christian. Frid. Küster. Hal. 1745.

*** *Glossagram, id est, dolorem in lingua, arthritico similem, addit Joh. Phil. EYSEL. Diff. de Affectu rarissimo, Glossagra.* Resp. David. Christian. Valtber. Erford. 1701.

§. 291.

RHEUMATISMUS denotat spasticos fixos dolores (138. 139) partium, imprimis musculorum, et præ ceteris brachii superioris, propter inflammationem lymphaticam (144) ibidem exortam: ac in brachio dolorem tum potissimum manifestat, quando id ipsum attollitur. Causæ sunt, plethora (96): subitanea partis morbosæ, post incallescenciam, refrigeratio: spasmi partium vicinarum. Malum constituit pertinax, ad plures quandoque septimanas extensum: et medicamenta postulat, anodina (11), exter-

na et interna attenuantia (14. 59. schol.), par-
tisque ægrotæ diaphoreticum regimen con-
tinuo observandum, impositis, quæ ex lana
aut pellibus conficiuntur, spleniis et obvo-
lucris.

Vid. Gothof. MOEBII. *Diff. de Rheumati-
co affectu.* Resp. Christian. Buncke. Jen. 1649.
Georg. Ern. STAHL. *Diff. de Rheumatismo.*
Resp. Godotr. Müller. Hal. 1707. Joh. Gothof.
BERGER. *Diff. de Rheumatismo.* Resp. Joh. Chri-
stian. Eckler. Witt. 1707. Ludov. Claud.
BOURDELIN. *Quæst. Med. An e Rheumatis-
mo recreatis, Pila prophylacticum?* Resp. Flo-
rent. Carol. Bellot. Aff. Paris. 1745.

§. 292.

Malum Ischiadicum, Rheumatismi (291)
species, in crure contingens, sive vehe-
mens dolor spasticus, femoris musculos in-
terioraque occupans, cum sensu pali frigidis-
simi, secundum femoris longitudinem inter
musculos infixi: et dolorem adeo fortem in-
ferens, ut æger vel ambulare prorsus non
possit, vel saltem femori inniti nequeat, sed
curvus incedere cogatur. Reliqua, ut in
Rheumatismo.

Vid. Georg. VVolfg. WEDEL. *Diff.*
sistens ægrum laborantem dolore Ischiadico. Resp.
Martin. Hohberg. Jen. 1681.

§. 293.

ATROPHIA denotat atoniam (137)
et contabescentiam (69) corporis, ac præfer-
tim

tim partium artuumque superiorum, tum et inferiorum, propter glandularum mesenterii et vasorum lacteorum obstructionem (59) ac ^{ven-} ^{entem} ^{hinc} succi nutritii defectum: quæ ætatem infantilem ac puerilem præ ceteris infestat,

Causæ sunt: voracitas et appetitus inordinatus (232) alimentorum crudiorum ingurgitatio: humorum spissitudo nimia (90): hæmorrhagiæ nimix (170), vermes intestinorum (245), febres suppressæ (149): rarius viscerum insolitus situs atque connexio inconsumpta (86).

Febrem inducit continuam (150) mitiorem, faciem pallidam, abdomen tumidum, sæpius nodosum: animi imbellicitatem, somnum levem inconstantem: appetitum vagum: alvum modo adstrictam, modo nimis laxam cum lieenteria (246. 252): corporis totius successive augescentem extenuationem.

Chronicum est malum, et sanatu difficile. Ea vero, quæ vermibus originem debet, facilius reliquis superatur. Remedia requirit relaxantia mitiora (11), et attenuantia (14), tam externa, quam interna.

* Atrophia aliquando specialiores aggredditur partes, e. g. oculi bulbum, intactis reliquis.

** Vid. Joh. Jacob. JANTKE. *Diff. de Atrophia infantum.* Resp. Anton. de Clericis. Altorf. 1714. Joh. Henr. SCHULZ. *Diff. de Atrophia.* Resp. Joh. David. Heydrich. Hal. 1735.


Joh. Valentin. CHUDEN. *Diff. de Methodo præservandi et curandi atrophiam infantum.* Gött. 1746 Christian. Steph. SCHEFFEL. *Diff. de Pædatrophia.* Resp. Joh. Mich. Mehlen. Gryph. 1747.

*** Atrophix species quoque est *contabescencia* corporis propter alimenti defectum, qui in adultis aliquando structuræ mutationem, partibus digestionem atque chylicationem dicatis supervenientem, pro fundamento habet (48. schol): aut compressionem oesophagi, a struma, aliove tumore adnato. Nec non *Marasmus senilis*, itidem structuram fibræ sensim mutatam sequens.

§. 294.

RHACHITIS, sive *morbis anglicus*, est species atrophix (293), in qua ossa et articuli firmitate naturali destituuntur, nodi in artubus accedunt, et superaccretiones, tandemque ossium cylindraceorum et spinæ dorsi incurvatio. Motui, usuique partium valde officit: malum format adhuc periculosius, quam atrophia consueta; quod in gradu vehementiori constitutum, rarissime sanatur. Reliqua, ut in Atrophia.

Vid. Sigism. Rupert. SULZBERGER. *Diff. de Rhachitide.* Resp. Christoph. Andr. Schöngast. Lipſiæ 1688. Laur. HEISTER. *Diff. de Rhachitide.* Resp. Joh. Georg. de Brocke. Helmſt. 1725.





INDEX.

A.

<i>Abortus</i>	§. 279
<i>Abscessus</i>	146
<i>Absorbentia</i>	14
<i>Acida</i>	13
<i>Acria mitiora</i>	11
<i>Acuta febris</i>	150, *
<i>Acutus morbus</i>	19
<i>Adstringentia</i>	12
<i>Aetiologia morborum</i>	27
<i>Affectio marmorea</i>	139, **
<i>Alvi obstructio</i>	252
<i>Amara</i>	11
<i>Amaurosis</i>	196
<i>Anasarca</i>	172
<i>Angina</i>	210
<i>Anglicus morbus</i>	288
<i>Anodina</i>	11
<i>Anthelmintica</i>	15
<i>Anthrax</i>	166
<i>Antiscorbutica herbæ</i>	169
<i>Aperientia</i>	12
<i>Aphonia</i>	211
<i>Aphthæ</i>	206
<i>Apoplexia</i>	194
<i>Appetitus deficiens 230. depravatus 232. nimius</i>	231
<i>Aromata, Aromatica</i>	11
<i>Arteriæ angustia, dilatatio, obstructio</i>	80
<i>Arteriæ sanguiferæ, lymphaticæ, serosæ, destructio</i>	81
	<i>Arthri-</i>

INDEX.

<i>Chlorosis</i>	173
<i>Chronicus morbus</i>	19
<i>Cholera</i>	247
<i>Chyli abundantia</i> 93. <i>consistentia insolita</i> 95.	
<i>defectus</i>	94
<i>Clavus hystericus</i>	177
<i>Coindicans</i>	36
<i>Colica</i> 253. <i>biliosa, convulsiva, flatulenta, hæ-</i> <i>morrhoidalis, nephritica, sanguinea</i> 253.	
<i>scorbutica</i>	169, *
<i>Coma</i>	293, *
<i>Compositus morbus</i> 20. 125. <i>partiales</i>	176
<i>Congestio humorum</i> 88 <i>sanguinis</i> 96. <i>serosa</i> 106	
<i>Consequentia morbi proxima, remota</i>	22
<i>Contagium</i>	136
<i>Contagiosa febris</i>	159
<i>Continens febris</i>	150, *
<i>Continua febris</i> 150. <i>quartana, quotidiana,</i> <i>tertiana</i>	151
<i>Contraindicans</i>	36
<i>Convulsio</i>	140
<i>Cordialia</i>	13
<i>Coryza</i>	202
<i>Crisis</i>	31
<i>Cruoris abundantia</i> 102. <i>defectus</i>	103
<i>Cura per expectationem</i>	39, ***
<i>Cynanche</i>	207, sch.

D.

<i>Delirium</i> §. 183. <i>acutum, vigil</i> 186. <i>somno-</i> <i>lentum</i>	184
<i>Dentitio difficilis</i>	205
<i>Dentium morbi</i>	86, **
<i>Diabetes</i>	265
<i>Diata</i>	3. 10
<i>Diagnosis morborum</i>	23
<i>Diaphoretica</i>	151
<i>Diar-</i>	

INDEX.

<i>Diarrhoea</i> 246.	<i>colliquativa</i>	246
<i>Dies criticus</i>		31
<i>Diluentia</i>		14
<i>Discutientia</i>		59, sch.
<i>Divisio medicinæ</i>		9
<i>Diuretica</i>		15
<i>Dolor</i> 138.	<i>partus spurius</i> 281. <i>post partum</i> 282	
<i>Dysenteria</i>		251
<i>Dysuria</i>		268

E.

<i>Effectus morbi</i>	§. 22.
<i>Emmenagoga</i>	15
<i>Embryonis motus nimius</i>	280
<i>Empirici</i>	7, **
<i>Emprophoronus</i>	139, **
<i>Empyema</i>	176, sch.
<i>Endemius morbus</i>	19
<i>Epidemicus morbus</i>	19
<i>Epilepsia</i>	141
<i>Exotomania</i>	192, sch.
<i>Erysipelas</i>	143, ***
<i>Evacuantia</i>	15
<i>Evacuaciones sistientia</i>	15, **
<i>Exanthemata</i>	160
<i>Exanthematicæ febres</i>	158
<i>Experientia medica</i>	7
<i>Exsiccantia</i>	14

F.

<i>Fames canina</i>	§. 227.
<i>Febris</i> 148.	<i>catarrhalis</i> 152. <i>contagiosa</i> 159.
	<i>continua</i> 150. <i>dysenterica</i> 59. <i>exanthematica</i> 158.
	<i>gangrænosa</i> 156. <i>hectica</i> 155.
	<i>hungarica</i> 166, *** <i>hydrophobica</i>
	<i>159. inflammatoria</i> 153. <i>intermittens</i>
	<i>149. lactea</i> 218. <i>lochialis</i>
	285

INDEX.

<i>Febris petechialis</i>	158.	<i>putrida</i>	156. 157.
<i>remittens</i>	151.	<i>scabiosa</i>	159.
<i>suppuratoria</i>	154.	<i>venerea</i>	159.
<i>vulneraria</i>			154
<i>Fibræ morbi simplices</i>	45.	<i>coactio nimia</i>	
	55.	<i>crassities nimia</i>	48.
		<i>durities nimia</i>	
	51.	<i>humiditas nimia</i>	50.
		<i>laxitas nimia</i>	
	54.	<i>mollities nimia</i>	52.
		<i>ruptio</i>	56.
		<i>siccitas nimia</i>	49.
		<i>tenuitas nimia</i>	47.
		<i>tensio nimia</i>	53
<i>Flatulentia</i>			236
<i>Fluidorum morbi</i>			87
<i>Fluor albus</i>			272
<i>Fluxus aurium</i>	198.	<i>coeliacus</i>	249.
		<i>hepaticus</i>	250
<i>Foetor oris</i>			207
<i>Furor</i>			192

G.

<i>Gangrena</i>			\$ 147
<i>Gangranosa febris</i>			156
<i>Gonagra</i>			282. 284
<i>Gonorrhoea</i>	273.	<i>virulenta</i>	274
<i>Gravedo</i>			202
<i>Gummata</i>			11
<i>Gutta serena</i>			196

H.

<i>Hæmoptysis</i>			\$ 223.
<i>Hæmorrhagiæ</i>	170.	<i>deficientes</i>	171.
	201.	<i>narium suppressa</i>	171.*
<i>Hæmorrhoides coecæ, externæ</i>	259.	<i>mucosæ</i>	
	259.	<i>nimiæ</i>	257.
		<i>suppressæ</i>	258
<i>Hereditarius morbus</i>			19
<i>Hæfrica febris</i>			155
<i>Hemicrania</i>			177
<i>Hemiplexia</i>			195
<i>Hepatitis</i>			242
			Hi-

INDEX.

<i>Historia medicinæ</i>	6
<i>Historia morborum</i>	41
<i>Humectantia</i>	14
<i>Humorum</i> abundantia 88. acrimonia 92. defectus 89. spissitudo 90. tenuitas	91
<i>Hungarica febris</i>	166, ***
<i>Hydatides</i>	273
<i>Hydrocele</i>	172, **
<i>Hydrocephalus</i>	179
<i>Hydrophobia</i>	188
<i>Hydrophobica febris</i>	159. 188
<i>Hydrops</i> 72. abdominis saccatus 172, **	
ascites 236. pectoris 222. pericardii 226	
uteri, tubæ, ovarii	278
<i>Hygieine</i>	2
<i>Hypochondriacum, Hystericum, malum</i>	256

I.

<i>Idiopathicus morbus</i>	§. 40
<i>Icterus</i>	174
<i>Iliacus morbus</i>	255
<i>Impotentia</i>	286
<i>Incidentia</i>	14
<i>Incrassantia</i>	14
<i>Incubus</i>	217
<i>Indicans, Indicatio, Indicatum</i>	36
<i>Infantum tormina</i>	254
<i>Inferctus viscerum</i>	175
<i>Inflammatiō</i> 142. lymphatica 144. sanguinea 143. serosa	145
<i>Inflammatoria febris</i>	153
<i>Insani</i>	190
<i>Intestinatorum inflammatiō</i>	244
<i>Irritantia</i>	11, **
<i>Ischiadicum malum</i>	292
<i>Ischuria</i>	269

L.

INDEX.

L.

<i>Lac</i> abundans §. 120. deficiens	§. 121
<i>Lactea</i> febris	214
<i>Lepra</i>	167, *
<i>Lethargus</i>	293, *
<i>Leucoplegmatia</i>	179
<i>Lienteria</i>	248
<i>Lipothymia</i>	181
<i>Liquidi</i> nervei morbi	113. 114
<i>Liquorum</i> particularium abundantia 108. acrimonia 112. color, odor, sapor insolitus 111. defectus 109. spissitudo, tenuitas 110	
<i>Lithontriptica</i>	15
<i>Lochia</i> nimia 283. suppressa	284
<i>Lochialis</i> febris	285
<i>Lum. rici</i> intestinales	241
<i>Lues</i> venerea	168
<i>Lunatici</i>	185

M

<i>Malacia</i>	§. 228
<i>Mania</i>	192
<i>Marasmus</i> senilis	287, ***
<i>Medicamenta</i> 3, * interna	11
<i>Medicina</i> , <i>Medicus</i> 2. clinica 4, sch. discendi ordo, partes 5. occasio 4. strictius dicta 3. 9.	
<i>Medulla</i> morbi	86, **
<i>Melancholia</i> 190. hypochondriaca	256
<i>Membranarum</i> morbi simplices	45, **
<i>Memoriae</i> debilitas	182
<i>Menses</i> emanantes 276. nimii 275. suppressi 276	
<i>Mesenterica</i> febris	157, *
<i>Methodus</i> medendi generalis	32
<i>Mictus</i> cruentus	266
<i>Milliaria</i> febris	158
<i>Morbus</i> 1. 17. compositi 20. 125. totales 135	
Ec	Mor

INDEX.

<i>Morbus duplex, triplex</i>	132.	<i>simplex</i>	20
<i>Morbi differentia</i>	19.	<i>tempora</i>	21
<i>Morbili</i>			162
<i>Morbillosa febris</i>			158
<i>Motus convulsivus</i>			140
<i>Muci in sanguine abundantia</i>	104.	<i>defectus</i>	
105.	<i>in urethra defectus</i>		124
<i>Mucilaginosi</i>			11
<i>Musculi irritabilitas</i>			75

N.

<i>Nausea</i>		§. 234
<i>Nephritis</i>		261
<i>Nervi angustia, destructio, obstructio</i>		84
<i>Nervei fluidi abundantia, elasticitas major</i>	113.	
<i>copia et elasticitas deficiens</i>		114
<i>Noctambulatio</i>		185
<i>Nostalgia</i>		191

O.

<i>Obstructio alvi</i>		§. 252
<i>Octana febris</i>		149
<i>Odontalgia</i>		204
<i>Odoratus deficiens</i>		203
<i>Oleosa</i>		11
<i>Opisthoronius</i>		139, **
<i>Ossis mollities, rigiditas</i>		85
<i>Otalgia</i>		197

P.

<i>Palliativa medela</i>		§. 38.
<i>Palpitatio cordis</i>		224
<i>Paracentesis</i>		172, **
<i>Paracynanche, Parasynanche</i>		207, sch.
<i>Paralysis</i>		195
<i>Para-</i>		

INDEX.

<i>Paraphrenitis</i>	228
<i>Paresis</i>	195,* 249
<i>Parotis pestilentialis</i>	166
<i>Partis color insolitus</i> 71. figura inconsueta 70 internæ denudatio 74. morbi simplices 45. numerus auctus 65. imminutus 66. sensibilibitas nimia 72. deficiens 73. situs, directio insolita 67. volumen majus 68. minus	69
<i>Partus dolores spurii</i>	2-81
<i>Pathologia</i> 2. generalis 17. medica 3. specialis	42
<i>Peracutus, Perperacutus morbus</i>	19,*
<i>Peripneumonia</i>	219
<i>Pestilentialis febris</i>	158
<i>Pestis</i>	166
<i>Petechialis febris</i>	158
<i>Petechiæ</i>	165
<i>Phthisis pulmonalis, renal</i>	155,*
<i>Phrenitis</i>	187
<i>Pica</i>	228
<i>Pinguedinis morbi</i>	86,**
<i>Plethora</i> 96. ad vasa, ad vires	96,*
<i>Pleuritis</i> 219. spuria	221
<i>Plica polonica</i>	178
<i>Podagra</i>	282. 284
<i>Pollutio</i>	271
<i>Polypus cordis</i>	225
<i>Priapismus</i>	139,**
<i>Prognosis generalis</i>	29
<i>Pulmonis cum pleura coalescentia</i>	86
<i>Pulsus differentia</i>	25
<i>Purgantia</i>	15,**
<i>Purpura</i>	161
<i>Purpurata febris</i>	158
<i>Pus</i>	146
<i>Putrida febris</i>	156, 157

INDEX.

Q.

<i>Quartana</i> , <i>Quartana duplex</i>	§. 149
<i>Quintana febris</i>	149
<i>Quotidiana</i> , <i>Quotidiana duplex</i>	149

R.

<i>Rabies canina</i>	§. 188
<i>Raucedo</i>	212
<i>Recidiva</i>	149
<i>Refrigerantia</i>	13
<i>Relaxantia</i>	11
<i>Remittens febris</i>	151
<i>Renum ulcus</i>	263
<i>Repellentia</i>	15, ** 177, sch.
<i>Rhacbitis</i>	294
<i>Rheumatismus</i>	291
<i>Risus Sardonicus</i>	139, **
<i>Roborantia</i>	11

S.

<i>Saburra intestinorum</i> , <i>ventriculi</i> §. 237. <i>verminosa</i>	233, 241
<i>Salivantia</i>	15, *
<i>Salivæ abundantia</i> 118. <i>odor</i> , <i>sapor insolitus</i>	119
<i>Sanguinis abundantia</i> 96. <i>defectus</i> 97. <i>elasticitas major</i> 100. <i>minor</i> 101. <i>spissitudo</i> 98. <i>tenuitas</i>	99
<i>Sanitas</i> , <i>Sanus</i>	I. 18, *
<i>Satyriasis</i>	139, **
<i>Scabies</i> , <i>ferina</i> , <i>scorbutica</i> , <i>venerea</i>	167
<i>Scelotyrbe</i>	169
<i>Scirrhus hepatis</i> , <i>lienis</i>	175
<i>Scorbutica febris</i>	159

Scor-

INDEX.

<i>Scorbutus</i>	169
<i>Semiteriana</i>	151
<i>Semeiotica generalis</i>	23
<i>Seri in sanguine abundantia</i> 106. defectus	107
<i>Serpigo hæmorrhoidalis</i>	259
<i>Sextana febris</i>	149
<i>Signa morborum generalia</i>	24
<i>Simplex morbus</i>	20. 43
<i>Singultus</i>	229
<i>Sitis nimia</i>	208
<i>Soda</i>	233
<i>Solidorum morbi simplices</i>	45
<i>Soporosi affectus</i>	193
<i>Spasmus</i> 139. cynicus	139. **
<i>Splenitis</i>	243
<i>Spōradici morbi</i>	19
<i>Sterilitas</i>	286
<i>Stermutatoria</i>	15. **
<i>Stomacace</i>	169
<i>Stranguria</i>	267
<i>Stupiditas</i>	189
<i>Sudatoria cura</i>	168
<i>Sudorifera</i>	15
<i>Sudoris vitia</i>	115. 117
<i>Suppressio urinæ</i>	264
<i>Supputatio</i>	146
<i>Suppuratoria febris</i>	154
<i>Surditas</i>	200
<i>Susurrus aurium</i>	199
<i>Sympathicus morbus</i>	40
<i>Symptoma</i> 40. urgens	40
<i>Synanche</i>	207
<i>Syncope</i>	181
<i>Syncretismus medicus</i>	7. ***
<i>Synochus putrida</i>	157. *

INDEX.

T.

<i>Tegumentorum morbi</i>	§. 86, **
<i>Tempora morbi</i>	21
<i>Tenesmus</i>	260
<i>Terrea</i>	14
<i>Tertiana febris, Tertiana duplex</i>	149
<i>Tetanus</i>	139, **
<i>Therapia generalis</i>	32
<i>Tinnitus aurium</i>	199
<i>Tormina infantum</i>	254
<i>Transpiratio aucta 115. deficiens 116. ejus at-</i> <i>que sudoris color, odor insolitus</i>	117
<i>Tremor artuum</i>	287
<i>Tumor oedematofus</i>	172
<i>Tussis 213. convulsiva 209. stomachalis 209, sch.</i>	
<i>Tympanites</i>	241

V.

<i>Variola §. 163. cuspidatæ, nothæ, ventosæ</i>	164
<i>Variolosa febris</i>	158
<i>Vasorum lymphaticorum angustia, dilatatio</i> <i>78. serosorum angustia, dilatatio, elastici-</i> <i>tas deficiens, nimia 79. sanguiferorum an-</i> <i>gustia, dilatatio 76. elasticitas deficiens,</i> <i>nimia</i>	77
<i>Venæ compressio, dilatatio, obstructio 82.</i> <i>lymphaticæ, sanguiferæ, serosæ, destructio</i>	83
<i>Veneri medela</i>	138
<i>Venerica febris 159. lues</i>	168
<i>Ventriculi inflammatio</i>	239
<i>Vermes intestinorum</i>	245
<i>Vertigo</i>	180
<i>Vesicæ urinariæ inflammatio 257. ulcus</i>	263
<i>Viscerum connexio, numerus insolitus 86. in-</i> <i>duratio</i>	175
	<i>Ulcus</i>

INDEX.

<i>Ulcus</i>	146
<i>Ungulum morbi</i>	86, **
<i>Volatilia</i>	11
<i>Vomica pulmonis</i>	220
<i>Vomitiva</i>	15, **
<i>Vomitus</i> 235. <i>cruentus</i>	238
<i>Urina</i> , <i>ceu signum</i> 26. <i>deficiens</i> 122. <i>ejus</i> <i>color ac odor insolitus</i> 123. <i>incontinentia</i> 270. <i>suppressio</i>	269
<i>Uromantia</i> , <i>Uroscopia</i>	26, *
<i>Uteri hæmorrhagia</i> . 277. <i>hydrops</i>	278
<i>Vulneraria febris</i>	154
<i>Uvula inflammatio</i>	176, *



Præter leviores quosdam errores typographi-
cos, in unica subinde litera, mirus iusta, con-
sistentes, e. g. pag. 2. lin. 26. *semelioticam*; 16.
lin. 19. *suffulta*, lin. 31. *evincunt* &c. B. L. legat
pag. 27. lin. 21. (13. *)

- - ~~41 - 29~~ vid. præter GALENUM in *Libr.*
de Different. morbor. et Sympt. itemque in *Libr.*
de Meth. Medend.

- - ~~60 - 14~~ add. Petr. Christoph. BURGMANN.
Hypothesos Stablianæ examen de anima rationali
corpus humanum struente. Rostoch. 1735.

- - 65. lin. 21. propterea

- - 72 - 25. lateant, aut non sint in promptu;

- - 78 - 15. formantibus, ac e compositis, com-
plicatam ægritudinem sistentibus,

- - 144 - 29. retardat, et excrementorum cola-
rem alterat;

- - 145 - 15. vel longiori vel

- - 148 - 4. aliquo modo (195, ***) admittit.

- - ~~150~~ postulat. Aliquando nausea (234) est
effectus, aut vomitum (235) præcurrit: sic autem
transitorium constituit malum.

- - 170 - 23. præter antiquissimos, e. g. GA-
LEN. *Method. med. Libr. XII. Cap. 8.* et alios

- - ~~178 - 20~~ EPILEPSIA.

- - 181 - 16. Pollicum et digitorum manus.

- - 187 - 22. durioribus, itemque inter mol-
liores, in minus elasticis.

- - 194 - 17. quando, cum aliquali puris copia,

- - 196 - 13. 14. interna inflammatione san-
guinea pag. 233. lin. 26. gula, trachea,

- - 260 - 8. alimentorum sale conditorum

- - 323 - 6. post incalescentiam

- - 328 - 10. venæsectionem

- - 334 - 3. faciei

- - 347 - 30. communia

- - 388 - 5. vena, vel nimius, vel sæpe ni-
mis, profluit;

- - ~~425 - 3. 4.~~ ac venientem hinc defectum

